

BIBLIOTECA NAZ.

Vittorio Emanuele-III

XXI

B

31

NAPOLI
















2

# NICOLAI VIGELII

Dialectica Iuris.



NICOLA

ALBERTI

Disquisitiones



# CAPITVM HVIVS OPERIS ELEN- CHVS.

## LIBRI PRIMI DE *expositione.*

Quid sit Dialectica, & quis eius sit vsus.	Pag.1.
Quotuplex sit Dialectica? Et de expositione.	3.
De vniuersorum distributione.	5.
De singulorum descriptione: necnon de prædica- bilibus & prædicamentorum definitionibus ac dif- ferentijs.	9.
De prædicamentis, seu subiectis.	11.
De personis.	13.
De rebus.	14.
De actionibus.	16.
De prædicabilibus, prædicatis, seu locis expositionis.	17.
De locis internis, & primùm de definitione.	ibid.
De genere.	21.
De specie.	22.
De differentia.	25.
De proprio.	27.
De toto & partibus.	30.
De coniugatis.	32.
De adiacentibus.	33.
De actibus.	36.
De subiecto.	37.
De connexis & relatiuis.	38.
De causis, & primùm de causa efficiente.	39.
De materia.	42.
De forma.	43.
De fine.	45.
De effectis.	47.
De	

De contingentibus.	58.
De nomine.	60.
De comparatis.	ibid.
De similibus & dissimilibus.	62.
De repugnantibus.	64.
De locis personarum specialibus.	69.
De locis rerum specialibus.	64.
De locis actionum specialibus.	69.
De composito themate, seu propositione.	78.
De locis compositi thematis tractandi specialibus.	82.
De officio thematis, siue legis.	84.
De ratione thematis siue legis.	85.
De thematis siue legis declaratione.	86.
De exceptionibus thematis siue legis.	87.
De ulteriore iuris descriptione.	89.
De iuris mutatione.	90.

## LIBRI SECUNDI DE

### inventionis.

De argumentatione.	93.
De quaestionibus.	94.
De quaestionibus forensibus.	99.
De compositis quaestionibus.	101.
De locis inventionis.	103.
Ab autoritate.	103.
A qualitate sententiae, vel propositionis.	109.
A definitione.	120.
A genere.	219.
A specie.	150.
A differentia & proprio.	156.
A toto.	158.
A parte.	173.
A coniugatis.	182.
Ab adjacentibus.	183.
A subiecto.	186.
A causa efficiente.	190.
A causa materiali.	209.
A causa formali.	210.
A causa finali.	212.

Ab ef.

Ab effectu.	221.
A contingentibus.	226.
A nomine.	229.
A comparatis.	232.
A simili.	245.
A dissimili.	247.
A repugnantibus.	ibid.
A locis personarum specialibus.	285.
A locis rerum specialibus.	293.
A locis actionum specialibus.	294.
A locis compositi thematis specialibus.	295.
A ratione legis, vel alterius dispositionis.	296.
A verbis legis, vel alterius dispositionis.	326.
Ab exceptione legis, vel alterius dispositionis.	329.
Ab ulteriore descriptione iuris lege introducti.	334.
A mutatione legis.	335.
De exceptionibus aduersus regulas hactenus enumeratas generalibus.	ibid.
De confutatione.	339.
De hypothesebus seu causis forensibus disputandis, & primum de actione inuenienda.	344.
De exceptionibus inueniendis.	346.
A persona facti.	351.
A re in qua, vel circa quam factum est.	354.
A causa facti.	357.
A modo facti.	362.
A loco facti.	364.
A tempore facti.	366.
Ab instrumento facti.	367.
Ab antecedentibus.	368.
Ab adiunctis.	370.
A consequentibus.	371.
De amplificationibus digressio.	373.
De altero exceptionum genere, quod sumitur ex re petita.	375.
De tertio exceptionum genere, quod sumitur ex persona actoris vel accusatoris.	377.
De quarta exceptionum genere, quod sumitur ex	per-

persona procuratoris.	379.
De sexto exceptionum genere, quod sumitur ex persona iudicis.	ibid.
De septimo exceptionum genere; quod sumitur ex loco actionis.	380.
De octavo exceptionum genere, quod sumitur ex modo actionis.	381.
De nono exceptionum genere, quod sumitur ex tempore actionis.	ibid.
De replicationibus, duplicationibus & sic deinceps inveniendis.	383.
De thesi seu questione iuris infinita disputanda.	391.
De facti questione disputanda.	396.
Ex persona facti.	399.
Ex re in qua, seu circa quam factum est.	402.
Ex causa facti.	404.
Ex loco facti.	ibid.
Ex tempore facti.	406.
Ex modo facti.	ibid.
Ex instrumento facti.	408.
Ex antecedentibus factum.	ibid.
Ex adiunctis facti.	410.
Ex consequentibus factum.	411.

### LIBRI TERTII DE IUDICIO.

De argumentationum formis.	413.
De inductione.	416.
De syllogismo.	421.
De syllogismo categorico.	428.
De syllogismo hypothetico.	436.
De syllogismo necessario, probabili & falso.	440.
De hypothesebus seu questionibus iuris finitis vel causis dijudicandis.	443.
De probationibus iniungendis, & de presumptionibus.	459.
De legitima presumptione.	460.
De presumptionibus questionum iuris.	477.
De presumptionibus questionum facti.	480.
De presumptionibus certarum causarum.	480.

De præsumptionibus certorum locorum.	488.
De exceptionibus præcedentium regularum generatilibus.	ibid.
De præsumptione arbitraria.	495.
De examine probationum.	497.
De supplendo eo quod partibus deest.	501.
De ijs quæ ipso iure nulla sunt.	507.
De causis extraordinarijs, & arbitrarijs.	513.

*Finis Elenchi capitum.*

422. e. *... locorum*  
- *... locorum*  
423. *...*  
424. *...*  
425. *...*  
426. *...*  
427. *...*  
428. *...*

*... locorum*

1

# DIALECTICES IVRIS CIVILIS, Liber primus.

## DE EXPOSITIONE.

### QVID SIT DIALECTICA, & quis eius sit vsus.

**D**IALECTICA ab alijs aliter definitur. Reuera tamen nihil aliud est quam ars differendi, dicta *ἐπὶ τῷ διαλέγεσθαι*, quod est differere, quod Germani dicunt *eigentlich von eim ding reden*. Sed & si quis eam definierit artem esse docendi & discendi, non aberrarit. Nam huius rei artem esse, nemo (credo) sanae mentis negauerit: cum etiam supputandi, cantandi, saltandi, & aliarum huiusmodi actionum artem aliquam esse conspiciamus, qua praediti melius ista agunt, quam alij eius artis imperiti. Ita quoque videmus multos certa ratione & arte melius tum docere tum discere: alios contra peius & difficilius; qui arte ista sunt destituti. Quanquam interdum aliqui arte ista destituti non infeliciter cum docent tum discunt, vel longa consuetudine, vel naturae bonitate adiuti: melius tamen idem facturi, si optimae naturae artem adiunxissent. Istam autem tam docendi quam discendi artem Dialecticam esse, in confesso est. quia hac definitur, quod sit ars artium, scientia scientiarum:

quoniam ductu eius alias artes atq; sciētias tum doceamus, tum discamus. quæ ratione Aristoteles quoque suam Dialecticam Organon siue instrumentum inscripsit, quod sit tractatæ philosophiæ quasi quoddam instrumentū, sine quo ista neq; tradi neq; percipi rectè possit. Cum ergo tria sint, quæ perfectæ oratione sūt, ut doceat, ut moueat, ut delectet is qui dicit: quemadmodum Rhetorica mouendi & delectandi præcepta tradit, sic Dialectica docendi viam monstrat. Et cum contrariorum eadem sit scientia atq; disciplina, qui docendi rationem scit, is discendi quoque rationem non ignorabit. Dialectica itaque ars docēdi & discendi rectè potest desiniri. Porro docendi & discendi munus latissimum est: nec enim in scholis tantum docetur & discitur, sed in foro quoque aduocati causas agendo defendendoq; docent, iudices audiendo discunt. In publicis etiam concionibus docetur ac discitur. In summa, omnis oratio, omnisq; adeò sermo hoc habet proprium, ut doceat eum qui audit: & docere potest, quamuis neque moueat, neque delectet: mouere autem & delectare non potest, quin simul & doceat. Nec solum docemus dicendo, sed etiam scribendo: quemadmodum non solum audiendo, sed & legendo discimus. Quinimò cogitando quoque & imaginando non pauca discuntur. Est igitur Dialectices vsus magnus in omni vita: quemadmodum & orationis & rationis cinationis. Hæc est illa scientia, quam apud Cicero-  
 nem Crassus formandis artibus necessariam putat, quamq;



quamq; capit esse in Iurisconsultis, quo tandem ius  
ciuile in certam artis formam redigeretur.

QVOTVPLEX SIT DIALE-  
ctica? & de expositione.

**C**Um autem (vt est ostensum) Dialectica docen-  
di viam monstret, sciendum doceri vel vt intel-  
ligat auditor, vel vt illi fides fiat. Illud fit exposicio-  
ne, hoc argumentatione. Sic si quaratur, quomodo  
gestum sit bellum Punicum secundum? opus est ex-  
positione Liuiana vel simili, non argumentatione;  
item si quaratur, quæ fuerit origo iuris ciuilis Ro-  
mani? sufficit ea exponere, quæ Pomponius l. 2. ff. de  
origine iuris, refert: item si quaratur, quid sit ius?  
satis est cum Celso respondere, artem esse boni & æ-  
qui. Quod si de hoc ipso adhuc dubitetur, An ius sit  
ars boni & æqui: tunc argumentatione opus est, pu-  
ta tali: Ars est collectio & ordo præceptionum alicu-  
ius rei. Sed ius est collectio & ordo præceptionum  
boni & æqui. Ergo ius est ars boni & æqui. Cum er-  
go duplex sit docendi ratio, duplex quoque Diale-  
ctica erit: vna quæ in expositione, altera quæ in ar-  
gumentatione consistit: quarum illa auditorem ha-  
bet ad credendum paratum, hæc reluctantem.  
Quemadmodum igitur Martianus iurisconsultus  
iurisdictionem aliam facit voluntariam, aliam  
contentiosam, l. 2. in prin. ff. de officio proconsulis:  
ita quoque Dialecticam aliam voluntariam dicere  
possumus, quæ scilicet in expositione consistit: aliam

Expositio  
arguitur

Argumentum fit

contentiosam, quæ consistit in argumentatione. Expositio itaque est oratio, quæ solam dicentis mentem explicat, nullo quo fides audienti fiat, adhibito. Argumentatio verò est oratio, quæ quis ei, de quo dicit, fidem facere conatur: quod sit argumentis, quæ tum inuenienda, tum dijudicanda sunt. Vnde hæc Dialectices pars, quæ in argumentatione consistit, subdividitur in inuentiuam & iudicatiuam. Quam plerique Dialecticorum primariam Dialectices diuisionem constituerunt, ad solam argumentationem, non etiam ad expositionem in suis præceptis respecientes. Verùm cum etiam sine argumentatione possit esse expositio, & non minor huius quàm illius sit utilitas, cum artibus ac scientiis formandis ac perdiscendis (vt alias utilitates omittam) omnino sit necessaria: non est hæc pars prætermittenda. Itaque prius nobis erit dicendum de expositione: hinc de argumentorum inuentione: tertio de iudicio. Expositionis autem partes duæ sunt. Vna quæ consistit in vnuerforum, de quibus dicturi sumus, distributione: altera in singulorum descriptione. Vtranque partem Cicero lib. 1. de Oratore complectitur, his verbis: Si aut mihi facere licuerit, quod iam diu cogito, aut alius quispiam aut me impedito occuparit, aut mortuo effecerit, vt primum omne ius ciuile in genera digerat, quæ perpauca sunt, deinde eorum generum quasi quædam membra dispertiat, tum propriam cuiusq; vim definitione declaret: perfectam  
artem

artem iuris ciuilis habebitis magis magnam atq; vberem, quàm difficilem & obscuram. Planè Dialectici quoque omnes vtrunque partem in suis Dialecticis tractant, dicentes Dialecticos proprium esse definire, diuidere & argumentari: sed ita de vtraque tractant, tanquam de argumentationis instrumentis, & inuentionis locis: non tanquam de expositionis, quæ & sine argumentatione esse potest, partibus. Sed & distributio descriptioq; nobis hic paulò aliter accipitur ac definitio & diuisio apud Dialecticos. Siquidem distributionem vocamus vniuersæ artis vel alterius rei, de qua quis dicit, æconomiam siue dispositionem. Descriptionem appellamus singulorum membrorum non definitionem solum, sed etiam aliam quamcunque expositionem, qua vis & natura rei proposita explicari atque intelligi possit.

## DE VNIVERSORVM distributione.

**V**Niuerforum distributio diuisionibus & subdiuisionibus perficitur. Est autem diuisio communioris rei in angustiores distinctio. Planè diuisio alia nominis dicitur, alia rei. Nominis diuisio est, quando vocabuli significationes, quæ interdū multæ sunt, exponimus: quam Boetius partitionem æquocationis vocat. Sic iniuria diuiso proponitur Institut. de iniurijs, in prin. Sic familia diuiditur in l. pronuntiatio. 195. ff. de verb. signif. De hac specie

diuisionis hic nihil agitur. Altera est diuifio rei. Ea est vel generis in species, vel totius in partes. Illa propriè diuifio, hæc partitio appellatur. Differt autem hæc fpecialis diuifio à partitione, ficut species à parte. De fpecie autem genus prædicatur, de parte totū non item. Nec enim quemadmodum dicimus, hominem eſſe animal: ita etiam dici poteſt, parietem eſſe domum. Diuifionis huius fpecialis tria ſunt præcepta: vt ſit bimembris: vt differentia, ex quibus diuifio conſtat, ſint repugnantes: vt deniq; omnes ſpecies rei diuidenda complectatur. Primum tamen nō perpetuò poteſt obſeruari: cū veris differentijs deſtituamur. Poteſt autem diuifio ſumi ex omnibus ſerè locis, ex quibus argumenta promuntur. Sic à cauſa efficiente ius aliud dicitur naturale, aliud gentium, aliud ciuile: à cauſa finali ius aliud dicitur publicū, aliud priuatum: à ſubiecto ius aliud circa perſonas verſari dicitur, aliud circa res, aliud circa actiones. Huiusmodi diuiſiones in diſtributione artis ſeu operis ſubdiuidenda ſunt, & ſingula ſubdiuiſiones rursus in anguſtiores ſpecies diuidenda. Hoc eſt quod ex Cicerone ſuprà retulimus, Omne ius ciuile in genera digerendum, deinde eorum generum quaſi quadam membra diſpertienda eſſe. Sic Imp. Iuſtinianus in ſuis Inſtitutionibus generali tractatu iuris præmiſſo, diuidit ius in ius perſonarum, rerum & actionum. De perſonarum iure tractat lib. primo: de rerum iure libro ſecundo, tertio & quarto: de actionum iure libro quarto, titulo ſexto, cum ſequentibus.

ribus. Sed & personarum alias duas facit diuisiones: vt diuidat homines in seruos & liberos: hos rursus in ingenuos & libertinos: item in eos qui sunt iuris alieni, & eos qui sunt sui iuris. singula in angustiores species subdiuidit, quod etiam in rerū & actionum iure facit, quemadmodū ex Resolutionibus Institutionū & huius Dialecticā hic adiectis patet. ††

Ad eundem modū potest vniuersi iuris à summis generibus ad infimas eius species distributio fieri: quemadmodum constat ex vreis Digestis, & tabulis adiectis. Huiusmodi distributiones in legendis authoribus in primis obseruare conuenit: nam incredibile dictū est, quā profuit ad singulorū lectionem & cognitionem, si prius, quomodo vniuersa cohaereant, perspiciamus. Quod non difficile est, si propositiones, partitiones, & transisiones in authorib. diligenter attendantur. Sic Rhodolphus Agricola in suis libris Dialecticis tractat tum de inuentione, tum de dispositione: quod patet ex cap. 8. in prin. lib. 3. De inuentione ita tractat, vt cū perfecta oratione tria fiant, vt doceat, vt moueat, vt delectet: primū docēdi praecepta tradat libris duobus prioribus: hinc praecepta mouendi lib. tertio, tribus prioribus capitibus: tertio delectandi praecepta dicto libro tertio, capite quarto, cum tribus sequentibus. In praeceptis docendi tradendis primū enumerat & describit locos inuentionis libro primo: hinc vsum locorum explicat libro secundo, quemadmodum patet ex capite secundo, in princip. dicti libri secundi.

*Vbi etiam proponit, se in vsu locorum explicando dicturum de materia, de qua differatur, seu de quaestione, de instrumento seu de oratione, & de tractatu, quæ singula ordine exequitur. Sed & singula hæc latius diducuntur, quemadmodum apud autorem ipsum videre licet. Ita in autoribus legendis ante omnia huiusmodi diuisiones & partitiones notanda sunt, ac vniuersi operis distributio attendenda, ac in tabulam redigenda est. Quæ res ad intelligendos authores plurimum habet momenti. Partitionis exemplum extat apud Plinium, qui naturales suas historias orditur à mundo tanquam à toto: hinc eam prosequitur per partes, incipiens à parte superiore, hoc est cælo, & syderibus, descendens per partes medias planetarum & aëris, ad partes terræ inferiores: vbi tractat tum de ipsa terra tanquam toto, tum de eius partibus, Europa, Africa, & Asia. Postea de ijs quæ in terra consistunt: vt de animalibus, plantis & alijs. Historici quoque plerunque temporis partes & ordinem sequuntur. Grammatici quoque in tradendis suis præceptis incipiunt primùm à minima orationis parte, hoc est litera: à literis progrediuntur ad syllabas, à syllabis ad vocabula, à vocabulis ad integram orationem. Primam partem Orthographiam appellant, alteram Prosodiam, tertiam Etymologiam, postremam Syntaxin.*

DIALECTICA IVRIS. 9  
DE SINGVLORVM DESCRI-  
ptione, necnon de prædicabilium &  
prædicamentorum definitioni-  
bus ac differentijs.

**Q**Uod si totius artis, quam molimur, distri-  
butionem conceperimus, vel vniuersi ope-  
ris, quod legendum proposuimus, dispositionem ob-  
seruauerimus: Altera cura est in singulorum mem-  
brorum descriptione. quod ( vt suprâ retulimus )  
Cicero vocat, Propriam cuiusque vim definitione  
declarare. Hic rursus duo sunt observanda. Primùm  
quidem thema, quod describitur: deinde loci, per  
quos illud describitur. Prius est id de quo dicitur, po-  
sterius est id quod dicitur: vtputa homo est animal.  
homo thema est. Esse animal est locus descriptionis,  
qui genus appellatur. Prius subiectum, posterius  
prædicatum Dialectici appellant. Sed et si quis prius  
prædicamentum, posterius prædicabile appellaue-  
rit, mea quidem sententia non aberrauerit. Prædi-  
camenta enim dicta videntur, quòd de ijs prædicari  
aliquid vel dici possit: quod si verum est, non solum  
decem genera summa, quæ Dialectici constituunt,  
prædicamentorum appellatione continebuntur, sed  
omnes etiam subiecta species. Neque enim minus de  
animali, de homine, de Titio vel Sempronio aliquid  
prædicari vel dici potest, quàm de substantia: non  
minus de iustitia & iniustitia, quàm de qualitate.  
Sanè si ideo prædicamenta dicerentur, quòd de alijs  
subiectis speciebus tanquam genera prædicarentur:



predicabilibus potius essent connumeranda, quàm  
 ab ijs separanda: cum genus quod de subiectis specie-  
 bus predicatur, predicabilibus connumeretur. Sed  
 hoc dictum est absurdum. Ergo probabilius est, pradi-  
 camentum dictum quòd de eo aliquid predicetur,  
 quàm quòd illud predicetur de alijs. Cui accedit  
 etiam Quintilianus lib. 3. Inst. orator. cap. 7. §. ac  
 primum Aristoteles, sic scribens: Aristoteles ele-  
 menta decem constituit, circa quæ versari  
 videatur omnis quæstio. De predicabili minus  
 dubium est id dictum, quòd de alijs predicetur. Et  
 vox Græca τὸ κατηγορούμενον & predicatū & præ-  
 dicabile significat. Differunt ergo predicabilia &  
 predicamenta non quemadmodum genus & spe-  
 cies, sed ut predicatum & subiectum: ut predica-  
 mentum sit id, de quo predicetur, predicabile id  
 quod predicetur, quorum illud priore, hoc postero-  
 re loco in composito themate, seu propositione poni  
 solet, quod tamen non est perpetuum. Nam propo-  
 sito aliquo simplici themate describendo, multa de  
 eo dici solent, quæ priore loco ponuntur, & id de  
 quo dicitur, posteriore: ut l. 4. ff. de contrab. empt.  
 Pomponius: Et liberi hominis (inquit) & loci  
 sacri, & religiosi, qui haberi non potest, em-  
 ptio intelligitur, si ab ignorante ematur. Hic  
 liber homo, locus sacer & religiosus, qui priore lo-  
 co ponuntur, predicantur de emptione tanquam  
 suo subiecto: quoniam principale illius tituli the-  
 ma est de emptione & venditione, ad quod respici  
 debet,



debet, quoties queritur, *utrum subiectum sit an predicatum?* Ex ijs autem quæ diximus, sequitur, tot esse predicabilia, quot sunt rerum describendarum loci: ut non solum genus, species, differentia, proprium, sint predicabilia, sed etiam definitio, diuisio, totum, partes, cause, effectus, &c. & sic omnia hæc accidentis appellatione, quod quintum predicabile numeratur, contineantur. Cum itaque duo in omni descriptione sint spectanda, nimirum id de quo dicitur, & id quod dicitur: ne varietas nominum aliquam pariat difficultatem: prius nobis thema, subiectum, & predicamentum appellabitur: posterius locus, predicatum & predicabile. De priore itaque prius, hinc de posteriore tractabimus.

## DE PRÆDICAMENTIS, seu subiectis.

**T**Hema itaque omne, de quo aliquid dicitur, quod & predicamentum appellamus, aut simplex est, aut compositum. Simplex: ut puta, ius, pactum, ars boni & equi, obligatio. Compositum est, quod constat ex duobus simplicibus: ut puta, ius est ars boni & equi: pactum obligationem non parit. quorum prius (ut diximus) etiam subiectum: posterius predicatū appellatur. Sed & de ipso composito themate, perinde ac de simplici, aliquid dici vel predicari potest: quo casu compositum thema simplicis naturam sortitur, & incipit subiecti loco

loco esse : de qua re infrà suo loco plura dicentur. Simplicis thematis decem genera summa Dialectici constituunt, quæ ( vt dixi ) prædicamenta vocant. quæ cum suis subiectis speciebus ex tabula hic adiecta patent. \*

Jurisconsulti tamen tria tantùm, de quibus in iure principaliter caueatur, tradunt : personam scilicet, rem, & actionem. Nam ita Caius Iurisconsultus : Omne ius ( inquit ) quo utimur, vel ad personas pertinet, vel ad res, vel ad actiones. Dialecticorum itaq; prædicamentis tanquam nimium generalibus omisiss, de his tribus, quæ in iure tractantur, tantùm agemus. *Persona* autem hoc loco non accipienda solùm pro indiuiduo, puta Titio, Seio vel Sempronio : sed etiam pro genere, seu homine, eiusq; accidentibus, puta pro magistratu, iudice, assessore, procuratore, milite, minore viginti quinque annis, fœmina, &c. Idem de re quoque & actione intelligendum : vt res non solùm in specie specialissima accipiantur, puta pro fundo Seiano : sed etiam in genere, puta pro fundo dotali, usufructu, seruitute, &c. & *actio* non pro iure persequendi in iudicio quod sibi debetur, hoc loco accipitur, sed pro factò : vt puta pro contractu, maleficio, &c. Et hæc quidem summa sunt genera eorum, de quibus principaliter in iure tractatur. *Per accidens* tamen multa in iure tractantur, quæ sub istis tribus generibus non continentur : vt puta de dolo malo, de culpa, de casu fortuito, de metu, de bona fide, de morbo

morbo fontico, deq̃, alijs tum corporis tum animi  
vicjs, quæ non principaliter, sed per accessionem,  
tanquam personarum, rerum & actionum quali-  
tates & circumstantiæ in iure considerantur. Quin-  
imo personæ quoque & res sæpe non per se, sed per  
accidens, quatenus actionum circumstantiæ sunt,  
describuntur. Sed & omnia ea, quæ insunt inter præ-  
dicabilia enumerabuntur, talia sunt, ut ordine con-  
uerso de ijs aliquid predicari possit.

### De personis.

Nunc species eorum, de quibus in iure principa-  
liter tractatur, videamus, & primum species perso-  
narum. Differentiæ itaque & species personarum  
constituuntur partim ex ijs quæ insunt homini, par-  
tim ex ijs quæ sunt extra hominem. Ea quæ insunt  
homini, duplicia sunt: aut enim in animo consistunt,  
aut in corpore. In animo sunt virtutes & vitia, ra-  
tio & affectus. Hinc alij furiosi, alij prodigi dicun-  
tur. In corpore consistit sexus, ætas, valetudo. Itaq̃,  
quæ pertinent propter sexum fœminæ, de quibus Se-  
natu consultum Velleianum factum est: propter æ-  
tatem pupilli, minores viginti quinque annis, senes,  
&c. propter valetudinem cæcus, mutus, surdus &  
iniles, de quibus passim in iure cauetur. Extra ho-  
minem sunt genus vitæ, dignitas, infamia, status seu  
conditio, diuitiæ, res gestæ, mors, & alia fortune  
et malæve. Quod ad genus vitæ attinet, illud tri-  
plex est: ciuile, contemplatiuum, & religiosum. Sub  
nullo genere continentur magistratus, consules,  
præto-

pratores, proconsules, legati, praesides, defensores ciuitatum, duumviri, decuriones, iudices, assessores, aduocati, procuratores, iurisconsulti, medici, duces, milites, &c. In altero genere continentur philosophi, professores, studiosi. In tertio episcopi, clerici, monachi, &c. Sub dignitate continentur tum illi de quibus diximus, magistratus, tum etiam honorati, vacantes, humiles & abiecti. Sub infamia qui notantur infamia: vt arenarij, cum bestijs pugnantes, & similes. Status & conditio vitae completitur seruos, filios familiarum, libertos, cohortales, curiales, colonos originarios, adscriptitios, &c. Sub diuitiarum loco comprehenduntur pauperes, mendicantes, &c. Ad res gestas pertinent interdicti, relegati, deportati, transfuga, captiui, postliminio reuerfi, reipub. causa absentes, emptor item, venditor, locator, conductor, & similes. Ad mortem pertinent testato vel intestato defuncti, apud hostes vel in hostico mortui, cadauera punitorum, &c. Sic ij quorum memoria damnata est, pertinent ad ea quae mortem secuta sunt. Haec de personis.

### De rebus.

Rei vocabulum generale est, & comprehendit omnem substantiam, de qua in iure tractatur, exceptis personis seu hominibus. Ideoq; rei appellatione continentur animalia bruta, supellex, aurum, argentum, vinum, frumentum, fundus, aedes. Item continet hoc vocabulum accidentia, de quibus in iure principaliter tractatur, quas res incorporales appellamus.

appellamus: vt vsumfructum, vsum, seruitutes prædiorum, ius patronatus, patriam potestatem, dominium, possessionem, & similia tam personarum quam rerum iura. Actionem quoque complectitur, quatenus est ius persequendi in iudicio quod sibi debetur. alioquin quatenus actio est facti vocabulum, peculiare predicamentum constituit, de quo infra. Quod de actione diximus, idem de exceptione quoque, replicatione, duplicatione, & sic deinceps intelligendum est, vt quatenus iuris appellatione continentur, inter res numerentur: quatenus facti sunt, actioni subijciuntur. Rei autem due potissimum diuisiones principales in iure habentur. Prima quidem alie res diuini iuris esse dicuntur, alie iuris humani. //

Diuini iuris res sunt sacre, sancte & religiosa. Res sacre sunt, quæ ritè per pontifices Deo consecratae sunt: veluti ades sacre, & donaria, quæ ritè ad ministerium Dei dedicata sunt. Sanctæ res sunt, leges, muri & portæ ciuitatum. Religiosæ res sunt, puta sepulchrum, vel locus in quem mortuus illatus est. //

Humani iuris res aut publicæ sunt, aut priuata. Publicæ sunt partim communes omnium: vt sunt mare & litus maris, flumina & ripæ, partim vniuersitatis: vt sunt theatra, stadia, serui & liberti vniuersitatum. Priuata res aut singulorum propriae sunt, aut quorundam communes, aut alienæ. Hæc de prima rerum diuisione.

Alterâ diuisione alie res sunt corporales, alie incorporales. Corporalium alie mobiles sunt, alie soli

Sacræ

Sanctæ

Religiosæ

Publicæ

Vniuersitatis

Priuatae

*Animata*  
*Inanimata*  
*Mobilia*  
*Incorporea*  
soli siue immobiles. Mobiles partim animata sunt seu semouentes, partim inanimata. Animata sunt oues, boves, equi, & cetera animalia bruta. Inanimata sunt: ut puta supellex, aurum, argentum, vinum, frumentum, &c. Soli siue immobiles res sunt pradia tum urbana, ut adificia: tum rustica, ut fundi. Incorporales res sunt, iurisdictio, dignitas, patria potestas, ius patronatus, dominium, possessio, usus-fructus, usus, seruitutes pradiorum, iter, actus, via, aquaductus, obligatio, actio, & similia tum personarum, tum rerum iura. Hac de diuisionibus & speciebus rerum.

### De actionibus.

*Publicae*  
*Privatae*  
*Civiles*  
*Militares*  
*Ecclesiae*  
*Publicae*  
*Privatae*  
Actionis vocabulum nunc facti est, nunc iuris, ut paulo antè diximus. Hic facti vocabulum est, continens omnes actus, quibus à legibus forma & modus praescribitur, & tam actionis quàm passionis praedamentum apud Dialecticos. Huius autem diuisio principalis haec est, quòd actio alia publica sit, alia priuata: publica verò vel ciuilis, vel militaris, vel ecclesiastica. Ciuiles actiones sunt, consultationes de publica vtilitate, iudicia tum publica, tum priuata: militares sunt, bellum, delectus militum, transitus. Ecclesiastici actus sunt, fides, haeresis, baptis-mus, Eucharistia, precatio ad Deum, sacrorum librorum lectio, ieiunium, sepultura, &c. Priuatae actiones tum ad obligandum, tum ad liberandum, item ad adquirendum & alienandum pertinent: ut sunt contractus, quasi contractus, delicta, quasi delicta,

delicta, testamenti factio, legatum, solutio, acceptilatio, nouatio, occupatio rei quæ nullius est, inuentio thesauri, traditio, adoptio, emancipatio, manumissio, & plures alia. Hæc de actionibus, adeoque de tribus predicamentis iuris ciuilibus, eorumque subiectis speciebus sint dicta. Nunc de ijs quæ de huiusmodi predicamentis siue subiectis predicari possunt, quæ predicabilia nobis sunt, dicendum est.

### DE PRÆDICABILIBVS, prædicatis, seu locis expositionis.

**P**redicabilia ergo, quæ & predicata, & locos expositionis, siue descriptionis appellamus, partim personis, rebus & actionibus communia sunt, siue generalia, partim singulorum propria siue specialia seu peculiaria. Prioris generis loci triplices sunt: interni, externi & medij. Interni sunt, qui in ipsa re, de qua prædicantur, hærent, fixique sunt: ut definitio, genus, species, differentia, proprium, totum, partes & coniugata. Medijsunt, qui circa substantiam rei describenda quàm proximè cohærent, quaque substantiam comitantur, & cum substantia intereunt: ut sunt adiacentia, actus & subiectum. Externi sunt, qui extra rem sunt: ut connexa, causa, effecta, contingentia, nomen, comparata, similia, dissimilia, & repugnantia: quæ singula ordine definitionibus & exemplis declarabimus.

De locis internis, & primùm de  
definitione.

Definitio igitur est, quæ quid res sit explicat. Sic



*vsusfructus definitio proponitur l. 1. ff. de vsufructu, his verbis: Vsusfructus est ius alienis rebus vtendi fruendi, salua rerum substantia. Nuptiarum definitio proponitur l. 1. ff. de ritu nuptiarum, his verbis: Nuptiæ sunt coniunctio maris & fœminæ, & consortium omnis vitæ, diuini & humani iuris communicatio. Porro definitionis proprium est, vt cum suo definito conuertatur. Definitionum autem alia essentialis est, alia causalis, alia quæ sit per partes vel species, alia denique per accidentia. Essentialis est, quæ per genus & veram differentiam essentiam rei explicat. Præcipuè tamen ea definitio essentialis censetur, quæ ex eodem predicamento & genus & differentiam colligit: vtputa, homo est animal rationale. Huius generis definitiones perpaucas, imò ferè nullas habemus. quòd veris differentijs destituamur. Causalis definitio est, quæ ex genere & causis conficitur: qualis est legis definitio l. 1. ff. de legibus in hæc verba: Lex est commune præceptum, virorum prudentum consultum, delictorum, quæ vel spontè, vel ignorantia contrahuntur, coërcitio, communis reipubl. sponsio. Hic genus legis est præceptum. Causæ legum efficientes sunt, viri prudentes, & communis reipub. sponsio, seu populi consensus. materia legum sunt delicta. finis est, vt delicta coërceantur. Per partes seu species definitur ius scriptum Instit. de iure naturali, gentium & ciuili, his verbis: Scriptum ius est lex,*

Essentialis

Causalis



lex, plebiscitum, senatusconsultum, principum placita, magistratuum edicta, & responsa prudentum. *Accidentalis denique definitio est, quæ ex genere & congerie accidentium conflatur, quæ non tam quid res sit, quàm qualis sit, explicatur. Hanc propriè descriptionem appellamus. cuius exemplum proponitur l. 2. ff. de legibus: vbi Demosthenes referente Martiano legem sic definit: Lex est, cui omnes homines decet obedire propter multa & varia: & maximè, quia omnis lex est inuentio quædam & donum Dei: dogma hominum sapientum: correctio voluntariorum & non voluntariorum peccatorum: ciuitatis compositio communis, secundum quam omnes decet viuere, qui in ciuitate sunt. Hæc de definitione, quatenus rei est, sunt dicta. Sed est & aliud genus definitionis, nominis scilicet, quæ definitio vim vocabulorum tam singulorum, quàm coniunctorum explicat. Huius exempla proponuntur in titulo de verb. significat. Sic l. 1. ff. d. tt. Vlpianus: Verbum hoc, Si quis, (inquit) tam masculos quàm fœminas complectitur. Huius definitionis species est etymologia. Vt l. 1. ff. de iusticia & iure, idem Vlpianus: Ius (inquit) à iusticia appellatū est. Item l. 239. §. 1. ff. de verb. signif. Pomponius: Serui (ait) ex eo dicti sunt, quòd Imperatores captiuos vendere, ac per hoc seruare, nec occidere solum. Item d. l. 239. §. de curiones, idem Pomponius:*

Ar. II.

Nonis  
 ar. II.  
 3. p. li.

Etymologia

Decuriones (*inquit*) ex eo dicti putantur, quòd initio cum coloniæ deducerentur, decima pars eorum qui deducerentur, consilij publici gratia conscribi solita sit. Huius generis etiam sunt allusiones vocabulorum: ut testamentum ex eo appellatur, quòd testatio mentis sit, *Inst. de test. ordin. in prin.* Tutores quasi tutores dicti sunt, sicut aditui dicuntur, qui ades tuentur. a

a *Inst. de tutel. §. est autem.*  
*Exemplis*

Huc etiam pertinet definitiones exemplares, quando exemplis seu casibus propositis vocabulum declaratur. ut *Inst. quib. modis tollitur obligatio. §. item per acceptilationem, Imp. Iustinianus*: Acceptilatio (*inquit*) est: ut puta quod ex verborum obligatione Titio debetur, id si velit Titius remittere, poterit sic fieri, ut patiatur hæc verba debitorem dicere: Quod ego promisi tibi, habesne acceptum? Et Titius respondeat, Habeo. Item Nouatio est, veluti si id quod tibi Seius debebat, à Titio dari stipulatus sis. Item nominis definitio est, quando per contrarium seu priuationem definimus. Sic l. Quintus Mutius. §. fin. ff. de auro & argento legato, Scauola: Aurum factum (*inquit*) rectè quis ita definierit, quòd neque in massa, neque in lamina, neque in signato, neque in supellectile, neque in mundo, neque in ornamentis sit. Et Pomponius l. 1. ff. de supellectile legata: Supellex (*inquit*) est domesticum patris familiæ instrumentum, quod neque argen-

argento, auróve facto, vel vesti adnumera-  
tur. Sed & plures species definitionis nominis enu-  
merat in suis Dialecticis Vvillichius, quas prudens  
praterco. Haftenus ergo de definitione sit dictum.

### De genere.

Secundum pradicabile est genus, quod plures sub  
se comprehendit species, quibus est commune: velu-  
ti animal comprehendit sub se hominem, equum,  
aves, pisces, &c. Huius exemplum proponitur l. 2.  
§. creditum. ff. si certum petatur: ubi creditum de  
mutuo pradicatur, tanquam genus de specie. Huius  
etiam loci est quod Vlpianus ait, a Hereditatem  
nomen iuris esse: quasi diceret, Hereditas est ius.  
item idem Vlpianus: b Lex Aquilia (inquit)  
plebiscitum est: cum eam Aquilius tribunus  
plebis à plebe rogauerit. Huc etiam pertinet,  
quod Imp. Iustinianus actionem dotis ex stipulatu  
inter bonæ fidei iudicia retulit, l. vnica. §. sed et si.  
C. de rei vxoria actione: item petitionem heredi-  
tatis, l. vlt. in fine. C. de petitio. hereditatis. Por-  
rò genus duplex est, generalissimum siue summum,  
& subalternum siue medium. Generalissimum siue  
summum est, supra quod non sit aliud, seu quod  
cum sit genus, species esse nequeat: cuiusmodi sunt  
apud Dialecticos decem pradicamenta, quibus nos  
personam, rem & actionem in iure assimilamus.  
Subalternum siue medium genus est, quod simul  
genus sit & species, diuerso tamen respectu: veluti  
Senatusconsultum: hoc enim respectu Senatuscon-

a l. 178. §. 1.  
ff. de verb.  
signif.  
b l. 1. in fi-  
ne. ff. ad l.  
Aquiliam.

*sulti Macedoniani, Velleiani, & Trebelliani genus est: respectu legis est species. quia omne senatusconsultum lex est: at non omnis lex est senatusconsultum. Sic etiam omnis lex regula est, l. 2. in fine. ff. de legibus. At non omnis regula lex est: quia non omnis regula ius facit, l. 1. ff. de reg. iuris. At omnis lex ius facit. Lex igitur respectu regula species est, respectu senatusconsulti est genus.*

### De specie.

*Ex his patet non solum quid genus sit, sed etiam quid sit species, scilicet id quod sub genere continetur. Sic senatusconsultum species est legis, lex species regula. Prædicatur autem species quoque de genere: veluti l. 1. §. conuentionis. ff. de factis. ubi Vlpianus: Conuentionis verbum (inquit) generale est, ad omnia pertinens, de quibus negotij contrahendi transigendi que causa consentiunt qui inter se agunt. Adeo autem conuentionis nomen generale est, ut eleganter dicat Pedius, nullum esse contractum, nullam obligationem, quæ non habeat in se conuentionem, siue re siue verbis fiat: nam & stipulatio, quæ verbis fit, nisi habeat consensum, nulla est. Hætenus verba Vlpiani, quibus innuit, Conuentionis species esse omnes contractus & transactiones, siue re fiant, siue verbis, siue nudo consensu. Sic etiam species prædicantur de genere, l. 1. ff. de officio præsidis, in hæc verba: Nomen præsidis generale est, eo quod & procōsules & legati Cæsa-*

æ faris, & omnes prouincias regentes, licet  
 natores sint, præfides appellantur. *Aliud*  
*exemplum, quo species de genere predicatur, pro-*  
*ponitur l. 28. in prin. ff. de verb. signif. his verbis:*  
*alienationis verbum etiam vlcupationem*  
*continet. Is quoque alienare dicitur, qui*  
*non vtendo amisit seruitutem. Aliud exem-*  
*plum est l. penult. §. fin. ff. de adq. possess. his ver-*  
*bis: Species inducendi in possessionem ali-*  
*enus rei est, prohibere ingredientem vim fieri.*  
*Aliud exemplum proponitur l. 71. ff. de reg. iuris.*  
*ubi Iulianus: Fructus rei (ait) est vel pignori*  
*are licere. Aliud exemplum est l. 56. §. 1. ff. de*  
*ortis. ubi Caius: Species lucris est (inquit) ex*  
*ieno largiri, & beneficij debitorem sibi*  
*acquirere. Aliud exemplum proponitur l. 67. in*  
*ne. ff. de verbor. signif. his verbis: Donationis*  
*verbum simpliciter loquendo omnem do-*  
*ationem comprehendit, siue mortis cau-*  
*sa, siue non mortis causa fuerit. Negatiue*  
*quoque species de genere predicatur: veluti d. l. 67.*  
*in prin. Vlpianus: Alienatum (inquit) non pro-*  
*priè dicitur, quod adhuc in dominio vendi-*  
*toris manet. quasi diceret: Alienatio non est ven-*  
*ditio, traditione non secuta. Sed exemplorum sa-*  
*tis. Quemadmodum autem de genere diximus, a-*  
*liud esse generalissimum seu summum, aliud mediū*  
*seu subalternum: ita species quoque alia media di-*  
*scitur, seu subalterna, alia specialissima seu infima.*

*Illa quidem est, quæ simul genus & species esse potest, diuerso tamen respectu: hac verò est, quæ de vno tantum prædicatur, nec genus esse potest, quæ aliàs indiuiduum dicitur. species igitur media seu subalterna est id, quod superius genus medium seu subalternum appellauimus: veluti lex, senatusconsultum: quoniam vtrunque & genus & species est, vt ostendimus. Sic etiam actio iuris est species, genus) verò actionis commodati, depositi, furti, &c. Species autem specialissima, quæ & infima & indiuiduum appellatur, vt diximus, est senatusconsultum Macedonianum de mutuo filiofamiliàs dato, item Velleianum de intercessionibus mulierum, Trebellianum de fideicommissarijs hereditatibus. Sic etiam hominis species infima est Titius, Seius, Sempronius: item adium, ades Titianæ: item fundi, fundus Seianus, &c. Item actionis species infima est, venditio à Sempronio facta: permutatio inter Titium & Seium celebrata: furtum à Mauiο commissum. Huius igitur loci sunt casus seu factorum species, de quibus sunt quæstiones iuris finita, quas hypotheses appellamus. Planè hoc loco non est dissimulandum, speciem mediam seu subalternam in iure non speciem, sed genus appellari, & solam speciem specialissimam seu indiuiduum speciei appellatione contineri. Sic Iulianus l. 54. in prin. ff. de verb. oblig. In stipulationibus (inquit) aliàs species, aliàs genera deducuntur: cum species stipulamur, &c. Species intelligens Stichum, Pamphilum, & alia indiui-*

individa: genera hominem, &c. quemadmodum patet ex subiectis ibidem exemplis. Sic etiam l. inter stipulantem. 83. §. sacram rem. ff. eod. tt. Vlpianus: Vini (ait) non speciem, sed genus stipulari videmur. Paulus quoque l. 3. §. genera. ff. de adq. possess. Genera possessionum (inquit) tot sunt, quot & causæ acquirendi eius, quod nostrum non sit: veluti pro emptore, pro donato, pro legato, pro dote, &c. genera possessionum dicens, quæ Dialecticus species possessionum appellasset. Idem tamen Paulus eodem loco propriè accipit genus & speciem, dicens: In summa magis vnum genus est possidendi: species autem infinitæ sunt. vel etiam potest diuidi possessionis genus in duas species: vt possideatur aut bona fide, aut non bona fide.

#### De differentia.

Porro quoniam sub vno genere species sæpe plures continentur, necesse est earum specierum differentias obseruari, vt inde diuisiones & subdivisiones generis in suas species sumi possint, de quibus supra diximus. Est autem differentia, qualitas, qua rerum species inter se differunt: veluti Rationale: hoc enim differt homo à brutis sub eodem genere contentis: nam homo quatenus animal est, à brutis, quæ & ipsa animalia sunt, nõ videtur differre. quatenus autem ratione pradius est, differt: indeq, animalium diuisio sumitur, qua alia rationalia, alia irrationalia dicimus. Sic pactum de non petendo &

b 5 trans-



transactio, licet sub eodem genere conuentionis vel liberationis contineantur: differunt tamen in materia subiecta. Ita enim Vlpianus leg. 1. ff. de transactionibus: Qui transigit (inquit) quasi de re dubia, & lite incerta neq; finita transigit. Qui verò paciscitur, donationis causa rem certā & indubitata liberalitate remittit. Sic etiam seruus & filius familiās, quamuis sub eodem genere contineantur: ambo enim in potestate sunt alterius: tamen inter alia in hoc quoq; differunt, quod filius familiās ciuilitè alij obligari possit, seruus non possit. Institut. de inutilibus stipulationibus. §. item inutilis, in fine. Planè differentia vel absoluta est, vel respectiua. Absoluta est, quæ etiam per se sine respectu alterius, cuius est differentia, poni potest: vt sunt exempla iam proposita. Respectiua est, quæ sine respectu alterius, cuius est differentia, poni non potest: veluti, creditum à mutuo eo differt, quo genus à specie. Nam creditum genus est mutui, l. 2. §. creditum. ff. si certum petatur. Hic differentia, quæ est genus esse, nō potest poni sine respectu & mentione mutui, cuius est differentia. At rationale esse, quæ est differentia hominis à cæteris animantibus, poni potest, etiamsi cæterorum animantium mentio non fiat: quemadmodum & de re dubia liteq; incerta neque finita transactionem esse, item seruum ciuilitè non obligari, poni potest, licet specierum cognatarū non fiat mentio. Respectiua differentia aliud exemplū proponitur, Inst. de iure naturali. §. plebiscitum.



bi Imp. Iustinianus: Plebs (inquit) à populo co-  
 differt, quo species à genere. melius dixisset,  
 Quo pars à toto. Nam plebs pars populi est, & po-  
 pulus totū, quod tam patricios & senatores, quàm  
 plebem complectitur. Huius etiam exemplum est, si  
 dicamus obligationem & actionem differre, quem-  
 admodum causam & effectum: quoniam obligatio  
 est actionis causa. item argumentum & argumen-  
 tationem differre, quemadmodū materiam & for-  
 mam. Illud enim materia, hac forma est. Postremo  
 id notandum, quòd differentia ex iisdem ferè lo-  
 cis, ex quibus argumenta, sumantur: quod de diui-  
 sione quoq; superius est annotatum.

### De proprio.

Proprium à differentia in hoc differt, quòd diffe-  
 rentia non nisi alterius respectu consideratur: pro-  
 prium verò per se sine respectu alterius. Sic rationa-  
 esse sine respectu quidem ceterorum animalium,  
 proprium est hominis: respectu verò ceterorum, dif-  
 ferentia est. Proprium cauillationis proponitur l.  
 titula. 117 ff. de verb. signif. ubi Ulpianus: Natura  
 cauillationis (ait) quam Græci σόφισμα appel-  
 lerunt, hæc est, ut ab euidenter veris per  
 euissimas mutationes disputatio ad eaque  
 euidenter falsa sunt, perducatur. Planè propriū  
 quatuor modis dicitur. Vno modo, quòd omni spe-  
 ci, de qua predicatur, inest, sed nō soli. Altero modo  
 intrā, quòd soli speciei inest, sed non omni. Tercio  
 modo, & omni & soli speciei, de qua predicatur,  
 inest,

*ineſt, ſed non ſemper. Quarto modo, quòd omni, & ſoli iſti ſpeciei, & ſemper ineſt. Primi modi ſunt ea quæ dicuntur eſſe iuris naturalis: ea enim omnibus hominibus propria ſunt, ſed non ſolis, verùm etiam cæteris animalibus communia. Sic enim Vlpianus l. 1. §. ius naturale. ff. de iuſticia & iure: Ius (inquit) naturale eſt, qd̄ natura omnia animalia docuit: nam ius iſtud non ſolùm humani generis proprium eſt, ſed omnium animalium, quæ in terra, quæ in cœlo, quæ in mari naſcuntur: auium quoque commune eſt. Hinc deſcendit maris atq; ſœminę coniunctio, quam nòs matrimonium appellamus: hinc liberorũ procreatio: hinc educatio. Videmus enim cætera quoque animalia, feras etiam beſtias iſtius iuris peritia cenſeri. Secundi modi ſunt ea quæ dicuntur eſſe iuris ciuilis. Hæc enim hominibus propria ſunt, non cum cæteris animantibus communia. Verùm non omnibus hominibus conueniunt, ſed ijs tantùm, inter quos ius iſtud receptũ eſt. Sic enim l. 9. ff. d. tit. Caius Iuriſconſultus: Quod quiſq; populus (inquit) ipſe ſibi ius conſtituit, id ipſius ciuitatis proprium eſt, vocaturque ius ciuile, quaſi ius proprium ipſius ciuitatis. Huius exemplum eſt patria poteſtas. Nam ita Imp. Juſtinianus Inſtit. de patria poteſtate. §. ius autem: Ius (inquit) poteſtatis, quòd in liberos habemus, proprium eſt ciuium Romanorum: nulli enim alij ſunt homines, qui talem in  
liberos*

beros habeant potestatem, qualem nos habemus.

*Tertij modi sunt ea quæ dicuntur esse iuris gentium. Hac enim & omnibus & solis hominibus propria sunt, non etiam cum cæteris animantibus communia. Ita enim d. l. 9. in fine, Caius: Quod naturalis ratio (inquit) inter omnes homines constituit, id apud omnes gentes peræquè custoditur: vocaturque ius gentium, quasi quo iure omnes gentes utuntur. Et Vlpianus l. §. fin. ff. eod. tit. Ius gentium (inquit) est, quo gentes humanæ utuntur: quod à naturali recedere facile intelligere licet: quia omnibus illud animalibus, hoc solis hominibus inter se commune sit. Non tamen semper ea quæ sunt iuris gentium, conueniunt: ut bellum gerere, in seruitutem homines redigere, manumittere, &c.*

*Quarti modi proprium est, Heredis institutio, quæ propria est testamenti, & cum suo subiecto conuertitur. Si enim testamentum est, necesse est ut habeat heredis institutionem: & si institutionem heredis habet, consequitur esse testamentum. l. 14. de testamentis. Huius etiam modi est, Iusticiam cuiusque tribuere: Cauillationem ab euidenter per breuissimas mutationes ad ea quæ euidenter falsa sunt, disputationem perducere. Ad hunc etiam modum officia cuiusque videntur pertinere: quæ quamuis non actu, tamen potentia saltem semper*

*per insunt, & conueniunt. Hac de proprio.*

*De toto & partibus.*

*Quemadmodum genus dicitur id, quod plures sub se comprehendit species: ita totum dicitur, quod partibus constat. Sic Caius leg. 1. ff. de origine iurū, Animaduerto (inquit) id perfectū esse, quod ex omnibus suis partibus constaret. Exemplum, quo partes predicantur de toto, proponitur l. 23. in princ. ibi: ut puta cum ades. ff. de vsucapionibus. vbi Sabinus: Aedes (inquit) ex duabus rebus constant, ex solo & superficie. Item aliud Instit. de hered. instit. §. hereditas, his verbis: Hereditas plerumque diuiditur in duodecim vncias, quæ absis appellatione continentur, &c. Item pars de toto predicatur l. per seruum. 14. §. si vsus fructus. ff. de vsu & habitatione. vbi Vlpianus: Fructui (inquit) & vsus inest. Contrā totum de parte predicatur l. fructus. 44 ff. de rei vendicat. his verbis: Fructus pendentes pars fundi esse videntur. Item l. solum. 49. ff. eod. tit. his verbis: Solum partem esse ædium existimo: nec alioquin subiacere, uti mare nauibus. Negatiuè totum de parte predicatur l. partum. 26. ff. de verb. signif. his verbis: Partus non est pars rei furtivæ. Planè non quemadmodum genus de specie, ita quoque totum de parte predicatur. Nam genus de specie in quid predicatur: puta si quæretur quid sit homo? rectè respondetur, esse animal. at interrogatus quid sit paries? non rectè respondebit esse*

esse domum, quamuis domus pars sit. Porro totius  
 res species fecit Rodolphus Agricola. Vnum vocat  
 totum substantiale: cuiusmodi est domus respectu  
 soli & superficiei. Alterum vocat totum quantita-  
 tis: ut decem respectu quinque. Tertium appellat  
 totum virtutis atque efficacie cuiusdam: cuiusmodi  
 est plus respectu minoris. veluti ius donandi respectu  
 iuris vendendi, l. cui ius est. 123. ff. de reg. iuris. Has  
 res species videtur designare Paulus l. 7. in prin. ff.  
 de exceptione rei iudicatae, dum dicit: Non inter-  
 est, utrum in corpore totum quaeratur, an in  
 quantitate, vel in iure. Moderni Iurisperiti pri-  
 mum genus appellant totum integrale. Sed & quar-  
 tum genus addunt, nimirum totum vniuersale, cuius  
 utraque pars corpus est perfectum & absolutum:  
 puta populus, grex, peculium, hereditas, familia,  
 &c. Quidam generale totum addunt. Sed inter ge-  
 nus & totum differentia est haud obscura, ut iam  
 ostensum. Sanè partium alia nomen totius retinent:  
 alia non retinent. Nomen totius retinet partes ligni:  
 nam qualibet pars ligni lignum vocatur: item qua-  
 libet pars lapidis, lapis. has ὁμογενῆς Græci appellant.  
 Non retinent nomen totius partes hominis, puta  
 nervi, ossa: nec enim rectè homo dicuntur.  
 Quare etiam partium alia dicuntur substantiales, alia  
 quantitatis seu integrales. Prioris generis sunt, ma-  
 teria & forma cuiuslibet rei: item in homine cor-  
 pus & anima. Posterioris generis sunt, decem in vi-  
 denti, l. 1. §. si stipulanti, ibi: ex contrario ff. de verb.  
 obligat.

obligat. item senatores & plebs in populo, Inst. de iure naturali. §. plebs autem. Ex his alia sunt primaria, sine quibus totum esse nequit: qualia sunt principalia membra in corpore humano: ut caput, cor, ventriculus. alia secundaria, quae non necessario ad constitutionem totius requiruntur: ut sunt pili, ungues, & priorum membrorum articuli. Sic hereditatis partes sunt ades, fundi, pecunia numerata, & aliae res tam mobiles quam immobiles, sine quibus tamen ipsa hereditas esse potest. Nam l. hereditas. 50. in prin. ff. de petit. hereditatis, Papinianus: Hæreditas (inquit) etiam sine ullo corpore iuris intellectum habet.

### De coniugatis.

Coniugata sunt vocabula eiusdem generis variè inflexa, seu à se inuicem derivata, sic dicta, quod ipsa vocis similitudine sub vnum iugum sunt deuincta: ut est sapientia, sapiens, sapere: hereditas, hæres, hereditarium. Prædicatur autem coniugatum de subiecto: veluti cum dicimus, ab vrbo urbem derivari: ab ope oppidum: à terrendo territorium, l. pupillus. 239. de verb. signif. à limine postliminium, Inst. quibus modis ius patriæ potestatis soluitur. §. hinc & limen. à iusticia ius, l. 1. ff. de iusticia & iure. Nam quoties Etymologiam subiecti loco ponimus, & id cuius est etymologia, loco prædicati: prædicatum dicimus coniugatū. Sed hæc de locis expositionis internis sint dicta. Nunc de medijs est dicendum: qualia sunt (ut ostendimus) adiacentia, actus & subiectum.

De

## De adiacentibus.

Adiacentia dicuntur, quæ cum sint diuersa à substantia rei, de qua pradicantur, insunt tamen ei, resq; ex ijs præter substantiam denominatur. Sic Cato, quoad substantiam, dicitur homo: quoad adiacentia, dicitur magnus vel paruus, formosus vel deformis, prudens, grauis, eloquens, &c. Sic l. 1. §. origo. ff. de postulando, Calphurnia dicitur improbißima fœmina. Sunt autem adiacentia duplicia: alia quantitatis, alia qualitatis. Quantitatis sunt, magnitudo & multitudo. Illa continua dicitur, eiusq; species sunt longitudo, latitudo & profunditas: hæc discreta nominatur, eiusq; species sunt numerus & oratio. Numerus comprehendit sub se pondus & mensuram. Magnitudinis exemplum proponitur l. 8. ff. de seruitut. rusticor. prædior. vbi Caius: Viæ latitudo (inquit) ex lege XII. Tabular. in porrectum octo pedes habet: in anfractum, id est, vbi flexum est, sedecim. Aliud exemplum proponitur l. 1. ff. de via publica: vbi cauetur, ne via publica sub specie refectionis vel altior, vel longior, vel lator, vel humilior fiat. Multitudinis exemplum est l. 29. §. stipulationem. ff. de verb. obligat. vbi Ulpianus: Stipulationem (inquit) legatorum constat vnâ esse, quamuis plura corpora sint, vel plura legata. Sed & familiæ, vel omnium seruorum stipulatio vna est: item quadrigæ aut leſticariorum stipulatio vna est. At si quis illud & illud stipulatus sit: tot stipulationes

6 sunt,



sunt, quot corpora. *Aliud exemplum proponitur l. 1. §. fin. ff. de stipul. seru. his verbis* : Cum seruus communis Titij & Mæuij stipulatur in hunc modû: Decem calendis Titio dare spondes? Et si decem calendis Titio non dederis: tunc Mæuio viginti dare spondes? duæ stipulationes esse videntur. *Aliud exemplum proponitur l. 3. ff. de peculio legato, his verbis* : Si ancilla cum natis legata sit, duo legata sunt separata. *Hæc de quantitatis adiacentibus. Qualitas autem est affectio animorum & corporum, aut secundum quam quales esse dicimur. cuius quatuor species numerantur* : habitus & dispositio; naturalis potentia & impotentia: affectus & affecta qualitas: figura deniq; & forma. quarum definitiones vide apud Dialecticos in predicamento qualitatis. nam quatenus de his aliquid predicatur, predicamentorum loco habentur: quatenus autem ea predicantur de alijs, adiacentium genere continentur. *Qualitatis exemplum proponitur Nouell. c. 82. in princ. vbi in iudice requiritur iuris peritia. Aliud proponitur l. 19. ff. de officio præsidis, vbi Callistratus* : Ius reddentem (inquit) in cognoscendo neq; excandescere aduersus eos quos malos putat, neq; precibus calamitosorum illachrymari oportet: id enim non est constantis & recti iudicis, cuius animi motum vultus detegit. *Aliud exemplum proponitur l. quid aliud. 86. ff. de verb. signif. vbi Celsus* : Quid aliud (inquit) sunt iura



iura prædiorum, quàm prædia qualiter se habentia: vt bonitas, salubritas, amplitudo. Aliud exemplum proponitur l. legatum. 113. §. fin. ff. de leg. his verbis: Fundus legatus talis dari debet, qualis relictus est. In his exemplis qualitas prædicatur de subiecto. Hæc de prima adiacentium diuisione sunt dicta. Alia diuisione adiacentium quedam dicuntur natia, quedam accessoria. Natia sunt, quæ à natura subiecto insunt: vt caliditas in igne, in bestijs feritas, l. 1. §. in bestijs. ff. si quadrupes pauperiem. In hominibus dissentienti facilitas, l. ite si vnus. 19. §. principaliter, in fine. ff. de receptis arbitrys. In fœminis imbecillitas, l. 2. §. verba. ff. ad S. C. Velleianum. Accessoria sunt, quæ extrinsecus accedunt: vt caliditas in aqua: feritas in equo, cane, &c. Inst. si quadrupes pauperiem. §. hæc autem actio. Accessoria adiacentia rursus diuiduntur in separabilia & inseparabilia. Separabilia sunt: vt rubor ex pudore, pallor ex timore, mansuetudo in feris bestijs, l. 5. §. in ijs autem. ff. de adq. rer. dom. furor intermittens, Inst. quibus non est permissum facere testamentum. §. furiosi. Inseparabilia sunt: nigredo in veste, furor perpetuus, morbus fonticus. Nam ita Venuleius l. animi. 65. §. 1. ff. de adilitio edicto: Quoties (inquit) morbus fonticus nominatur, eum significari Cassius ait, qui noceat: nocere autem intelligi, qui perpetuus est, non qui tẽpore finiatur. Postremò illud notandum, rerum non solum corporalium, sed & incorporaliũ, necnon actionum

& quarumlibet accidentium accidentia esse. Sic l. 106. ff. de reg. iuris, Paulus: Libertas (inquit) inæstimabilis res est. Item l. 164. ff. eod. tit. Caius: Libertas (inquit) omnibus rebus fauorabilior est. Item l. 1. in prin. ff. de constituta pecunia, Fidem fallere graue dicitur. Sic etiam l. 1. §. proinde. ff. de extraord. cognit. Ciuilis sapientia dicitur res sanctissima. Hæc de adiacentibus.

### De actibus.

Actus est id quod in exercitio seu actione circa subiectum consistit, oriturq; ex adiacentibus: vt ex morbo agrotare, ex affectibus excandescere, illa-chrymari, &c. continetq; tam actionem quàm passionem. neq; enim actus hic à passione distinguendus, quemadmodum predicamentum actionis apud Dialecticos: sed quocunque modo exerceri persona vel res aliqua dicitur, actus dici debet. Huc pertinent etiam officia personarum, puta magistratus, iudicis, assessorum, &c. quæ passim in iure præscribuntur. Rerum quoque & actionum actus sunt: vt l. 6. ff. de legibus. Modestinus: Legis virtus (inquit) hæc est: imperare, vetare, permittere, punire. Et l. 116. ff. de reg. iuris, Vlpianus: Consensus (inquit) bonæ fidei iudicia sustinet. Vt autem adiacentia, ita quoque actus alij natiui dicuntur, alij accessorij. Natiui: vt ignem calere, solem lucere, aquam à loco superiore ad inferiorem decurrere. Vnde Labeo l. 1. §. deniq; ait. ff. de aqua pluua ar-cenda: Si lex (inquit) non sit agro dicta, agri naturam

naturam esse seruandam, & semper inferiorem superiori seruire: atque hoc incommodum naturaliter pati inferiorem agrum à superiore, compensareque debere cum alio commodo. Sicut enim omnis pinguedo terræ ad eum decurrit: ita etiam aquæ incommodum ad eum defluere. *Accessorij actus sunt: ut aquam calere, equū ferocire, feram mansuetam esse, quæ abire & redire soleat, l. 5. §. in ijs autem. ff. de adq. rerum dom. Postremò actuum hæc quoque differentia est notanda, quòd alij opus post se relinquunt, ut ædificare, scribere: alij nihil operis relinquunt, ut ambulare, cantare, &c.*

#### De subiecto.

*Subiectum hoc loco dicimus id, cui adiacentia & actus insunt. hoc quoque interdum de adiacentibus & actibus suis predicatur. Sic l. 2. §. 1. ff. si certū petatur, Paulus: Mutui datio (inquit) consistit in his rebus, quæ pondere, numero, mensurave constant. Item l. 3. §. constituitur. ff. de vsu fructu, Caius: Constituitur (inquit) vsus fructus non tantum in fundo & ædibus, verum & in seruis, & iumentis, cæterisque rebus. Huius etiam exemplum est diuisio iuris ex subiecto sumpta, quæ ius aut ad personas, aut ad res, aut ad actiones pertinere dicitur: de qua supra est actum. Huc etiam pertinet, quod l. 1. §. fin. ff. de adilitio edicto, Iulianus ait, Viciū, quo seruus circa fana baccharetur, animi, non corporis esse. Hoc loco notandum, actuum*

duplex esse subiectum: id scilicet cui actus inest, & id in quod actus operatur, vel quod patitur ab agente. Sic in igne est calere: non tamen potest calere, nisi aliquid sit in quod agat, & quod calefaciat. Postremò subiectum est aut substantia, aut accidens, nam quot sunt predicamenta apud Dialecticos, tot etiam sunt subiecti genera. Neque enim substantia solum, sed etiam accidentibus adiacentia & actus insunt, vt paulò superius ostendimus. Et cum dicimus, Virtutem consistere in actione: actio subiectum est virtutis, quod de ea predicatur, & accidens est, non substantia. Hac de subiecto, adeoq; de locis medijs sint dicta. Super sunt loci externi, quorum nomen diximus esse: cōnexa, causas, effecta, contingentia, nomen, comparata, similia, dissimilia, & repugnantia, de quibus nunc ordine dicetur.

### De connexis & relatiuis.

Connexa sunt, quae neq; in re sunt, neq; ei adherent, sed extrinsecus ei accidunt, à quibus perinde ac ab adiacentibus res denominari solet: veluti diuitia connexa sunt diuiti: sunt enim extra illū: habet tamen ab ijs, quod diues denominatur. Sic & maritus dicitur ab vxore, & vxor à marito. Cōnexa itaq; hoc cum adiacentibus habent commune, vt perinde ab his atq; ab istis subiectum denominetur. In eo tamen differunt, quòd adiacentia sunt in re, connexa sunt extra rem. Sed & in eo differunt, quòd adiacentia non possunt sine subiecto suo esse, ideoq; eo sublato necesse est adiacentia quoq; tolli, vt calor nō potest

potest esse sine eo quod est calidum. At in connexia potest alterū remanere, quamuis alterum perierit: ut quamuis perierit diues, nihilominus diuitia superesse possunt: & mortuo marito, nihilominus vxor, à qua maritus denominabatur potest superuivere. Connexorum itaque locum obtinent fortuna bona malæ. genus vitæ, status & conditio, amici, propinqui, parens, patronus, dominus, seruus, liber, rus, filius: item aquale, inaquale, maius, minus, par, contrarium, simile, dissimile. In summa, omnia quæ in predicamento Relationis à Dialecticis ponuntur, sub connexorum loco numerari possunt. Huius igitur loci exemplum est l. 2. in prin. ff. qui satisfacere cogantur: ubi fideiussor locuples dari iubetur. item l. 36. ff. de pœnis: ubi dicitur, In metallum damnatos effici seruos. item l. pronunciatio: 195. §. fin. ff. de verb. signif. ubi Paulus: Mulier (inquit) familiæ suæ & caput & finis est. Diuiduntur autem connexa, quod alia quidem nomen idem habet cum suo subiecto, quod ab ijs denominatur: ut amicus, ad finis, socinus, hospes, hostis. alia verò diuersum ab eo nomen habent: ut pater & filius, dominus & seruus, patronus & libertus, reus stipulandi & promittendi, actor & reus, emptor & venditor. Hæc de connexis sint dicta.

### De causis, & primum de causa efficiente.

Causa est id, propter quod aliquid est, vel esse potest. eaq̃ est quadruplex; nimirum causa efficiens;

de quib.  
 §. inue-  
 rata. ff. de  
 gib.  
 penult. ff.  
 tt.

*materia, forma, & finis. Efficiens causa est, à qua effectus absolvitur. Sic causa legum efficiens est tum legislator, tum populi consensus. Nam ita Iulianus: Ipsæ leges (inquit) nulla alia ex causa nos tenent, quam quòd iudicio populi receptæ sunt. Et Modestinus: Omne ius (ait) aut consensus fecit, aut necessitas constituit, aut firmavit consuetudo. Sic etiam l. 30. ff. de reg. iuris, Ulpianus: Nuptias (inquit) non concubitus, sed consensus facit. In his exemplis causa efficiens predicatur de suo effectu. Porro possunt eiusdem rei plures esse cause, quæ vel coniunctim vel successivè requiruntur ad rem perficiendam, vel quarum qualibet per se sola sufficit. Sic obligationis & actionis causa sunt ius & factum, quorum alterutro deficiente, deficit actio: omnis enim obligatio & inde descendens actio ex facto aliquo oritur, puta ex contractu vel quasi delicto. Ideoq; si deficiat factum huiusmodi, deficit etiam obligatio, quamvis ius non deficiat. Sed & factum per se non sufficit, nisi & ius concurrat; quod ex istiusmodi facto det actionem. Hoc est quod Aristoteles lib. 5. Ethicorum ait: legitimum ius id appellari, quod initio nihil intersuit sic an seculus fieret: cum autem latum positumq; esset, iam interesse. Quod de obligatione & actione dictum est, idem de exceptione quoque intelligi debet, ut alterutro vel iure vel facto deficiente, non oriatur, neque competat exceptio. Vnde duplex questio in iudicijs agitari solet, iuris & facti; de qua re infra suo loco*

loco dicentur plura. Successiue plures causa aliquid efficiunt, puta duo facta requiruntur ad actionem ex stipulatu producendam: primum enim necesse est, ut praecefferit stipulatio: deinde, ut contra illam stipulationem sit factum. item ad dominium adquirendum requiritur primum, ut emptio vel alia similis causa praecefferit: deinde, ut hanc traditio sit secuta. quorum alterutro deficiente, in priore quidem casu deficit actio ex stipulatu, in posteriore vero dominij adquisitio. Inde dicitur causarum alias remotas esse, alias propinquas. ut in exemplis iam propositis remota causa sunt, stipulatio & emptio: propinqua sunt, factum contra stipulationem commissum, & traditio. Ex pluribus causis qualibet per se producit eundem effectum: veluti actio vel exceptio iurisiurandi competit, siue iusiurandum delatum praestitum sit, siue cum quis prestare paratus esset, illi remissum sit. Ita enim l. 9. §. 1. ff. de iureiurando, Ulpianus: Iureiurando (inquit) dato vel remisso, reus quidem acquirit exceptionem sibi alijsque: actor vero actionem. Postremo sciendum, plura causarum efficientium genera esse, de quare Dialectici consulendi sunt. Occasio quoque inter causas efficientes numeratur. Sic enim l. qui occidit. 30. §. in hac. ff. ad l. Aquiliam, Paulus: Et qui occasionem damni praestat (inquit) damnum fecisse videtur. Solet etiam dici, occasionem furem facere. Origo quoque inter efficientes causas numerari potest, cuius exemplum proponitur l. 1.



§. *sexum. ff. de postulando. vbi Vlpianus ait: Ori-*  
*go verò introducta est à Calphurnia impro-*  
*bissima foemina, quæ inuerecundè postulans*  
*& magistratum inquietans causam dedit e-*  
*dicto. Præterea inter causas efficientes numerandæ*  
*sunt causa corrumpentes, quibus res interit: quia*  
*vnus corruptio, solet esse generatio alterius: quem-*  
*admodū & contrà vnus generatio, est alterius cor-*  
*ruptio. Sic causæ, ex quibus tollitur obligatio, libe-*  
*rationis sunt causæ efficientes. & Vlpianus l. 1. in fi-*  
*ne. ff. pro derelicto: hîdem ( inquit ) modis res*  
*desinunt esse nostræ, quibus adquiruntur.*  
*Proinde vnus acquisitio, alterius amissio est. Huc,*  
*itaq; pertinent causæ seu modi, quibus tutela & cu-*  
*râ finitur: quibus patria potestati soluitur: quibus pi-*  
*gnoris contractus tollitur, & aliæ plures, quæ passim*  
*in iure enumerantur. Negatiuè causæ de subiecto*  
*prædicatur, tum in eo quod suprà dictū est, Nuptias*  
*non concubitū facere: tum l. 8. ff. de regul. iuris. vbi*  
*Paulus: Iuræ ( inquit ) sanguinis nullo iure ciuili*  
*dirimi possunt. Sed hæc de causâ efficiente.*

### De materia.

*Materialis causæ est id, ex quo aliquid efficitur.*  
*Sic ex vino & melle mulsum fit, ex auro & argen-*  
*to electrum, Inst. de rer. diuis. §. si duorum. Ex vuis*  
*vinum, ex oliui oleum, ex lana vestimentum, ex ta-*  
*bulis nauis, Inst. d. tt. §. cum ex aliena. Pecunia quo-*  
*que peccâdi materia dicitur l. 1. in princ. ff. ad S. C.*  
*Macedonianum, Planè materia tripliciter acci-*  
*pitur:*



pitur: primum pro eo, ex quo aliquid fit: idq; propriè materia dicitur. deinde pro eo, in quo aliquid est: quod suprà subiectum appellauimus. Sic scriptura materia dicitur charta, Inst. de test. ord. §. nihil autem. & l. i. in prin. ff. de bonor. posses. secund. tabulas. Deniq; accipitur pro eo, circa quod aliquid versatur, quod aliàs obiectum dicitur. Sic materia artium dicuntur res, circa quas versantur: & materia Dialectices à Rhodolpho Agricola dicitur quaestio. Præter has significationes materia etiam sumitur pro eo quod ad ædificandum, fulciendūve destinatum est, separaturq; ab eo quod comburendi causa paratum est, l. 53. ff. de leg. 3. vbi Iulianus: Ligni appellatio (inquit) nomen generale est, sed sic separatur, vt sit aliud materia, aliud lignum. Materia est, quæ ad ædificandum, fulciendūve necessaria est. Lignū, quidquid comburendi causa paratum est. Postremò de materia cultus & ornatus cauetur l. vnica. C. nulli licere in frenis, &c. vbi inter cetera dicitur: Nulli priuatorum liceat (exceptis scilicet ornamentis matronalibus, & tam muliebrium quàm virilium annulorum habitu) aliquid ex auro & gemmis, quod ad cultum & ornatum imperatorium pertinet, facere. Item l. i. §. si quis terrenum. ff. de iuris, prohibetur, ne quis terrenum lapideum faciat. Hac de materia.

## De forma.

Forma rei est id, quod oculis cernitur, seu est  
modus

modus quidam materiae, quo ei contingit, ut huius vel illius speciei nomen capiat: ut puta lignum materia est, ex quo vel navis, vel aliud quid fabricari possit: idque, quod ex eo fabricatum oculis cernitur, forma est: quae alias species dicitur. Vt Inst. de rerum diuis. §. cum ex aliena. ubi Imp. Iustinianus: Cum ex aliena materia (inquit) species aliqua facta sit, &c. Vbi vuae, oliuae, & spicae materiae dicuntur: vinum quod ex vuis, oleum quod ex oliuis, & frumentum quod ex spicis conficitur, species appellatur, seu forma. Est itaque forma, quidquid oculis cernitur: nam equum, canem, ceteraque animalia ipsa non videmus, sed eorum formam: differtque in eo materia & forma, quod materia semper maneat, forma mutetur alia in aliam: ut massa in cyathum, & rursus cyathus in massam vel aliam speciem. Iuxta formam dicitur aliquid rectum, curuum, rotundum, humile siue depressum, & sublatum. Ideoque huc pertinet, quod l. 1. §. sed si eundem. ff. de riuis, Vlpianus ait: Si eundem riuum deprimat, vel attollat, aut dilatat, vel extendat, impunè prohiberi potest. Huc item pertinere videtur incile, quod d. l. 1. Vlpianus definit esse locum depressum ad latus fluminis: item de forma cauetur l. 10. in princ. ff. de seruit. urbanor. praed. his verbis: Qui luminibus vicinorum officere, aliudve quid facere contra commodum eorum volet, sciat se formam ac statum antiquorum aedificiorum custodire debere,

## De fine.

Supereſt vt de finali cauſa dicamus, quæ eſt omnium cauſarum potiſſima. Eſt autẽ finis id, propter quod res fit: ſeu vſus rei, propter quem aliquid faciunt. Eſtq; prudentiæ pars non minima, in omni actione quàm creberrimè ad finem, propter quem actio ſuſcepta eſt, reſpicere: ita enim non facilè à ſcopo aberramus. vnde vulgaris ille verſiculus:

*Quidquid agis, prudenter agas, & reſpice finem.*  
 Ex hoc loco ſumpta eſt diuiſio iuris, qua ius aliud publicum, aliud priuatum eſſe dicitur, l. 1. §. huius ſtudij. ff. de iuſticia & iure. Cum enim finis & vſus legum ſit vtilitas humana, eaq; vel publica ſit, vel priuata, euenit inde vt & ius aliud publicum, aliud priuatum dicatur. Fructuum finis proponitur l. 28. §. fin. ff. de uſuris. vbi Caius: Omnes fructus (inquit) rerum natura hominum gratia comparauit. Filiorum finis proponitur l. liberorum. 220. §. fin. ff. de verb. ſignif. vbi Calliſtratus: Idcirco (inquit) filios filiàsve concipimus atque edimus, vt ex prole eorum earumve diuturnitatis nobis memoriã in æuum relinquamus. Poſſeſſorij iudicij finis duplex proponitur l. 1. §. & conſequenter. ff. vti poſſidetis. vbi Pedius ait: Omnis de poſſeſſione controuerſia aut ad hoc pertinet, vt quod non poſſideamus nobis reſtituatur: aut ad hoc, vt retinere nobis liceat quod poſſidemus. Fideiuſſorum finis proponitur l. 1. §. ſed aut proprio. ff. de act. & oblig.  
 his

his verbis: Fideiutores accipimus, ut quod in obligationem deduximus, tutius nobis debeat. Porro finis duplex est. Summus seu principalis, & conferens seu medius. Summus seu principalis est status cuiuslibet rei perfectissimus: ut ignis, finis summus est, quam maximè calidum & siccum esse: aqua finis summus, quam maximè humidam & frigidam esse. Sic arboris, sic bouis, sic equi, perfectissima absolutissimaque habere, quæ ei tribuit in suo genere natura. Conferens seu medius finis est, qui ad principalem tanquam pedissequus accedit, & ad eum consequendum pertinet: ut in animalibus cibus, potus, somnus, &c. sine quibus ad principalem finem perueniri non potest. Sic ad exhibendum actio medium finem habet, ut res exhibeatur: summum seu principalem, ut res exhibita vindicetur, l. 1. ff. ad exhibendū. & l. 22. ff. de verb. signif. Sic actionis præiudicialis, qua quis filius alicuius esse dicitur, finis quidem medius est, ut quis filius defuncti iudicetur: principalis verò, ut ei hereditas defuncti restituatur. Planè finis alius proprius est, alius improprius. Sic vini vsus & finis proprius est sitim extinguere, & naturam hominis iuuare: improprius finis est, inebriari: quem abusum appellamus. Postremò inter finem & officium differentia notanda est. Differunt autem quemadmodum scopus, & iactus, qui ad scopum tendit. Nam finis scopus est, ad quem officium dirigitur. Sic finis medici est, sanitas aegroti: officium est, curare & remedia adhibere, quo sanitas contin-

gat. Sufficit autem in iure officium suum fecisse, quamvis finem quis non sit affecutus. Sic l. qui mutuum. 56. §. fin. ff. mandati, Papinianus : Sumptus (inquit) bona fide necessariò factos, etsi negotio finem adhibere procurator non potuit, iudiciò mandati restitui necesse est. *Hactenus de causis.*

### De effectis.

*Ex causis oriuntur effectus. Siquidem effectus nihil aliud est, quàm res quæ causam antecedentē suo tempore & modo sequitur, variatq; iuxta causas. Sic actio effectus est obligationis : obligatio effectus est contractus vel maleficij cuiusdā. Exemplum quo effectus de causa sua predicatur, proponitur l. obseruandum. 19. ff. de officio praefidis. vbi Callistratus: Ex conuersatione (inquit) æquali contemptus dignitatis nascitur. Aliud exemplum proponitur l. 7. §. sed cum nulla. ff. de pactis. vbi Vlpianus : Nuda pactio (inquit) obligationem non parit, sed parit exceptionem. Porro quemadmodum eiusdem rei plures interdum solent esse causæ, ut suprà ostendimus; ita vicissim vnius & eiusdem causæ plures interdum sunt effectus. Sic si quis seruum alienum iniuriosè verberat, ex vno facto incidit & in legem Aquiliam, & in actionem iniuriarum, l. 33. ff. de act. & oblig. Sic si colonus ex fundo aliquid subtraxerit, condictio furti actio, nec non actio locati aduersus eum oritur, d. l. 33. Effectuum autem alius necessarius est, alius contingens.*

*Necessarius.*

*Necessarius, veluti actio necessariò consequitur ex obligatione, quemadmodum dies oriente sole, quam interdum dies actionis pendet: puta si ex die quid sit promissum. Contingens effectus est, qui non necessariò sequitur causam. vt l. 3. §. fin. ff. de suppellectile legata, Paulus: Error (inquit) ius facit. Neque enim sequitur: Error est, ergo & ius est. Hac de effectis.*

### De contingentibus.

*Contingentia sunt signa quadam & vestigia rei vel antecedentia, vel adiuncta, vel consequentia. Antecedentia, veluti serenitatem antecedere solet vespertinus occidentis rubor: eadem solent precedere mina. Adiuncta sunt: veluti rubor in verecundia, pallor in metu: item pestis adiuncta sunt, corporis grauitas, lassitudo, segnitie, & difficultas spiritus, item testamenti factionis adiuncta sunt, nuncupatio heredum, exheredatio, substitutio, &c. Consequentia denique sunt, quæ rem consequi solent. Sic cicatrices vulnery contingens sunt: homicidij perpetrati contingens est fuga. Contingentium autem alia necessaria sunt, alia non necessaria. Necessaria: veluti partus necessarium contingens est concubitus cum viro: item mors contingens necessarium est vulnerati cordis. Non necessaria sunt: veluti pauperem, qui sumptuosè viuat, furem vel raptorem esse. item fuga contingens est non necessarium perpetrati homicidij. Hac de contingentibus: de quibus tamen plura dicetur infra in locis actionis specialibus: ite in facti questione probanda.*

De

## De nomine.

Nomen est vox ad rem significandam consensu hominum instituta. Nomen autem predicatur de subiecto, Inst. de donation. §. est & aliud. vbi Imp. Iustinianus constituit, ut ante nuptias donatio in posterum propter nuptias donatio appelletur. Aliud exemplum proponitur Inst. de actionib. §. appellamus. vbi idem Imp. Appellamus (inquit) in rem quidem actiones, vindicationes: in personam verò actiones, conditiones. Huius etiam loci est quod l. 2. §. fuit post eos. ff. de origine iuris, Pomponius: Fuit (inquit) maximæ scientiæ Sempromius, quem populus Romanus ὀνόμαζον appellavit: nec quisquam ante hunc hoc nomine cognominatus est. Caius Scipio Nasica optimus à senatu appellatus est. Aliud exemplum nominis proponitur Inst. vi bonor. raptor. in prin. vbi Imp. Iustinianus: Propriam (inquit) actionem rapinæ nomine prætor introduxit, quæ appellatur, Vi bonorum raptorum. Sed hac habent speciem quandam definitionis nominis, de qua dictum est suprâ in primo loco. Supersunt comparata, similia, dissimilia, & repugnantia: de quibus nunc dicendum est.

## De comparatis.

Comparata sunt, cum duo in vno tertio conveniunt, vel vni tertio conferuntur: in hoc enim à similibus differunt, quòd duo similia non in tertio aliquo, quod commune eis sit, conferuntur, sed

d vtrum-



utrunque in singulis: quorum quemadmodum hoc in isto, sic illud se habet in illo: ut infra loco proximo exemplis declarabitur. Exemplum huius loci proponitur l. hoc iure. 194. §. rati habitio. ff. de reg. iuris. vbi Vlpianus: Rati habitio (inquit) mandato comparatur. Aliud exemplum proponitur l. antepenult. ff. eod. tit. vbi idem Vlpianus: Seruitutem (inquit) mortalitati ferè comparamus. Aliud proponitur l. parem. 192. ff. eod. tit. vbi idem: Parem (inquit) esse conditionē oportet eius qui quid possideat vel habeat: atque eius, cuius dolo malo factum est, quo minus possideret vel haberet. Porro comparata duplicia sunt: paria & imparia. Imparia rursus vel maiora sunt, vel minora. Paria sunt, ut comparata iam proposita: item l. 1. ff. de leg. 1. vbi legata fideicommissis per omnia sunt exæquata. Item Inst. de donationibus. §. est & aliud. ibi: & dotib. in hoc: dos & donatio propter nuptias æquiparantur. item l. heredem. 59. ff. de reg. iuris. vbi Vlpianus: Hæredem (inquit) eiusdem potestatis iurilq; esse, cuius fuit defunctus, constat. Aliud proponitur l. bona fides. 178. ff. eod. tit. his verbis: Bona fides tantundem possidenti præstat, quantum veritas, quoties lex impedimento non est. Huic concordat l. qui scit. 25. §. porro bona. ff. de usuris. vbi Vlpianus: Bonæ fidei possessor (inquit) in percipiendis fructibus id iuris habet, quod dominis prædiorum tributum est.

Aliud



*Aliud exemplum parium proponitur l. filius. 15. in fine. ff. de condit. institut. vbi Papinianus: Quæ facta (inquit) lædūt pietatem, existimationem, verecundiam nostram, & (vt generaliter dixerim) contra bonos mores fiunt: nec facere nos posse credendū est. Hic ea quæ turpia sunt, equiparantur ijs quæ in potestate nostra non sunt. Sic totum & pars equiparantur l. quæ de tota. 75. in prin. ff. de rei vindicat. vbi Caius: Quæ (inquit) de tota re vindicanda dicta sunt, eadem & de parte intelligenda sunt. Sed parium exempla sunt infinita, de quibus peculiarem tractatum conscripsit Damhouderius. Vide item M. I. R. lib. 1. c. 1.*

*Maiorum comparatorum exemplum proponitur Inst. de fideiussoribus. §. non solum, his verbis: Plus est statim aliquid dare, minus est post tempus dare. Aliud proponitur l. 1. C. de maleficis, his verbis: Plus est hominem extinguere veneno, quàm occidere gladio. Aliud proponitur l. 25. ff. de reg. iuris. vbi Pomponius: Plus cautionis (inquit) in rem est, quàm in personam. Item Instit. vi bonor. raptor. in prin. Raptor dicitur fure improbior. Item l. 167. ff. de regul. iuris, Caius: Favorabiliores (inquit) rei potius, quàm actores habentur. Item l. in pari. 170. ff. eod. tt. Paulus: In pari causa (inquit) possessor potior haberi debet. Aliud exemplum proponitur l. non debet. 41. in fine. ff. eod. tt. vbi Vlpianus: In re obscura (inquit) melius est fauere repetitioni,*

d 2 quàm

quàm aduentitio lucro. *Aliud proponitur l. 22. ff. de verb. signif. vbi Caius: Plus ( inquit ) est in restitutione, quàm in exhibitione, &c. Aliud exemplum habetur apud Turz. reg. 37. vb. dicitur, Tutius esse occurrere malo, ne fiat, quam factum tollere. Item huius exemplum est: Turpius eicitur, quàm non admittitur hospes.*

*Minorum comparatorum exemplum proponitur l. minus. 204. ff. de reg. iuris, hisce verbis: Minus est actionem habere quàm rem. Item l. si adulterium. 38. §. liberto, in fine. ff. ad l. Iul. de adulterijs. vbi Papinianus: Cuius famæ, ( inquit ) multò magis vitæ parcendum est. Quasi diceret: Minus est famam quàm vitam alicuius ledere. Aliud exemplum proponitur l. 9 ff. de statu hominum, his verbis: In multis iuris nostri articulis deterior est conditio fœminarum, quàm masculorum. Item l. 1. ff. de senatorib. Vlpianus: Maior ( inquit ) dignitas est in sexu virili. Sed huius loci exempla sunt ea etiam quæ paulo superius maiorum proposuimus, si modò conuertantur: puta, Minus est post tempus dare, quàm statim aliquid dare. Minus est hominem occidere gladio, quàm veneno extinguere. Hac de comparatis.*

#### De similibus & dissimilibus.

*Similia quæ sint, & in quo à comparatis differant, paulò superius expositum est. Huius loci exemplum proponitur l. 3. §. 1. ff. stellionatus. vbi Vlpianus: Quod in priuatis ( inquit ) iudicijs est*

est de dolo actio, hoc in criminibus stellionatus persecutio. Aliud exemplum proponitur l. 7. ff. negotior. gestor. vbi Paulus: Tantundem (inquit) in bonæ fidei iudicijs officium iudicis valet, quantum in stipulatione nominatim eius rei facta interrogatio. Aliud exemplum proponitur l. 1. §. illud. ff. de exceptionibus. vbi quemadmodum exceptio actorem excludere dicitur, ita replicatio excludere reum. Aliud exemplum est l. preses. 42. ff. de minor. viginti quinque annis. vbi Ulpianus: Quod (inquit) appellatio interposita maioribus præstat, hoc beneficio ætatis consequuntur minores. Aliud denique exemplum proponitur l. si ita. 13. in prin. ff. de liberis & posthumis. cuius summa hæc est: Quemadmodum se habent octo ad quatuor, ita quatuor se habent ad duo. item, quemadmodum se habent quatuor ad duo, ita se habent duo ad vnum. Hæc similia sunt exempla. Dissimilitudinis exemplum proponitur l. non vt. 119. ff. de reg. iuris. vbi Paulus: Non vt ex pluribus (inquit) causis deberi nobis idem potest: ita & ex plurib. causis idem potest esse nostrum. Aliud exemplum proponitur l. penult. §. Latinus Largus. ibi: quia non vt. ff. de except. rei iudicata. vbi Paulus: Nō vt in proprietatis quæstione (inquit) quod meum est, alterius non est: ita in obligatione pignoris vtique consequens est, vt non sit alijs obligatum, quod hic probauit sibi teneri. Aliud.

*exemplum proponitur l. 14. ff. de re iudicata, his verbis: Quod iussit vetuitve prætor, contrario imperio tollere & remittere potest: sed de sententijs contra. Aliud exemplum proponitur l. non quemadmodum. 35. ff. de iudicijs. vbi Iulianus: Non quemadmodum (inquit) fideiussoris obligatio in pendentipotest esse, vel in futurum concipi: ita iudicium in pendentipotest esse, vel de his rebus, quæ postea in obligationem aduenturæ sunt. Nam neminem putodubitaturum, quin fideiussor ante obligationem rei accipi possit: iudicium vero, antequam aliquid debeatur, non posse.*

#### De repugnantibus.

*Supersunt repugnantia, quæ nihil aliud sunt, quam ea quæ certa rerum habitudine alterum ab altero segregant atq; separant, vt alterum id, quod alterum sit, esse nequeat. Huius loci exemplum proponitur l. 7. ff. de reg. iuris. vbi Pomponius: Ius nostrum (inquit) non patitur eundem in paganis & testatò & intestatò decessisse: earumq; rerum naturaliter inter se pugna est. Aliud exemplum proponitur l. nihil. 116. ff. eod. tit. vbi Ulpianus: Nihil (inquit) consensui tam contrarium est, quàm vis atque metus: quem comprobare contra bonos mores est. Aliud proponitur l. 3. §. fin. ff. pro socio. vbi Paulus: Fides bona (inquit) contraria est fraudi & dolo. Aliud habetur l. 3. in princ. ibi: neque idem. ff. pro suo. vbi Pompo-*

*Pomponius* : Idem (inquit) & pro suo & clam possidere non potest. Planè repugnantium alia dicuntur opposita, quoties vnum vni repugnat: alia disparata seu differentia, quoties plura repugnant vni. Illa rursus subdiuiduntur in relata, contraria, priuatiua & contradicentia. Relata sunt, veluti Relata. patrem & filium eundem eiusdem esse, quamuis alterius respectu idem & pater & filius simul esse possit. Contraria sunt, quæ simul in eodem subiecto Contraria. subsistere nequeunt. Ex his alia mediata sunt, quorum vno negato non infertur alterum: vt album & nigrum. Sunt enim præter hos & alij plures colores. Sic etiam meum & tuum sunt contraria mediata. Vnde l. 15. de except. rei iudicate, Caius: Interest (inquit) vtrum eam esse hæreditatem pronunciatum sit, an contrà. nam si meam esse, nocebit tibi rei iudicatæ exceptio: quia eo ipso quòd meam esse pronunciatum sit, ex diuerso pronunciatum videtur tuam non esse. Si verò meam non esse, nihil de tuo iure iudicatum intelligitur: quia poterit nec mea hæreditas esse, nec tua. Alia sunt contraria immediata, quorum vno negato infertur alterum, cuius exemplum proponitur l. nam quem. 149. ff. de verb. signif. vbi Caius de eo qui vnicum filium habet: Quem (inquit) sine liberis esse dicere non possumus, hunc necesse est, vt dicamus liberos habere. Aliud exemplū proponitur l. hac verba. 124. in prin. ff. eod. tit. vbi negato diē esse,

infertur noctem esse : quoniam nox & dies sunt contraria immediata. Aliud exemplum proponitur l.vlt. §. omnes enim. C. vnde vi. his verbis : Omnes scire debent, quod non suum est, hoc ad alios modis omnibus pertinere. Quanquam hoc casu aliud medium videri possit, scilicet id quod nullius est. Priuatiua opposita sunt : ut habitus & priuatio, cuius loci proprium est, quod posita priuatione inferatur habitum processisse, seu quod priuatio antè requirat habitum. Vnde l. non potest. 208. ff. de reg. iuris, Paulus : Non potest (inquit) videri desisse habere, qui nunquam habuit. Hic habere & desinere habere, sunt priuatiua opposita. Sic etiam l. non videtur. 83. ff. eod. tit. Pomponius : Non videtur (inquit) rem amittere, cuius propria non fuit. Sic etiam l. decem. 116. ff. de verb. obligat. Ulpianus : Soluente Titio (inquit) non liberatur Mæuius, qui nec tenebatur. Hic obligatio & liberatio sunt opposita priuatiua : quia liberari non potest, qui non sit obligatus. Sic etiam actio seu regula & exceptio opposita sunt priuatiua : cum exceptio esse non possit, nisi actio sit vel regula quam excludat. Est enim exceptio nihil aliud, quam actionis exclusio : quemadmodum replicatio est exclusio exceptionis, & duplicatio exclusio replicationis, l. 2. ff. de exceptionibus.

Contradictoria.

Postremò, Contradictoria sunt duæ propositiones inuicem repugnantes, quarum vna affirmatiua est, altera negatiua. Cuius exemplum proponitur l. quod

*l. quod Nerua. 32. ff. de positi. his verbis: Quod Nerua dicit latiore culpam dolum esse, Proculo displicebat. Aliud exemplum proponitur l. 1. §. sed an sine. ff. de contrah. empt. his verbis: An line numis venditio dici hodie possit, dubitatur: veluti si ego togam dedi, ut tunicam acciperem; Sabinus & Cassius esse emptionem & venditionem putant: Nerua & Proculus permutationem, non emptionem hoc esse aiunt. Ad hunc locum pertinent antimoniam iuris, quoribus una lex aliquid affirmat, altera negat. Sed plura de contradicentibus vide infra lib. prox. in loco A' repugnantibus, reg. 13. Hæc de oppositis. Alterum genus repugnantium diximus esse disparata seu differentia, quoribus plura vni repugnant. Quæ etiam non sunt vnius generis. Nam alia numero, alia specie, alia genere, alia denique predicamentis inter se differunt. Numero inter se differunt, ut individua, puta Titius, Seius, Sempronius, &c. Specie differunt, quæ cum sub vno genere contineantur, non sunt tamen idem, sed diuersa: quas species cognatas appellamus: ut homo & equus. Vterque enim sub genere animalis continetur. Huius etiam exemplum proponitur l. aliud. 120. in princ. ff. de reg. iuris, his verbis: Aliud est vendere, aliud est vendenti consentire. Sic etiam scapha & nauis magna specie differunt, non genere: quemadmodum contra nauis & instrumentum eius genere differunt, l. vlt. ff. de instrum. legato, ubi Paulus; Si nauem (inquit).*

Disparata  
seu differ-  
entia.



cum instrumento emisti, præstari tibi scapha navis non debet. Etenim scapha navis non est instrumentum navis: etenim mediocritate, non genere ab ea differt. Instrumentum autem cuiusque rei necesse est alterius generis esse, atque ea cuius sit. Genere ergo differunt instrumentum, & res, cuius est instrumentum. Sic etiam genere differunt homo & arbor: quoniam ille quidem animal est, hæc verò planta. Sic etiam genere differre videri possunt, quorum vnum alterius est species: vt mutuum & creditum; quorum hoc illius genus est, l. 2. §. creditum. ff. si certum petatur. item donū & munus. Sic enim l. inter donum. 194. ff. de verb. signif. Paulus: Inter donum (inquit) & munus hoc interest, quod inter genus & speciem. Nam genus esse donū Labeo ait, à donando dictū: munus speciē. Nam munus esse donū cum causa: vtputa natalitium, nuptiarum. Postremò predicamentis differunt, quæ ad diuersa predicamenta referuntur. Veluti substantia & qualitas: homo & virtus. Sic causa & effectus interdum sunt in diuersis predicamentis. vt contractus, qui pertinet ad tertium, de quo supra diximus, predicamentum actionis: & obligatio, quæ inde descendit, res est incorporalis, ideoq; ad secundum predicamentū pertinet. quemadmodū procurator personam denotat: & causam defendere, quod est officium procuratoris, ad actum seu actionem refertur. Proinde quamuis alterum de altero predicari possit, differunt



differunt tamen predicamentis. Ex his, quæ repugnantia, & quot eorum genera sint, patet.

De locis personarum specialibus.

Suprà diximus, predicabilium, quæ & predicata & locos expositionis siue descriptionis appellamus, alia generalia esse, tam personis quàm reb. & actionibus describendis cōmunia: alia specialia, siue singulorū propria. De generalibus siue communibus hætenus dictū est: nunc de ijs quæ specialia siue singulorū propria sunt, dicendum: & primū de predicabilibus, seu locis personarū. Ex his alij communes sunt omnium personarum, alij proprij eorum qui in aliquo officio sunt constituti. Communes omniū aut insunt homini, aut extra hominē sunt: quemadmodum suprà quoq; in diuisione personarum diximus. Insunt homini, quæ vel animo vel corpori hominis accidunt. Animo accidunt virtutes & vitia, affectus, ira, odium, letitia, tristitia, &c. Ex hoc loco sumitur descriptio minorū viginti quinq; annis, l. i. in prin. ff. de minor. viginti quinq; annis, in hæc verba: Inter oēs constat fragile esse & infirmū huiusmodi ætatis consiliū, & multis captionibus suppositū, multorumq; insidijs expositum. Huc etiam spectat illud Horatianū in arte poëtica:

Imberbis iuuenis tandem custode remoto  
Gaudet equis, canibusq; & aprici gramine cæpi,  
Cereus in vitium flecti, monitoribus asper,  
Vtilium tardus prouisor, prodigus æris,  
Sublimis, cupidusq; & amata relinquere pernix.

Huius

Huius etiam loci est descriptio Lucij Crassi, quem Cicero dicit Iurisconsultorum disertissimum, l. 2. §. etiam Lucius. ff. de origine iuris. & descriptio Trebatij, Casselij & Offilij, d. l. 2. §. ex his. vbi Pomponius: Ex his (inquit) Trebatius peritior, Casselius Trebatio eloquentior fuisse dicitur. Offilius utroque doctior. Sic Instit. de fideicom. hered. §. sed quia stipulation. Papinianus dicitur homo excelsi ingenij. Corpori accidunt sanitas, morbus vitiumve, velocitas, robur, forma, proceritas, sexus, aetas, & alia. Huius igitur loci exemplum est l. apud. 20. ff. de fideicom. libertatibus. vbi Pomponius dicit, se septuaginta octo annorum esse. item l. 10. ff. de statu hominum. vbi Ulpianus: Quæritur (inquit) Hermaphroditum cui comparamus? & magis puto eius sexus existimandum, qui in eo præualeat. Huc etiam pertinent, quatenus de alijs predicantur, morbi vitijue species, quæ passim in tit. ff. de adilitio edicto, enumerantur. Et hæc quidem de ijs quæ hominis vel animo vel corpori insunt, breuiter sint dicta.

Extra hominem sunt, fortuna bona malæve, genus seu familia, parentes, liberi, vxor, cognati, adfines, amici, natio, patria, educatio, genus vitæ, status & conditio, opes, dignitates, fama, infamia, res gestæ & vita antea acta, nomen, mors, mortem antecedentia, adiuncta & consequentia. Ex his non solum argumentandi, sed etiam exponendi siue describendi materiam sumere licet: quemadmodum  
videre

*Videre est apud Suetonium Tranquillum in descriptionibus Imperatorum, & alios historicos. Extant quoque exempla in descriptionibus Iuriconsultorum l. 2. ff. de origine iuris. ubi Pomponius Tiberonem describit à genere, his verbis: Fuit autem patricius. A parentibus describit Cassium Longinum, his verbis: Sabino successit Caius Caisius Longinus, natus ex filia Tiberonis, quæ fuit neptis Seruij Sulpitij. Et ideo proauum suum Seruium Sulpitium appellauit. Ab amico describit Ofilium, his verbis: Ofilius fuit Cæsari familiarissimus. A natione seu patria Hermodorum describit, his verbis: Legum XII. Tabularum ferendarum authorem fuisse decemuiris Hermodorum quendam Ephesium exulantem in Italia, quidam retulerunt. Ab opibus Sabinum describit, his verbis: Sabino nec amplæ facultates fuerunt, sed plurimum à suis auditoribus sustentatus est. A dignitate simul & patre Quintum Mutium describit, his verbis: Quintus Mutius Publij Mutij filius, Pont. Maximus, &c. item à dignitate Alfenum Varum & Aulum Ofilium describit, his verbis: Ex Seruitij Sulpitij auditoribus plurimum authoritatis habuit Alfenus Varus, & Aulus Ofilius: ex quibus Varus consul fuit, Ofilius in equestri ordine perseuerauit. A rebus gestis (qui locus dicta, facta, quæ necnon & opera cuiusque continet) describit Quintum Fabium, his verbis: Quintus Fabius ad Cartha-*

Carthaginenses missus legatus, cum essent duæ tesserae positæ, vna pacis, altera belli: arbitrio sibi dato, utrâ vellet, referret Romam: utranque sustulit, & ait, Carthaginenses petere debere utram mallent accipere. *A nomine simul & rebus gestis describit Appium Claudium, his verbis: Hic cæcus appellatus est, & Appiâ viam stravit, & aquam Claudiam induxit, & de Pyrrho in urbem non recipiendo sententiam tulit, &c. item à nomine describit Semproum & Scipionem Nasicam, cuius quoq; supra in loco nominis generali memini. A morte & mortē secutis describit Seruium Sulpitiū, his verbis: Seruius Sulpitius cum in legatione perijisset, statuem ei populus Romanus pro Rostris posuit, & Hostiæ extat pro rostris Augusti. Hac exempli causa retulisse sufficiat. Planè locis personarū iam enumeratis alij plures addi possunt. Nam à domo d. l. Caius Scipio Nasica describitur, his verbis: Huic etiam publica domus in sacra via data est, quo facilius consuli posset. item à præceptore d. l. 2. Tubero describitur, his verbis: Tubero Ofilio operam dedit. item Antistius La-beo, his verbis: Institutus est autem à Trebatio. item ab auditoribus Seruius Sulpitius describitur ibidem, his verbis: Ab hoc plurimi profecerunt: ferè tamen hii libros conscripserunt: Alfenus Varus, Caius Aulus Ofilius, &c. Quinquã autem hac exempla de singularibus personis, siue indiuiduis*

diuiduis loquuntur: tamen sciendum, etiam in generalibus personis describendis hos locos observandos esse. Sic cū quæritur, qualis persona magistratus debeat esse: describitur ea tum ab animi virtutibus, tū à corporis qualitatibus: tum deniq; à fortune bonis, & alijs quæ sunt extra hominē, Ab animi virtutibus, puta à prudentia, iusticia, liberalitate, temperantia, vt affectibus non indulgeat, &c. A corporis qualitatibus quari solet, an etiam minor vigintiquinq; annis ad magistratū gerendum admitti debeat, an fœmina, an cæcus, mutus, surdus, &c. Ab ijs quæ extra hominem sunt, prohibentur ad magistratū aspirare serui, rei publici criminis, infames, negociatores, & ij qui vilissima officia vel artes exercent, pauperes, &c. vt de ordinandis magistratibus in meis Digestis videre licet. Hac quidem de locis communibus omnium personarum describendarum sunt dicta. Propriū verò eorum qui in aliquo officio constituti sunt, descriptionis loci sunt tres potissimū: Ordinatio, officia & præmia. Hac enim in magistratibus, iudicibus, adfessoribus, procuratoribus, clericis, monachis, militibus, & similibus, qui in aliquo constituti sunt officio, spectare solemus. De ordinatione rursus quæri solet, Qui & quales ordinandi, à quibus ordinandi, quomodo, itē antecedentia, adiuncta, & consequentia ordinationem quæ sint? Inter officia tractari solent etiam delicta, quæ contra officium committi solent, eorumq; pœnæ & actiones, quibus coercentur. vt in iudice, si litem suā fecerit: in procura-

tore, si fuerit prauaricatus: in milite, si fuerit emul-  
sor, desertor, transfuga, &c. pramia continent sa-  
laria, priuilegia, honores & dignitates. quorum o-  
mnium exempla in descriptionibus huiusmodi per-  
sonarum in meis Digestis videre licet. Hac de perso-  
narum locis.

### De locis rerum specialibus.

In rebus describendis peculiariter considerantur  
quatuor rerum scilicet acquisitio, amissio, retentio,  
& administratio. In acquisitione spectamus potis-  
simam causas, ex quibus adquirantur, personas qui-  
bus adquirantur, & per quas, item quid quantumq;  
adquiratur, & acquisitionis euentus. In amissione  
quoque spectantur cause, ex quibus res amittantur,  
item quid quantumq; amittatur, & euentus a-  
misionis. Ad hos locos pertinent tituli iuris de ad-  
quirendo rerum dominio, de acquirenda vel amit-  
tenda possessione, de acquirenda vel amittenda ha-  
reditate: item de contrahenda obligatione, & qui-  
bus modis obligatio tollatur, quibus modis ius patrie  
potestatis soluatur, de vsufructu constituendo &  
adcrecendo, item de quibus modis vsusfructus vel v-  
sus amittatur, necnon alij tituli plures. De reten-  
tione quoque rerum solet tractari: vt Instit. de in-  
terdictis. §. possidere. ibi: quin etiam, vbi imp. lu-  
stinianus: Animo quoque solo (inquit) retine-  
ri possessionem placet, &c. Huc etiam pertine-  
re videntur interdicta retinenda possessionis Vti pos-  
sidentis & Vtrubi, Inst. d. tt. §. retinenda. item  
illud

illud Ouidij : Non minor est virtus, quàm querere,  
 parta tueri. Postremò de rerum administratione  
 nōnulla in iure habetur: vt in titulo de administra-  
 tione rerum ad ciuitates pertinentium, de admini-  
 stratione rerum publicarum, de administratione  
 tutorum, &c. Hac de rerum locis peculiaribus.

### De locis actionum specialibus.

In actionibus peculiariter spectamus earum cir-  
 cumstantias: vt sunt persona, res, causa, locus, tem-  
pus, modus, instrumentum, antecedentia, adiuncta  
& consequentia. Quibus accedunt ad finia remedia. &

Horum locorum triplex vsus est. Primum enim ex-  
 positioni siue descriptioni actionum deseruiūt: hinc  
 exceptionibus inueniendis, & legibus distinguendis:  
 postremò, quoties de facto ambigitur, coniectura ex  
 ijs sumi solent. Sed & amplificandi materia ex ijs  
 sumitur: de quibus singulis infra suo loco dicetur co-  
 piosius. Persona actionis quadrupliciter considera-  
 tur: nimirum eius qui agit, eius cum quo agitur, eius  
 per quem agitur, item eius coram quo agitur, qui  
 vel iudex est, vel testis, vel alius cuius interest prae-  
 sentem esse. In iudicijs quidem is qui agit, actor est:  
 is cum quo agitur, reus: is per quem agitur, procura-  
 tor: is apud quem agitur, iudex. In emptione & ven-  
 ditione est venditor, emptor, nuncius siue proxene-  
 ta, per quem celebratur, item testis coram quo cele-  
 bratur. Sed interdum magistratus etiam praesentia  
 requiritur: vt in venditionibus rerum minorum. De  
 actione itaq; pradicantur persona: vt puta l. i. §. in-

Personae actus



*terdictum. ff. uti possidetis, his verbis: Actio nun-*  
*quam vltro possessori datur. Item l. 5. §. fin. ff.*  
*de alienatione iudicij mutandi causa, vbi Pedius:*  
*Hæc actio (inquit) hæredi dabitur, in hære-*  
*dem autem vel similem non dabitur. Aliud*  
*exemplum proponitur l. 1. in princ. ff. de verb. oblig.*  
*vbi Vlpianus: Neque mutus (inquit) neque sur-*  
*dus, neque infans stipulationem contrahere*  
*possunt. Aliud proponitur l. 2. in princ. ff. de con-*  
*trah. emptione. vbi idem Vlpianus: Inter patrem*  
*(inquit) & filium contrahi emptio non po-*  
*test. Res quoque in actionibus describendis spectan-*  
*da sunt, de quibus prædicantur. Sic in actione iudicia-*  
*li spectatur res quæ petitur. ut sunt fructus, vsura,*  
*id quod interest, pœna, &c. Proinde prædicatur res*  
*de actione l. 7. §. 1. ff. de conditione furtiua, his*  
*verbis: Furti actio pœnam petit legitimam:*  
*condictio rem ipsam. In venditionibus duplex*  
*res consideratur: scilicet res quæ emitur, & pecu-*  
*nia quæ emitur: quarum illa merx, hæc precium vo-*  
*catur. In locationibus quoque duplex res est: scilicet*  
*ea quæ locatur vel conducitur, & ea quæ locatur vel*  
*conducitur, quæ posterior nunc pensio, nunc merces*  
*appellatur. De venditione res prædicatur l. si in em-*  
*ptione. 34. §. omnium. ff. de contrah. empt. his*  
*verbis: Omnium rerum, quas quis habere, vel*  
*possidere, vel persequi potest, venditio rectè*  
*fit: quas verò natura, vel gentium ius: vel mo-*  
*res ciuitatis commercio exemerunt, earum*  
nulla



nulla venditio est. Causa quoq; actionis conside-  
 randa est, de q; ea predicari solet. vt l. ex his. 54. ff. de  
 conditione indebiti. vbi Papinianus: Ex his om-  
 nibus causis (inquit) quę iure non valuerunt,  
 vel non habuerūt effectū, secuta per errorem,  
 solutione, conditioni locus erit. Hic quod de  
 conditione indebiti predicatur, cause eius sunt. Sic  
 l. 2. in prin. ff. de doli mali exceptione, Vlpianus:  
 Palam est (inquit) hanc exceptionem ex ea-  
 dem causa propositam, ex qua causa propo-  
 sita est de dolo malo actio. Contractus & male-  
 ficia obligationum & actionum in iure causa sunt.  
 Sed & ipsis contractibus & maleficijs causam solēt  
 prestare dolus malus, culpa, casus, vis, metusve, scientia,  
error & ignorantia, ex quibus tum agendi tum  
 excipiendi materia sumi solet. Dolus malus defini-  
 tur à Labeone calliditas, fallacia, & machinatio ad  
 circumueniendum, fallendum, decipiendum alterū  
 adhibita, l. 1. §. dolum malum. ff. de dolo malo. Culpa  
 est, si quis non prouiderit vel precauerit, quod alius  
 prouidere vel precauere potuisset. Cuius duę spe-  
 cies sunt: Lata culpa & leuis. Lata culpa & dolo  
 proxima dicitur. Nam ita l. 226. ff. de verb. signif.  
 Paulus: Magna negligentia (inquit) culpa est:  
 magna culpa dolus est. Quod tamen in publicis  
 accusationibus, in quib; non pecuniaria pœna, sed ca-  
 pitis periculū versatur, distinctionem recipit. Nam  
 ita l. 7. ff. ad l. Cornel. de sicarijs, idem Paulus: In le-  
 ge Cornelia (inquit) dolus, p facto accipitur:

neque in hac lege culpa lata pro dolo accipitur. *Hic notandū, quòd lata culpa duæ potissimum species in iure numerentur: vna, si quis non intelligat id quod omnes intelligunt. Sic enim l. 213. §. fin. ff. de verb. signif. Vlpianus: Lata culpa (inquit) est nimia negligentia, id est, nō intelligere quod omnes intelligunt. Et Paulus l. 223. in princ. ff. eod. tit. Latæ culpæ finis est (inquit) non intelligere id quod omnes intelligunt. Altera lata culpa species est, si quis in rebus alienis custodiendis non eam adhibeat diligentiam, quam in suis rebus adhibere solet. Sic enim l. 32. ff. de positi, Celsus ait: Quod Nerua dicit, Latiorē culpam dolum esse: Proculo displicebat, mihi verissimum videtur. Nam etsi quis non ad eum modum, quem hominum natura desiderat, diligens est, nisi tamē ad suum modum curam in deposito præstet, fraude non caret: nec. n. salua fide minorem his, quàm suis rebus, diligentia præstabit. Hæc de lata culpa. Levis culpa est, si quis nō adhibuerit eam diligentiam, quam diligens paterfamiliās in rebus suis adhibere solet: vel nō ad eum modum diligens fuerit, quem hominum natura desiderat: vt patet ex verbis iam propositis. Proinde l. 14. ff. de pignoratitia actione, Paulus: Ea (inquit) quæ diligens paterfamiliās in suis rebus præstare solet, à creditore exiguntur: Et l. quod sæpe. 35. §. si res. ff. de contrah. empt. Caius: Si res vendita (inquit) per furtum perierit,*

prius

prius animaduertendum erit, quid inter eos  
 de custodia rei conuenerit. Sed si nihil appa-  
 reat conuenisse, talis custodia desideranda est  
 à veditore, qualem bonus paterfamiliās suis  
 rebus adhiberet. *Hac de lata & leui culpa. Qui-*  
*bus tamen quidam addunt tertiam speciem, leuissi-*  
*nam scilicet culpam, si quis non eam diligentiam*  
*adhibuerit, quam diligentissimus quisque paterfa-*  
*miliās in suis rebus adhibere solet. Sic l. in rebus. 18.*  
*in prin. ff. commodati, Paulus: In rebus (inquit)*  
*commodatis talis diligentia præstanda est,*  
*qualem diligentissimus quisque paterfami-*  
*liās suis rebus adhibet: ita tamen, vt eos ca-*  
*sus non præstet, quibus resisti non possit: ve-*  
*luti mortes seruorum, quæ sine dolo & cul-*  
*pa eius accidunt: latronum hostiūmve in-*  
*cursus, piratarum insidias, naufragium, in-*  
*cendium, fugas seruorum, qui custodiri non*  
*solent. Planè iam dictis culpa generibus subijciun-*  
*tur species hæ: prima quidem Imperitia. Nam (vt*  
*Caius ait) Imperitia culpa annumeratur. l. impe-*  
*ritia. 174. ff. de reg. iuris. Cui concordat l. 9. §.*  
*Celsus. ff. locati: l. 6. §. sicuti. ff. de officio Praefidis:*  
*Inst. de lege Aquilia. §. imperitia. Secunda culpa*  
*species, præceptoris nimia scuitia, l. 5. §. fin. cum*  
*lege sequente. ff. ad l. Aquiliam. Tertia species est,*  
*Immiscere se rei ad se non pertinenti, l. 36. ff. de*  
*reg. iuris. Quarta species est, Realiter quàm acce-*  
*pit rei, l. 5. §. sed interdum. ff. commodati. Quinta*  
Species

*species est, si quis non præstet, quod iure præstare debet, cuius exemplum proponitur l. 26. ff. de actio, empti, his verbis: Venditor domus, antequam eam tradat, damni infecti stipulationem interponere debet: quia antequam vacuam possessionem tradat, custodiam & diligentiam præstare debet, & pars est diligentiae custodiæque hanc interponere stipulationem. Et ideo si id neglexerit, tenebitur emptori. Sed plures huiusmodi culpe species ex iure colligi possunt.* *Casus* hoc loco dicitur id quod senectute contigit, vel morbo, vel vi latronum hostiumve, vel incendio, vel ruina, vel fato, quod etiam diligenti patrifamiliâs accidere potuisset. Hic à nemine præstatur: de qua re infra suo loco dicitur copiosius. Et hæc quidem de causa actionis. Nam de vi, metûve, scientia, errore & ignorantia alius erit dicendi locus. *Locus* quoque de actione prædicatur: ut l. 18. §. fin. ff. de questionibus, his verbis: Custodiæ non solum pro tribunali, sed & de plano audiri possunt, atque damnari. Item l. 1. C. vbi de ratiocinijs, & c. cauetur, rationes ibi reddendas, vbi negotium sit gestum. & l. si cum dies. 21. §. si arbiter. ff. de receptis arbitris, cauetur, eo loco ab arbitro causam audiendam esse, vbi in eam compromissum sit, nisi specialiter aliud sit actum. item l. si in Asia. 12. §. 1. ff. de positi, Pomponius: Depositum (inquit) eo loco restitui debet, in quo sine dolo malo eius est, apud quem depositum est: vbi verò depo-

depositum est, nihil interest, &c. Similiter de sepultura locus prædicatur l. 3. §. diuus. ff. de sepulchro violato. scilicet ne in ciuitate quis sepeliatur. Postremò sciendum, locorum differentias & species plures & varias esse. Nam alius locus distans dicitur, alius vicinus; alius amplus, alius angustus; alius honestus, alius turpis, &c. de quare vide Rhodolphum Agricola[m] de loco differentem.

Tempus etiam de actione dici vel prædicari, multa in iure exempla declarant. vt l. 12. ff. de publicis iudijs, Modestinus. Et feriatis diebus (inquit) custodias audiri posse, rescriptum est. Item l. 26. ff. ad l. iul. de adulterijs, Vlpianus: Constante (inquit) matrimonio, ab his qui extra maritum ad accusationem admittuntur, accusari mulier adulterij non potest, &c. Aliud exemplum proponitur Inst. de verb. obligat. §. omnis stipulatio. vbi Imp. Iustinianus: Quod in diem (inquit) stipulamur, statim quidem debetur, sed peti priusquam dies venerit, non potest. Aliud proponitur l. 8. §. pen. ff. de tutoribus dandis, hisce verbis: Dari tutor omni tempore poterit. Huc pertinent etiam quæ de ferijs & dilationibus, item de temporibus actionũ in iure habentur. Temporis autem, quemadmodum & loci, plures & variæ sunt differentie ac species. Nam aliud præsens dicitur, aliud præteritum, aliud futurum: eiusq[ue] partes seu species sunt, dies, nox, mensis, annus, hyems, ver, æstas, autumnus, &c. de quibus differentijs ac

*speciebus vide Rodolphum Agricolum de tempore differentem. Planè de tempore duplex questio est: quando scilicet aliquid factum sit, vel fieri possit: & quamdiu aliquid factum sit, vel fieri possit. Hinc de actione iudiciali quari solet, quando competat actio & quamdiu. Prioris quidem questionis regula dilatorias, posterioris peremptorias exceptiones supeditare solent. de quare infra suo loco dicetur. Sed & ex priore genere aqua alia dicitur quotidiana, alia aestiva, l. 1. §. duo autem. ff. de aqua quotidiana & aestiva. Ex posteriore verò genere diuisio actionum sumitur, qua alia temporales, alia perpetuae dicuntur, Instit. de perpetuis & temporalibus actionib. in prin.*

*Modus item de actione predicatur: ut puta de accipiendis xenijs, l. 6. §. non verò. ff. de officio proconsulis. vbi Ulpianus ait: Non in totum xenijs abstinere debebit proconsul, sed modum adijcere, ut neque morosè in totum abstinere, neque auarè modum xeniorum excedat, &c. Sic etiam modus audiendi aduocatos praescribitur l. 9. circa aduocatos. ff. eod. tt. his verbis: Circa aduocatos patientem esse proconsulem oportet, sed cum ingenio: ne contumptibilis esse videatur: nec adeò dissimulare, si quos causarum concinnatores vel redemptores deprehendat, &c. Modus insuper patriae potestatis praescribitur l. 5. ff. ad l. Pompeiam de parricidijs, hisce verbis: Patria potestas in pietate*

tate debet, non atrocitate consistere. *Ad hunc locū pertinet quantitas & qualitas actionis. Quantitatis exemplum proponitur l. 8. §. modus. ff. de transactionibus. vbi Vlpianus: Modus (inquit) pecuniæ, quæ in transactionem venit, æstimandus est: ut puta quantitas transactionis: nam etiam ex modo fides transactionis æstimabitur. Modus autem pro ætate eius qui transigit, arbitrandus est, & valetudine, &c. Qualitatis exemplū proponitur in l. respiciendum. ii. in prin. ff. de pænis. vbi Martianus: Respiciendum (inquit) est iudicanti, ne quid durius aut remissius cōstituatur, quàm causa deposcit: nec enim aut seueritatis, aut clementiæ gratia adfectanda est: sed perpenso iudicio, prout quæque res postulat, statuendum est. Postremò ad hūc locum pertinet id quod contractibus, traditionibus, ultimis voluntatibus, legatis & fidei commissis adijcitur: quod nunc pactum, nunc modus, nunc conditio appellatur. Est tamen quadam inter modum & conditionem differentia. Siquidem modus dicitur, si alicui legatū sit ita, ut monumentum faciat vel non faciat. conditio dicitur, si legatum sit ita: Si monumentum fecerit. Ex hūc conditio suspendit actionem: modus non suspendit, l. eas causas. 78. ff. de condition. & demonstrat.*

*Instrumenta quoque de actionibus pradicantur. Sunt autem instrumenta, res quibus actio fit, & opus perficitur. Sic in architectura sunt mallei, & c. s. rebra,*



rebra, ferra. in cultura vineæ sunt pali, pertica, rastro, ligones, l. 16. §. 1. ff. de instrum. legato. Hac aliàs dicuntur cause, sine quibus non. Sic l. 12. in prin. ff. d. tt. Vlpianus: Instrumentum (inquit) est apparatus rerum diutius mansurarū, sine quibus exerceri possessio nequiret. Homicidij instrumenta sunt tum arma tum venenū, l. 1. C. de maleficiis. Manumissionis instrumenta erant vindicta, epistola, testamentum, codicilli, &c. Inst. de libertinis. §. multis. Contractuum quoq; instrumenta, quibus fiunt, dici possunt res, verba, epistola, nuncius. Vnde illa contractuum diuisio descendit, quod aut re contrahuntur, aut verbis, aut literis, aut consensu, Inst. de obligat. in fine. Et qui solo consensu fiunt, etiam per epistolam vel per nuncium expediri posse dicuntur Inst. de obligat. ex consensu. §. ideo autem, in fine. Oratio quoq; à Rhodolpho Agricola dicitur instrumentum, quo cogitata mentis nostra proferimus. Scriptura quoq; & testes instrumentorum appellatione continentur. Sic enim l. 1. ff. de fide instrumentorum, Paulus: Instrumentorum nomine (inquit) ea omnia accipienda sunt, quibus causa instrui potest: & ideo tam testimonia quàm personæ, instrumentorū loco habentur. Dialectica quoq; (vt supra diximus) instrumentum tractandarū artium appellatur. Hac de instrumentis.

Super sunt actionum antecedentia, adiuncta & consequentia, necnon ad finia remedia. Antecedentia sunt actus, qui actionem, quam exponendam

sue



siue describendam sumpsimus, praecesserunt, vel saltem praecedere debent. Vcluti actionem, qua id quod nobis debetur, in iudicio persequimur, praecedere debet diligens causa inquisitio Sic enim l. qui in alterius. 42. in fine. ff. de reg. iuris, Caius: Is (inquit) qui agit, antè debet rem diligenter explorare, & tunc ad agendum procedere. Si curatoris donationem antecedere debet causa cognitio, l. 6. ff. de curatoribus furioso, & c. vbi Vlpianus. Obseruare (inquit) Prætorem oportebit, ne cui temerè citra causæ cognitione plenissimam curatorem det, & c. Sic antequam sententia feratur, quid iudici faciendum sit, definitur l. 9. C. de iudicijs, hisce verbis: Iudices oportet in primis rei qualitatem plena inquisitione discutere: & tunc vtranq; partem sæpius interrogare, nunquid noui addere desideret, & c.

Adiuncta sunt actus, qui actioni, quam exponendam sumpsimus, insunt. Sic testamenti actionis adiuncta sunt nuncupatio & institutio heredum, substitutio, liberorum exhereditio, testamenti descriptio, obsignatio, subscriptio: item vt continuo actu testamentum fiat, nullo alieno actu interueniente, ne testes ante perfectum testamentum discedant, & alij huiusmodi actus, quos in meis Digestis ordine exposui. Iudiciorum adiuncta sunt, actio, exceptio, replicatio, litis contestatio, probatio, confutatio, sententia: qua quidem principale contingunt negotium. Præter hæc autem alia sunt, qua

qua preparatoria vocantur: veluti citatio, mandatum, cautio iudicio sisti, iudicatum solui, item de rato cautio, iuramentum calumnia, dilatio, conclusio siue allegationum renunciatio: in quibus principale negotium non vertitur, quiq; arte non indigēt. Exceptionis doli mali adiunctum est, vt is qui hac exceptione vtitur, doceat non solum dolo se inductum in errorem, sed etiam cuius dolo id factum sit, l. 2. §. & quidem illud. ff. de doli mali exceptione.

*sequantia* Consequentia sunt actus & euentus, qui actionem, quam exponimus, consequuntur. Sic iudicia, qua sententia recitata finiuntur, consequi solent appellatio, rei iudicata executio, missio in possessionem rei seruanda causa. Sed plura exempla tam antecedentium quam adiunctorum & consequentium vide superius in loco contingentium generali, & infra lib. prox. vbi de facti questione probanda agetur.

*Ad finia* Ad finia remedia maximè spectamus in actionibus, quibus id quod nobis debetur, in iudicio persequimur: item in exceptionibus, qua defendendis rebus deseruiunt. Sic rei vendicationis ad finia remedia enumerantur l. 3. §. fin. cum lege sequente. ff. de rei vendicatione, his verbis: Pomponius scribit, si quid, quod eiusdem naturæ est, ita confusum est atque commixtum, vt deduci & separari non possit: non totum, sed pro parte esse vendicandum. vt puta, meum & tuum argentum in massam redactum est: erit nobis commu-

commune, & vnusquisque pro rata ponderis, quod in massa habemus, vendicabimus: etsi incertum sit, quantum quisque ponderis in massa habeat. quo quidem casu etiã communi diuidundo agi poterit: sed & furti, & ad exhibendum tenebitur, qui dolo malo confunden dum id argentum procurauit: ita vt in ad exhibendum actione precij ratio haberi debeat: in vendicatione vel communi diuidundo actione hoc amplius ferat, cuius argentum preciosius fuerat. *In hisce verbis Communi diuidundo, furti & ad exhibendum actiones de rei vendicatione predicantur, tanquam ad finia eius remedia. Quod autem ait Iurisconsultus, Non totum, sed pro parte esse vendicandum: res de rei vendicatione predicatur, quæ in eam veniat. quemadmodum etiam in his verbis: Ita vt in ad exhibendum actione precij ratio haberi debeat: in vendicatione vel communi diuidundo actione hoc amplius ferat, &c. Actionis iudicialis generalis ad fine remedium proponitur l. inuitus. 198. §. 1. ff. de reg. iur. in hisce verbis: Cui damus actionem, eidem exceptionem competere multo magis quis dixerit. Contrà de exceptione predicatur actio, tanquam ad fine eius remedium, l. 3. §. nunc de effectu. ff. de liberatione legata. vbi Vlpianus: Si mihi liberatio (inquit) sit relicta, cum solus sim debitor: siue à me petatur, exceptione vti possum: siue*

siue non petatur, possum agere vt liberer per acceptilationem. Sic etiam l. 8. ff. de doli mali exceptione, Paulus: Si hæres (inquit) damnatus sit non petere à debitore: potest vti exceptione doli mali debitor, & agere ex testamento. Sic etiam mulieri, quæ pro alio intercessit, nō solum exceptio eo nomine ex S. C. Velleiano competit, sed etiam actio, vt vel solutum ei restituatur: vel si non soluit, liberetur, l. 8. §. si mulier, in fine. ff. ad S. C. Velleianum. Sed et si malit mandati actione eum, pro quo soluit, vti, potest, l. 31. ff. eod. tt. Hactenus de locis personarum, rerum, & actionum peculiaribus sit dictum.

## DE COMPOSITO THEMATE, seu propositione.

**C**um supra dixerimus, thema, de quo aliquid dicatur vel predicetur, aut simplex esse, aut compositum: qua sint genera simplicis thematis, necnon qua sint eius predicabilia seu loci expositionis, quibus describatur, tum generales tum speciales, hucusque ostendimus. Nunc de composito themate nobis eodem modo dicendum est. Id autem diximus esse, quod ex duobus simplicibus thematibus constaret, quorum vnum subiectum, alterum predicatum appelleretur. Hoc Dialectici propositionem vocant. Cuius species sunt omnes leges, omnes iuris regula, omnes sententiae, quibus aliquid vel affirmatur, vel negatur. Cumq; constet subiecto & pradi-

*Prædicato, ex utroque diuisiones eius sumi possunt, atq; genera constitui. Ex subiecto quidem, ut quia illud aut simplex, aut compositum diximus esse, & simplex subdivisum in personam, rem & actionem: dicamus compositum thema siue propositionem aut in simplici aut in composito themate describendo seu tractando consistere: & illud quidem aut ad personam, aut ad rem, aut ad actionem describendam pertinere. Sic ad personam describendam pertinet. l. filiusfamiliās. 93. ff. de reg. iuris. ubi Matianus: Filiusfamiliās (inquit) neque retinere, neque recuperare, neque adipisci possessionem rei peculiaris videtur. Item l. pupillus. 149. ff. eod. tit. ubi Celsus: Pupillus (ait) nec velle nec nolle in ea ætate (nisi adposita tutoris auctoritate) creditur. Ad rem describendam pertinet. Instit. de rerum diuis. §. sancta. ubi Imp. Iustinianus: Sanctæ res (inquit) veluti muri & portæ ciuitatis, quodammodo diuini iuris sunt. Et ideo nullius in bonis sunt. Item l. litus. 112. ff. de verb. signif. ubi Iabolenus: Litus (inquit) publicum est eatenus, quatenus maximè fluctus exēstuat. Ad actionem describendam pertinet l. commendare. 186. ff. eod. tit. ubi Vlpianus: Commendare (inquit) nihil aliud est, quàm deponere. Item l. factum. 129. ff. de reg. iuris. ubi Iulius: Factum (inquit) à iudice, quod ad officium eius non pertinet, ratum non est. Ad compositum thema describendum pertinet propositio seu thema illud,*

*quo*

21 ~~quo vel ratio alicuius legis redditur, vel officiū eius~~  
 11 ~~demonstratur, vel exceptio proponitur, vel lex mu-~~  
 11 ~~tatur, &c. de qua re infra cap. prox. dicetur copio-~~  
 11 ~~sus. Huius igitur exemplum est l. 1. in prin. ff. de~~  
 11 ~~pactis. vbi Vlpianus: Huius edicti æquitas (in-~~  
 11 ~~quit) naturalis est: quid enim tam congruum~~  
 11 ~~fidei humanæ, quàm ea quæ placuerunt in-~~  
 11 ~~ter eos, seruare? Item huius loci exemplum est l.~~  
 11 ~~1. in prin. ff. ex quibus causis maiores, &c. vbi Cal-~~  
 11 ~~listratus: Hoc edictum (inquit) quod ad eos~~  
 11 ~~pertinet, qui eo continentur, minus in vsu~~  
 11 ~~frequentatur. Hac de prima compositi thematis~~  
 11 ~~diuisione ex subiecto sumpta. Potest item alia ra-~~  
 11 ~~tionem ex subiecto diuidi, vt quia illud vel generale~~  
 11 ~~sit, vel singulare siue indiuiduum, dicamus etiam~~  
 11 ~~compositum thema vel propositionem aut genera-~~  
 11 ~~lem esse, aut specialem siue singularem. Generalem:~~  
 11 ~~veluti l. 1. §. quamuis autem. ff. de postulando, ca-~~  
 11 ~~cus dicitur retinere quidem iam acceptum magi-~~  
 11 ~~stratum posse, adspirare autem ad nouum penitus~~  
 11 ~~prohiberi. Specialem siue singularem: veluti d. §.~~  
 11 ~~quamuis, dicitur Appium Claudium cacum consi-~~  
 11 ~~lijs publicis interfuisse, & in senatu seuerissimam~~  
 11 ~~dixisse sententiam. Generalem propositionem Dia-~~  
 11 ~~lectici subdiuidunt in vniuersalem, particularem~~  
 11 ~~& indefinitam. Vniuersalis est: veluti l. omnis. 202.~~  
 11 ~~ff. de reg. iuris. vbi Vlpianus: Omnis definitio~~  
 11 ~~(inquit) in iure ciuili periculosa est. Particularis~~  
 11 ~~est: veluti l. non omne. 186. ff. eod. tt. vbi Paulus~~  
 11 ~~ait:~~

ait:

ait : Non omne quod licet, honestum est. Quasi diceret : Quadam licita turpia sunt, vel non honesta. Indefinita est : veluti l. expressa. 155. ff. eod. tit. ubi Modestinus: Expressa (inquit) nocent, non expressa non nocent. Sed indefinitarum propositionum plena sunt iura, & equipollent vniuersali, nisi contrarium probetur. Sunt enim vel leges vel regule iuris, quae generaliter accipiuntur, & pro quibus praesumptio est iuris, quod in omnibus obtineat, donec aliqua aduersus eas exceptio probetur : ut infra suo loco demonstrabitur. Haec de diuisionibus propositionum ex subiecto desumptis.

Ex predicato distinguitur propositio in plures & varias species. Quot enim sunt loci expositionis siue descriptionis generales & speciales, tot etiam sunt propositionum genera. Nam omnis propositio continet subiecti vel definitionem, vel diuisionem, vel genus, vel speciem, vel differentiam, vel proprium, & sic deinceps. Vnde ex huiusmodi locis propositio solet denominari, ut vel definitio dicatur, vel diuisionis, vel genus, vel species, &c. Potest tamen & alijs modis ex predicato propositio diuidi : nam predicatum vel affirmatur vel negatur de subiecto. Vnde propositionum alia dicitur affirmatiua, alia negatiua. Item affirmatur vel negatur aut pure, aut sub conditione. Vnde propositionum alia simplex vel pura dicitur, Graecè categorica : alia coniuncta vel conditionalis, Graecè hypothetica. Item predicatur aliquid de subiecto vel necessario, vel contingenter.



Vnde propositionum alia necessaria dicitur, alia contingens seu probabilis. Item predicatur vel verè vel falsè. Vnde alia vera dicitur, alia falsa. Pro hac propositionum diuersitate varia quoque syllogismorum genera constituuntur, vt infrà lib. 3. demonstrabitur. Hæc de diuisionibus & speciebus propositionum.

## DE LOCIS COMPOSITI thematis tractandi specialibus.

**N**unc quemadmodum suprâ in simplici themate fecimus, compositi thematis tractandi siue exponendi locos enumerabimus. Potest enim (vt & suprâ dictum est) de composito æquè ac de simplici themate aliquid dici vel predicari. quo facto, compositum thema simplicis naturam sortitur, & subiecti loco esse incipit. Sunt autem loci compositi thematis tractandi, quemadmodum & personarum, rerum actionumq;, alij generales, alij speciales. Generales sunt, quos suprâ enumerauimus, definitio, genus, species, differentia, causa, effectus, nomen, &c. Hi enim loci de composito themate æquè ac de simplici predicari possunt. Si exempli gratia thema hoc: Vti eas ades, de quibus agitur, nec vi, nec clam, nec precario alter ab altero possidet: quo minus ita possideatis, vim fieri veto. l. 1. in prin. ff. vti possidetis. Hoc themate siue interdicto prætor possidenti vim fieri vetat. Quod describitur per generales locos hosce: primum enim nomen eius,



*eius, hinc genus ponitur, d. l. 1. §. est hoc, his verbis:*  
 Est hoc interdictum, quod vulgò Vti possi-  
 detis appellatur, retinendæ possessionis. *Sed*  
*& genus eius proponitur l. 3. §. hoc interdictum. ff.*  
*ead. tit. his verbis.* Hoc interdictum duplex est,  
 & hi quibus competit, & actores & rei sunt.  
*Tertio differētia huius interdicti notanda ab inter-*  
*dicto Vnde vi, d. §. est hoc, his verbis:* Consequen-  
 ter proponitur post interdictum Vnde vi. Il-  
 lud enim restituit vi amissam possessionem:  
 hoc tuetur, ne amittatur possessio. *Quarto*  
*proprium huius interdicti proponitur d. l. 1. §. in ter-*  
*dictum, his verbis:* Interdictū quod est Vti possi-  
 detis, possessorem prædij tuetur: actio enim  
 nunquam vltro possessori datur: quippe cum  
 sufficiat ei quod possideat. *Ex his patet, compo-*  
*situm themanō minus ac simplex per locos genera-*  
*les, quos supra enumerauimus, describi posse.* Sunt  
 tamen loci speciales, qui composito themati descri-  
 bendo peculiariter deseruiunt, quemadmodum per-  
 sonarū quoq; rerum & actionū loci peculiāres sunt,  
 quos supra exposuimus. Cōpositi ergo thematis de-  
 scribendi loci peculiāres siue speciales sex sunt po-  
 tissimum: scilicet officium thematis siue legis, ratio,  
 declaratio, exceptiones, vltior iuris lege proposita  
 introducti descriptio, & si quæ est mutatio. *de quib.*  
*singulis ordine copiosius nobis erit dicendum:* quo-  
 niam in his locis vis & potestas cuiuslibet legis con-  
 sistit, & in hac legum scientia. Sic enim l. 16. ff.

de legibus, Celsus: Scire leges (inquit) non est verba earum tenere, sed vim & potestatem.

De officio thematis siue legis.

In primis thematis seu legis vel regulae propositae officium spectandum est. Hac enim res ad intelligendam legem vel regulam plurimum valet, nec potest verè dici legem vel regulam intelligere, qui quod ea spectet ignorat. Quod autem nos officium legis dicimus, Modestinus virtutem appellat, l. 6. ff. de legibus, dicens: Legis virtus est imperare, vetare,  
 11 permittere, punire. Præter hac tamen plura sunt legum officia. Nam & definit lex: vt l. 1. ff. de capite minutis. Diuidit: vt l. ult. ff. cod. tt. Species vel causas rei enumerat, effectus designat. Et in summa, tot sunt officiorum genera, quot sunt loci tum simplicis tum compositi thematis tractandi, ex quibus etiam propositiones solent distingui ac denominari, vt paulò superius ostensum est. Sanè huius loci exemplum proponitur l. si quis. 12. in princ. ibi: non tamen. ff. de religiosis. vbi Vlpianus, de rescripto Imperatoris Antonini, quo cautum erat, iter ad sepulchrum peti precario & concedi solere, differens, ait: Non tamen hoc rescriptum, quod impetrandi dat facultatem, etiam actionem ciuilem inducit: sed extra ordinem interpelletur. Aliud exemplum, quo officium de lege proposita predicatur, proponitur l. verbis. 20. ff. de verb. signif. vbi Pomponius: Verbis (inquit) legis XII. Tabul. his, Vti quisque legasset suæ rei, ita  
 ius

ius esto: latissima potestas tributa videtur  
& hæredes instituendi, & legata, & liberta-  
tes dandi, tutelas quoque constituendi.

De ratione thematis siue legis.

*Post officium thematis explicatum, ratio quoque  
eius exponi debet. Cuius exemplum proponitur l.  
13. in princ. ff. de re militari. cuius propositio hac  
est. Milites agrum comparare prohibentur  
in ea prouincia, in qua bellica opera pera-  
gunt. Subijcitur ratio his verbis: Scilicet ne stu-  
dio agriculturæ militia sua auocentur. Planè  
ratio legis duplex est, directæ & obliqua: quarum  
illa confirmationis, hæc confutationis speciem ha-  
bet. Veriusque exemplum proponitur l. 1. in prin. ff.  
nautæ, caupones, stabularij, &c. vbi Prætor ait:  
Nautæ, caupones, stabularij, quod cuiusque  
saluum fore receperint, nisi restituant, in eos  
iudicium dabo. Subijcit Vlpianus edicti huius in-  
terpres: Maxima vtilitas est huius edicti: quia  
necesse est plerunque eorum fidē sequi, resq;  
custodię eorum committere. Hæc est ratio edi-  
cti directæ, siue confirmatio. sequitur obliqua his  
verbis: Nec quisquam putet, grauiter aduer-  
sus eos hoc constitutū. Nam est in ipsorum  
arbitrio, ne quem recipiant. Et nisi hoc esset  
statutum, materia daretur cum furibus ad-  
uersus eos, quos recipiant, coeundi: cum ne  
nunc quidem abstineant ab huiusmodi frau-  
dibus. Ad hunc locum pertinent leges concordan-  
tes,*

res, item discrepantes seu antinomia, quarum dissolutio confutationis speciem habet. Quamvis autem magnam lucem adferat legi cognoscenda ratio eius perspecta: tamen non omnium, quæ à maioribus constituta sunt, ratio reddi potest. Ideoq; rationes eorum quæ constituuntur, superstitiosè inquiri non oportet, ne multa ex ijs quæ certa sunt, subvertantur: t. non omnium. 19. cum lege sequente. ff. de legibus. Sed de confirmatione & confutatione thematis copiosius tractabitur infra lib. prox.

*Declaratio*

De thematis siue legis declaratione.

i. 7. §. Prætor ait. ff. de pactis.

Tertius compositi thematis tractandi locus est declaratio, qua definitionib. & exemplis verba thematis obscuriora declaratur. Sic cum Prætor edictum hoc proposuisset: Pacta conuenta, quæ neq; dolo malo, neque aduersus leges, plebiscita, senatusconsulta, edicta, decreta principum, neq; quo fraus cuiq; eorum fiat, facta erunt, seruabo. Ulpianus interpretis huius edicti, post rationem siue commendationem eius expositam, singula verba obscuriora declarat: primum quidem vocabulum Pacta l. 1. §. 1. ff. de pactis, his verbis: Pactum à pactio-  
ne dicitur. unde etiam pacis nomen appellatum est. Et est pactio, duorum pluriūve in idem placitum & consensus. Deinde vocabulum Conuenta ibidem declarat, his verbis: Conuentio-  
nis verbum generale est, &c. Tertio verba hæc, Dolo malo, declarat l. 7. §. dolo malo, ff. eod. tt. Sed declarationis exempla passim multa in iure extant.

De

De exceptionibus thematis  
sive legis.

Post thematis declarationem sequuntur eius ex-  
ceptiones enumeranda, quæ nihil aliud sunt, quàm  
conditiones, sub quibus thema seu regula approba-  
tur, deficientes. Vnde & Paulus l. 22. ff. de exceptioni-  
bus: Exceptio (inquit) est conditio, quæ mo-  
dò eximit reum damnatione, modò minuit  
damnationem. Sic in edicto paulò superius pro-  
posito verba hæc: Quæ neq; dolo malo, neque  
aduersus leges, plebiscita, senatusconsulta,  
edicta, decreta principum, neque quo fraus  
cuiq; eorum fiat, facta erunt. conditionē faciūt,  
qua deficiente deficit edictum, & exceptioni est lo-  
cus. Non tamen semper ab ipsis legislatoribus huius-  
modi conditiones & exceptiones legibus adiiciun-  
tur, sed postea per interpretationem plerunque ad-  
duntur. non tamen temerè pro cuiusque arbitrio  
ex regulis generalioribus affingenda, sed specialibus  
legibus introducenda & approbanda sunt, vt infra  
suo loco docebitur. Sed & quot & qua sint exce-  
ptionum genera, necnon ex quibus locis sumantur,  
infra lib. prox. capite de exceptionibus inueniendis  
tradetur. Planè exceptionum alia iusta sunt, alie  
iniusta. Iniustas eas appello, quæ quamvis opinione  
vulgi vel aliqua ratione probabili videri queant  
inter exceptiones regula vel legis numeranda, ta-  
men à legibus reprobantur, vel nulla certa le-  
ge speciali nituntur. Sic aduersus regulam

*siue legem, qua quis feras bestias capiendo suae facit, videtur quidem excipiendum hoc modo: Nisi non in suo, sed in alieno solo quis eas ceperit. Verum hac exceptio reprobatur l. 3. in princ. ff. de acquir. rer. dom. his verbis: Nec interest, quoad feras bestias & volucres, vtrum in suo fundo quis eas capiat, an in alieno. Sic etiam aduersus Publicianam in rem actionem, qua quis rem, quam à non domino bona fide emerat, persequitur, videtur quidem excipiendum hoc modo: Nisi actor precium rei nondum soluerit. Sed hac exceptio, quia specialiter lege non reperitur approbata, reprobatur à Caio Iuriconsulto l. 8. ff. de Publiciana in rem actione, his verbis: De precio soluto nihil exprimitur. vnde potest coniectura capi, quasi nec sententia Prætoris ea sit, vt requiratur, an solutum sit precium. Sic in alijs non arbitrarijs, quamuis probabiliter defendi causa possint, tamen deficientibus legibus specialibus, erubescendum nobis sine lege loqui. Porro exceptio iisdem locis, quibus & regula, tractatur. Ideoq; exceptionis quoque exceptiones, quas replicationes vocamus, notandæ sunt, vt l. si quis rem. 24. ff. de except. rei indicatæ. vbi Iulianus: Si quis rem (inquit) à non domino emerit, mox petente domino absolutus sit, deinde possessionem amiserit, & à domino petierit: aduersus exceptionem hanc, Si nō eius sit res: replicatione hac adiuuabitur, At si res iudicata non sit. Sed & replicationes alias*

alias recipiunt exceptiones, quas duplicationes vocant, & contra duplicationes solent dari triplicationes, & sic deinceps. quæ omnia, quia ad vim & naturam propositæ legis siue thematis explicandam pertinent, probè sunt notanda. Hac de exceptionibus thematis.

### De vltiore iuris descriptione.

Quia verò themate vel lege proposita solet intro- Dennipk  
 duci vel actio, vel exceptio, vel aliud quoddam ius:  
 ad descriptionem siue explicationem thematis siue  
 legis pertinet etiam circumstantias propositi iuris  
 probè excutere, vt intelligatur ex quib. causis, item  
 quibus, aduersus quos, per quos, & apud quem ex  
 lege proposita actio vel exceptio competat? quid,  
 quantumve in eâ veniat? quando & quandiu com-  
 petat? quæ sint eius antecedentia, quæ adiuncta,  
 quæ consequentia, quæ deniq; ad finia remedia quam  
 vltiorẽ iuris lege proposita introducti descriptio-  
 nem appellamus. cuius exempla passim in iure ex-  
 tant, quemadmodum in meis Digestis videre licet.  
 Nimis multa hac videri possunt, quæ in composito  
 themate tractando requirantur: sed ad solidam eius  
 cognitionem necessaria sunt. Quanquam non om-  
 nium huiusmodi locorum regulas vel leges in omni  
 themate tractando habere possumus. quemadmodũ  
 nec simplex thema omne per omnes locos, quos su-  
 præ enumerauimus, describi potest. Excutiendi ta-  
 men oēs loci erunt, ne quid fortè, quod ad naturam  
 thematis explicandã necessarium est, in exponendo  
 præmitatur.



## De iuris mutatione.

*Supereſt vltimus compoſiti thematis tractandi locus, eius videlicet ſi quæ eſt mutatio. In primis tamen hac attendi debet. Nam lex mutata perdit vim ſuam, eiusq; utilitas exigua eſt: ideoq; non multum in ea explicanda laborandum. Quanquam interdum lex etiam mutata magno uſui eſſe poteſt ad poſteriores leges interpretandas. Neq; enim nouum eſt (vt Paulus ait) priores leges ad poſteriores trahi, l. non eſt. 26. ff. de legibus. Sed & interdum euenit, vt quamuis lex aliqua in vno caſu mutata ſit, in alio tamen caſu duret. Sic actio ſerui corrupti, quamuis in ſuo genere hodie ſublata ſit & inutilis effecta propter ius ſeruorum ſublatum; tamen quoad liberos noſtros, poteſt uſui vel maximo eſſe. Ita enim Paulus l. 14. §. 1. ff. de ſeruo corrupto: De filio (inquit) filiæve familiæ corruptis huic edicto locus non eſt; quia ſerui corrupti conſtituta hæc actio eſt, qui in patrimonio noſtro eſſet, & pauperiorem ſe factum eſſe dominus probare poteſt, dignitate & fama domus integra ei manente. Sed utilis competit officio iudicis æſtimanda; quoniam intereſt noſtra, animum liberorū noſtrorum non corrumpi. Mutationis exemplum habemus l. 2. ff. ex quibus cauſis maiores, &c. vbi Calliſtratus: Hoc edictum (inquit) quod ad eos pertinet, qui eo continentur, minus in uſu frequentatur, &c. Hic mutatio pradicatur de lege propoſita. Sed plura huius-*

huiusmodi exempla licet videre in Institutionibus, Codice, ac Nouellis constitutionibus, in quibus vetera iura sæpius mutantur atq; tolluntur. Lege verò mutata, non solum ipsa lex expirat, sed & omnes eius legis exceptiones, exceptionumq; replicationes superuacua efficiuntur, totaq; actionis vel exceptionis ea lege introducta natura euanescit. Quoniam principali sublato, tollitur quoq; accessorium, l. cum principalis. 138. ff. de reg. iuris. Cuius elegans exemplum proponitur l. 3. in prin. C. de edicto diui Hadriani tollendo. Nam Imp. Augustus legem tulerat, ut is, cui hereditas ex testamento obueneret, vicesimam eius hereditatis partem fisco deberet. Ad hanc legem Imp. Hadrianus respiciens, ne qua mora vicesima fisco dependenda fieret, edixit, heredem scriptum intra annum post mortem testatoris in possessionem rerum hereditariarum mittendum. Hoc Imp. Hadriani edictum postea varijs modis ab eius interpretibus explicatum fuit atque distinctum. Tandem lex Imp. Augusti de vicesima fisco dependenda in usu esse desijt. Vnde ipsius quoque Imp. Hadriani edictum, quod occasione eius factum erat, cum omnibus suis exceptionibus, harumque replicationibus mutatum atque sublatum est. Hinc Imp. Iustinianus d. l. 3. Edicto (inquit) diui Hadriani, quod sub occasione vicesimæ hereditatum introductum est, cum multis ambagibus & difficultatibus, & indiscretis narrationib; penitus quiescente: quia vicesima hære-

hæreditatis à nostra recessit Republica: antiquatis nihilominus & alijs omnibus, quæ circa repletionē vel interpretationē eiusdem edicti promulgata sunt, &c. *Hæc de iuris mutatione, adeoq; de sex locis compositi thematis tractandi peculiaribus sint dicta. Quæ ergo tum in simplici, tum in composito themate describendo siue tractando sint obseruanda, hætenus ostendimus. Ex quibus patent tam genera eorum de quibus, quàm eorum quæ de aliquo dici vel prædicari possunt. Quæ si studiosi tum in authoribus legendis, tum in stylo exercendo obseruauerint, omniaq; ad huiusmodi locos, quos exposuimus, redegerint: non solum dicendi copiam, sed amplam quoq; rerum cognitionem, & iudicium de rebus, quas vel legerrint vel audierint, certius sibi comparabunt.*

DIALE-



# DIALECTICES IURIS CIVILIS

Liber secundus:

DE INVENTIONE.

DE ARGVMENTATIONE.

**P**ost expositionem sequitur argumentatio. Ea est (vt suprâ quoque ostendimus) oratio, qua quis rei, de qua dicit, fidem facere conatur. Hac tunc necessaria est, cum auditor sola expositione non est contentus. puta, si interrogatus unde nomen iuris descendat, responderit, A iusticia. si quidem querens hoc credit, satis est: sin adhuc dubitet, an à iusticia nomen iuris descendat, subiicienda est ratio, puta quia ius iusticiae praecepta continet: & erit argumentatio talis: Artes denominari solent à re, cuius praecepta continent. At ius ars boni & aequi iusticiae praecepta continet. Ergo verisimile est, ius à iusticia dominatum esse. Porro argumentatio duplex est: scilicet confirmatio & confutatio. Confirmatio est nostrorum argumentorum cum adseueratione expositio. Confutatio est contrariorum argumentorum dissolutio, quam superius rationem obliquam appellauimus. Quod autem confirmationis genus posuimus expositionem, fecimus

aucto-

Argumta

authoritate Rhetoris ad Herennium, qui istam confirmationis definitionem ponit: nec potest sine expositione argumentatio esse: quamuis sine hac illa esse possit. Rodolphus sane Agricola libro 2. de inuentione, cap. 16. in fine: Expositiones (inquit) quae inter argumentandum fiunt, quamquam sunt utique per se acceptae expositiones: tamen quia argumentationum pars sunt, & illis confirmandis destinantur, argumentationes vocantur. Omnis autem siue confirmatio siue confutatio argumentis fit. Argumentum verò est probabile inuentum ad faciendam fidem: quod aliàs ratione dicere solemus, per quam rei dubiae fidem facimus. Argumenta autem inuenienda sunt & iudicanda. Hinc (ut supra quoque diximus) Dialectica, quae in argumentatione consistit, diuiditur in Inuentiuam & Iudicatiuam. De illa quidem in hoc, de hac verò in lib. sequente dicetur.

### DE QVÆSTIONIBVS.

**A**Ntequam autem de inuentione dicamus, præmittenda sunt quadam de quaestione, quam Dialectices materiam Rodolphus Agricola facit, quemadmodum expositionem & argumentationem eius instrumenta. Et inuentionis loci alij sunt in alio quaestionis genere, ut infra suo loco monstrabitur. Quaestio igitur est elata cum interrogatione oratio, discendi vel differendi gratia proposita. ut puta, Quid est naturalis obligatio? An ex naturali obligatione oriatur actio? Hac autem verba, Discendi

scendi vel differendi gratia proposita : definitioni adieci ad differentiam eius interrogationis , qua sit in stipulatione: vt, Dabis? Promittis? Fideiubet? &c. De huiusmodi enim quaestionibus hic nihil agitur: non enim discendi vel differendi, sed obligandi gratia proponuntur. Quoniam autem Dialectica est ars docendi & discendi: nemo verò de ea re, de qua certus est, doceri cupiat: sed de ea tantum, de qua dubitat, de qua etiam quæri solet: rectè Rodolphus Agricola materiam Dialecticæ, quam tractet, quaestionem esse dixit. Porro de diuisionibus & speciebus quaestionis alij aliter senserunt, nec à quoquam mihi hac in re per omnia est satisfactum. In nouis ergo diuisionibus meo instituto accommodatis effingendis eadem libertate utar, qua vsi sunt ante me alij. Itaque principalis diuisio quaestionis hac erit, quòd alia sit definita, alia indefinita. Definitam eam appello, ad quam affirmando vel negando responderi potest: puta per verbum Ita vel Non. veluti: An ius sit mutabile? An minor vigintiquinque annis contrahendo obligari possit? Ad has quaestiones affirmando vel negando responderi potest: puta, esse mutabile, vel non esse: minorem obligari posse, vel non posse. Indefinitam quaestionem voco, ad quam non sufficit per verbum Ita vel Non respondere, sed necesse est adijci atque definiri aliquid, quo responsio perficiatur. veluti: Quid sit obligatio? Quotuplex sit obligatio? &c. Ad has enim quaestiones per verbum Ita vel Non simpliciter respon-

respondere, satis ridiculum esset. Ideoq; necesse est aliquid definiri in respondendo: puta, qui ad primam questionem respondet, dicit, Obligationem esse iuris vinculum, quo necessitate adstringimur alicuius rei soluendæ: Institut. de obligationibus in princ. Ad alteram questionem respondendo dicit, Obligationum aliam civilem esse, aliã pratoriam: Inst. d. tt. §. 1. Huius etiam generis questiones sunt, cum queritur de duobus disiunctim: puta, pactum de nou petendo vtrum ipso iure, an per exceptionem actionẽ tollat. Nam & hoc casu non sufficit respondere tollere: sed necesse est addi Per exceptionem, non ipso iure. vt Institut. de except. §. praterea. Inter definitas numeranda est questio, An sit? puta, An sit hypocentaurus? nam ad hanc questionem sufficit respondere eodem verbo, quo interrogatio facta est: scilicet, Esse vel nõ esse: nec opus est, quid praterea addi prater rationem vel confirmationem, sine qua tamen ipsa responsio, qua affirmatur vel negatur perfecta est: & nihil aliud queritur proposita questione, quàm, An res sit in rerum natura. Circa questiones indefinitas expositio versatur, circa definitas argumentatio. Vtriusq; questionis species tot sunt, quot sunt loci expositionis, quos supra lib. prox. enumeravimus. Nam de loco aliquo vel simplicis vel compositi thematis queritur aut definite, aut indefinite. Quæ enim de aliquo predicari possunt, eadem possunt & queri. Ideoq; quot sunt genera eorum quæ de aliquo predicantur, tot etiam sunt



sunt genera eorum quæ de aliquo queruntur seu  
 questionum. Indefinitæ igitur questionis species hæ  
 sunt: Quid sit? quod genus? quæ species? quæ diffe-  
 rentia? quæ propria? quod totum? quæ partes? quæ  
 coniugata? quæ adiacentia? qui actus? quod subie-  
 ctum? quæ connexa? quæ causa efficiens? quæ cor-  
 rumpens? quæ materia? quæ forma? quis finis &  
 usus? qui effectus? quæ contingentia? quod nomen?  
 quæ comparata? quæ similia? quæ dissimilia? quæ  
 repugnantia? Et hæc quidem generalium locorum  
 quæstiones sunt. Specialium locorum quæstiones si-  
 militer ex locis personarum, rerum, actionum, nec-  
 non compositi thematis supra enumeratis constitui  
 possunt. Actionum sanè forensium, quibus id quod  
 nobis debetur, in iudicio persequimur, speciales siue  
 peculiæres quæstiones hæc sunt: Ex quibus causis actio  
 competat? Quibus competat? Aduersus quos com-  
 petat? per quos? ubi & apud quem? Quid, quale &  
 quantum veniat in ea petendum? Quando & quam-  
 diu competat? Quæ sint eius antecedentia? quæ ad-  
 iuncta? qui euentus & consequentia? quæ denique  
 ad finia remedia? Compositi thematis quæstiones  
 speciales siue peculiæres hæc sunt: Quod sit legis pro-  
 positæ officium? quæ eius ratio? quid singula eius  
 verba significant? quæ sint eius exceptiones? quæ sit  
 actionis vel exceptionis ea lege introducta natura  
 & proprietas? ubi eadem queruntur, quæ de actio-  
 nibus forensibus quari iam dictum est. Planè num  
 lex proposita mutata sit? definita, non indefinita?

quæstio est. Ex his patet, quæ sint indefinitæ quæstio-  
 nes, & quot earum genera. de quibus singulis per-  
 fectius cognoscendis repetenda sunt ea, quæ de locis  
 expositionis suprâ lib. prox sunt dicta. Ex respon-  
 sione autem ad indefinitam quæstionem facta ori-  
 tur quæstio definita, si scilicet de ea ipsa responsio-  
 ne, an vera sit, adhuc dubitetur. puta, si interroga-  
 tus quid sit naturalis obligatio? responderit, esse vin-  
 culum æquitatis, quod iure civili destitatur: & in-  
 terrogâs de hac ipsa definitione dubitauerit: oritur  
 quæstio definita hæc, An naturalis obligatio sit vin-  
 culum æquitatis iure civili destitutum. Circa hu-  
 iusmodi quæstiones (vt dixi) argumētatio versatur:  
 quemadmodum circa indefinitas expositio. Tot aut  
 sunt species definitæ quæstionis, quot & indefinitæ  
 esse diximus. Siquidem omnis huiusmodi quæstio ex  
 indefinita originem trahit, & aut de definitione  
 querit, aut de genere, aut de specie, aut de alijs hu-  
 iusmodi tum generalibus tum specialib. locis: quem-  
 admodum propositio quoq, omnis ad huiusmodi a-  
 liquem locum (vt suprâ ostendimus) referri potest.  
 Planè quæstio An sit? definita est, vt diximus: quæ  
 tamen ex indefinita quæstione non oritur. Huius et-  
 iam generis sunt hæc quæstiones: An aliqua sit regula  
 vel definitio in iure, quæ non recipiat exceptionem?  
 An aliquid intersit inter liberationem quæ ipso fit  
 iure, & eam quæ fit per exceptionem? Sed & huius  
 generis videntur esse quæstiones hæc: An fuerit? vt:  
 An fuerit Troia? An factum sit: puta, An stipulatio  
 inter-

intercefferit? An futurum sit: puta, An eclipsis Lu-  
na sit futura?

### De quæstionibus forensibus.

Quæstionum sanè, de quibus in iure & iudicijs  
disceptatur, genera summa duo sunt. Nam aut de  
iure in foro quaritur, aut de facto. Vnde quæstionũ  
forensium alia iuris sunt, alia facti. Iuris quæstio est:  
veluti, An fur ultimo supplicio sit afficiendus? Facti  
quæstio est: An Titius furtum fecerit? Iuris quæstio-  
nes omnes sunt, quibus de definitione, genere, specie,  
differentiã vel similibus locis quaritur. Proinde si  
quaratur, An furtum sit, si quis seruo alieno ut su-  
geret persuaferit? An commendare sit deponere? de  
iure, non de facto quæstio est, quia huiusmodi quæ-  
stiones legibus definiuntur: ut prior quidem l. qui  
seruo. ff. de furtis. posterior l. commendare. ff. de iur.  
verb. signif. Et qui huiusmodi definitiones ignorat,  
haud dubie ius ignorare dicitur: cum aut iuris, aut  
facti sit ignorantia, l. 1. in prin. ff. de iuris & facti  
ignorantia. Facti quæstionis exemplum proponi-  
tur l. 24. ff. de reg. iuris. vbi Paulus: Quatenus  
(inquit) cuiusque inter sit, in facto, non in iure  
consistit. Aliud exemplum proponitur l. 16. ff.  
de statu hominum. vbi Ulpianus: Cum quæritur  
(inquit) uter posterior natus sit: quæstio facti  
potius est, non iuris. Aliud exemplum proponi-  
tur l. Seruius. 122. ff. de verb. signif. vbi Pomponius:  
Sed hoc (inquit) facti, nō iuris habet quæstio-  
nem. Aliud exemplum habetur l. utrum. 47. ff.

de donat. inter vir. & vxor. vbi Celsus : Vtrum  
(inquit) negocium vxoris gerens, an officio  
mariti ductus, in rem eius impenderit vir:  
facti, non iuris quæstio est. Sed coniectura  
eius rei ex modo & genere impensæ non dif-  
ficilis est. Porro de facto duplex quæstio est : nam  
aut de ipso facto queritur, An sit factum? aut si de  
facto constat, queritur de eius circumstantiis : pu-  
ra, quis fecerit? vel, an hic fecerit? quo animo fa-  
ctum sit? vel, an occidendi animo percusserit? quo  
loco factum sit? quo tempore? &c.

Sed & iuris quæstio non vnius generis est. Nam ea  
diuiditur in thesin & hypothesein. Thesis est quæstio,  
qua de iure generis queritur : quæ aliàs infinita vo-  
catur. Hypothesis est, qua queritur de iure indiui-  
dui : quæ aliàs appellatur finita. Genus est permuta-  
tio. Indiuiduum est permutatio inter Seium &  
Sempronium facta. De iure igitur generis infinita  
quæstio est : An ex permutatione detur actio? De iu-  
re indiuidui quæstio est finita : An ex hac permuta-  
tione, quæ inter Seium & Sempronium facta est,  
detur actio? Hæc aliàs etiam causa, item negotium,  
necnon casus & facti species appellatur, cuius om-  
nis disputatio vel in facti, vel in iuris quæstione infi-  
nita desinit : vt infrà demonstrabitur. Species quo-  
que media generis appellatione (vt suprâ ostendi-  
mus) continentur. Ideoq; thesis quoq; seu quæstio  
infinita est hæc : An ex permutatione, cui traditio  
interuenit, detur actio. Sic non solum thesis hæc est :

An fœminis pro alio intercedentibus, aduersus hanc suam intercessionem exceptio danda sit? Sed etiam hac: An fœminis, quæ callidè versatæ sunt, & creditorem deceperunt, pro alio intercedentibus exceptio danda sit? item hac: An fœminis, quæ apud minorem viginti quinque annis pro alio intercesserint, exceptio danda sit? Itaque thesium alia generalis, alia specialis dici potest: illa quæ de regula quarit, hæc quæ quarit de regula exceptionibus, replicationibus, duplicationibus, & sic deinceps.

#### De compositis quæstionibus.

Ex his quæ hætenus diximus, patet, quæstionum alias definitas esse, alias indefinitas: quarum hæ expositionem, illa argumentationem requirunt. Sed & illas rursus aut facti esse, aut iuris. facti, in quibus aut de ipso facto, aut de facti circumstantia aliqua quaritur. Iuris quæstiones alias theses appellari, alias hypotheses. Illas rursus aut generales esse, aut speciales. Quarum quæstionum alia aliam & inueniendi & iudicandi rationem desiderat, ut infra suo loco docebitur. Illud hic obiter notandū est, quod Dialectici aliā quæstionum diuisionem constituent, vnā simplicem, alterā compositā dicentes. Compositam eam appellant, in qua de pluribus rebus simul quaratur. Cuius exemplum proponitur l. quidam. 132. in prin. ff. de verb. obligat. ubi Paulus: Quidam (inquit) cum filium alienum susciperet, tradenti promiserat certam pecuniā, si eum aliter quā ut filium obseruasset.

set. quæro, si postmodum eum de domo expulerit, vel moriens nihil ei testamêto relinquat: an stipulatio committatur? Et quid inter sit, vtrum filius, an alumnus, vel cognatus agêtis fuerit. Præterea quæro, si filium suum quis legitimè in adoptionem dederit, & ita vt supra scriptum est, stipulatio intercesserit, eumq; pater adoptiuus exhæredauerit, vel emancipauerit: an stipulatio cōmittitur? *Hic plura simul queruntur. Ideoq; Dialecticū composita dicitur quæstio. Verū huiusmodi quæstiones à simplicibus non specie, sed numero differunt: & composita quæstio non vna est, sed plures, exemplo stipulationum, quarum tot sunt, quot res in stipulatiō sunt deductæ: l. 29. in prin. ff. d. tit. de verb. obligat. Quod etiam in legatis obtinet. Sic enim l. 2. ff. de leg. 2. Paulus: Quoties (inquit) nominatim plures res in legato exprimūtur, plura legata sunt. Ita quoq; in proposito censeo dicendum, pluribus simul quæsitis, nō vnā, sed plures quæstiones esse: cum nec vna responsio sufficiat, sed pluribus sit opus: nisi fortè plura simul non coniunctim, sed disiunctim quarantur: puta, quoties fundus in diem addicitur, vtrum pura emptio sit, quæ sub conditione resoluator: an verò conditionalis sit magis emptio: vt l. 2. ff. de in diem addictione, queritur. Hoc enim casū vnā quæstionem esse dicendum est, exemplo legatorum disiunctim relictorum. Sic enim l. 27. ff. de leg. 2. Celsus: Si illud aut illud legatum sit*

fit, vnum legatum est. Sed et si sub contrarijs conditionibus aliud atque aliud legatum est, vnum legatum esse arbitramur: neque refert, heredum & eorum quibus legatum est, diuersas personas esse. Idem in questionibus obtinebit, vt pluribus distinctim quesitis non dicamus plures questiones, sed vnani esse, indefinitam tamen, vt supra ostendimus. Sed & propositio hypothetica, quamuis ex duabus categoricis propositionibus constet, vna dicenda est, non plures: de qua dicetur infra lib. tertio, cap. De Syllogismo Categorico. Hæc de diuisionibus ac speciebus questionum sint dicta. Nunc ad propositum redeamus.

## DE LOCIS INVENTIONIS.

**A**D questiones definitas ( vt diximus ) vel affirmando vel negando respondetur: cui responsioni si querens vel aduersarius non acquiescit, argumentatione opus est, argumentaq; inuenienda sunt, quibus tum nostram sententiam confirmemus, tum argumenta aduersantia refellamus. In quem vsu locos excogitarunt veteres, ex quibus argumenta tanquam ex domicilijs depromerentur, quæve tanquam signa vel Mercuriales statuæ argumenta demonstrarent. Sunt autem huiusmodi loci nihil aliud quàm generæ eorum, quæ de aliquo dici vel prædicari possunt, vt ex superioribus constat, & tam expositioni quàm argumentationi deseruiunt: quos supra lib. proxim. exposuimus. Sunt tamen



prater istos & alij solius argumentationis proprij,  
 non cum expositione communes, quos locos inarti-  
 ficiales appellant. Ideoq; locorum inuentionis alij  
 sunt artificiales, alij inartificiales. Artificiales sunt,  
 quos supra lib. prox. enumerauimus tam generales,  
 quam speciales, qui expositioni & argumentationi  
 sunt communes. Nullus enim ex ijs est, à quo non  
 possint argumenta sumi: vnde ab ijs etiã argumenta  
 solent denominari, veluti à definitione, à genere, à  
 specie, à differentia, à proprio, à toto, à partibus, &  
 sic deinceps. De quibus locis singulis tam generali-  
 bus quam specialibus, quatenus inueniendis argu-  
 menti deseruiunt, infra copiosius tractabitur. Inar-  
 tificiales loci sunt: veluti: *authoritas, testimonium,*  
*confessio aduersarij, tabula, res iudicata, & alij si-*  
*miles, ex quibus argumēta desumpta directò ac spe-*  
*cialiter id, de quo quaritur, affirmant vel negant.*  
*veluti: Iudex pronunciauit Titium esse ingenuum.*  
*Ergo Titius est ingenuus. Seius confessus est se furtū*  
*fecisse. Ergo furtum fecit. Hi loci ad simplex thema*  
*describendum nō pertinent, nec de eo predicari pos-*  
*sunt: & quanquam de composito themate predican-*  
*tur, tamen ad confirmandum illud vel refellendum*  
*magis spectant, quam ad exponendum vel describen-*  
*dum. Ideoq; argumentationis loci proprij sunt, non*  
*etiã expositionis. Hos Rodolphus Agricola communi*  
*nomine Pronunciata vocat, quæ sic definiri possunt,*  
*quòd sint, quæ quisquam de re proposita affirmauit*  
*vel negauit verbis, literis, vel actu aliquo, ex quibus*

argumenta sumuntur tam in iuris quàm in facti questione. In iuris questione pronunciata sunt, auctoritas, cui subijcitur voluntas vel iussus eius, cui parendum est, puta, magistratus, iudicis, testatoris, parentis, domini: item conuentio partium. In facti questione pronunciata sunt, testimonium, fama, confessio aduersarij vel spontanea vel vi extorta, tabula, & iusiurandum.

### Ab auctoritate.

Ab auctoritate locus omnium frequentissimus est in iure: & ex eo duplex sumitur argumentum, necessarium & probabile. Necessarium: veluti ab auctoritate legis vel consuetudinis, qua & ipsa vim legis obtinet. Vnde Vlpianus in l. prospexit. 12. in prin. ff. qui & à quibus manumiss. Ipla (inquit) quæ diuertit, omnes omnino seruos suos manumittere vel alienare prohibetur, quia ita verba faciunt, vt ne eum quidem seruum, qui extra ministerium eius mulieris fuit, vel in prouincia, possit manumittere, vel alienare. quod quidem perquàm durum est, sed ita lex scripta est. Huius loci regula hac est: Pœnam non mereri quod lege permittente factū sit, l. Gracchus. 4. C. ad l. Iul. de adulterijs. Non tamen omne quod licet, honestum est, l. non omne. 186. ff. de reg. iuris. Ab auctoritate consuetudinis argumentatur idem Vlpianus l. 1. ff. de donat. inter virum & vxorem, dicens: Moribus apud nos receptum est, ne inter virum & vxorem donatio valeret. Aliud

*exemplum proponitur l. 9. §. si numos. ff. si certum  
 petatur. vbi Iulianus scribit, non dubitari, quin si  
 meam pecuniam tuo nomine voluntate tua dederō,  
 tibi adquiratur obligatio. Subiicit rationem à con-  
 suetudine, his verbis: Cū quotidie credituri pe-  
 cuniam ab alio poscamus, vt nostro nomine  
 creditor numeret futuro debitori nostro. Aliud  
 exemplum proponitur l. Alfenus. 87. ff. de verb.  
 signif. vbi Marcellus: Romam (inquit) non mu-  
 rotenus existimari ex consuetudine quoti-  
 dianā posse intelligi: cum diceremus Romam  
 nos ire, etiam si extra urbem habitaremus.  
 Aliud exemplum proponitur l. 6. §. fin. ff. de pre-  
 cario. vbi Vlpianus: Quotidie (inquit) precariō  
 rogantur creditores ab his qui pignora de-  
 derunt: & debet consistere precarium. Sed  
 omnium laudatissimum exemplum proponitur l.  
 quod si nolit. 31. §. quia assidua. ff. de adilitio edi-  
 cto. vbi Vlpianus: Quia (inquit) assidua est du-  
 plæ stipulatio: idcirco placuit etiam ex em-  
 pto agi posse, si duplæ venditor Mancipij nō  
 caueat. Ea enim quæ sunt moris & consue-  
 tudinis, in bonæ fidei iudicijs debent venire.  
 Et l. 13. §. fin. ff. de pollicitationib. rescriptū est, Esse  
 tolerabilia, quæ vetus consuetudo comprobatur. Desi-  
 nitio quoq; ex consuetudine sumenda est. Sic enim  
 l. legatis. 63. §. fin. ff. de leg. 3. Martianus: Quibus  
 (inquit) legatis nō continentur agni. Quam-  
 diu autem agnorum loco sint, ex vsu cuiusq;  
 loci*

loci sumendum est. nam in quibusdam locis  
ouium numero esse videntur, cum ad conflu-  
ram venerint. Et l. 1. §. 1. ff. de fluminib. Vlpianus:  
Flumē (inquit) à riuo magnitudine discernen-  
dum est, aut existimatione circumcolentiū.  
Item l. 7. §. nec mirū. ff. de supellectile legat. Celsus:  
Non mirum est (inquit) moribus ciuitatis, &  
vsu rerum appellationem supellectilis mu-  
tatam esse. Facti quoque praesumptio ex more &  
consuetudine sumi solet. de qua re dicetur infra in  
praesumptionibus. Hac de auctoritate legis & con-  
suetudinis. Hominis quoque auctoritas atque vo-  
luntas non raro necessarium suppeditat argumen-  
tum: puta magistratus, iudicis, testatoris, patris,  
domini, & alterius, cui parēre necesse est. Proinde  
de Iabolenus: Non potest (inquit) dolo carere,  
qui imperio magistratus non obtemperat:  
l. non potest. 159. ff. de reg. iuris. Et Vlpianus l. qui  
vetante. 102. ff. eod. tr. ait: Qui vetante prae-  
tore fecit, hic aduersus edictum fecisse pro-  
priè dicitur. Item l. non videtur. 127. ff. eod. tr.  
Iulianus: Qui iussu iudicis (inquit) aliquid fa-  
cit, non videtur dolo malo facere: quia parē-  
re necesse habet. Sed & aliàs constat sententiam  
iudicis, à qua prouocatum non sit, ius facere, & in  
facti questione pro veritate accipi, l. 25. ff. de sta-  
tu hominum. Testatoris quoque voluntatem ab  
eius heredibus & legatarijs ratam habendam es-  
se, iuris est indubitati. Filium etiam iussus  
patris,

Auctoritas  
Juri.

patris, & seruum iussus domini obligat: quemadmodum conuentio duorum pluriumve in idem, non solum confirmandi, sed & obligandi eos inuicem vim habet: quarum tamen authoritatum omnium exceptiones licet petere ex meis Digestis. Probabile tantum, non etiam necessarium suppeditat argumentum authoritas prudentum. Quanquam (vt Imp. Iustinianus Inst. de iure naturali. §. responsa, refert) antiquitus constitutum erat, vt essent qui iura publice interpretarentur, quibus à Casare ius respondendi datum est, qui Iurisconsulti appellabantur: quorum omnium sententia & opiniones eam authoritatem tenebant, vt iudici recedere à responso eorum non liceret. Hodie tamen illud est immutatum, & sententia Iurisconsultorum probabilem tantum, non necessariam obtinent authoritatem: exceptis ijs, quæ Pandectis ab Imp. Iustiniano sunt insertæ. has enim vim legum obtinere Imp. iussit, l. 1. §. & omnes. C. de vetere iure enucleando, dicens: Omnes, qui relati fuerint in hoc codice prudentissimi viri, habeant autoritatem, tanquam si eorum studia ex principalibus constitutionibus profecta, & à nostro diuino fuerint ore profusa, Omnia enim meritò nostra facimus, &c. Communi tamen doctorum opinioni hodie quidam necessariam tribuunt authoritatem, à qua iudici recedere non liceat. Verum ijs contradicere videtur Imp. Iustinianus d. l. 1. §. sed neq., dicens: Neque ex multitudine auctorum, quod  
melius

melius & æquius est, iudicatote; cum possit  
 vnus forsitan & deterius sententia & mul-  
 tos & maiores aliqua in parte superare. Sic  
 etiam quoties de facto dubitatur, Arcadius l. ob car-  
 men. 21. §. fin. ff. de testibus ait, Non ad multitudi-  
 nem respici oportere, sed ad synceram testimoniorū  
 fidem, & testimonia, quibus potius lux veritatis ad-  
 sistit. Proinde l. 5. §. penultim. ff. de impensis dota-  
 libus, Vlpianus: Et si plerique negent (inquit)  
 tamen propter æquitatem Marcelli senten-  
 tia admittenda est. Et l. quasitum. 12. in princ. ff.  
 de instrum. legato, idem Vlpianus: Quasitum est  
 (inquit) an frumentum, quod cibarijs cultorū  
 paratum foret, instrumento cederet? Et  
 plurimis non placet. Sed ego puto contine-  
 ri: & ita Seruium respondisse, auditores eius  
 referunt. Imp. quoque Iustinianus l. 10. C. de con-  
 dictione indebiti, sententiam duorum Iuliani &  
 Papiniani præfert trium sententia, Marcelli, Celsi  
 & Vlpiani. Non ergo credendum est, communem  
 Doctorum opinionem vim legis obtinere, vt ius fa-  
 ciat, & iudici ab ea recedere non liceat. Quinimō  
 sententia contra communem Doctorum opinionem  
 lata ipso iure valet propter conflictum opinionum.  
 Et hanc communem esse opinionem testatur Iason  
 in l. cum prolati. ff. de re iudicata. Sequitur Ripa  
 in l. qui Romæ. §. duo fratres, in 6. opposito. Bart.  
 ff. de verb. obligat. Opinio ergo doctorum, quam-  
 uis communis, probabilem, non necessariam obtinet  
 auctori-

auctoritatem, à qua iudici causa cognita recedere  
 licet: non tamen temerè ab ea recedet, nisi alijs ar-  
 gumentis probabilibus in contrarium motus, vt in-  
 frà suo loco docebitur. Quod dictum de doctorũ opi-  
 nionibus, idem obtinet etiã in plerisq; regulis iuris,  
 quamuis antiqui, hæ enim ob suam generalitatẽ  
 non necessarium sed probabilem tantum habet au-  
 thoritatem, & in causis tantum arbitrarijs, non or-  
 dinarijs locum obtinent: in his enim non nisi legum  
 auctoritas attendenda, vt infrà in thesibus disputan-  
 dis demonstrabitur. In causis autem arbitrarijs phi-  
 losophorũ quoq; oratorum, medicorũ, poëtarum,  
 & aliorum auctoritas allegari potest, vt id quod  
 propositum est, probabile fiat. Sic Platonis auctori-  
 tas allegatur l. 2. ff. de nudinis. Aristotelis l. si pater.  
 36. ff. de solutionib. & liberat. Ciceronis l. Cicero.  
 39. ff. de pœnis. & l. litus. 96. ff. de verb. signif. Hip-  
 pocrati l. 12. ff. de statu hominum. Homeris l. 1. ff. de  
 contrah. empr. Vergilij l. in tantum. 6. §. fin. ff. de  
 rer. diuis. Huius loci regula est, Cuilibet in sua arte  
 credendum esse. Accedit Francisc. Viuius lib. 1. com.  
 opin. vers. feudorum liber, num. 3. & 4. vbi etiam  
 huius regule duæ adduntur exceptiones. Prima est:  
 Nisi extra suam artem testentur. num. 3. Altera: Nisi  
 lex in contrarium extet. d. vers. feudorum liber, nu.  
 5. cum duob. sequentibus. Proverbia quoq; non mo-  
 dicam obtinent auctoritatem. Vnde quidam pro-  
 uerbiũ dictum autumant, quasi probatum verbũ,  
 quod longa tandem experientia sit confirmatum.



Hac auctoritate vtuntur Impp. Seuerus & Antoninus l. solent. 6. §. non verò. ff. de officio proconsulis, in hac verba: Quantum ad xenia pertinet, audi quid sentimus. Vetus prouerbum est: Neque omnia, neque quouis tempore, neque ab omnibus. Nam valde inhumanum est, à nemine accipere: sed passim, vilissimum est: & per omnia, auarissimum, &c. Proculus quoq; l. si chorus. 77. §. 1. ff. de leg 3. probaturus peculium dici etiam id quod praesidiij causa seponeretur, ad hoc vtitur prouerbio rusticorum, dicens: Sæpe se audiuisse rusticos senes ita ducentes, Pecuniam sine peculio fragilem esse: peculium appellantes, quod praesidiij causa seponeretur. Præterea non solum ex eo quod quis vel dixit, vel scripsit, auctoritas laudatur: sed etiam ex facto, quo quis tacite quod sentit, indicat. puta, Pythagoras interrogatus quanta esset hominum vita, parumper videndum se præbens, subito abscondit, vita humana mensuram conspectus breuitate indicans. Postremò notandum hoc loco, quòd non solum affirmatiuè, sed etiam negatiuè ab auctoritate argumentemur, primum quidem hoc modo: Lege deficiente, deficit actio, exceptio, vel simile ius. Cuius exemplum proponitur l. si verò. 64. §. de viro. ff. soluto matrimonio. vbi Ulpianus: De viro (inquit) hæredeque eius lex tantum loquitur: de socero, successoribusq; soceri nihil in lege scriptum est. Et hoc Labeo quasi omissum adnotat. In quib; igitur casib;

lex

lex deficit, non erit nec utilis actio danda. Sed plura de hac re dicetur infra, ubi de thesi disputanda agetur. Deinde ab autoritate argumentamur <sup>11</sup> negatiue hoc modo: Concessum videtur, quod non inuenitur prohibitum, exemplo l. 7. C. de religiosis. Vbi Imp. Gordianus: Statuas (inquit) sepulchro superimponere, vel monumento, quod à te extructum profiteris, ornamenta, quæ putas, superaddere non prohiberis: cum iure suo eorum quæ minus prohibita sunt, vnicuiq; facultas libera non denegetur. Aliud exemplum proponitur l. 4. C. de iure dotium, his verbis: Nulla lege prohibitum est, vniuersa bona in dotem marito fœminam dare. Aliud exemplum habetur l. magistratus. 25. in fine. ff. ad municipalem. c. sanè. §. vnde aut. vers. cum enim generaliter. 15. q. 3. item c. 23. extr. de sponsalib. c. 1. in princ. de procuratoribus, in 6. Huic concordat quod Aristoteles lib. 5. Ethicorum scribit: Ius legitimum id appellari, quod initio nihil interfuit, sic an secus fieret: cum autem latum positumq; esset, iam interesse. Sed & huius loci est, quod Imp. Iustinianus l. sancimus. 27. in prin. C. de testamentis, ait: Quod non mutatur (inquiens) cur stare prohibetur? Planè quod in genere prohibitum est, in specie quoque prohibitum esse censetur: nisi lege speciali concedatur. Quia semper speciali generalibus insunt: vt paulò inferius dicetur. Cuius exemplum est c. dixit. §. fin. 14. q. 5. Sed & quod legē

lege prohibitum non est, interdum arbitrio iudicantis prohibetur, exemplo l. *quasitum*. 13. ff. de testibus. cuius verba vide infra in thesi disputanda, except. 3. Multa item iure civili prohibita non sunt, quae tamen iure pontificio prohibentur, ideoque non videntur concessa. d. c. *sanè*. §. *cum autem*. Hac de loco ab auctoritate sint dicta. Quamquam testimonium etiam, item fama, confessio adversarii, & ceteri loci quos supra inter locos inartificiales retulimus, auctoritatis speciem habent. Ideoque nonnulli (teste Rodolpho Agricola) omnes istos sub loco Ab auctoritate sunt complexi. Verum quoniam non ad ius, sed ad factum probandum isti loci pertinent, infra, ubi de facti questione probanda agetur, eorum faciemus mentionem.

### A qualitate sententiae, vel propositionis.

Saepe sententia, de qua quaritur, dicitur verisimilis, benignior, absurda, dura, vel alia similis qualitas perinde ac auctoritas de ea pradicatur, non tam describenda, quam confirmanda vel refutanda eius gratia: ut locus à qualitate sententiae argumentationis proprius videri possit, non cum expositione communis. Ideoque hunc locum inartificialibus locis subijcere libet. Eius autem species plures sunt, quas per regulas sequentes proponemus. Sit ergo prima regula de notorio.

I. Regula: Notoria non indigent probatione. Quae regula approbatur l. 1. §. *fin.* ff. de dote prela-

b gata,

gata, his verbis: Quidquid demonstratæ rei ad-  
ijcitur, satis demonstrare frustra est. Concor-  
dat l. continuus. 137. §. cum ita, in fine. ff. de verb.  
obligat. ubi Venuleius: In facto (inquit) quod fi-  
nitum & certum est, nullus est coniecturæ  
locus. Concordat c. cum qui. 31. de reg. iuris, in 6.  
Certum autem siue notorium definiri potest id esse,  
quod omnes sciunt vel scire possunt, quodq; non in-  
telligere lata culpa siue nimia negligentia est. Sic e-  
nim l. 2. 3. §. fin. ff. de verb. signif. Vlpianus: Lata (in-  
quit) culpa est, nimia negligentia: id est, non  
intelligere quod omnes intelligunt. Et l. 223.  
in prin. ff. eod. tit. Paulus: Latæ culpæ finis est (in-  
quit) non intelligere id quod omnes intelli-  
gunt. Sed & definitur notorium seu evidens, quod  
sensu deprehenditur, c. 2 in prin. de verb. signif. in 6.  
Quemadmodum autem ignorantia, ita scientia quo-  
que atq; notorium aut iuris est aut facti, l. 1. in prin.  
ff. de ignor. iuris. Iuris notorium est, Honestè viuen-  
dum, neminem ledendum, suum cuiq; tribuendum  
esse, vim vi repellere licere, & alia huiusmodi, quæ  
sunt iuris naturalis. Hæc enim omnibus per se nota  
sunt, nec probatione indigent. De quibus Cicero pro  
Milone sic ait: Est hæc nō scripta, sed nata lex, quam  
non didicimus, accepimus, legimus: verū ex natu-  
ra ipsa arripimus, hausimus, expressimus: ad quam  
non docti, sed facti: non instituti, sed imbuti sumus.  
Hæc ergo qui negat, prima iuris principia negare vi-  
detur, contra quem disputandum nō esse Aristoteles  
censet.

*cenſet. Huius loci exemplum proponitur l. ſcire oportet. 15. §. ſufficit. ff. de excuſatione tutorum, ubi Modeſtinus: Huius fidem (inquit) ſufficit firmare ex ipſa naturali iuſticia. Et l. libero- rum. 220. in fine. ff. de verbor. ſignificat. Calli- ſtratus: Præter hæc omnia (inquit) natura nos quoque docet, parentes pios, qui li- berorum procreandorum animo & voto vo- xores ducunt, filiorum appellatione omnes, qui ex nobis deſcendunt, contineri: nec e- nim dulciore nomine poſſumus nepotes noſtros, quàm filij, appellare, &c. Sic & l. 4. ff. ad l. Aquiliam, Caius: Aduerſus periculũ (in- quit) naturalis ratio permittit ſe defendere. Item l. ult. in prin. ff. de bonis damnatorum, Paulus: Cum ratio (inquit) naturalis quaſi lex quædã tacita liberis parentũ hæreditatem adiſciat, &c. Et hæc quidem natura ſunt notoria. Uſu quoq; & conſuetudine multa ſunt notoria, quæ ignorare, nimie negligentia eſt: improbare, moroſitatis. Hu- iuſmodi argumento utitur Paulus l. quadam. 9. §. numularios. ff. de edendo, dicens: Numularios nō eſt iniquum cogi rationes edere: quia acci- piunt pecuniam, & erogant per partes: qua- rum probatio ſcriptura codicibusq; eorum maximè continetur: & frequentiffimè ad fi- dem eorũ decurritur. Plura huiuſmodi exempla propoſuimus ſuprà in loco Ab authoritate proximo. Hac de notorio iurẽ. Factum quoq; ſi notorium ſit,*

*lata culpa est illud vel negare vel ignorare, haud aliter ac si quis in dubiū vocet ea, quæ sensibus à quonvis deprehendi possunt: veluti niuem albam & frigidam esse: quorum prius visu, posterius tactu deprehenditur. Itaque sufficit allegare notorium esse, quamvis nulla alia argumenta producantur. Sed nec processu ordinario vel sententia declaratoria in notorio est opus, per l. ea quæ. C. de accusationibus. Vnde l. emptorem. 12. in prin. ff. de actio. empti, Neratius ait, Emptorem noxali iudicio conuentum, siue defendat eo iudicio, siue non: quia manifestum fuit noxium seruum fuisse: nihilominus vel ex stipulatu, vel ex empto agere posse. Sed de hac re vide commentatores disceptantes. Hæc de prima regula.*

11. *Regula: in re dubia quod verisimilius est, sequendum. Quæ regula approbatur l. in obscuris. 114. ff. de reg. iuris, hisce verbis: In obscuris inspicitur solet quod verisimilius est, aut quod plerunque fieri solet. Concordat l. ob carmen. 21. §. si testes. ibi: confirmabit q̄. ff. de testibus. vbi Arcadius ait: Confirmabit iudex motum animi sui ex argumentis & testimonijs, quæ rei aptiora, & vero proximiora esse compererit. Concordat item l. cum de ætate. 13. ff. de probationibus. vbi Celsus: Cum de ætate hominis (inquit) quæreretur, Cæsar noster in hæc verba rescripsit: Et durum & iniquum est, cum de statu ætatis alicuius quæritur, & diuersæ professiones proferuntur, ei potissimum stare quæ noceat:*  
*sed*

sed causa cognita veritatem excuti oportet; & ex eo potissimum annos computari, ex quo præcipue fidem in ea re constare credibilis videtur. *Huius loci exemplum proponitur l. 13. in fine. ff. qui potiores in pignore. vbi Paulus: Facti quæstio est (inquit,) sed verisimile est id actum, ut primam quaque pensionem pignorum causa sequatur. Aliud exemplum proponitur l. 24. ff. de condit. & demonstr. vbi Iulianus: Cum (inquit) vir uxori, quandoque liberos habeat, fundum legauit: si mulier diuortio facto liberos ex alio procreauerit, deinde soluto secundo matrimonio ad priorē maritum redierit: non intelligitur expleta conditio: quod testatorem verisimile nō est de his liberis sensisse, q̄ se viuo ex alio suscepti fuissent. Aliud exemplum proponitur l. Seruius. 122. in fine. ff. de verb. signif. vbi Pomponius: Quod (inquit) magis rationabile esse videtur. Sanè quod sit ex duobus verisimilius, & pro quo sit præsumendum, vel legibus definitur, vel legibus deficientibus arbitrio iudicis permittitur: ut infra lib. proxim. de præsumptionibus copiosius docebitur.*

*III. Regula: In re dubia humanior, benignior & fauorabilior sententia est amplectenda. Quæ regula approbatur l. 11. §. fin. de rebus dubijs. vbi Ulpianus: Si incertum est (inquit) nec potest per subtilitatem iudicalem manifestari: in ambiguis rebus humaniorem sententiam sequi*



oportet. *Concordat l. 8. ff. de pactis. vbi Papinianus* : Si omnia (*inquit*) vndique in vnam æqualitatem concurrant : humanior est sententia à Prætore eligenda. hoc enim ex diui Marci rescripto colligi potest. *Item concordat l. 14. in fin. C. de fideicommissar. libertat. hisce verbis* : In ambiguis sensibus melius est humaniorem amplecti sententiam. *Item concordat l. 55. ff. de reg. iuris. vbi Caius* : Semper (*inquit*) in dubijs benigniora præferenda sunt. *Concordat item l. rapienda. 128. ff. eod. tt. vbi Iulianus* : Rapienda occasio est (*inquit*) quæ præbet benignius responsum. *Similiter l. 152. in fine. ff. eod. tt. Marcellus* : In re dubia (*inquit*) benigniorem interpretationem sequi, non minus iustius est quam tutius. *Et l. 197. in fine. ff. eod. tt. Paulus* : In pœnalibus (*ait*) causis benignius interpretandum est. Huius loci argumentū proponitur *l. Titius 24. in fine. ff. de constituta pecunia. vbi Marcellus asserens eum qui per epistolam alterius obligationem suscepisset, nulla stipulatione interueniente, in sortem, non etiam in vsuras de constituta pecunia actione teneri* : subiicit rationem his verbis : Est enim humanior & utilior ista interpretatio. Aliud exemplum proponitur *l. si ita scriptum. 13. in prin. ff. de liberis & posthumis. vbi Iulianus* : Licet (*inquit*) subtilis iuris regulæ conueniat ruptū testamentū fieri : ut tamen vt defuncti voluntas conseruetur, ideo ad huiusmodi

modi sententiam humanitate suggerente decursum est. Planè humanioris & benignioris sententiae species hæ sunt: Prima quidem ea, quæ reo potius quàm auctori fauet. Nam l. 167. ff. de reg. iuris, Caius: Favorebiliores (inquit) rei potius quàm actores habentur. Cuius leges concordantes vide in meis Digestis. Vnde humanior sententia censetur ea quæ ad liberandum, quàm quæ ad condemnandum spectet: quod secunde speciei loco notandum. Approbatur autem hæc species l. 46. ff. de action. & obligat. ubi Arrianus ait, multum interesse, quæras utrum aliquis obligetur, an aliquis liberetur. ubi de obligando quaritur, propensiores esse debere nos, si habeamus occasionem, ad negandum: ubi deliberando, ex diverso ut faciliores simus ad liberationem. Hinc etiam Imp. Traianus l. 5. in prin. ff. de pœnis, rescripsit: Satiùs esse impunitum relinqui facinus nocentis, quàm innocentem damnari. Tertia species est sententia, quæ fauet damno vitando magis quàm lucro captando. Nā l. 41. ff. de reg. iuris, Vlpianus: In re obscura (inquit) melius est favere repetitioni, quàm adueticio lucro. Quarta species est sententia, quæ minorem summam complectitur. Sic enim l. 9. ff. de reg. iuris, Vlpianus: Semper in obscuris (ait) quod minimū est, sequimur. Et l. 34. in fine. ff. eod. tit. idē Vlpianus: Semper (inquit) in stipulationib. & in ceteris contractibus id sequimur, quod actum est. Vnde si non apparet, quid actū est:

erit consequens, ut id sequamur, quod in regione, in qua actum est, frequentatur. Quid ergo, si neque regionis mos appareat: quia varius fuit? ad id quod minimum est, redigenda summa est. *Huc etiam videtur pertinere, quod l. penult. ff. de pœnis, Venuleius: Interpretatione (inquit) legum pœnæ molliendæ sunt potius, quàm exasperandæ, Quinta species est sententia, quæ inclinat eò, ut id quod bona fide gestum est, magis valeat quàm pereat. Nam ita l. quoties. 13. ff. de rebus dubijs, Iulianus: Quoties (inquit) in actionibus, aut in exceptionibus ambigua oratio est: commodissimum est id accipi, quo res, de qua agitur, magis valeat, quàm pereat. Huic concordat l. vbi est. 22. in fine. ff. eod. tit. vbi Paulus: Semper (inquit) in dubijs id agendum est, ut quàm tutissimo loco res sit bona fide contracta: nisi cum apertè contra leges scriptum est. Concordat item l. res bona. 54. ff. de contrab. empt. vbi Paulus: Res (inquit) bona fide vendita, propter minimam caulam incepta fieri non debet. Concordat item l. 4. ff. de in integr. restitut. vbi Callistratus: Scio (inquit) illud à quibusdam observatum, ne propter minimam sanè rem vel summam (si maiori rei vel summæ præiudicetur) audiat is qui in integrum restitui postulat. Concordat item l. si quis. 66. ff. de iudicijs. vbi Vlpianus: Si quis (inquit) intentione ambigua, vel oratione*

tionem vsus fit: id quod vtilius ei est, accipiendum est. *Item concordat l. in contrahenda. 132. in fine. ff. de reg. iuris. vbi Iulianus: Ambigua (inquit) intentio ita accipienda est, vt res salua lra actori. Postremò humanior atque benignior est sententia pro dote quàm contra dotem, pro libertate quàm contra libertatem: quæ species cum alijs similibus proponuntur infra lib. prox. cum de presumptionibus agetur.*

IIII. *Regula: In re dubia, bonum, æquum seu vtile maximè spectandum. Quæ regula approbatur l. in omnibus. 90. ff. de reg. iuris, hisce verbis: In omnibus quidem, maximè tamen in iure æquitas spectanda est. Concordat l. quoties. 220. ff. eod. tit. hisce verbis: Quoties nihil sine capitione inuestigari potest: eligendū est, quod minimum habeat iniquitatis. Huius exemplū proponitur l. quod si maritus. 3. §. fin. ff. de constituta pecunia. vbi Vlpianus: Hanc sententiam (inquit) non inuitus probarim: habet enim vtilitatem, vt ex die obligatus constituendo se eadem die soluturum, teneatur. Aliud exemplum proponitur l. 2. §. quanquam. ff. de aqua pluuiæ arcēda. vbi Paulus ait: Hæc æquitas iuggerit, etiam si iure stricto deficiamus. Aliud exemplum proponitur l. illud. 5. in fine. ff. si pars hered. petatur. vbi idem Paulus: Sed vtilius est (inquit) posse eū adire qui nescit portionem, si cætera, quæ oportet eum scire, non igno-*  
*h s ret.*

ret. Aliud exemplum proponitur l. 6. §. final. ff. de iure dotium. vbi Pomponius: Quia (inquit) bono & æquo non conuenit aut lucrari aliquem cum damno alterius, aut damnum sentire per alterius lucrum.

V. Regula: In re dubia id quod honestius est, sequendum. Quæ regula approbatur l. semper. 42. in prin. ff. de ritu nuptiar. vbi Modestinus: Semper (inquit) in coniunctionibus non solum quid liceat, considerandum est, sed & quod honestum est. Huius exemplum proponitur l. adoptiuus. 14. §. idem tamen. ff. eod. tit. vbi Paulus: Sed in re dubia (inquit) rectius & modestius est huiusmodi nuptijs abstinere. Aliud exemplum proponitur l. quique. 4. §. parentem. ff. de in ius vocando. vbi Vlpianus: Sed Caius Cassius (inquit) vsq; in infinitum omnes parêtes dicit: quod & honestius est, & meritò obtinuit.

VI. Regula: In questionibus decidendis subtilitas vitanda. Quæ regula approbatur l. si fideiussor. 29. §. quedam. ff. mandati. vbi Vlpianus: Bonæ (inquit) fidei non congruit de apicibus iuris disputare. Item l. ita vulneratus. 51. fin. ff. ad l. Aquiliam, Iulianus: Multa (inquit) iure ciuili contra rationem disputandi pro utilitate communi recepta esse, innumerabilibus rebus probari potest. Vnum interim proposuisse contentus ero. Cum plures trabem alienam furandi causa sustulerint, quam singuli ferro non

non possent: furti actione omnes teneri existimantur: quamvis subtili ratione dici possit, neminem eorum teneri: quia neminem verum sit eam sustulisse. *Aliud exemplum proponitur l. sicut. 8. §. si debitori. ff. quibus modus pignus soluitur. vbi Martianus: Si debitori (aut) concessum sit, & hæres eius vendiderit: potest facti quæstio esse, quid intellexerit creditor. Sed rectè venisse dicendū est. hæ enim subtilitates à iudicibus non admittuntur. Aliud argumentum proponitur l. 9. §. si res. ff. de iure dotium, his verbis: Si res alicui tradidero, vt nuptijs secutis dotis efficiantur, & ante nuptias decessero: vereor ne non possint in dominio eius effici, cui datæ sunt: & quia post mortem incipiat dominium discedere ab eo qui dedit, & quia pender donatio in diem nuptiarum & cum conditio nuptiarum sequitur, iam hæredis dominium est, à quo inuito discedere non posse fatendum est. Sed benignius est favore dotium, necessitatem imponi hæredi consentire. Simili argumento vtitur Imp. Iustinianus l. 7. C. de institut. dicens: Ne dum nimia vtimur circa huiusmodi sensus subtilitate, iudicia restantium defraudentur. Sed & l. 7. in princ. C. de Senatusc. Trebell. idem Imp. ait: Ne dum nimia subtilitate vtimur circa res pupillares, ipsa subtilitas ad perniciem eorum reuertatur, Eodem argumento vtitur Imp.*

*Imp. l. ult. C. de iure dotium, dicens: Quod satis scrupulosum, & per nimiam subtilitatē perniciosum est. Porro subtilitati opponitur simplicitas, quam idem Imp. Inst. de legitima adgnat. successione. §. & hac quidem lex, dicit legib. esse amicam. Item Inst. de fideicom. hereditat. §. sed quia stipulationes, subtilitatem vocat difficultatem, dicens: Nobis in legib. magis simplicitas quàm difficultas placet. Ibidem quoq; stipulationes ex S. C. Pegasiano descendentes appellantur captiosae. Item l. 1. C. de iuris formulis, Imp. Constantinus: Iuris formulæ (inquit) aucupatione syllabarum insidiantes, cunctorum actibus radicibus amputentur. Et Imp. Iustinianus l. 4. §. fin. C. de receptis arbitris, ait, Subtilem, imò magis supernuam observationem verborum ab aula concessisse: Et nos (inquit) nuper legibus à nobis scriptis multa vicia stipulationū, multasque ambages, scrupulososq; circuitus correximus.*

*VII. Regula: Viciosa interpretatio, & quæ rei gerenda inepta est, vitanda. Quæ regula approbatur l. in ambigua. 18. ff. de legibus. ubi Celsus: In ambigua (inquit) voce legis ea potius accipienda est significatio, quæ vitio caret: præsertim cum etiam voluntas legis ex hoc colligi possit. Item l. quoties. 67. ff. de reg. iuris, Iulianus: Quoties (inquit) idem sermo duas sententias exprimit, ea potissimum accipietur, quæ rei gerendæ aptior est. l. 3. ff. de reb. dubijs, Paulus:*

*In*



In ambiguo sermone (*inquit*) non vtrunque dicimus, sed id duntaxat quod volumus. Itaque qui aliud dicit quàm vult: neque id dicit quod vox significat, quia non vult: neque id quod vult, quia id non loquitur.

VIII. *Regula: Interpretatio, qua facit legem vel dispositionem inutilem, est viciosa, exemplo l. 1. §. fin. ff. ad municipalem. vbi Vlpianus: Celsus (inquit) refert, Ponticis ex beneficio Pompei Magni competere, vt qui Pontica matre natus esset, & Ponticus esset. quod beneficium ad vulgò quæsitos solos pertinere quidam putant. quorum sententiam Celsus nō probat: neque enim debuisset caueri, vt vulgò quæsitus matris conditionem sequeretur: quam enim aliam originem hic habet? sed & ad eos qui ex diuerlarū ciuitatum parentibus orirentur. Plura de hac regula vide infra in loco speciali. A verbis legis, reg. 3.*

IX. *Regula: Odia restringi, fauores cōuenit ampliari. Quæ regula iuris canonici approbatur exemplo l. cum quidam. 19. ff. de liberis & posthumis. vbi Paulus: Cum quidam (inquit) filiam ex affe hæredem scripsisset, filioque quem in potestate habebat, decem legasset, adiecit: Et in tertia parte exhæres mihi erit. Quæritur, an rectè exhæredatus videretur? Scæuola respondit, non videri. & in disputando adijciebat, ideo non valere, quoniam nec fundi*  
 exhæ-

exhæres esse iussus, rectè exhæredaretur. Aliamq; causam esse institutionis, quæ benignè acciperetur: exhæredationes autem non essent adiuuandæ.

X. Regula: Quæ contra bonos mores sunt, ipso iure non valent. Quæ regula approbatur l. 4. C. de inutilibus stipulat. his verbis: Omnia quæ contra bonos mores vel in pacto vel in stipulatione deducuntur, nullius momenti sunt. Concord. l. 15. ff. de condit. instit. his verbis: Quæ facta lædunt pietatem, existimationem, verecundiam nostram, & (vt generaliter dixerim) cōtra bonos mores sunt: nec facere nos posse credendum est. Huius exemplum proponitur l. 14. §. eleganter. ff. soluto matrimonio. vbi dicitur, Si paciscatur maritus, ne in id quod facere possit condemnatur, sed in solidum: hoc pactum seruandum non esse. Subijcitur ratio: Namq; contra bonos mores id pactum esse, melius est dicere, &c.

XI. Regula: Res mali exempli vitanda. l. obseruandum. 47. ff. de iudicijs. l. exemplo. 7. C. de probationibus. Hæc de qualitatibus sententiarū seu propositionum sint dicta. Sed & plures huiusmodi regulas, magis tamen speciales, licet videre in meis Digestis in loco adiunctorum singularum actionum.

A definitione.

Hactenus de locis argumentationis proprijs & inartificialibus diximus: nunc de artificialibus & cum expositione communibus nobis est dicendum.

Inter

Inter quos primum numeratur locus à definitione. Cuius prima regula hac est: Cui conuenit definitio, eidem conuenit etiam definitum. Huius exemplum proponitur l. *quæsitum* 60. ff. *de re iudicata*. vbi Iulianus probaturus febrem esse morbum fonticum, argumentatur à definitione morbi fontici, his verbis: Morbus fonticus existimandus est, qui cuique rei agendæ impedimento est litiganti. Porro quid magis impedimento est, quàm motus corporis contra naturam, quem febrem appellant? Aliud exemplum proponitur Institut. vi bonor. raptor. in princ. vbi Imper. Iustinianus probaturus raptorem esse furem, & furti actione teneri, argumentatur à definitione furis, hoc modo: Fur est qui alienam rem inuito domino contrectat. Quis autem magis alienam rem inuito domino contrectat, quàm qui vi rapit? Ideoque rectè dictum est, eum improbum furem esse. Huius regula exceptio hac est: Nisi definitio sit vitiosa & non sufficiens, quæ cum suo definito conuerti non possit. Cuius exemplum proponitur l. 1. §. *dolum malum*. ff. *de dolo malo*. vbi Ulpianus: Dolum malum (inquit) Seruius quidem ita definit: Machinationem quandam alterius decipiendi causa, cum aliud simulatur, & aliud agitur. Labeo aut ait, posse sine simulatione id agi, vt quis circumueniatur: posse & sine dolo malo aliud agi, & aliud simulari: sicuti faciant qui p̄ eiusmodi dissi-

disimulationem seruant & tuentur vel sua vel aliena. *Aliud exemplum proponitur l. ult. ff. de verb. signif. vbi Pomponius* : Apud Labeonem (*inquit*) malè ita scriptum est : Exhibet, qui præstat eius, de quo agitur, præsentiam. Nam etiam qui sistit, præstat eius, de quo agitur, præsentiam. Nec tamen exhibet, qui mutū, aut furiosum, aut infantem exhibet : non enim potest videri eius præstare præsentiam, cum nemo ex eo genere præsens satis aptè appellari potest.

*11. Regula : Cui non conuenit definitio, eidem nec definitum conuenit. Cuius exemplum proponitur l. quasitum. 12. in princ. ff. de instrum. legato. vbi Vlpianus* : Quæsitū est (*inquit*) an frumentum, quod cibarijs cultorum paratum foret, instrumento cederet ? Et plurimis non placet : quia consumeretur. quippe instrumentum est apparatus rerum diutius mansurarum, sine quibus exerceri possessio nequireret. *Sed hoc argumento & communi opinione posthabitis, Vlpianus eo loci contrarium asserit, vt supra retulimus. Aliud exemplum proponitur l. minor. 51. ff. de procuratoribus. vbi Vlpianus* : Quoniam (*inquit*) defendere est, eandem vicem, quam reus, subire : defensor mariti amplius, quàm maritus facere possit, non est condemnandus. *quasi diceret Iurisconsultus* : At qui in maiorem quantitatem condemnatur, quàm reus condemnari

demnari possit, non eandem, sed aliam, & quidem durio- rem vicem, quàm reus, subit. Hac de definitio- ne rei. A nominis quoq; definitione argumenta su- muntur, de quare dicetur infra in loco peculiari A nomine.

### A genere.

Huius loci regula prima hæc est: Quod pradi- catur de genere, idem etiam predicatur de qualibet eius specie. Quæ regula approbatur l. semper. 189. ff. de reg. iuris. vbi Caius ait: Semper specialia ge- neralibus insunt. Huius exemplum proponitur l. 1. §. generaliter. ff. de legatis præstandis contra tab. bonor. posses. petita. vbi Vlpianus: Generaliter (inquit) parentes & liberos Prætor excepit, nec gradus liberorum parentumve enume- ravit. In infinitum igitur eis præstabitur. Aliud exemplum proponitur l. item apud Labeonem. 15. §. generaliter. ff. de iniurijs. vbi idem Vlpianus: Ge- neraliter (inquit) vetuit prætor ad infamiam alicuius quid fieri. Proinde quodcunq; quis fecerit, vel dixerit, ut aliquem infamaret: erit actio iniuriarum. Aliud exemplum proponitur l. si cui lana. 63. in princ. ff. de leg. 3. vbi idem Vlpia- nus: Si cui lana legetur (inquit) siue facta sit, siue infecta, lanæ appellatione continetur. Aliud exemplum proponitur l. si servitus. 22. in prin. ff. de servitut. urbanor. prædior. vbi Pomponius: Si ita sit cautum (inquit) ne luminibus officia- tur: ambigua est scriptura, utrum ne his lu-  
mini-

minibus officiatur, quæ nunc sunt: an etiam his, quæ postea quoq; fuerint? Et humanius est, verbo generali omne lumen significari, siue quod in presenti, siue quod post tempus conuentionis contigerit. *Simile exemplum extat c. quia circa. 22. de privilegijs. Aliud exemplum proponitur l. si quis. 29. C. de pactis. vbi Imp. Iustinianus: Si enim (inquit) ipso prætoris edicto pacta conuenta, quæ neq; contra leges neq; dolo malo inita sunt, omnimodo obseruanda sunt: quare in hac causa pacta non valeât? Huc pertinet etiam regula hæc: Qui Omne dicit, nihil excludit. item hæc: Vbi lex non distinguit, ibi nec nos distinguere debemus. De quib. tamen alibi specialiter agetur. Planè proposita regula exceptio prima hæc est: Nisi species à genere nominatim fuerit excepta. hoc enim casu regula proposita suum officium perdit. Quæ exceptio approbatur l. in toto. 80. ff. de reg. iuris. vbi Pomponius: In toto (inquit) ius re generari per speciem derogatur: & illud potissimū habetur, quod ad speciem directum est. Concordat l. in his. 14. ff. de legib. vbi Iulianus: In his (inquit) quæ cōtra rationem iuris constituta sunt, non possumus sequi regulā iuris. Item l. 1. in fin. ff. de reg. iur. vbi Paulus: Regula (inquit) simulatq; in aliquo viciata est, perdit officiū suum. Item l. lex natura. 24. ff. de statu hominum, Vlpianus: Lex naturæ est (inquit) vt quis nascitur sine legitimo matrimonio, matrem sequa-*

sequatur: nisi lex specialis aliud inducat. Huius etiā loci est, quod l. omnis. 202. ff. de regulis iuris, Vlpianus ait, omnem definitionē in iure civili periculosam esse: rarum enim esse, ut subverti non possit. item illud quod dici solet, Regulam per exceptionē restringi. de qua infra in loco speciali Ab exceptione, reg. 2. Exemplum huius exceptionis proponitur l. 4. §. fin. ff. de penū legata. vbi Paulus ait: Si cui penus legata sit præter vinum: omnis penus legata videtur, excepto vino. Aliud exemplum proponitur l. iurisperitum. 7. §. Prator ait. ff. de pactis. vbi Prator ait: Pacta conuenta, quæ neq; dolo malo, neq; aduersus lēges, plebiscita, senatusconsulta, edicta, decreta principum, neque quo fraus cuiq; eorum fiat, facta erunt, seruabo. Hic generi, quod est pacta seruanda esse, derogatur per species, quæ sunt pacta dolo malo, aduersus leges & in fraudem legum facta. Huius loci sunt omnes exceptiones iuris, quibus regula vel lex aliqua limitatur atque distinguitur. Altera proposita regula exceptio est: Nisi de specie proposita specialiter cautum sit: hoc enim casu dispositio generalis ad speciem istam non pertinet. Quæ exceptio approbatur exemplo l. sanctio. 41. ff. de pœnis. vbi Papinianus: Sanctio legum (ait) quæ nouissimè certam pœnam irrogat ijs, qui legis præceptis non obtemperauerint, ad eas species pertinere non videtur, quibus ipsa lege pœna specialiter addita est. nec



ambigitur in omni cætero iure speciem generi derogare. Nec sanè verisimile est, delictum vnum eadem lege varijs æstimationibus coërceri. *Aliud exemplum proponitur l. vxorem. 39. §. fælicissimo. ff. de leg. 3. vbi sub generali legato non continentur ea, quæ alijs specialiter sunt legata. Cui concordat l. quasitum. 76. §. 1. ff. eod. tt. vbi Paulus: Mæuii filii (ait) quidquid in prædio Semproniano habeo, tibi do lego. Seruos ex eodem prædio alijs datos deminuisse filij legatum. Concordant item l. 1. in prin. ff. de auro legato: l. seruis. 97. §. fin. ff. de leg. 3. l. si peculium. 10. in princ. ff. de manumissis testamentis: & l. si ita 64. in prin. ff. de leg. 1. Accedit Casyt. dec. 159. num. 8. Tholos. decis. 58. Sed & huius exceptionis exemplum proponitur l. doli. 119. ff. de verb. obligat. vbi Papinianus: Doli clausula (inquit) quæ in stipulationibus subiicitur, non pertinet ad eas partes stipulationis, de quibus nominatim cauetur. Huic concordat l. stipulationes. 53. ff. eod. tt. vbi Vlpianus: Stipulationes (inquit) commodissimum est ita componere, vt quæcunque specialiter comprehendi possunt, contineantur: doli autem clausula ad ea quæ in præsentia occupari non possunt, & ad incertos casus pertinet. Planè propositæ exceptionis replicatio prima hæc est: Nisi eadem sit conditio generalis & specialis dispositionis. hoc enim casu nibi l. prohibet genus ad speciem, de qua nominatim cau-*

tum est, porrigi. quæ replicatio approbatur l. si ser-  
uus. 27. §. cum eo planè. ff. ad l. Aquiliam. Vbi Cel-  
sus non esse nouum ait, vt. lex specialiter quibusdam  
enumeratis generale subijciat verbum, quo specialia  
complectatur. Exemplum eius proponitur ibidem:  
cum enim in lege Aquilia positum esset, Si quis alte-  
ri damnum faciat, quidve vsserit, fregerit, ruperit in-  
iuria; Celsus non negat fractum & vstum contineri  
corrupti appellatione. Aliud exemplum proponitur  
l. si quis. 8. in prin. C. de præscript. 39. annor. vbi Imp.  
Iustinianus: Si quis emptionis (inquit) vel do-  
nationis, vel alterius cuiuscunq; contractus  
titulo rem aliquam bona fide per decem vel  
viginti annos possederit, &c. Altera proposita  
exceptionis replicatio est: Nisi bonis generaliter ob-  
ligatis vel alienatis, postea quadam ex ijs specialiter  
alijs obligentur. hoc enim casu specialis obligatio  
non derogat generali. quæ replicatio approbatur l.  
2. ff. qui potiores in pignore. vbi Papinianus: Qui  
generaliter (inquit) bona debitoris pignori  
accepit: eo potior est, cui postea prædium ex  
his bonis pignori datur. Hæc de secunda exce-  
ptione. Tertia proposita regula exceptio est: Nisi  
quibusdam specialiter enumeratis vel tractatis ge-  
nerale verbum subijciatur: hoc enim casu genus re-  
stringitur ad species antea enumeratas, vel de qui-  
bus antea est actum, nec ad alias species trahi potest.  
Quæ exceptio approbatur l. si seruus plurium. 10.  
§. fin. ff. de leg. 1. vbi innuitur sequentia declarari

per precedentia: de qua re dicitur infra in facti  
 questione probanda, in loco Ab antecedentib. Huius  
 exemplum proponitur l. ult. §. cui dulcia. ff. de tri-  
 tico, vino legato. vbi Præculus: Cui dulcia (inquit)  
 legata essent, si nihil aliud testamento signi-  
 ficetur, omnia hæc esse legata: mulsum, pas-  
 sum, defrutum & similes potiones: item v-  
 uas, ficus, palmas, caricæ. quòd si ita esset  
 legatum, Vinum amphorarium, Aminæum,  
 Græcum, & dulcia omnia: nihil inter dul-  
 cia, nisi quod potionis fuisset, legatum pu-  
 tat Labeo ex collatione vini amphorarij-  
 quod non improbo. Aliud exemplum propo-  
 nitur l. cum de lanionis. 18. §. penult. ff. de fun-  
 do instrum. legato. vbi cum quidam ita legasset:  
*Villam meam ita vt ipse possedi, cum supellectile,*  
*mensis, mancipijsq<sup>3</sup> quæ ibi deputabantur, vrbaniis*  
*& rusticis, vineisq<sup>3</sup> quæ in diem mortis meæ ibi erūt.*  
*& quæreretur, cum in diem mortis ibi libros & vi-*  
*treamina, & vestispicam habuerat: an ea omnia*  
*legato cederent? Et quoniam quadam enumeras-*  
*set, Scauola respondit, specialiter expressa legato*  
*cedere. Alia exempla habentur l. 5. & l. 9. §. fin. ff.*  
*de transactionibus. l. si de certa. 31. C. eod. tit. l. em-*  
*ptor. 47. §. Lucius Titius. ff. de pactis. l. ita quis.*  
*135. §. fin. ff. de verb. oblig. l. legatorum. 34. §. qui*  
*plures. ff. de leg. 2. l. quoties. 10. C. familia ercisc.*  
*l. iubemus. 21. C. ad S. C. Velleianum. c. sodes. 15.*  
*extr. de rescriptis. Accedit item Gabriel. lib. 6. de*  
*reg.*

reg. iuris, conclus. 4. num. 22. Planè proposita exceptionis replicatio prima hæc est: Nisi tam genus quàm species vel adiectiuo vel substantiuo modo enuncientur, vt non sit alterum alterius adiectiuum: hoc enim casu ad alias quàm ad præcedentes species genus sequens porrigitur, exemplo l. si seruus. 27. §. cum eo planè. ff. ad l. Aquiliam. vbi cum in lege Aquilia (vt supra diximus) positum esset, Vsserit, fregerit, ruperit: Celsus ait, cum eo qui vinum spurcauit, vel effudit, vel acetum fecit, vel alio modo viciauit, agi posse Aquilia: quia & effusum vel acetum factum corrupti appellatione contineatur. nec negat fractum & vstum contineri corrupti appellatione. Altera replicatio est: Nisi per coniunctionem copulatiuam vel disiunctiuam, genus speciebus enumeratis adiiciatur: hoc enim casu etiam ad alias species porrigitur, exemplo l. ea tamen. 44. ff. de leg. 3. vbi Paulus: Hæc adiectio (inquit) Quæ eius causa parata sunt: legatum aliàs plenius efficit, aliàs exiguius. Augetur, cum sic scriptum est: Quæque eius causa parata sunt. id enim significat, Et si quid præter ea quæ dicta sunt, eius causa paratum est. minuitur detracta coniunctione Que: quia ex omnibus supra comprehensis ea sola definiuntur, quæ eius causa parata sunt. Accedit Turz. opin. 143. num. 1. Planè proposita replicationi contradicere videtur exemplum l. vlt. §. cui dulcia. ff. de tritico, vino legato: quod paulo superius

i 4      propo-

proposuimus. Quod ad disiunctiuam coniunctionem attinet, eius exemplum proponitur l. si quis. 31 ff. de auro legato, his verbis: Si quis ita legauerit; Vxori meæ mundum, ornamenta, seu quæ eius causa parauit, do lego: placet omnia deberi, sicuti cum ita legatur: Titio vina quæ in vrbe habeo, seu in portu, do lego. hoc enim verbum Seu ampliandi legati gratia positum est. Tertia replicatio est in accessorio, si de principali antea sit actum. hoc enim casu generalis dispositio etiam ad accessorium porrigitur, quamuis de eo antea nihil fuerit actum, exemplo l. 2. in prin. ff. si quis cautionibus in iudicio sistendi causa factis. vbi cum de principali negotio transactum esset, transactio ista porrigitur etiam ad stipulationem iudicio sisti pœnalem accessoriam. Quarta replicatio est: Nisi occasione alicuius certa causa lex generalis lata sit. hac enim generalis dispositio non restringitur ad causam, de qua antea est actum, exemplo l. 1. §. origo verò. ff. de postulando. vbi edictum pratoris, quo mulieres pro alijs postulare prohibentur, dicitur occasione Calpurnia improbißima fœmina introductum. attamen illud pertinet ad omnes fœminas, etiam probas. Simile exemplum est l. 1. in prin. ff. ad S. C. Macedonianum. Quinta replicatio est: Nisi cum testator antea de filijs masculis vel naturalibus disposuisset, postea de filijs generaliter disponat. hac enim dispositio ad omnes filios, nō solum eos de quibus antea actum est, pertinet. Hac

repli-

*replicatio controuertitur & distinguitur apud Gabriel. lib. 4. de testamentis, conclus. 10. Hac de replicationibus tertia exceptionis sunt dicta: de quibus tamen alijsq; pluribus vide apud Gabriel. lib. 6. de reg. iuris, conclus. 4. numer. 22. cum sequentibus usque ad finem. Quarta exceptio est: Nisi quis à generali dispositione causam dotis argumentetur. hoc enim casu argumentum non procedit, per ea quae tradit Negusan. in tractat. de pignor. in 1. parte 8. partu principalis, num. 3. ad fin. ut refert Baptist. à Villalob. in opin. com. in litera G. num. 7. Quinta proposita regula exceptio est: Nisi generi certa species sint subiecta. hoc enim casu generalis dispositio non ad alias, quàm ad sequentes species pertinet. Quae exceptio approbatur l. si seruus plurium. 50. §. fine. ff. de leg. 1. ubi innuitur praecedentia declarari per sequentia. cuius verba vide infra in facti quaest. disputanda, in prin. Concordat. l. legata 9. in prin. ibi: si tamen species. ff. de supell. legata. cuius verba vide infra repl. prox. Exemplum huius exceptionis proponitur l. si cum 126. ff. de verb. signif. ubi Proculus: Si cum fundum (inquit) tibi darem, legem ita dixi, Vti optimus maximusque est: & adieci, Ius fundi deterius factum non esse per dominum: praestabitur. amplius eo praestabitur nihil. Et si prior pars, qua scriptum est, Vti optimus maximusque est: liberum esse significat, ideoq; si posterior pars adiecta non esset, liberum praestare deberem:*

tamen inferiore parte satis me liberatum  
 puto ( quod ad iura attinet ) ne quid aliud  
 præstare debeat, quàm ius fundi per domi-  
 num deterius factum nō esse. *Aliud exemplum  
 proponitur l. cum de lanionis. 18. §. cui fundum.  
 ff. de instrum. legato, his verbis : Cui fundum in-  
 structū legauerat, nominatim legauit man-  
 cipia. quæsitum est, an reliqua mancipia,  
 quæ non nominasset, instrumento cede-  
 rent ? Cassius ait, responsum esse, tamen si  
 mancipia instructi fundi sint : tamen videri  
 eos solos legatos esse, qui nominati essent :  
 quòd apparet non intellexisse patrem fa-  
 miliæ instrumēto quoq; seruos adnumera-  
 tos. Huius exceptionis replicatio prima hac est : Nisi  
 species subiectæ ex abundanti per imperitiam sint  
 addita, non determinandi generis animo. quæ repli-  
 catio approbatur l. legata. 9. in prin. ff. de supell. le-  
 gata. vbi Paulus : Legata ( inquit ) supellectili,  
 cum species ex abundanti per imperitiam e-  
 numerantur, generali legato non derogatur.  
 Si tamen species certi numeri demonstratæ  
 fuerint : modus generi datus in his speciebus  
 intelligitur. Idem seruabitur instructo præ-  
 dio legato, si quædam species numerum cer-  
 tum acceperint. Concordat l. quasitum. 12. §.  
 pen. ff. de instr. legato, vbi Vlpianus : Si quis fun-  
 dum ( inquit ) ita vt instructus est legauerit, &  
 adiecerit, Cum supellectili vel mancipijs, vel*



vna aliqua re, quæ nominatim expressa non erat: vtrum minuit legatum adiiciendo speciem, an verò non? quæritur. Et Papinianus respondit, non videri minutum, sed potius ex abundantia adiectum. *Accedit Baptist. à Vilalob. in com. opin. in litera P. nu. 344.* Altera replicatio est: Nisi rubro generali speciale nigrum subiiciatur. per hoc enim illud non restringitur. Quæ replicatio controuertitur, magis tamen approbatur apud Francisc. Viuium lib. 1. com. opin. vers. *statuti rubrica.* Sexta exceptio est: Nisi generi certa qualitas adijciatur: per hanc enim restringitur, nec pertinet ad alias species alterius qualitatis. Quæ exceptio approbatur exemplo l. *testamento. 51. §. cum ita. ff. de manumiss. testam. vbi Pomponius: Cum ita (inquit) testamento adscriptum esset, Serui qui sine offensa fuerunt, liberi sunt: conditionem adscriptam videri placuit. cuius interpretationem placuit talem faciendam, ut de his in libertate danda cogitasse non videatur, quos poena coercuit, & ab honore administrandi, vel administrandæ rei negotio remouit.* Aliud exemplum habetur l. *si habitatio. 10. §. sed et si relictus. ff. de usu & habitatione, his verbis: Si relictus sit alicui domus ususfructus habitandi causa: vtrum habitationem solam, an verò & usumfructum habeat, videndum? Et Priscus Nertius putat, solam habitationem legatam, quod est verum.* Simile exemplum proponitur in toto ad partem,

partem, l. si seruus, 105. §. qui quinque. ff. de leg. 1. ubi Africanus: Qui quinque (ait) in arca habebat, ita legauit, vel stipulanti promisit: Decem quæ in arca habeo. & legatum, & stipulatio valebit: ita tamen, vt sola quinque vel ex stipulatione, vel ex testamēto debeantur. Vt verò quinque quæ deerunt, ex testamento peti possint, vix ratio patitur. nam quodammodo certum corpus, quod in rerum natura non sit, legatum videtur, &c. Aliud exemplum proponitur l. ea tamen. 44. in fine. ff. de leg. 3. cuius verba vide suprā except. 3. repl. 2. Huius exceptionis replicatio prima hæc est: Nisi qualitas adiecta ad genus præcedens salua ratione recti sermonis referri non possit. quæ replicatio approbatur l. Plautius. 9. ff. de auro legato, his verbis: Plautius mulieri ita legauit: Quisquis mihi heres erit, Titix vestem meam, mundum, ornamentaque muliebria damnas esto dare. Cassius ait, si nō appareat quid sensisset, omnem vestem secundum verba testamenti legatam videri. Paulus. Idem Iabolenus scribit: quia verisimile est (inquit) testatricem tantū ornamentorum vniuersitati derogasse, quibus significationem muliebrium accommodasset. Accedere eo, quòd illa demonstratio MULIEBRIA neque vesti, neque mundo adplicari, salua ratione recti sermonis, possit. Altera replicatio est: Nisi ex abundanti qualitas

qualitas sit adiecta: hoc enim casu genus precedens non restringitur, exemplo l. pediculis. 33. §. Labeo. ff. eod. tr. vbi Paulus: Labeo (inquit) testamento suo Neratiæ vxori suæ nominatim legauit vestem, mundum muliebre omnem, ornamentaque muliebria omnia, lanam, linum, purpuram, versicoloria, facta, infectaque omnia, &c. Sed nō mutauit substantiam rerum non necessaria verborum multiplicatio, quamuis Labeo testamento lanam, ac deinde versicoloria scripsit: quasi defuerit lana tincta lana esse: detractoque verbo Versicoloria, nihilominus etiam versicoloria debebuntur: si non appareat aliam defuncti voluntatem fuisse. Septima exceptio est: Nisi dispositio generalis in specie proposita inutilis esset futura, natura vel iure obstante. Hac exceptio approbatur exemplo l. si quando. 106. in prin. ff. de leg. 1. vbi Africanus: Si quando (inquit) quis vxori suæ ea quæ viuus donauerat, vulgari modo legat: non de alijs donationibus eum videri sentire, quàm de his quæ iure valituræ nō sunt. Alioquin frustra ei legaturus sit, si ita exprimat: Quæ vxori meæ iure donauero, ea ei lego. vel ita: Quæ vxori manumissionis causa donauero. nam inutile legatum futurum est. Aliud exemplum proponitur l. vt gradatim. 11. §. 1. ff. de muneribus & honor. vbi Modestinus: Et si lege municipali caueatur (ait)

vt

vt præferatur in honoribus certæ conditionis homines: attamen sciendum est, hoc esse seruandum, si idonei sint. Et ita rescripto diui Marci continetur. *Aliud exemplum proponitur l. 5. C. quæ res pignori obligari non possunt. vbi Imp. Alexander: Spem (inquit) eorum præmiorum, quæ pro coronis athleticis pensatâda sunt, priuata pactiōe pignorare minimè admittendum est. Et ideo nec si generale pactum de omnibus bonis pignori obligandis interuenierit, tenet. Aliud exemplum proponitur l. creditor. 60. §. Lucius Titius. ff. mandati: & l. 4. §. Iulianus. ff. de administr. tutor. de quo vide infra except. 9. Octaua exceptio est: Nisi ratio generalis dispositionis in specie proposita cesset. Hac exceptio approbatur exemplo l. adigere. 6. §. quamuis. ff. de iure patronatus. vbi Paulus: Quamuis (inquit) nulla persona legē excipiat: tamen intelligendum est de his legem sentire, qui liberos tollere possunt. Itaque si castratum libertum iureiurando quis adegerit: dicendum est, nō puniri patronum hac lege. Plura de hac exceptione dicentur infra in loco A ratione legis cessante, reg. 2. Nona exceptio est: Nisi verisimile non sit, eum qui generaliter disposuit, de certa specie admonitum, eam comprehendere voluisse. hoc enim casu generalis dispositio ad istam speciem non extenditur, exemplo l. obligatione. 6. cum duabus legibus sequentibus. ff. de pignor. & hypoth. vbi Vlpianus:*

Obli-

Obligatione(*inquit*) generali rerū, quas quis habuit, habiturusve est, ea nō continebūtur, quæ verisimile est quenquā specialiter obligatum nō fuisse: vtputa supellex, item vestis relinquenda est debitori: & ex mancipijs, quæ in eo usu habebat, vt certum sit eum pignori daturum non fuisse. Proinde de ministerijs eius perquam ei necessarijs, vel quæ ad affectionem eius pertinent, vel quæ in usum quotidianum habentur: Seruiana non competit. Denique concubinam, filios naturales, alumnos constitit generali obligatione non contineri: & si qua alia sunt huiusmodi ministeria. *Accedit Gabriel. lib. 6. de reg. iuris, conclus. 4. num. 15. Aliud exemplum proponitur l. quæro. 54. §. inter locatorem. ff. locati. vbi Paulus: Inter locatorem fundi (ait) & conductorem conuenit, ne intra tempora locationis eius conductor de fundo inuitus repelleretur: & si pulsus esset, pœnam decē præstaret locator conductori. quæsitū, cum conductor biennij cōtinui pensionem non solueret, an sine metu pœnæ expelli possit? Respondi, quamuis nihil expressū sit in stipulatione pœnali de solutione pensionum: tñ verisimile esse, ita conuenisse de nō expellendo colono intra tēpora præstituta, si pensionib. paruerit, & vt oportet coluerit. Et ideo si cœperit petere pœnam is qui pensionibus satis nō fecerit, profuturā loca-*

locatori doli exceptionem. *Aliud exemplum proponitur l. creditor. 60. §. Lucius Titius ff. mandati. vbi Scauola: Lucius Titius (ait) fratris filio cominist rerum suarū administrationem ita: Tibi rerum mearum omnium liberā administrationem permitto: siue vendere, siue pignori obligare, siue comparare, siue quid aliud agere velis, me non aliter omnia quæ per te gesta erunt, rata habente, neque in vilius gestione tibi reclamante, quàm si rerum mearū penes te dominium esset. quæsitum est, si quid nō administrandi animo, sed fraudulenter alienasset, vel vendidisset, an valeret? Respondi, eum de quo quæritur, plenè quidem, sed quatenus res ex fide agenda esset, mandasse. Hoc exemplum etiam ad superiorem septimam exceptionem referri potest: quoniam copuentione dolus praestetur, valet: l. si vnus. 27. §. illud nulla. ff. de pactis. Simile exemplum extat l. 4. §. Iulianus. ff. de administr. tutor. vbi Iulianus huiusmodi speciem proponit: Quidam decedēs filijs suis dederāt tutores, & adiecerat, Eos ἀνεκλόγιστος esse volo: & ait Iulianus, tutores, nisi bonam fidem in administratione præstiterint, damnari debere: quamuis testamento comprehensum sit, vt ἀνεκλόγιστοι essent. Sed nec eo nomine ex causa fidei commissi quicquam consequi debebunt, vt ait Iulianus. Vlpianus. Et est vera ista sententia: nemo enim*

enim ius publicum remittere potest huiusmodi cautionibus, aut mutare formam antiquitus constitutam. *Aliud exemplum non ab simile proponitur l. Aurelio. 21. §. Caius. ff. de liberatione legata. ubi Modestinus: Caius Seius (inquit) cum adoleuisset, accepit curatores Publium Mæuium & Lucium Sempronium. Idem Caius Seius intra legitimam ætatem constitutus, cum in fatum concederet, testamento suo de curatoribus suis ita cavit: Quæstionē curatorib. meis nemo faciat: rem enim ipse tractaui. quæsitum, an rationem curæ hæredes adulti à curatoribus petere possint: cum defunctus, ut ex verbis testamenti apparet, confessus sit, se omnem rem suam administrasse. Respondi, si quid dolo curatores fecerunt, aut si quæ res testatoris penes eos sunt, eo nomine conueniri eos posse. Porro non solum in contractibus & ultimis hominum voluntatibus, sed in legibus etiam exceptio proposita obtinet, ut quamuis lex generaliter disponat, tamen non extendatur ad casum, quem legislator, si admonitus esset, excepturus fuisset. Ita enim Aristot. lib. 5. Ethicor. cap. 10. Perionio interprete, scribit: Cum de toto genere lex dicit, atq; aliquid ijs in rebus contra generalem legis comprehensionem existit: tum percommode accidit, ut qua parte scriptor legis aliquid prætermisit ac peccauit, omnino ac semel locutus, id quod prætermisissimum sit, corrigatur. Quod etiam legisla-*

k gisla-



gulator, si adesset, admoneret, etiamsi iam legem  
tulisset. Planè hæc legum correctio siue distinctio,  
nisi euident subfit æquitas, quæ nullam admittat du-  
bitationem, non passim cuius est permutenda, vt ex  
verisimili aliquo exceptionem introducat, sed hoc  
ad legislatoris munus pertinet. Proinde in d. cap. 10.  
Aristoteles subiicit: Quocirca (inquiens) decretò  
opus est. & l. 1. C. de legibus. Imp. Constantinus:  
Inter æquitatem (ait) & ius interpositam in-  
terpretationem nobis solis & oportet, & li-  
cet inspicere. In re igitur dubia melius est verbis  
edicti seruire, teste Vlpiano l. 1. §. sed si sciente. ff.  
de exercitoria actione. Planè in causis extraordina-  
rijs, & ijs quæ causa cognita expediuntur, licet iu-  
dici ex ratione probabili à generali dispositione re-  
cedere: quod decima exceptionis loco notandum. Sit  
ergo proposita regula decima exceptio talis: Nisi in  
causis arbitrarijs iudici ex probabili ratione aliter  
videatur. Quæ exceptio approbatur exemplo l. ob  
carmen. 21. §. si testes. ff. de testibus. vbi Arcadius:  
Si testes omnes (inquit) eiusdem honestatis  
& existimationis sunt, & negocij qualitas  
ac iudicis motus cum his concurrit, sequen-  
da sunt omnino testimonia. Ait Iurisconsultus:  
Ac iudicis motus cum his concurrit. Ex his  
verbis colligitur exceptio proposita: vt quamuis  
generaliter caueatur, testibus præsertim honestæ &  
inculpatæ vitæ, fidem adhibendam esse, l. 3. in prin.  
ff. eod. tit. tamen si in causa proposita iudicis an-

ius in contrarium ducatur, possit illorum testimonio posthabito, contra ac testati sunt, pronunciare. Vnde l. *quesitum*. 13. in fin. ff. eod. tit. Papinianus ait, ad officium iudicis pertinere, eius quoque testimonij fidem, quod integra frontis homo dixerit, perpendere. Aliud proposita exceptionis exemplum proponitur l. *quod si minor*. 24. §. fin. ff. de minor. viginti quinque annis. vbi Paulus : Ex hoc edicto ( inquit ) nulla propria actio vel cautio proficiscitur: totum enim dependet ex Prætoris cognitione. Aliud proponitur l. *hodie*. 13. ff. de pœnis. vbi Vlpianus : Hodie ( inquit ) licet ei qui extra ordinem de crimine cognoscit, quam vult sententiam ferre, vel grauiorem, vel leuiorem : ita tamen, vt in vtroque rationem non excedat. In huiusmodi igitur speciebus seu causis, quæ magis ex arbitrio iudicis, quàm ex certa legum autoritate pendent, regula generales pro arbitrio iudicis possunt distinguui. de qua re infra libro proximo copiosius tractabitur. Vndecima exceptio est : Nisi quid de genere predicetur, quatenus genus est, & à specie differt : hoc enim de specie predicari non potest. puta, creditum completitur sub se commodatum, depositum, pignus, &c. l. 1. ff. si certum petatur. At mutuum creditum est. Hinc non sequitur, mutuum completi commodatum, depositum, pignus, &c. Duodecima exceptionis loco notandum, Non quemadmodum quod predicatur de genere, consequitur idem etiam

predicari de specie : ita contrà de quo predicatur  
 genus, consequi de eodem etiam predicari speciem.  
 Neque enim valet argumentum: Hoc factum est do-  
 losum, ergo est violentum, quanquam vis sub dolo  
 comprehenditur. Quod l. 2. §. doli mali. ff. vi bonor.  
 raptor. Vlpianus ait his verbis: Doli mali mentio  
 hic & vim in se habet. Nam qui vim facit, do-  
 lo malo facit: non tamen qui dolo malo facit,  
 utique & vim facit. Et ita dolus habet in se &  
 vim. Sic etiam non sequitur: Bucephalus est ani-  
 mal, ergo est homo. Planè hoc modo negativè proce-  
 dit argumentum, de quo sequitur infra reg. prox.  
 Decimatertia exceptio est: Nisi dispositio sit iurata,  
 hac enim sub generali dispositione non continetur.  
 Quæ exceptio controuertitur & distinguitur apud  
 Gabriel. lib. 2. de iureiurando, concl. 15. §. 5. Decima-  
 quarta exceptio est in bonis futuris, quæ generali  
 appellatione bonorum non continentur, per ea quæ  
 habentur M. I. R. lib. 2. cap. 10. vers. bonorum ap-  
 pellatione. & libro 4. cap. 11. reg. 8. except. 6. repl.  
 1. item lib. 5. cap. penult. in verbo Bona. Decima-  
 quinta exceptio est in persona loquentis. hic enim  
 generali sermone non continetur. Quæ exceptio ap-  
 probatur & distinguitur apud Gabriel. lib. 6. de  
 verb. signif. conclus. 9. Plures huiusmodi exceptio-  
 nes vide apud Gabriel. lib. 6. de reg. iuris, conclus. 4.  
 item eod. lib. 6. de legibus, concl. 1. item M. I. R. lib. 5.  
 cap. ult. reg. 13. Hac de prima regula, eiusq. exceptio-  
 nibus sint dicta.

11. Regula: A quo remouetur genus, ab eodem remouetur & species. Cuius exemplum proponitur l. 1. §. quod autem Prator. ff. de aleatoribus. vbi Vlpianus argumentatur hoc modo: Prator generaliter dicit: Si quid in domo eius, apud quem in alea lusum esse diceretur, subtractum erit: actionem non dabo. Ergo nec furti actio, nec condictio, nec vindictio rei furtiua, neq. ad exhibendum actio hoc casu dabitur. Verba Vlpiani hac sunt: Quod Prætor negat se furti actionem daturum: videamus, vtrum ad pœnalem actionē solam pertineat, an & si ad exhibendum velit agere, vel vendicare, vel condicere? Et est relatum apud Pomponium, solummodo pœnalem actionem denegandam. Quod non puto verum. Prætor enim simpliciter ait: Si quid subtractum erit, iudicium non dabo. Aliud exemplū proponitur l. ult. C. de rebus alienis non alienandis. vbi dicitur: Quoties alienatio rei sit prohibita, toties etiam pignoris & vsusfructus dationem, item seruitutis impositionem censeri prohibitam. Huius exceptio prima hac est: Nisi species aliqua nominatim fuerit excepta. Quæ exceptio approbatur d. l. ult. in fine, his verbis: Nisi in ijs tantummodo casibus, in quibus constitutionum auctoritas, vel testatoris voluntas, vel pactio num tenor, q. alienationē interdixit, aliquid tale fieri permiserit. Plures proposita regula exceptiones vide supra reg. prox. Hac de loco A genere sunt dicta.

## A specie.

1. Regula: De quo pradicatur species, de eodem pradicatur & genus. Sic l. quod Nerva. 32. ff. de positi, si quis non ad eum modum, quo in suis rebus solet esse, in deposito custodiendo diligens sit, lata culpa dicitur. Hæc autem cum sit doli species, infertur, si quis ad dictum modum in deposito custodiendo diligens non sit, dolum esse. Sic etiam cum hereditas ius sit, ius autem rei species dicatur: inferri potest, hereditatem quoque rei appellatione contineri: Inst. de rebus corporalibus & incorporalibus. §. incorporales autem. Planè huius regula exceptio hæc est: Nisi negatiuè species de aliquo pradicetur. Nam uò ut remoto genere, remouetur quoque species, ut supra diximus: ita contrà remota specie, remouetur quoque genus. cuius exemplum proponitur l. in duobus. 28. §. si quis iurauerit. ff. de iureiurando. vbi Paulus: Si quis ( inquit ) iurauerit se non rapuisse: non debet adiuuari hoc iureiurando & in actione furti & condictione: quia aliud est furtum fecisse, quod vel clàm fieri potuit. Hic quamuis rapina furti species sit, Institut. vi bonor. raptor. in prin. tamen negata rapina, non propterea censetur negatum furtum. Huius exceptionis replicatio prima hæc est: Nisi eadem ratio sit in genere remouendo, quæ est in specie remota. Hæc replicatio approbatur exemplo l. 4. C. de predijs minorum. vbi cum pradia minorum sine decreto magistratus distrahi essent prohibita, l. 1. ff. de rebus

eorum qui sub tutela sunt : Imp. Valerianus ait : Non solum per venditionem prædia pupilli vel adolescentis alienari prohibentur, sed neque transactione, neque permutatione, & multo magis donatione, nec alio quoquo modo ea transferri à dominio eius possunt. Huic concordat quod l. statu liberi. 29. in fine. ff. de statuliberis, dicitur, quod lex XII. Tabular. Emptionis verbo omnem alienationem complexa videatur. Altera replicatio est: Nisi omnes species fuerint negata vel remota: hoc enim casu genus quoque remouetur. Cuius exemplum proponitur l. obligationum. 43. §. placet. ff. de action. & obligat. ubi Paulus probaturus, Tempus non esse modum tollenda obligationis, vel speciem liberationis, ait: Quod alicui deberi cœperit, certis modis deberi desinit. Quasi diceret: Certa sunt species liberationis: ut puta solutio, acceptilatio, nouatio, &c. Sed tempus neq; solutio est, neq; acceptilatio, neq; nouatio, neq; alia huiusmodi liberationis species. Ergo tempus non est liberatio. Tertia replicatio est: Nisi remota ea specie, quæ maximè videbatur inesse: hoc enim casu etiam genus remouetur. Quæ replicatio approbatur exemplo l. s. §. & siquidem. ff. de præscriptis verbis. ubi Paulus probaturus, permutationem non esse contractum nominatum, sed innominatum, ex quo ciuile actio præscriptis verbis competat, utitur hoc argumento: quia permutatio non sit emptio. Verba eius hæc sunt:

Si rem do, vt rem accipiam: quia non placet permutationem rerum emptionem esse, dubium non est nasci civilem obligationē præscriptis verbis. *Hæc de prima regula.*

II. *Regula: Quod predicatur de specie, idem etiam predicatur de genere. Quæ regula approbatur exemplo Institut. de perpetuis & temporalibus actionibus. §. non autem. vbi Imp. Iustinianus à speciebus ad genus argumentatur hoc modo: Furti, vi bonorum raptorum, iniuriarum & damni iniuria actiones in heredem rei non competunt. At huiusmodi actiones pœnales sunt. Ergo pœnales actiones in heredem rei non competunt. Aliud exemplum proponitur Institut. de replicationibus. §. sanè quadam. vbi Idem Imperator ita argumentatur: Debitor, si bonis cesserit, & cum eo creditor experiatur, defenditur per exceptionem. Sed hæc exceptio fideiussoribus non datur. Ergo quadam exceptiones, quibus defenditur debitor, fideiussoribus non solent accommodari. Ad hunc locum pertinent etiam argumenta ab exemplis sumpta: siquidem exempla nihil aliud sunt quàm species specialissima, siue indiuidua, quibus genus tum confirmatur, tum declaratur. Proinde huius loci est, quod l. 1. §. quamuis autem. ff. de postulando, Vlpianus probaturus cecum posse magistratū acceptum retinere, adducit exemplum Appij Claudij caci, dicens: Nunquid cæcus magistratum gerere possit, deliberabimus. Extat quidem exemplum eius qui gessit. Appius denique*



denique Claudius cæcus consilij publicis intererat, & in senatu seuerissimâ dixit sententiam de Pyrrhi captiuis. Sed melius est, vt retinere quidem dicamus iam acceptum magistratum posse: adspirare autem ad nouum penitus prohiberi: idque multis comprobatur exemplis. *Aliud exemplum proponitur l. in quaestionibus. 8. ff. ad l. lul. maiestatis. vbi Papinianus exemplo Fuluie mulieris docet, mulieres in quaestionibus læsæ maiestatis audiendas esse. Verba eius hæc sunt: In quaestionibus læsæ maiestatis etiâ mulieres audiuntur. Et coniurationem Lucij Catilinæ Fuluia mulier detexit, & Marcum Tullium consulē indicio suo instruxit. Planè si particulariter ex regula proposita à specie ad genus concludatur, necessarium hinc sumetur argumentum: sin vniuersaliter concludatur, argumentum erit satis infirmum. quod exceptionis loco notandū. Neq; enim sequitur: Exceptio cessionis bonorum, quæ competit debitori, fideiussoribus eius denegatur. Ergo omnis exceptio quæ competit debitori, fideiussoribus eius denegatur. cum sæpe aliquid in specie ob singularem aliquâ rationem cautum sit, quæ ratio in genere cesset. Ideoq; contrarium in genere censeatur cautum: de qua re infra in loco Ab exceptione copiosius tractabitur. Quocirca Imp. Iustinianus res iudicatas in exemplum trahi prohibet, neque exemplis, sed legibus indicandum præcipit, l. nemo iudex. C. de sententijs & interlocutionibus.*

*Et eleganter l. sed licet. 12. ff. de officio præsidis, Proculus: Licet (inquit) is qui provinciæ præest, omnium Romæ magistratuum vice & officio fungi debeat: tamen nō tam spectandum illi est, quid Romæ factū sit, quàm quid fieri debeat. Sed & propositæ exceptionis exemplum habetur l. item legato. 47. §. item interest. ff. de leg. 3. vbi Vlpianus: Interest (inquit) ipsius causa parata sint ei legata, an ipsius causa emptæ. Paratis enim omnia continentur, quæ ipsius vñibus fuerunt designata: emptis verò ea sola, quæ propter eam emptæ eius fecit maritus. Vnde non continebuntur, emptis solis legatis, quæ alia ratione paterfamiliās adquisita ei destinavit. Planè si eadem sit ratio in genere, quæ in specie, nihil prohibet à specie ad genus vniuersaliter argumentari: quod primæ replicationis loco notandū. Vbi enim eadem est ratio, ibi idem ius constituendū esse leges volunt: de quo dicetur infra in loco A ratione legis. Ideoq; non rarò in iure à specie ad genus vniuersaliter concluditur: vt l. omnem. 20. ff. de iudicijs. vbi cum cautum esset, ibi quenque conueniendum, vbi contraxerit: Paulus ab hac specie obligationis ad omnem obligationem, siue ex contractu siue ex quasi contractu, siue ex delicto siue ex quasi delicto descendat, argumētatur, dicens: Omnem obligationem pro contractu habendam existimandum est: vt vbiunque aliquis obligetur, & contrahi videatur, quamuis non ex crediti*

erediti causa debeat. Similiter à specie ad genus, seu à petitione caduca hereditatis ad omnem petitionem hereditatis argumētatur Vlpianus l. item veniunt. 22. §. ait Senatus. ff. de petitione hereditatis, his verbis: Ait Senatus: Cum antequam partes caducæ fisco peterētur: hoc euenerat, vt fisco partes caducę peterentur. Sed et si ex asse fiat, senatusconsultum locum habebit. Idem et si vacātia bona fisco vendicentur, vel ex alia quacunq; causa bona ad eum peruenierint: senatusconsultum hoc locū habebit: et si ciuitati peterentur. In priuatorum quoq; petitionibus senatusconsultum locum habere, nemo est qui ambigat, licet in publica causa factū sit. Non solum autem in hereditate hoc utimur senatusconsulto: sed & in peculio castrensi, vel alia vniuersitate. Huius etiā loci est quod supra diximus, Emptionis verbo omnem alienationem contineri. item quod l. filij. 84. ff. de verb. signif. Paulus ait, Filij appellatione omnes liberos intelligi. & quod idem Paulus l. senatusconsulto. 60. ff. de ritu nuptiar ait, Senatusconsulto, quo cautum est, ne tutor pupillam filio suo nuptum collocet: etiam neporē significari. Aliud exemplum proponitur l. patre. 8. in prin. ff. de his qui sui vel alieni iuris sunt. vbi Vlpianus: Patre furioso (inquit) liberi nihilominus in patris sui potestate sunt. Idem & in omnib. est parentibus, q liberos habēt in potestate, Sed plura de replicatione  
prope-

proposita vide infra in d. loco A ratione legis. Altera proposita exceptionis replicatio est: Nisi omnibus speciebus enumeratis, vel quibusdam enumeratis, & generali clausula subiecta, genus inferatur: hoc. n. casu à specie ad genus vniuersaliter argumentari licet. de qua re dicetur infra lib. prox. vbi de inductione agetur. Hac de secunda regula sint dicta. Sed & alias huius loci regulas vide infra in loco speciali Ab exceptione legis. Nam prohibitum in specie, videtur in genere concessum: & contra in specie concessum, in genere prohibitum censetur. de quo d. loco Ab exceptione, reg. 2. Non solum autem à specie ad genus, sed à specie ad aliam speciem cognatam argumentari licet: de quo dicetur infra in loco A comparatis. Haecenus ergo de loco A specie sit dictum.

#### A differentia & proprio.

In quo differant proprium & differentia, supra libro primo diximus. Et id quoad expositionem at-  
reg. tinet, locum habet: quoad inueniendi rationem at-  
 tinet, nihil videntur differre. Est igitur horum loco-  
 rum prima regula hac: De quo affirmatur vel ne-  
 gatur differentia seu proprium alicuius, de eodem  
 etiam affirmatur vel negatur id cuius est differentia  
 seu proprium. Cuius exemplum proponitur l. ult. ff.  
 de instru. legato vbi Labeo probaturus, instrumento  
 nauis legato scapham non contineri, à differentia  
 scapha & instrumenti argumentatur hoc modo:  
 Scapha nauis non est instrumentum nauis.

Etenim

Etenim mediocritate, non genere ab ea differt. Instrumentum autem cuiusque rei necesse est alterius generis esse atque ea cuius sit. *Aliud exemplum proponitur l. 1. §. sed verior est. ff. de contrah. emptione. vbi Paulus probaturus permutationem emptionis speciem non esse, à differentia seu proprio vtriusque argumentatur, his verbis: Nam vt aliud est vendere, aliud emere: alius emptor, alius venditor: sic aliud est precium, aliud est merx: quod in permutatione discerni non potest, vter emptor & vter venditor sit. Aliud exemplum proponitur l. conuenit. 65. ff. eod. tt. vbi Labeo: Conuenit (inquit) mihi tecum, vt certum numerum tegularum mihi dares certo precio. quas tu faceres. Vtrum emptio sit, an locatio? Respondi: Si ex meo fundo tegulas tibi factas vt darem conuenit, emptionem puto esse, non conductionem. Toties enim conductio alicuius rei est, quoties materia, in qua aliquid præstatur, in eodem statu eius manet: quoties verò & immutatur & alienatur, emptio magis, quàm locatio, intelligi debet. Aliud exemplum proponitur l. 14. C. de testamentis. vbi Impp. Dioclet. & Maximinianus: Non codicillum (inquit) sed testamentum auiam vestram facere voluisse, institutio & exhæredatio facta probant euidenter. Huius loci etiā sunt hæc argumenta: Suum cuique tribuit, Ergo est iustus. De apicibus iuris disputat.*

sputat. Ergo bonam fidem non habet. Siquidem bone fidei non congruit de apicibus iuris disputare; ut dictum supra in loco A qualitate sententia, reg. 6. in prin. Sanè quoniam differentia & propria ex istisdem ferè locis, ex quibus argumenta, sumuntur, ut supra dictum est: evenit, ut hic locus cum alijs coincidat, & ab alio loco, unde differentia sumpta est, argumentum huius loci videatur desumptum. Proinde de regula proposita satis sit dictum.

Altera huius loci regula videri potest, quòd separatorum separata sit ratio. Sed de hac regula dicetur infra in loco A repugnantibus.

A toto.

Huius loci prima regula hæc est: De quo predicatur totum, de eodem predicatur qualibet eius pars. Quæ regula approbatur l. in toto. 113. ff. de reg. iuris, hisce verbis: In toto & pars continetur. Concordat l. in eo. 110. in prin. ff. eod. tit. ubi Paulus: In eo (inquit) quod plus est, semper inest & minus. Huius exemplum proponitur l. quoties. 9. §. sed si non. ff. de hered. institut. ubi si maiorem partem adscripserit testamentarius, vel (quod difficilius est probatione) ipse testator, ut pro quadrante semissem: Proculus putat, ex quadrante fore heredem: quoniam inest quadrans in semisse. Aliud exemplum proponitur l. non debet. 21. ff. de reg. iuris. ubi Ulpianus: Non debet (inquit) cui quod plus est licet, quod minus est non licere. Hoc appellatur totum virtutis seu efficacia cuiusdam, de cuius generis argu-

argumētis infrā dicetur in loco A comparatis. Aliud exemplum proponitur Inst. de fideiussoribus. §. fin. vbi Imp. Iustinianus: In stipulationibus (inquit) fideiussorū sciendum est hoc generaliter accipi; ut quodcūq; scriptum sit quasi actum, videatur etiam actum. Ideoq; constat, si quis scripserit se fideiussisse, videri omnia solenniter acta. Plura de hoc exemplo dicentur infrā libro prox. vbi de presumptionibus agetur. Planè proposita regula exceptio prima hac est: Nisi totum de aliquo negetur vel remoueatur. hoc enim casu non ideo pars de eodem negatur vel remouetur, cum à maiore ad minus negatiuè non procedat argumentum, ut infrā suo loco ostendemus. Proinde quod l. 7. in princ. ff. de exceptione rei iudicatae, dicitur, Si quis, cum totum petisset, partem petat, exceptionē rei iudicatae nocere: intelligendum videtur, si iudex pronunciauit totum possessoris esse: non si negatiuè pronunciauit illud aētoris non esse, exemplo l. si inter me. 15. ff. d. tt. Quanquam hoc casu dici potest, eum qui totum deduxerit in iudiciū, etiam partem in iudiciū deduxisse videri: d. l. 7. §. fin. Ideoq; siue affirmatiuè siue negatiuè iudex pronunciauerit, videbitur ob stare rei iudicatae exceptio. Quae sentētia si vera est, erit hoc casu replicatio ppositae exceptionis notanda: de qua vide exceptionem rei iudicatae. Altera proposita regula exceptio est in reb. incorporeis, quae in iure consistūt: veluti in dominio, usu, fructu, actu, via, &c. in quibus pars toti adiecta non

prae-



pradicatur de eo, de quo totum pradicatur: vsusfru-  
 ctus enim proprietati adiectus dominium quasi to-  
 tum constituit, l. 4. & l. qui vsumfructum, 43. §. sti-  
 pulatus. ff. de vsumfructu. At non sequitur, eum qui  
 dominium rei habet, vsumfructum quoque eius habere:  
 quia vsumfructus propriè est ius alienis rebus vt en-  
 di fruendi. At qui dominium habet, non alienis, sed  
 suis rebus vtitur fruitor. Ergo desijt hoc casus vsus-  
 fructus dici. Vnde l. si cum. 21. §. si fundum. ff. de  
 exceptione rei iudicatae, Iulianus: Qui fundum  
 habet (inquit) vsumfructum suum vindicare  
 non potest. quod etiam dicendum de eo, qui  
 vsumfructum habens, proprietatem nactus  
 est: quia desinit eius esse prior vsusfructus.  
 Sic etiam l. cum in fundo. 78. in princ. ff. de iure  
 dotium, Triphoninus: Cum in fundo mariti (ait)  
 habens mulier vsumfructum dotis causa ma-  
 rito eum dedit, quamuis ab ea vsusfructus  
 discesserit, maritus tamen vsumfructum non  
 habet, sed suo fundo quasi dominus vtitur,  
 consecutus per dotem plenam fundi pro-  
 prietatem non separatam ab vsumfructu. Hinc  
 etiam Paulus l. 25. ff. de verb. signif. ait, vsumfructum  
 non dominij partem, sed seruitutem esse, vt via &  
 iter. Nemini autem sua res seruit, l. in rei. 25. ibi:  
 nulli enim. ff. de seruit. urbanor. pradior. Sic etiam  
 vsusfructui tanquam pars inest, l. 14. §. vsumfructus.  
 ff. de vsu & habitat. nec tamen sequitur, eum qui  
 vsumfructum habet, vsum quoque habere: licet  
 vsus-

usufructus sine usu nequeat. Siquidem usus separatum quoddam ius est ab usufructu. Quod si ei accesserit, perdit nomen suum, ut iam de usufructu cum dominio consolidato diximus. Planè improprie & abusive usum habere dicitur, qui usumfructum habet: quemadmodum & usumfructum habere, qui dominium habet. Vnde usumfructum diuidunt in causalem & formalem: causalem appellantem eum, qui cum proprietate sit consolidatus. Sic etiam qui actum habet, iter habere: & qui viam habet, actum simul & iter habere dicitur: quia quemadmodum in actu & iter est, ita in via quoque, utrumque continetur tam actus quam iter: l. 1. §. 1. ff. de servitut. rusticor. pradior. Hæc de prima regula sint dicta. Quanquam ea quæ sequuntur infra regula proxima, ab hac regula non sunt aliena.

II. Regula: Quod predicatur de toto, idem etiã predicatur de parte, per ea quæ proposita sunt supra reg. prox. in prin. Cõcordat l. quæ de tota. 75. in prin. ff. de rei vindicat. vbi Caius: Quæ (inquit) de tota re vindicanda dicta sunt, eadem & de parte intelligenda sunt. Concordat item l. cuius. 190. ff. de reg. iuris. vbi Paulus: Cuius effectus (inquit) omnibus prodest, eius & partes ad omnes pertinent. Concordat item l. 1. in prin. ff. de euictionibus. vbi Vlpianus: Siue tota res (inquit) euincatur, siue pars: habet regressum emptor ad venditorem. Concordat item l. si seruus. 81. ff. de adquir. hered. his verbis: Si seruus

ususfructus  
causalis  
formalis

eius qui capere non potest, hæres instituatur, & antequam iussu domini adeat hæreditatem, manumissus alienatusve sit, & nihil in fraudem legis factum sit: ipse admittitur ad hæreditatem. Sed & si partem capere tantum possit dominus eius, eadem dicenda sunt de parte, quam ille capere non potest: nihil enim interest, de vniuerso quæratur, quod capere non possit, an de portione. *Aliud exemplum proponitur l. si duo. 50. in fine. ff. de administrat. tutor. vbi Venuleius*: Licet (*inquit*) omnes tutores sint, & tutelam gerant: tamen cum quis de ea re, quæ extra suam regionem erit, experiri vel ad iudicium vocari cœperit: perinde non committitur stipulatio, atque si ei administratio tutelæ permissa non esset. Quantum enim facit in totum denegata: tantundem valet, si in ea re, de qua agitur, denegata sit. *Aliud exemplum proponitur l. iurisgentium. 7. §. adeo. ff. de pactis. vbi Ulpianus*: Constat (*inquit*) in emptione, cæterisque bonæ fidei iudicijs, re nondum secuta, posse abiri ab emptione. Si igitur in totum potest, cur non & pars eius pactione mutari posset? *Aliud exemplum proponitur l. si vnus. 27. §. item si pactus. ff. eod. tt. vbi Paulus*: Si pactus (*inquit*) ne hæreditatem peterem, singulas res vt hæres petam: ex eo quod pactum erit, pacti conuenti exceptio aptanda erit.

Quem-

Quemadmodum si conuenerit ne fundum peterem, & vsum fructum petam: aut ne nauim ædificiū me peterē, & dissolutis ijs singulas res petā: nisi specialiter actum est. *Aliud exemplum proponitur l. qui scit. 25. in prim. ibi: & quemadmodum. ff. de usuris. vbi Iulianus: Quemadmodum (inquit) si totum fundum alienum quis sciens possideat, nulla ex parte fructus suos facit, quoquo modo sati fuerint: ita qui communem fundū possidet, non faciet fructus suos pro ea parte, qua fundus ad socium eius pertinebit. Aliud exemplum proponitur l. fructus. 7. §. quod in anno. ff. soluto matrimonio. vbi Vlpianus: Quod in anno (inquit) dicitur, potest dici & in sex mensibus. Aliud exemplum proponitur l. 3. ff. pro derelicto. cuius verba proponuntur paulo inferius ead. reg. except. 6. Aliud exemplum habetur l. si chorus. 77. in princ. ff. de leg. 3. vbi Celsus: Si chorus (inquit) aut familia legatur: perinde est, quasi singuli homines legati sunt. Aliud exemplum proponitur l. 7. §. fin. ff. de except. rei iudicate. vbi Paulus: Cum hæreditatem peto (inquit) & corpora & actiones omnes, quæ in hæreditate sunt, videntur in petitionē deducta. Aliud exemplū proponitur l. diem proferre. 27. §. si plures. ff. de arbitris. Vbi dicitur, eos qui in decē vel quindecim consenserint, etiā in quinque consensisse. verba Vlpiani de hac re hæc sunt: Quæritur apud Iulianum, si ex tribus*

arbitris vnus quindecim, alius decē, tertius quinque condemnent: num sententiæ stetur? Et Iulianus scribit, quinque debere præstari: quia in hanc summā omnes consenserunt. *Huic cōcordat quod l. si vnus. 27. §. si cū mihi. ff. de pactis, Paulus ait: Si cū mihi decē deberes, pepigero ne à te viginti petam: in decem tibi prodesse pacti conuenti vel doli exceptionē. Item concordat l. 1. §. si stipulanti. ff. de verb. oblig. vbi Vlpianus: Si stipulanti mihi decem (inquit) tu viginti respondeas: non esse contractam obligationem, nisi in decem, constat. Econtrario quoque, si me viginti interrogante, tu decem respondeas: obligatio nisi in decem nō erit contracta. Licet enim oporteat congruere summam, attamen manifestissimum est viginti & decem inesse. Concordat item l. qui quartam. 15. in prin. ff. de leg. 1. vbi Paulus: Qui quartam (inquit) partem bonorum legare voluit, dimidiā scripsit. Proculus rectē ait, posse defendi quartam legatam: quia inesset dimidiæ. Idem erit & si quinquaginta voluit legare, & centum scripta sint: quinquaginta enim debebuntur. Postremò huius loci etiam est hac regula, Ei cui quod plus est licet, etiam quod minus est licere. Sed de hac infra in loco A comparatis peculiariter tractabitur. Nunc proposita regula exceptiones enumeranda sunt. Quarum prima hac est: Nisi ratio totius in parte cesset, hoc enim casu nō quod*

quod de toto predicatur, idem de parte predicari potest. Quae exceptio approbatur exemplo l. vir uxori. 17. §. fin. ff. ad S. C. Velleianum. vbi Africanus: Mulier (inquit) & Titius in aliquam emptionem mutuam pecuniam acceperunt: pro parte intercessionem factam videri, & ideo creditorem partem duntaxat pecuniae à muliere petere posse. quod si totum petierit, exceptione pro parte submouebitur. Simile exemplum extat l. 2. C. de non numerata pecunia. Vbi totum petenti obstat exceptio non numerata pecunia, partem petenti non obstat. Quoniam pars sit numerata, puta decem: non totum puta viginti. Aliud exemplum proponitur l. qui solidum. 80. in princ. ff. de leg. 2. vbi Papinianus: Qui solidum (inquit) fideicommissum frustra petebat, herede Falcidiam obijciente, si partem interim solui sibi desiderauerit, neque acceperit: in ea moram passus intelligitur. Hic mora in parte committitur, quae non committitur in toto propter diuersitatem rationis. Aliud exemplum proponitur l. Papinianus. 8. §. sed neq. in fin. ff. de inofficioso test. vbi dicitur, Si patris testamentum per inofficiosi querelam in totum rescissum sit, & pupillare testamentum evanescere: si pro parte tantum, pupillare saluum manere in solidum. Aliud exemplum habetur l. ex mille. 64. in prin. ff. de euiction. vbi Papinianus: Ex mille (inquit) iugeribus traditis, ducenta flumen abstulerat: si postea pro indiuiso du-

# 23.

l. 3      centa

centa euincantur: duplæ stipulatio pro parte quinta, non quarta præstabitur: nā quod perijt, damnum emptori, non venditori attulit. Si totus fundus, quem flumen deminuerat, euictus sit: non deminuetur euictionis obligatio, &c. *Hæc de prima exceptione. Altera exceptio est: Nisi aliud in parte, quàm in toto, specialiter sit actum, cautum vel dispositum. quæ exceptio approbatur exemplo l. quadam. 62. ff. de adq. rer. dom. vbi Paulus: Quædam (inquit) sunt quæ non possunt solâ alienari, tamen per vniuersitatem ad hæredem transeunt: vt fundus dotalis, vel res cuius aliquis commerciū non habeat: nam etsi legari ei non possit, tamen hæres eius institutus, dominus eius efficitur. Aliud exemplum proponitur l. si vnus. 27. §. item si pactus, in fin. ff. de pactis. cuius verba vide superius eadem regula, inter exempla. Concordat l. Caius. 88. §. Titius, in fin. ff. de leg. 2. cuius verba proponuntur infra except. prox. Aliud exemplum proponitur l. si dictum. 56. §. in stipulatione. ff. de euictione. vbi Paulus: In stipulatione duplæ (inquit) cum homo venditur, partis adiectio necessaria est: quia non potest videri homo euictus, cum pars eius euicta est. Aliud exemplū proponitur l. naue. 36. ff. eod. tit. vbi idem Paulus: Naue (inquit) aut domo emptæ, singula cæmenta vel tabulæ emptæ non intelliguntur. Ideoque nec euictionis nomine obligatur vendi-*



venditor, quasi euiſta parte. Aliud exemplū eſt,  
 in hereditate vel legato agnoſcendo & repudian-  
 do : neque enim hereditas pro parte adiri, neque  
 legatum pro parte agnoſci, pro parte repudiari po-  
 teſt, quamvis in totum adiri vel repudiari poſſit.  
 de qua re vide Digefſtor. meorum libr. 30. cap. 2.  
 reg. 1. except. 24. item reg. 2. item libro 32. cap.  
 9. cauſa 29. except. 5. Tertia exceptio eſt : Niſi  
 pars à toto ſit ſeparata : hoc enim caſu à toto ad  
 partem ſeparatam non valet argumentum. Quæ  
 exceptio approbatur l. locus. 60. ff. de verbor. ſi-  
 gnificat. vbi Vlpianus : Opinio noſtra (inquit)  
 & conſtitutio locum à fundo ſeparat, vt &  
 modicus locus poſſit fundus dici, ſi fundi  
 animo eum habuerimus : non enim magni-  
 tudo locum à fundo ſeparat, ſed noſtra af-  
 feſtio : & quælibet portio fundi poterit fun-  
 dus dici, ſi iam hoc conſtituerimus. nec  
 non & fundus locus conſtitui poteſt : nam  
 ſi eum alij adiunxerimus fundo, locus fun-  
 di efficitur. Concordat l. ſi quis. 6. §. ſi quis par-  
 tem. ff. communia pradior. vbi Vlpianus : Si diui-  
 ſit (inquit) fundum regionibus, non eſt pars  
 fundi, ſed fundus. Concordant item ea quæ  
 habentur infra in loco proxim. reg. 1. exceptio.  
 3. Huius exceptionis replicatio hac eſt : Niſi  
 pars ſeparata parti, non totius loco habita ſit.  
 Quæ replicatio approbatur leg. rectè. 25. §. ſina-  
 li. ff. eodem titulo. Vbi Quintus Mutius ait,  
 l. 4. partiu

*partis appellatione rem pro indiuiso significari. nã  
 pro diuiso quod nostrum sit, id non partem, sed to-  
 rum esse. Seruius autem non ineleganter partis ap-  
 pellatione vtrunq; significari ait. Huius exemplum  
 proponitur l. Caius. 88. §. Titius. ff. de leg. 2. his verbis.  
 Titius cū fratris filio fundos & urbana præ-  
 dia legaret: in his & fundum Seianum lega-  
 uit, quem ipse pater familiās, quoad viuebat,  
 vno quidem nomine vniuersum habuit: sed  
 quo facilius conductorem inueniret, per du-  
 as partes locabat, ita vt ex qualitate loci su-  
 periorem partem Seianum superiorem, in-  
 feriolem autē partem Seianum inferiorem  
 appellarer. quæsitum, an is totus fundus ad  
 fratris filium pertineat? Paulus respondit, Si  
 testator fundum Seianum vno nomine vni-  
 uersum possedit: quamuis eundem diuersis  
 partibus locauerat, vniuersum eum ex cau-  
 sa fideicommissi præstari oportere: nisi hæ-  
 res, de qua parte testator senserit, euidenter  
 probauerit. Quarta exceptio est: Nisi res sit indi-  
 uisibilis. Quæ exceptio approbatur exemplo serui-  
 tutis l. pro parte. 11. ff. de seruitut. vbi Modestinus:  
 Pro parte (inquit) dominij seruitutem ad-  
 quiri nō posse, vulgò traditur. Pro parte quo-  
 que neque legari, neque adimi via potest. Et  
 si id factum est, neq; legatum, neque adem-  
 ptio valet. Aliud exemplum proponitur l. in exe-  
 cutione. 85. §. pro parte. ff. de verbor. obligat. vbi  
 Paulus:*

*Paulus* : Pro parte (*inquit*) peti, solui autem nisi totum non poterit : veluti cum stipulatus sum hominem incertum : nam petitio eius scinditur, solui autem nisi in solidum nō potest. Idem iuris est & si quis decem aut hominem promiserit. Non solum autem natura, sed & lege quadam sunt indivisibilia, quae separatim alienari non possunt, quamvis cum toto possint : ut sunt coloni adscripticii, l. quemadmodum. 7. C. de agricolis & censitis. Quinta exceptio est in solutione particulari : hac enim in nulla parte liberat soluentem ab obligatione usurarum, pœnæ, pignoris, & alijs huiusmodi obligationibus accessorijis : de quare cum alijs quibusdam huc pertinentibus vide mea Digesta libro 48. cap. 9. except. 15. replicat. 1. Sexta exceptio est in derelicto. quamvis enim totum pro derelicto haberi possit : pro parte tamen si quis rem pro derelicto habeat, nihil valet id quod est actum. Quae exceptio approbatur simul & distinguitur l. 3. ff. pro derelicto. vbi *Modestinus* : An pars (*inquit*) pro derelicto haberi possit, quaeri solet. Et quidem si in re communi socius partem suam reliquerit, eius esse desinit : ut hoc sit in parte, quod in toto. Atquin totius rei dominus efficere non potest ut partem retineat, partem pro derelicto habeat. Septima exceptio est in possessione. Quae exceptio approbatur l. cum qui ædes. 23. in princ. ff. de usucapion. vbi *Sabinus* : Eum qui ædes mercatus est (*inquit*) nō puto aliud  
l s . quàm

quàm ipsas ædes possidere : nam si singulas res possidere intelligeretur, ipsas ædes non possidebit. Separatis enim corporibus, ex quibus ædes constant, vniuersitas ædium intelligi non poterit. Accedit eò, quòd si quis singulas res possidere dixerit, necesse erit vt dicat, in possessione superficiei tempori de mobilibus statuto locum esse, & solum se capturum esse ampliori tempore. quod absurdum est, & minimè iuri ciuili conueniēs, vt vna res diuersis temporibus vsucapiatur: vt puta cum ædes ex duabus rebus constent, ex solo & superficie, & vniuersitas earum possessione temporis immobilium rerum dominium mutet. *Concordat l. qui vniuersas. 30. in prin. ff. de adq. possess. vbi Paulus: Qui vniuersas (inquit) possedit, singulas res, quæ in ædificio sunt, non videtur possedisse. Idem debet dici & de naue, & de armaria. Octaua exceptio est in vsucapione. Sic enim l. adeò quidem. 7. §. illud rectè. ff. de adquir. rer. dominio, Caius: Dubitationis est (inquit) an eo ipso, quo vniuersitas ædificij longo tempore capta est, singulæ quoque res, ex quibus constabat, vsucaptæ essent? quod non placuit. Nona exceptio est in falsa demonstratione, qua in totum falsa non viciat legatum, pro parte falsa viciat pro parte, exemplo l. s. §. sine. ff. de leg. 1. vbi Paulus: Cum fundus communis (inquit) legatus sit, non adiecta*

adiecta portione, sed meum nominauerit: portionem deberi constat. *Hic demonstratio Meum, totum fundum denotat. Sic enim t rectè. 25. in princ. ff. de verb. significat. Paulus: Nec falsò dictum est (inquit) meum esse, cuius non potest vlla pars dici alterius esse. Sed pro dimidia parte ista demonstratio est falsa. Ideoque pro ea parte viciatur legatum: licet si in totum falsa esset, non viciaret. Decima exceptio est: Nisi à toto ad partem causalem argumentemur: veluti à dominio ad vsumfructum causalem. hoc enim casu argumentum non valet. Sic enim d. l. rectè. 25. in prin. Paulus: Rectè (inquit) dicimus eum fundum totum nostrum esse, etiam cuius vsumfructus alienus est: quia vsumfructus non dominij pars, sed seruitus est, vt via & iter. Plura de hac exceptione vide supra reg. prox. except. 2. Undecima exceptio est: Nisi ab vniuersitate ad singulas eius vniuersitatis personas argumentemur. Hac exceptio approbatur exemplo l. sicut. 7. §. 1. ff. quod cuiusq. vniuersitatis nomine. vbi Vlpianus: Si quid (inquit) vniuersitati debetur, singulis non debetur. Nec quod debet vniuersitas, singuli debent. Aliud exemplum proponitur l. 2. ff. eod. tit. vbi idem Vlpianus: Si municipes (inquit) vel aliqua vniuersitas ad agendum det actorem: non erit hic dicendum, quasi à pluribus datum sic haberi. Hic enim pro repub. vel vniuersitate interuenit,*

non

non pro singulis. Aliud exemplum proponitur l. in tantum. 6. §. 1. ff. de rer. diuis. vbi Martianus : Vniuersitatis (inquit) sunt, non singulorum: veluti quæ in ciuitatibus sunt: vt theatra, & stadia, & his similia: & si quæ alia sunt communia ciuitatum. Ideo quæ nec seruus communis ciuitatis singulorum pro parte intelligitur, sed vniuersitatis. Et ideo tam contra ciuem, quàm pro eo posse seruum ciuitatis torqueri, diui fratres rescripserunt. Ideo quæ & libertus ciuitatis nō habet necesse veniam edicti petere, si vocet in ius aliquem ex ciuibus. Duodecima exceptio est: Nisi negatiuè aliquid de toto pradicetur: hoc enim non ideo magis negatur de parte. Neque enim sequitur: Decem non debentur: ergo nec quinque debentur. Actum non habet: ergo neq; iter. l. 1. §. itaq; qui iter. ff. de seruitut. rusticor. pradior. Planè huius exceptionis replicatio hæc est: Nisi de efficiendi facultate quaratur; hoc enim casu etiam negatiuè à toto ad partem argumentari licet: puta, Decem res comparari non potest: ergo nec quinque comparabitur. Totus exercitus non potest vincere: ergo nec legio vna. Aliam proposita exceptionis replicationem vide suprà reg. prox. except. 1. Sed & alia replicatio proponitur l. 1. §. ex hoc rescripto. ibi: partus enim. ff. de inspiciendo ventre. vbi partus, qui est in vtero, dicitur portio mulieris. Ex quo infertur, quoniam ipsam mulierem vir amplius petere non possit diuortio facto:

facto: ergo nec partum, qui est in utero eius.

Decimatertia exceptio est in iussu de adeunda hereditate: quæ proponitur l. si quis mihi. 25. §. sed si mādauit. ff. de adq. hered. vbi Vlpianus: Si pater filio mandauit quasi ex asse instituto, & inueniatur ex parte: non puto ex iussu adiisse. Hic ex asse iussus adire, non videtur ex parte adire iussus. Hac de exceptionibus secunda regula. Sed & plures huiusmodi exceptiones licet videre inter exempla superioris prima & secunda exceptionis. Nam reliquæ omnes ferè ex istis duabus pendent. Sed & quæ supra in loco A genere dicta sunt, vtiliter huc possunt extendi.

#### A parte.

I. Regula: Quod predicatur de parte, idem etiam predicatur de toto, exemplo l. item veniunt. 22. §. ait Senatus. ff. de petitione hereditatis. vbi Vlpianus inquit: Ait Senatus, Cum antequam partes caducæ fisco peterentur: hoc euenerat, vt fisco partes caducæ peterentur. Sed etsi ex asse fiat, senatusconsultum locum habebit. Aliud exemplum proponitur l. qui procuratorem. 56. ff. de procuratoribus. vbi Vlpianus: Qui procuratorem dat (inquit) vt confestim agat: is intelligendus est permittere procuratori, & postea litem peragere. Hic totum est actio, pars est tempus actionis: nam tempus, locus & alia huiusmodi circumstantia constituunt actionem, quemadmodum partes totum. Quia ergo de tempore actionis



actionis procuratori erat mandatum, infert Iurif-  
consultus, Et totam actionem illi intelligi manda-  
tam. Aliud exemplum est l. si ex asse. 10. ff. de adq.  
hered. vbi Vlpianus: Si ex asse (inquit) hæres de-  
stinauerit partem habere hæreditatis: vide-  
tur in assem pro hærede gessisse. Huic concor-  
dat l. si solus. 79. in prin. ff. eod. tit. vbi Paulus: Si so-  
lus (inquit) hæres ex pluribus partibus fuero  
institutus, vnam portionem adeundo, om-  
nes adquire, si tamen delatæ sint. Concordat  
item l. si cui. 60. ff. de leg. 2. vbi Caius: Si cui (ait)  
res legata fuerit, & omnino aliqua ex parte  
voluerit suam esse, totam acquirit. Aliud ex-  
emplum proponitur l. si quis mihi. 25. §. sed si man-  
dauit. ff. de adq. hered. vbi Vlpianus: Si pater (in-  
quit) filio mandauit ex parte adire: potest ex  
asse adire. Plura proposita regula exempla vide in  
regulis sequentibus. Planè huius regula exceptio  
prima hæc est: Nisi ratio particularis dispositionis in  
toto cesset: hoc enim casu ipsa quoq; dispositio in  
toto cessabit, secundum ea quæ proponentur infra in  
loco A ratione legis cessante. Huius exemplum est l.  
9. §. qui decem. ff. de solutionibus. vbi Vlpianus: Qui  
decem debet (inquit) partem soluendo in par-  
tem obligationis liberatur, & reliqua quinque  
sola in obligatione remanent. item qui Sti-  
chum debet, parte Sticki data, in reliquam  
partem Stichi tenetur. Hic is qui pro parte libe-  
ratus dicitur, in solidum liberatus dici non potest: quia  
ratio

ratio particularis liberationis, quæ est solutio, in toto, quod solutum non est, cessat, de quo exemplo vide plura Digestorum meorum lib. 48. cap. 9. except. 15. Aliud exemplum proponitur l. 16. C. de iure dotium, ubi dicitur, quod socius partem in re communī alienare vel in dotem dare possit. Ex quo tamē non sequitur, quod totum socius possit alienare, l. 1. cum legibus sequentibus. C. de communium rerum alienatione. Quia ratio, quæ est dominium, quod in parte habet, in toto cessat. Et ita de similibus dici potest. Planē huius exceptionis replicatio hæc est: Nisi aliud sit cautum vel constitutum, tunc enim, quamvis cessante ratione particularis dispositionis, nihilominus ad totum dispositio extenditur, exemplo l. 2. C. d. tt. de com. rer. alienat. Vbi fisco licet rem sibi cum alio communē in solidum distrahere, quamvis pro parte tantum dominium habeat. Cui concordat l. vnica. C. de vendit. rerum fiscalium cum privatis communium. Altera proposita regula exceptio est in ijs quæ sunt meri facti, in quibus cessat verisimilitudo. Neque enim sequitur: Paries est, ergo & domus. Quinque promisit: ergo & decem promisit. Huius tamen exceptionis replicatio prima hæc est: Nisi enumeratio partium sit sufficiens. Ex sufficienti enim partium enumeratione rectē totū inferitur, de qua re infra lib. prox. dicetur. Altera replicatio est: Nisi negativē à parte ad totū argumentemur, hoc. n. casu valet argumentū. Veluti: Quinque non promisit; ergo neque decem promisit.

Paries

*Paries non est: ergo neq<sup>3</sup> domus est. De qua re vide  
 infra reg. prox. Hac de secunda exceptione. Tertia  
 proposita regula exceptio est: Nisi partes sint sepa-  
 rata, quarum qualibet per se totum constituit: hoc  
 enim casu à parte ad totum vel ad alteram partem  
 argumentum non valet, exemplo l. 1. §. sed et si mi-  
 hi. ff. de verb. oblig. vbi Ulpianus: Si mihi Pam-  
 philum (inquit) stipulanti, tu Pamphilum &  
 Stichum respōderis: Stichi adiectionem pro  
 superuacuo habendam puto. nam si tot sunt  
 stipulationes, quot sunt corpora: duæ sunt  
 quodammodo stipulationes, vna utilis, alia  
 inutilis: neque viciatur utilis per hanc inuti-  
 lem. Aliud exemplum proponitur l. 3. ff. de peculio  
 legato. vbi Paulus: Si ancilla (inquit) cum suis  
 natis legata sit etiam mortua ea, vel alienata,  
 vel manumissa, nati ad legatarium pertine-  
 bunt: quia duo legata sunt separata. Aliud ex-  
 emplum proponitur l. 23. ff. quibus modis vsusfru-  
 ctus amittatur. vbi idem: Si vsusfructus (inquit)  
 alternis annis legetur, non potest vtendo is  
 amitti: quia plura sunt legata. Concordant  
 proposita exceptioni ea quæ proposita sunt supra in  
 loco proximo A toto, reg. 2. except. 3. Sed & huius  
 loci est regula hac: Separatorum separatam esse ra-  
 tionem. de qua tamen dicetur infra in loco A repu-  
 pnantibus. Huius exceptionis replicatio est: Nisi  
 alterum alterius sit accessorium: hoc enim casu ac-  
 cessorium sequitur naturam principalis. de qua re  
 infra*

*infra in loco A' fine dicetur. Plura de exceptione proposita vide infra reg. prox. except. 1. Hac de prima regula.*

11. Regula: Deficiente parte, totum perfectum esse nequit. Quae regula approbatur l. 1. ff. de origine iuris. vbi Caius: In omnibus rebus (inquit) animaduerto id perfectum esse, quod ex omnibus suis partibus constat. Huic concordat quod l. rectè. 25. ff. de verb. signif. Paulus ait: Meum esse, cuius non potest vlla pars dici alterius esse. Huius etiam exemplum est, quod l. 12. in prin. C. de testamentis, dicitur: Si vnus de septem testibus defuerit, vel coram testatore omnes eodem loco testes suo vel alieno annulo non signauerint: iure deficere testamentum. Quod & de alijs solennitatibus deficientibus accipi debet. Huius regulae exceptio prima hac est: Nisi in parte, qua non necessario requiritur, defectus sit: hic enim defectus totum non viciat, quae exceptio approbatur verbis l. 1. §. sed & mihi. ff. de verb. obligat. paulò superius reg. prox. except. 3. propositis: quibus innuitur, vtile per inutile viciari non debere, vt exemplo ibi proposito declaratum est. Sed & aliud huius exceptionis exemplum proponitur l. fundus. 64. ff. de contrah. empt. vbi Labeo: Fundus ille (inquit) est mihi & Titio emptus. quæsitum, vtrum in partem, an in totum venditio consistat? an nihil actum sit? Respondi, personam Titij pro superuacuo accipiendam. Ideoque puto totius fundi emptionem ad

me pertinere. Aliud exemplum habetur l. subscriptio. 32. C. de liberali causa. vbi Impp. Dioclet. & Maximian. Subscriptio (inquiunt) filij domini manumittentis nec addere secuta, nec omiſſa detrudere libertati quidquā potest. Aliud exemplū proponitur l. quoniam. 32. C. de inoffiſioso testamento. vbi caſſatis ijs, quæ contra leges testamento erant adiecta, ipsum testamentum non infirmatur. Hac etiam ratione, quamvis substitutio, legatum, fideicommiſſum, vel alia huiusmodi testatoris dispositio, quæ non neceſſariò ad testamentum requiritur, iure deficiat: tamen ipsum testamentum nihilominus perfectum cenſetur. Planè huius exceptionis replicatio hæc eſt: Nifi res ſeparari non poſſint: hoc enim caſu vtile per inutile viciatur, exemplo l. 5. §. generaliter. ff. de donation. inter vir. & vxor. vbi Vlpianus: Generaliter (inquit) tenendum eſt, quod inter ipſos, aut qui ad eos pertinent, aut quod per interpoſitas perſonas donationis cauſa agitur: nō valet. quòd ſi aliarum extrinſecus perſonarum, &c. Aliud exemplum proponitur l. Pedius 7. §. vnde Iulianus. ff. de arbitris. vbi Iulianus ait: Si in Titium & ſeruum compromiſſum ſit, nec Titium cogendum ſententiam dicere: quia cum alio receperit, quamvis ſerui arbitrium nullum ſit, &c. Altera propoſita regula exceptio eſt: Nifi quid per maiorem partem eorum, qui ſunt in vniuerſitate, factum ſit: hoc enim caſu, etiam cæteris ceſſan-

cessantibus, nihilominus vniuersitas obligatur. Quæ exceptio approbatur l. aliud est. 120. §. 1. ff. de reg. iur. vbi Vlpianus: Refertur (inquit) ad vniuersos, quod publicè fit per maiorem partem. Concordat l. nulli. 3. ff. quod cuiusq. vniuersitatis nomine. vbi idem ait, Nulli permitti nomine ciuitatis vel curiæ experiri, nisi ei cui lex permittit, aut lege cessante ordo dedit: cum duæ partes adessent, aut amplius quàm duæ. Concordat item l. quod maior. 19. ff. ad municipalem. vbi Scauola: Quod maior (inquit) pars curiæ efficit, pro eo habetur, ac si oēs egerint. Tertia exceptio est: Nisi maior pars creditorum hereditariorū heredi de adeundo deliberanti partem debiti remiserint: hoc enim pactum etiam ad alios non paciscentes creditores pertinet. de quare vide Digestor. meor. lib. 37. c. 7. except. 3.

III. Regula: Pars abundans non vitiat totum. Quæ regula approbatur l. non solent. 94. ff. de reg. iuris, his verbis: Non solent, quæ abundant, viciare scripturas. Concordat l. testamentum. 17. C. de testamentis, hisce verbis: Testamentum non ideo infirmari debebit, quòd diuersis hoc deficiens nominibus appellauit: cum superflua non noceant. Nanque necessaria prætermittenda imminuunt contractus, & testatoris officiunt voluntati, nō abundans cautela. Concordat item l. pediculis. 33. §. Labeo. ff. de auro legato. vbi Paulus: Non mutauit (ait) substantiā rerum non necessaria verborū multiplicatio.

Concordat item l. quæ extrinsecus. 65. in prin. ff. de verb. oblig. vbi Vlpianus: Quæ (inquit) extrinsecus, & nihil ad præsentem actum pertinentia adiecerit stipulationi, pro superuacuis habebuntur, nec vitiabunt obligationem: veluti si dicas, Arma virumque cano, spondeo: nihilominus valet. Huius etiam loci videtur esse, quòd vtile per inutile nõ vicietur. de quo tamen dictum supra reg. prox. except. 1. item reg. 1. except. 3.

IIII. Regula: Commutatis omnibus partibus, eadem, non alia res intelligitur. Quæ regula approbatur l. proponebatur. 76. ff. de iudicijs. vbi Alfenus: Proponebatur (inquit) ex his iudicijs, qui in eandem rem dati essent, nonnullos causa audita excusatos esse, inque eorum locum alios esse sumptos. & quærebat, singulorum iudicum mutatio eandem rem, an aliud iudicium fecisset? Respondi, non modò si vnus aut alter, sed et si omnes iudices mutati essent: tamen & rem eandem, & iudicium idem, quod antea fuisset, permanere. Neque in hoc solum euenire, vt partibus commutatis eadẽ res esse existimaretur: sed & in multis cæteris rebus. Nam & legionem eandem haberi, ex qua multi decessissent, quorum in locum alij subiecti essent: & populum eundem hoc tempore putari, qui abhinc centum annis fuisset, cum ex illis nemo nunc viueret. Itemque si naus adeò sæpe resecta esset, vt

nulla



nulla tabula eadem permaneret, quæ non  
 noua fuisset: nihilominus eandem nauē esse  
 existimari. Quòd si quis putaret, partibus  
 commutatis aliam rem fieri: fore ut ex eius  
 ratione nos ipsi non iidem essemus, qui ab-  
 hinc anno fuisset. propterea quòd (ut phi-  
 losophi dicerent) ex quibus particulis mini-  
 mis consisteremus, eæ quotidie ex nostro  
 corpore decederent, aliæque extrinsecus in  
 earum locum accederent. Quapropter cuius  
 rei species eadem consisteret, rem quoque  
 eandem esse existimari. *Concordat l. si grege. 22.*  
*in princ. ff. de leg. 1. vbi Pomponius: Si grege (in-*  
*quit) legato, aliqua pecora viuo testatore*  
*mortua essent, in eorumque locum alia essent*  
*substituta: eundem gregem videri. Concordat*  
*item l. quod in rerum. 24. §. fin. ff. eod. tit. vbi idem:*  
*Si nauem (inquit) legauero, & specialiter eam*  
*adscripsero, eamque per partes totam resece-*  
*ro, carina eadem manente: nihilominus re-*  
*cte à legatario vindicabitur. Concordat item l.*  
*si ita. 64. §. fin. ff. eod. tit. vbi Caius: Si domus (in-*  
*quit) fuerit legata: licet particularim ita rese-*  
*cta sit, ut nihil ex pristina materia supersit: ta-*  
*men dicemus utile manere legatum. At si ea*  
*domo destructa, aliam eodem loco testator*  
*ædificauerit: dicemus interire legatum, nisi*  
*aliud testatorem sensisse fuerit ad probatum.*  
*Concordat item l. peculium. 67. §. quadrige. ff. de*  
*leg.*

*leg. 2. vbi Papinianus: Quadrigæ (inquit) legatum, equo postea mortuo, perire quidam ita credūt, si equus ille decessit, qui demonstrabat quadrigam. Sed si medio tempore deminuta suppleantur: ad legatarium pertinebit. Hæc de loco A parte.*

*A coniugatis.*

*Huius loci regula hæc est: Quod predicatur de vno coniugatorum, idem predicatur etiam de altero: & vice versa, de quo predicatur vnum coniugatorum, de eodem predicatur etiam alterum. Prioris exemplum proponitur l. si cognatis. 20. §. fin. ff. de rebus dubijs. vbi Vlpianus ex eo quod cognationi legatum est, colligit, cognatis id legatum esse. Verba eius hæc sunt: Si quis cognationi leget, idem est atque si cognatis legasset. Posterioris exemplum proponitur l. sacra. 9. §. propriè. ff. de rerum diuis. vbi idem Vlpianus probaturus leges sanctas esse, ita argumētatur: Quod sanctione quadam subnixum est, id sanctum est, et si Deo non sit consecratum. Leges sanctione quadam subnixæ sunt. Ergo leges sanctæ sunt. Aliud exemplum proponitur Inst. vi bonor. raptor, in prin. vbi Imp. Iustinianus probaturus raptorem furti actione teneri, argumētatur à coniugatis: quia raptor fur sit. Huius loci est etiam illud Terentianum: Homo sum, humani nihil à me alienum puto. & illud Ciceronis: Inter bonos bene agere oportet. Negatiue quoque ab hoc loco argumentamur. vt l. vetus. 75. in prin. ff. de vsufructu, vbi Vlpianus:*

In fructu hominis (*inquit*) homo esse nō potest: hac ratione nec vsum fructum in eo fructuarius habebit. A fructu ad vsum fructum hic negatiuè argumētatur Iuriconsf. Planè regula proposita suas etiam habet exceptiones, nec semper firmum ex loco à coniugatis sumitur argumentum. Neg. enim sequitur: Pater tuus res pupilli, ergo tutor est: Hæreditas defuncti ad filium emancipatum ex edicto prætoris pertinet, ergo filius iste hæres est cum prætor suo edicto heredem facere non possit: Instit. de bonor. posses. §. quos autem, item: Titio commodatum non est, ergo commodati actione non tenetur: cum possit tanquam hæres commodatarij teneri. Probabile igitur, non necessarium ab hoc loco sumitur argumentum. Hactenus de octo locis intertis sit dictum. Sequuntur nunc tres medij loci.

#### Ab adiacentibus.

Huius loci prima regula hæc est: Quod prædicatur de adiacente, idem prædicatur quoq. de eius subiecto. Sic l. i. in princ. ff. de minor. viginti quinq. ann. adiacens minorum viginti quinq. annis est, consilium fragile, atq. infirmū, multiq. captionib. suppositū, multorumq. insidijs expositum. Hoc autem adiacens meretur auxilium iuris. Ideoq. (*inset ibi Vlpianus*) auxiliū minoribus prætor hoc edicto pollicitus est, & aduersus captiones opitulationē. Idem de iusticia prædicatur, quod sit constans & perpetua voluntas ius suum cuiq. tribuendi, l. iusticia. 10. ff. de iusticia & iure. Ergo cum Titius iustus dicitur,

sequitur de eo predicari, seu ei inesse huiusmodi constantem & perpetuam voluntatē. Proinde huius loci videri potest regula hæc: Cui conuenit definitū, ei quoque definitio conuenit. Adiacentium autem aliud diximus esse quātitatis, aliud qualitatis. Qualitatis sunt ea quæ iam proposuimus. Huius etiam loci est illud Martialis argumentum, quo probatur Zoilum esse malum, à qualitate eius arguetur hoc disticho:

Crine ruber, niger ore, breuis pede, lumine latus,  
Rem Magnam præstas Zoile, si bonus es.

Sed plura huiusmodi exempla infra in locis personarum proponuntur. Et proposita regula species passim in iure habentur, ubi qualitates personarum & rerum definiuntur: ut de ordinandis magistratibus, episcopis, clericis, militibus, &c. qui & quales ordinandi. item quale veniat in actione petendum vel præstandum? Ex qualitate quoque rei venditæ sumitur actio redhibitoria: ut, quia res vendita sit vitiosa vel morbosa, ideo eam redhibendam. A quantitate argumentatur Pomponius l. 13. ff. de seruitutibus, hoc modo: Si tam angusti loci demonstratione facta via concessa fuerit, ut neque vehiculum neque iumentum eò ire possit: iter magis quam via aut actus acquisitum videbitur. Sed si iumentum per eam duci poterit, non etiam vehiculum: actus videbitur acquisitus. Hic ex quantitate loci Iurisconsultus rum iter, tum actū colligit acquisitum. Aliud exemplum proponitur apud Quintil. Instit. orator, lib. 7. cap. 7.

vbi dicitur: Qui sestertiūm nummūm quinq<sup>3</sup> millia legauerat, cum emendaret testamentum, sublatis sestertijs nummis, argenti pondo posuit, quinq<sup>3</sup> millia remanserunt. Apparuit quinq<sup>3</sup> pondo, non quinque millia pondo testatorem dari voluisse: quia ille in argento legato modus & inauditus erat, & incredibilis. Aliud exemplum proponitur l. quod maior 19. ff. ad municipalem. vbi Scauola: Quod maior (inquit) pars curiæ efficit, pro eo habetur, ac si omnes egerint. Potest in super huius = loci exemplum videri, si actum, de quo queritur, non vnum, sed plures dicamus: puta duo legata, duas stipulationes. Ideoq<sup>3</sup> alterum per alterum non viciari. de quo tamen exemplo dictum est suprà in loco A parte, reg. 1. except. 3.

II. Regula: Concesso accidente infertur subiectum. veluti: Calphurnia fuit improbißima scæmina, l. 1. §. origo. ff. de postulando: Ergo Calphurnia fuit. Cicero credidit Deum esse optimum, maximum, omnipotentem: Ergo Cicero credidit Deum esse. Hoc axioma commune est omnium locorum siue accidentium, quæ de aliquo predicantur. Si enim predicatum concedatur, necesse est etiam concedi subiectum. Proinde si Titius confessus sit, se vinu vi repellendo hominem occidisse: simul etiam confessus videtur, se hominem occidisse, scilicet factum istud, quod qualitate defendit. de quâ specie in libello meo De litis contestatione copiosius disserui. Hoc argumentū nonnulli A parte ad totum vocant,

sed melius *Ab adiacente*, seu potius *Ab accidente ad subiectum appellabitur*. Hæc de loco *Ab adiacētibus*.

*Ab actibus.*

Huius loci prima regula hæc est: Quod predicatur de actu, idem predicatur etiam de eius subiecto. Cuius exemplum proponitur l. qui in seruitute. 160. ff. de reg. iuris. vbi dicitur, Eum qui possidetur, possidere non videri. At seruum possideri. Ergo seruum possidere non videri. Aliud exemplum proponitur l. item queritur. 15. §. penult. ff. locati. vbi Vlpianus: Hoc ipso (inquit) quod tacuerint, consensisse videntur. Hic de actu tacere predicatur consentire: nam qui tacet, consentire videtur. At subiectum istius actus sunt locator & conductor in casu proposito, qui dicuntur tacuisse. Ergo de hoc subiecto predicabitur id quod predicatur de actu, hoc est, videri eos consensisse. Huius loci sunt plures regulæ iuris: vt l. secundum. 10. ff. de reg. iuris. vbi Paulus: Secundum naturam est (inquit) commoda cuiusque rei consequi eum, quem sequuntur incommoda. contrà quoque equum est, vt cuius quis participauerit lucrum, participet etiam damnum. Quibus concordat Inst. de empt. & vendit. §. sed et si post empt. l. si igitur. 55. in fine. ff. pro socio: l. vnica. §. pro secundo, in fine. C. de caducis tollendis. de qua regula vide item infra locum A repugnantibus, reg. 5. except. 1. item reg. 7. except. 7. Huc etiam pertinet l. ex qua. 191. ff. de reg. iuris. vbi Vlpianus: Ex qua persona (inquit)

(inquit) quis lucrum capit, eius factum præstare debet. *de qua regula copiosius tractavi lib. 36. Digest. meor. cap. 6. reg. 4. except. 9.* Huius etiam loci est *l. nemo. 168. in prin. ff. de reg. iuris. vbi Vlpianus*: Nemo (inquit) prædo est, qui precium numeravit. *Item l. 6. ff. eod. tt. vbi idem Vlpianus*: Non vult (inquit) hæres esse, qui ad alium transferre voluit hæreditatem. *Item l. expressa. 155. ff. eod. tt. vbi Modestinus*: Expressa (inquit) nocent, non expressa non nocent. *Item l. si quis. 29. C. de pactis. Vbi Imp. Iustinianus*: Regula iuris est (inquit) omnes licentiam habere ijs quæ pro se introducta sunt, renunciare. *Cui concordat l. si iudex. 41. ff. de minor. viginti quinque annis: l. pactum. 46. in fine. ff. de pactis: l. si quis. 39. ibi: cum regula. C. de episcopis & clericis & Nouell. c. 136. §. sancinus igitur ibi: propterea quod cuique.* Est insuper huius loci regula hæc: Quod quisque iuris in alterum statuit vel impetravit, eodem ipsum uti debere. *de quo. ff. quod quisque iuris in alterum, per totum. cuius exemplum proponitur l. ratas. 7. C. de rescind. vendit.* Sed infinita sunt huius loci exempla: & pertinet ad regulam propositam locus ab officio, cuius exempla proponemus infra in locis personarum.

II. Regula: Concesso actu inferitur subiectum, cuius est actus. Veluti historia testatur Troiam à Grecis oppugnatam & expugnatam esse: Ergo Troia fuit. Testis deposuit Seium in lupanari alea lussisse: Ergo



Ergo Seius in lupanari fuit. Sed de hac regula tanquam omnium locorum communi diximus supra in loco proximo.

III. Regula: Concesso actui infertur adiacens, cuius est actus. Veluti Titius suum cuique tribuit: Ergo est iustus. Oculorum, aurium & dentium sanitatem pollicetur: Ergo medicus est, l. i. §. medicos fortassis. ff. de extraord. cognit. Quamquam hac etiam ad locum A' proprio referri possunt. Nam respectu quidem subiecti, puta Titij, actus sunt: respectu vero predicati, hoc est iusti & medici, sunt propria. Quae ratio facit, ut idem argumentum saepe ad diuersos locos referatur. Nec inutile est (ut ait Rodolphus Agricola) etiam si id natura rei non cogeret, plures esse locos siue aditus & vias vnius inueniende rei: ut si minus vnus perducatur nos ad id quod quarimus, altero tamen tertiove tentatis, aliqua parte procedat. Proposita regula exceptio hac est, quod ex eo quod potentia est, non actu, adiacens non inferatur, exemplo l. precia. 63. ff. ad l. Falcid. ubi Paulus: Praeposterum est (inquit) antequam nos locupletes dici, quam adquisierimus. Et l. is damnus. 131. ff. de reg. iuris, dicitur: Quod pendet, non est pro eo quasi sit.

IIII. Regula: Factum infectum fieri nequit. quae regula approbatur l. verum est. 31. ff. de reg. iuris, hisce verbis: Verum est, neque pacta, neque stipulationes factum posse tollere. Quod enim impossibile est, neque pacto neque stipulatione

Lib. 1. de  
iur. c. 1.

tione potest comprehendere, ut utile actionem  
 aut factum efficere possit. *Concordat l. in bello.*  
*12. §. facta. ff. de captiuis, vbi Triphoninus: Factæ*  
*(inquit) causæ infectæ nulla cōstitutione fieri*  
*possunt. Ideoque eorum quæ vsu capiebat*  
*per semetipsum possidens, qui postea captus*  
*est, interrumpitur vsucapio: quia certum est,*  
*eum possidere desisse. Concordat item l. 1. §. si*  
*vir. ff. de adq. posse §. vbi Paulus: Si vir (inquit)*  
*uxori cedat possessionem causa donationis,*  
*pleriq; putant possidere eam: quoniam res*  
*facti infirmari iure ciuili non potest. Planè in-*  
*terdum lex fingit aliquid infectum esse, quod est fa-*  
*ctum, quo casu factum pro infecto habetur: & con-*  
*trà fingit aliquid factum esse, quod est infectum. Sic*  
*d. l. 12. §. codicilli, in fine, Triphoninus: Quæ (in-*  
*quit) in iure consistunt, posteaquam possi-*  
*minio redijt, pro eo habetur, ac si nunquam*  
*iste hostiam potitus fuisset. Et l. 16. ff. eod. tit. di-*  
*citur: Retrò creditur in ciuitate fuisse, qui ab*  
*hostibus aduenit. Imp. quoque Iustinianus Inst.*  
*quibus mod. ius. patria potestatis soluitur. §. si ab*  
*hostibus: Postliminium (inquit) fingit eum qui*  
*captus est, in ciuitate semper fuisse. Item l. 18.*  
*ff. d. tit. de captiuis, Vlpianus: In omnibus (in-*  
*quit) partibus iuris is qui reuersus non est ab*  
*hostibus, quasi tunc decessisse videtur, cum*  
*captus est. Sic etiam quoad hereditatem eius qui*  
*apud hostes defunctus est, lex Cornelia fingit eum*  
 apud

apud suos decessisse: l. bona eorum. 22. in prin. ff. d. tr. item l. 12. ff. qui test. facere poss. Sed & qui promittit aliquid factum esse, quod est infectum: vel contra infectum, quod est factum, obligatur, l. si ita quis stipulanti. 31. ff. de enicth. vbi Vlpianus: Si ita quis stipulanti spondeat (inquit) sanum esse, furem non esse, vespillonem non esse, & cætera: inutilis stipulatio quibusdam videtur. quia si quid est in hac causa, impossibile est quod promittitur: si nō est, frustra est. Sed ego puto verius, hanc stipulationem, Sanum esse, furem non esse, vespillonē non esse, vtilem esse. hoc enim continet, quod interest horū quid esse, vel horū quid non esse. Sed si cui horum fuerit adiectum Præstari: multo magis valere stipulationem. alioquin stipulatio, quæ ab ædilibus proponitur, inutilis erit. quod utiq; nemo sanus probabit. Aliud fictionis exemplum proponitur l. penult. ff. de stat. hominum, his verbis: Qui in utero sunt, in toto penē iure civili intelliguntur in rerum natura esse.

#### A subiecto.

Huius loci prima regula hac est: Quod predicatur de subiecto, idem etiam predicatur de eius accidente, exemplo l. vetus. 75. ibi: & cum possit. ff. de usufructu. vbi Vlpianus: Cum possit (inquit) partus legari poterit & usufructus eius. Sic etiā extincto subiecto, eius accidentia extincta dicuntur. cuius exemplum proponitur l. 2. ff. d. tr. vbi Celsus:

Est

Est (inquit) ususfructus ius in corpore, quo sublato & ipsum tolli necesse est. Sic & Imp. Iustinianus Inst. eod. tit. §. penult. Constat (inquit) si ædes incendio consumptæ fuerint, vel etiã terræ motu, vel vicio suo corruerint: extinguere usumfructum, & ne aræ quidem usumfructum deberi. Aliud huius exemplum proponitur Inst. quibus modis tutela finitur. §. simili modo. ubi idem Imp. Finitur (inquit) tutela morte vel pupillorum, vel tutorum. Hic subiectum tutelæ sunt pupilli & tutores, quibus extinctis extinguitur accidens, quod est tutela. Planè proposita regula suis exceptionibus non caret. Neque enim semper re extincta, eius quoque obligatio extinguitur: puta si dolo vel culpa debitoris res extincta sit, vel post moram in soluendo factam. Item non sequitur: Titius robustus est: Ergo philosophia etiam, quæ ei inest, robusta erit, &c. Proinde probabile tantum, non necessarium ex regula proposita sumitur argumentum.

II. Regula Negato subiecto, negatur quoque accidens. Quæ regula species est præcedentis, eiusque exemplum proponitur Instit. de capitis diminut. §. seruus aut, his verbis: Seruus manu missus capite non minuitur: quia nullum caput habuit. Aliud exemplum proponitur l. penult. §. fin. ff. si certum petatur. ubi Africanus: Non possunt (ait) videri bonæ fidei possessores esse, qui nec possidendi animum habent. Aliud exemplum proponitur l. si seruus, 18 in prin. ff. de stipul. seruor. ubi Pōponius: Partem (inquit)

(inquit) non facit hæreditas quæ nondum est. Aliud exemplum habetur c. 13. §. quocirca. de desponsat. impub. Huius etiam loci est argumentum hoc: Titius eo tempore, quo homicidium factum est, vel stipulatio facta, absuit. Ergo Titius homicidium non fecit, vel stipulanti non promisit: l. optimam. 14. in fine. C. de contrah. stipulat. Ad hanc regulam pertinet quod dici solet, Non entis nullas esse qualitates. Itē regula hæc: Causa principali non subsistente, nec ea quæ sequuntur locum habent. De qua tamen regula infrā in loco A fine tractabitur. item regula hæc: Quod quis non habet, ad alium transferre non potest. verūm de ea dicetur infrā in loco A repugnantibus.

III. Regula: Subiectum auget minuitq; æstimationem & dignitatem accidentis. Sic in actione iniuriarum persona qua facit iniuriam, item persona cui, necnon locus in quo iniuria facta est, auget vel minuit iniuriæ æstimationem, vt vel atrox, vel levis iniuria dicatur, Inst. de iniurijs. §. pœna. ibi: nam secundum. & §. atrox. item l. 7. §. atrocem, cum duabus legibus sequentibus. ff. eod. tt. Aliud exemplum proponitur l. 7. in fine. C. de bonis qua liberis. vbi Imp. Iustinianus; Vt (inquit) Imperialis fortuna omnes supereminet alias: ita oportet & principales liberalitates culmen habere præcipuum. Huc pertinet etiam illud Iuuenalis:

Omne

Omne animi viciū tanto conspectius in se  
Crimen habet, quanto maior qui peccat ha-  
betur. Item illud:

Gratior est pulchro veniens ē corpore virtūs.

III. Regula: Ex qualitate subiecti, puta per-  
sona vel rei, praesumitur vel non praesumitur acci-  
dens seu factum. de qua re dicetur infra in facti  
questione probanda.

V. Regula: Verba secundum subiectam materiā  
sunt intelligenda. probatur exemplo. l. stipulatio in-  
sta. 38. §. hi qui sunt. de verb. obligat. vbi Vlpianus:  
Si seruus (inquit) stipuletur sibi habere lice-  
re, aut per se non fieri, quo minus habere sti-  
pulatori liceat, promittat: stipulatio, Julia-  
nus inquit, non committitur, quamuis au-  
ferri res ei, & ipse auferre eandem possit: nō  
enim factum, sed ius in hac stipulatione ver-  
titur. Cum verò stipulatur per promissorem  
non fieri, quo minus sibi ire agere liceat: nō  
ius in stipulatione, inquit, sed factum verfa-  
tur. Sed mihi videtur, licet iuris verba conti-  
neat hæc stipulatio Habere licere: tamen sic  
esse accipiendam, vt in seruo & filio familiās  
videatur actum esse de possessione retinen-  
da, aut non auferenda: & vires habet hæc sti-  
pulatio. Hæc quoque stipulatio, Possidere  
mihi licere spondes? utilis est. & quamuis iu-  
re civili seruus non possideat: tamen ad pos-  
sessionē naturalem stipulatio serui hoc mo-  
do

do facta referenda est. Aliud exemplum proponitur l. quibus. 39. §. dominus. ff. de condit. & demonstrat. vbi tabolenus : Dominus (inquit) seruo aureos quinque sic legauerat : Hæres meus Stichus, seruo meo, quem testamento liberum esse iussi, aureos quinque, quos in tabulis debeo, dato. nihil seruo legatum esse, Namusa Seruium respondisse scribit : quia dominus seruo nihil debere potuisset. Ego puto secundum mentem testatoris naturale magis, quam ciuile debitum spectandum esse. & eo iure vtimur. Aliud exemplum proponitur l. penult. in prin. ff. de vsu & habitatione. vbi diuus Hadrianus, cum quibusdam vsus sylue legatus esset, statuit fructum quoque eis legatum videri : quia nisi liceret legatarijs cadere syluam & vendere, quemadmodum fructuarijs licet, nihil habituri essent ex eo legato. Aliud exemplum proponitur l. ex conducto. 15. §. Papinianus. ff. locati. vbi Papinianus ait : Si vno anno remissionem quis colonus dederit ob sterilitatem, deinde sequentibus annis contingat vbertas : nihil obesse domino remissionem, sed integram pensionem etiam eius anni, quo remiserit, exigendam. hoc idem & in uestigalis agri damno respondit. Sed etsi verbo donationis dominus ob sterilitatem anni remiserit, idem erit dicendum : quasi non sit donatio, sed transactio. Aliud exemplum habetur l. damni infecti. 43. in prin.



*in prin. ff. de dam. infect. Vbi Alfenuſ: Damni (inquit) infecti quidam vicino repromiſerat. Ex eius ædificio tegulæ vento deiectæ reciderant in vicini tegulas, eaſq; infregerant. Reſponſi, ſi tanta viſ venti fuiſſet, vt quamuiſ firma ædificia conuelleret, non debere præſtari. Et quod in ſtipulatione eſt, Siue quid ibi ruet: non videri id ruere, quod aut vento, aut omnino aliqua vi extrinſecus admota, caderet, ſed quod ipſum per ſe concideret. Aliud exemplum eſt l. ſi ſtipulatus. 4. in princ. ff. de uſuris. vbi Papinianus: Si emptor (inquit) à venditore nouandi animo ſtipulatus eſt, Rem dari, vacuamq; poſſeſſionem tradi: factum tradendi ſtipulatus intelligitur: quia non eſt veriſimile, plus venditorem promiſiſſe, quàm iudicio empti præſtare compelleretur. Huius igitur loci eſt ea quoque regula, qua dicitur, Stipulationem accipiendam pro natura contractus, in quo interpoſita eſt. cuius etiam exemplum eſt l. ſi eum. 10. §. qui iniuriarum. ff. ſi quis cautionibus in iudicio ſiſtendi cauſa. Vbi cum commiſſa eſſet ſtipulatio iudicio ſiſti: quia tamen in actione iniuriarum interpoſita erat, quæ actio mortuo ante litem conteſtatam actore non ſoleat heredi eius competere, ex ſtipulatu quoque actio heredi eius denegatur.*

VI. Regula: Cuius ſubiectum eſt, eius quoq; eſt accidens. Et hæc regula ſuperioris prima regula

*species est: eiusq; exempla sunt ea quæ in alieno solo  
sata, plantata & edificata sunt: quæq; in aliena  
charta scripta vel picta sunt. de quibus vide lib. 21.  
Digestor. meor. cap. 1. causa 10. Huc pertinet quod l.  
qui scit. 25. in prin ff. de usuris, dicitur, Omne fru-  
ctum nō iure seminis sed iure soli percipi. item ead.  
lege. §. in alieno, dicitur, In percipiendis fructibus  
magis corporis ius, ex quo percipiuntur, quàm semi-  
nis, ex quo oriuntur, inspiciedum. Exceptiones pro-  
positæ regulæ vide d. causa 10. Hæc de loco A subie-  
cto. Sequuntur nunc loci externi, inter quos primū  
numerata sunt connexa: verū quoniam hæc re-  
latiua sub se continent, quæ etiam repugnantium  
loco subiiciuntur, de ijs infra in loco A repugnantib-  
us agetur.*

#### A causa efficiētē.

*Post connexa causas posuimus, quarum quatuor  
esse dictum est: Causam scilicet efficiētē, materia-  
lem, formalem & finalem. Loci à causa efficiēte  
regulæ sunt hæc. Prima quidem: Quod prædicatur  
de causa, idem quodq; prædicatur de effectu. Cuius  
regulæ species prima hæc est: Qualis est causa, talis  
etiam censetur effectus. Ideoq; cuius causa natu-  
ralis est, ipsum quoque naturale censetur. Ex quo  
dignior est causa, eo dignior est effectus: item mala  
causa malum producit effectum, quemadmodum  
dici solet, Mali corui, malum ouum. Sic l quisquis.  
5. §. filij verò. C. ad l. Iul. maiestatis. ex malis patri-  
bus præsumuntur quoque mali filij. Aliud exem-  
plum*

plum proponitur l. 1. in princ. ff. de inspiciendo ven-  
tre, his verbis: Nouam rem desiderare Rutilius  
Seuerus videtur, vt vxori quæ ab eo diuertit,  
& se non esse prægnantem profiteretur, custo-  
des adponat. Et ideo nemo mirabitur, si nos  
quoque nouum consilium & remediũ sug-  
geramus, Huius etiam loci exempla sunt, ex ille-  
gitimo matrimonio illegitimos nasci liberos; ex ser-  
ua seruos; ex prætoriam stipulatione actionem quoq;  
prætoriam oriri, & sic deinceps. Sed & huius loci  
videtur esse regula hæc: Posito vno absurdo, multa  
sequi absurda, Nouell. c. 8. §. tamen si. ibi: & sic vno.  
glossa in l. 7. C. de rescind. vendit. qua dicit, Conces-  
so vno inconuenienti, sequi aliud. Accedit canon:  
Quæ mala inchoata sunt principio, vix est vt bono  
peragantur exitu. Huius etiam loci est, quod nemo  
plus iuris ad alium transferre possit, quam ipse ha-  
bet. de qua re infra in loco Relatiuorum dicetur.  
Alias proposita regula species vide infra in regulis  
sequeutibus.

II. Regula: Quod est causa cause, idem est cau-  
sa causati seu effectus, exemplo l. et si amici. 9. ff. ad  
l. Iul. de adulterijs. Vbi qui causam præbuit collo-  
quio, adulterio quoque quod ex colloquio isto ori-  
tur, causam præbuisse videtur. Aliud exemplum ha-  
betur l. qui occidit. 30. §. in hac. ff. ad l. Aquiliam.  
Vbi qui occasionem damni præstat, damnum fecis-  
se videtur. Alia exempla vide l. dedit dotem. 6. ff. de  
collat. honor. l. manumissiones. 4. ff. de iusticia &

iure. Accedit Raphaël Fulg. in l. cum hic status. 33. §. si inter virum, in fi. ff. de donat. inter vir. & vxor. Bald. in l. ex placito. 3. col. 2. vers. quia actiones. C. de rer. permutat. Corn. conf. 144. incip. Viso thema. 2e. col. vlt. libro 1. Socin. conf. 156. incip. Pro fundamento. col. 6. vers. praterea respondetur alio modo, libro 2.

III. Regula: A pari causa par procedit effectus, exemplo l. de quib. 10. §. inueterato. ff. de legibus. vbi expressus & tacitus populi cōsensus, seu lex & consuetudo equiparantur. Ergo effectus vtriusq; par erit, vt ius ex vtroq; oriatur.

IIII. Regula: Cum plures causa ad eundem finem seu effectum tendunt: nihil interest qua quis fuerit vsus, & altera pro superuacua habetar, exemplo d. §. inueterata. vbi dicitur, nihil interesse, suffragio populus suam voluntatem declaret, an rebus ipsis & factis. Aliud exemplum proponitur l. 7. ff. de pignor. & hypoth. vbi dicitur, nihil referre, quibus verbis hypotheca contrabatur: item, vtrū scriptura interueniente, an non interueniente contrabatur. Aliud exemplum habetur Inst. de legatis. §. si quid in nomine, in fine. vbi Imp. Iustinianus: Nomina (inquit) significandorum hominū gratia reperta sunt: qui si alio quolibet modo intelliguntur, nihil interest. Proposita regula exceptio prima hac est: Nisi causarum alia legitima sit, alia illegitima: hoc enim casu per illegitimum effici non debet, quod fieri potest per legitimum,

exem-

*exemplo l. 13. ff. de Iudais. vbi dicitur: Idcirco iudiciorum vigor, iurisque publici tutela videtur in medio constituta, ne quisquam sibi ipsi permittere valeat vltionem. Altera exceptio est in actionibus pœnalib. qua hæredi & in hæredem dari non debent, si alia sit actio non pœnalis. exemplo l. hæc actio. 4. ff. de calumniatoribus. vbi Caius: Hæc actio (inquit) hæredi non competit; quia sufficere ei debet, quòd eam pecuniam, quã defunctus dedit, repetere potest. Aliud exemplum proponitur l. 2. §. fin. in fine. ff. vi bonor. raptor. vbi Vlpianus: Puto (inquit) Prætorem ideo non esse pollicitum hanc actionem in hæredes in id quod ad eos peruenit: quia putauit sufficere conditionem. Aliud exemplum est in actione de dolo. Tertia exceptio est: Nisi alia causa compendiosior sit. Quod enim potest fieri per pauca, non debet fieri per plura, exemplo Inst. de iustitia & iure. §. his igitur. Vbi eleganter Imp. Iustinianus: Si statim (inquit) ab initio rudem adhuc & infirmum animum studiosi multitudi-  
tine ac varietate rerum onerauerimus: duorum alterum, aut desertorem studiorum efficiemus, aut cum magno labore eius, sæpe etiam cum diffidentia (quæ plerunque iuuenes auertit) serius ad id perducemus, ad quod leuiore via ductus, sine magno labore eius, & sine vlla diffidentia maturius perducì potuisset,*

V. Regula: Existente causa, existere quoque potest effectus, exemplo l. 15. ff. de reg. iuris. Vbi Paulus: Qui actionem (inquit) habet ad rem recuperandam, ipsam rem habere videtur. Planè quoniam effectuum alius necessarius est, alius contingens, ut dictum supr. lib. 1. de effectis, in fine accidit, ut ex regula proposita pro diuersitate iam dicta aliàs necessarium, aliàs probabile tantum sumatur argumentum. Sed & si plures cause ad eundem effectum requiruntur: quamuis vna extiterit, tamen alia deficiente, deficit effectus, exemplo l. vbi lex. 24. in princ. ff. de vsucapionibus. Vbi Pomponius: Vbi lex (inquit) inhibet vsucapionem, bona fides possidenti nihil prodest. Sed & plura de regula proposita vide Digestor. meor. lib. 34. cap. 5. de conditione impleta.

VI. Regula: Deficiente causa, deficit effectus: vel, Cessante causa, cessat effectus. quæ regula communis est omnium causarum, efficientis, materialis, formalis, & finalis: quemadmodum sub singulis speciebus proponetur. Accedit Cacher. decis. 118. num. 1. Efficientis cause cessantis exemplum proponitur l. qui in seruitute. 160. ff. de reg. iuris. Vbi Vlpianus: Qui in seruitute est (inquit) vsucapere non potest: nam cum possideatur, possidere non videtur. Hic possessio, quæ est causa vsucapionis efficiens, deficit in seruo. Ergo ipsa quoque vsucapio in seruo deficit. Antecedens autem, quod possessio in seruo deficiat, seu quod seruus non possideat, probatur.

tux ab actu serui: quia seruus possideatur. de qua  
 supra in loco Ab actibus dictum est. Aliud exemplū  
 habetur l. is omni. 13. ff. de adoptionib. vbi Papinia-  
 nus: in omni ferè iure (inquit) finita patris ad-  
 optiui potestate, nullum ex pristino iure re-  
 tinetur vestigium. Denique & patria digni-  
 tas quæ sita per adoptionem, finita ea, depo-  
 nitur. Concordat l. 6. in prin. ff. de senatoribus. vbi  
 Paulus: Senatoris (inquit) filius est & is, quem  
 in adoptionem accipit: quamdiu tamen in  
 familia eius manet. Emancipatus enim no-  
 men filij emancipatione amittit. Aliud exem-  
 plum habetur l. 8. in fine. ff. eod. tit. vbi Ulpianus:  
 Tamdiu (inquit) clarissima fœmina erit, quā-  
 diu senatori nupta est vel clarissimo. Aliud  
 exemplum proponitur Instit. quibus modis ius pa-  
 triæ potestatis soluitur. §. cum autem. vbi cum pa-  
 tris potestas iure civili subsistat, & pater ius ciuita-  
 tis amittit, patriam quoque potestatem amittere  
 dicitur. Aliud exemplum est Instit. de successione co-  
 gnatorū. §. vulgò quasitos. vbi dicitur, Vulgò quasi-  
 tos nullos habere adgnatos: cum adgnatio à patre  
 sit. Hi autem nullum patrem habere intelligantur. =  
 Aliud exemplum habetur l. si is qui. 27. ff. de adqu.  
 possess. vbi Proculus. Si is (inquit) qui animo pos-  
 sessionem saltus retinet, furere cœpisset: non  
 potest, dum fureret, eius saltus possessionem  
 amittere: quia furiosus non potest desinere  
 animo possidere. Est insuper proposita regula



*exemplum replicatio, quæ opponitur rei iudicatae exceptioni: Si causa, ob quam in priori iudicio reus absolutus est, postea cesset, de qua vide Digestor. meor. libro 43. cap. 16. except. 7. Sed & exemplum proposita regula habetur Digestor. meorum lib. 17. cap. 6. question. 1. causa 38. except. 2. in eo qui, cum à tutela excusaretur, quod reipub. causa abesset, reip. causa abesse desierit: ideoq; excusatio quoque eius cesset. Est denique proposita regula exemplum infra reg. proxim. Hactenus exempla enumerasse sufficiat. Planè huius regula exceptio prima hac est: Nisi non semper, sed certo quodam tempore causa desideretur. tunc enim, si eo tempore extiterit, & effectus fuerit consummatus: quamvis postea causa deficiat, non tamen deficit effectus. Quæ exceptio approbatur l. in ambiguis. 85. ff. de regul. iuris. vbi Paulus: Non est nouum ( inquit ) ut quæ semel vtiliter constituta sunt, durent: licet ille casus extiterit, à quo initium capere non potuerunt. Huius exemplum proponitur l. ult. ff. si tabula testamenti nulla extab. vbi idem Paulus: Si posteaquàm ( inquit ) filius emancipatus bonorum possessionem patris petijt, statum suum mutauit: nihil obesse ei, quò minus id quod adquisiuit, retineat. quod si prius conditionem suam mutauerit: bonorum possessionem eum petere non posse. Aliud exemplum proponitur l. penult. §. ult. ff. qui satisfacere cogantur. vbi Macer: Possessor quis ( inquit ) necne sit, tempus*

cautionis spectandum est. nam sicut ei qui post cautionem vendidit, nihil obest: ita nec prodest ei qui post cautionem possidere coepit. *Accedit Francis. Viu. lib. 1. com. opin. vers. vxor seu mulier. nume. 5.* Hoc loco notandum, aliam esse causam efficientem, aliam esse conseruantem. hac quidem deficiente, simul deficere effectum: in illius autem defectu non idem euenire: alioquin mortuo fabro lignario, necesse esset domum quoque interire, quae ab eo effecta esset. quo nihil est absurdius. Altera proposita regula exceptio est: Nisi occasio cesset: propter hanc enim non ideo magis cessat effectus, argumento l. 2. ff. de riuis. vbi occasio distinguitur à causa, dum dicit Iurisconsultus: Id domino magis ex occasione, quam ex iure contingit. Exemplum huius exceptionis proponitur l. vltim. in fine. ff. de rescinden. vendit. vbi cum emptor controuersiam à certis personis metueret, pactus est cum venditore, vt precij pars penes se remaneret, donec fideiussor sibi de euictione daretur. Quamuis autem venditor cum personis, à quibus emptor controuersiam timebat, transegerit, vt ab ijs emptori controuersia amplius metuenda non sit, & ita occasio pacti de fideiussoribus dandis cesset: vñ tamen pacti adhuc durare dicitur. Concordat proposita exceptioni infra in loco A ratione legis, regul. 2. exception. 1. Tertia exceptio est: Nisi causa pendeat solum, vt adhuc conualescere possit, non in.

non in totum deficiat. hoc enim casu pendet etiam,  
 nec in totum deficit effectus. l. is damnum. 131. ff. de  
 reg. iuris. vbi Iulianus: Quod pendet (inquit) nō  
 est pro eo quasi sit. Huius proponitur exemplum  
 l. quod Seruius. 8. ff. de condictione causa dati. vbi  
 Neratius: Quod Seruius (inquit) in libr. de do-  
 tibus scripsit, Si inter eas personas, quarum  
 altera nondum iustam ætatē habeat, nuptiæ  
 factæ sint, quod dotis nomine interim datū  
 sit, repeti posse: sic intelligendum est, vt si di-  
 uortium intercesserit, priusquam vtraq; per-  
 sona iustam ætatem habeat, sit eius pecuniæ  
 repetitio. donec autē in eodem habitu ma-  
 trimonij permaneant: non magis id repeti  
 possit, quā quod sponsa sponso dotis no-  
 mine dederit, donec maneat inter eos adfi-  
 nitas. Quod enim ex ea causa nondum coi-  
 to matrimonio datur: cum sic detur, tanquā  
 in dotem peruenturum: quamdiu perueni-  
 re potest, repetitio eius non est. Aliud exem-  
 plum proponitur l. si debitor. 80. ff. de iure dotium,  
 his verbis: Si debitor mulieris dotem sponso  
 promiserit, posse mulierem ante nuptias à  
 debitore eam pecuniam petere, neq; eo no-  
 mine postea viro debitorem obligatum fu-  
 turum, ait Labeo. quod falsum est: quia ea  
 promissio in pendenti est, donec obligatio  
 in ea causa est. Quarta exceptio est: Nisi actus alio-  
 quis nullus sit, vel viciosus: hoc enim casu, quamuis  
 postea

postea nullitatis causa cesset, non tamen cessat ipsa nullitas. Quæ exceptio approbatur l. quod initio. 29. ff. de reg. iuris, hisce verbis: Quod initio vitiosum est, non potest tractu temporis conualescere. Concordat l. penult. ff. eod. tit. his verbis: Quæ ab initio inutilis fuit institutio, ex post facto conualescere non potest. Huius exceptionis exemplum etiam est l. inter stipulantem. 83. §. sacram. ibi: nec reuocantur. ff. de verb. obligat. & l. qui res. 98. §. aream. ff. de solutionibus. Vbi obligatio semel extincta, manet extincta, quamuis extinguens causa cessauerit: puta si res promissa sacra sit facta, vel seruus promissus liber effectus, ideoq; stipulatio extincta fuerit: non reuiuiscit, etiam si res postea rursus prophana fiat, vel liber homo in seruitutem redigatur. Quinta exceptio est: Nisi ex pluribus causis vna cesset, non omnes. hoc enim casu ob id non cessat effectus, alijs operantibus: exemplo l. si non lex Aelia. 83. in prin. ff. de hered. instit. vbi Scauola: Si non lex Aelia Sentia (inquit) sed alia lex vel Senatusconsultum, aut etiam constitutio serui libertatem impediât: is necessarius fieri non potest, etiam si non sit soluendo testator. Aliud exemplum proponitur l. 8. ff. quod cum eo qui in aliena potestate est, &c. vbi Paulus ait: Titianus primus præposuerat seruū mutuis pecunijs dandis, & pignorib. accipien- dis: sed seruus etiam negociatoribus hordei solebat pro emptore suscipere debitum, & soluere

soluere. Cum fugisset seruus, & is cui delegatus vel obligatus fuerat dare preciū hordei, conueniret dominum eius nomine institutoris: negabat eo nomine se cōueniri posse: quia non in eam rem præpositus fuisset. cum autem & alia quædam gessisse, & horrea conduxisse, & multis soluisse idem seruus probaretur: præfectus annonæ contra dominum dederat sententiam. Dicebamus, quasi fideiussorem esse videri, cum pro alio solueret debitum: non solere autē ex ea causa in dominū dari actionem: nec videtur hoc dominus mādasse. Sed quia videbatur in omnibus eum suo nomine substituisse, sententiam confirmauit Imperator. *Aliud exemplum proponitur l. 5. ff. de bonor. possess. secundum tabulas. vbi Vlpianus: Si sub conditione (inquit) hæres institutus quis sit, & accepta bonorum possessione secundum tabulas conditio defecerit: interdum euenit, vt res possessori cōcedenda sit: vt puta, si filius emancipatus sit sub cōditione hæres institutus. nam etsi defecerit conditio: attamen secundum tabulas bonorum possessionem eum accipere, Iulianus scribit. Sed & si is fuerit, qui ab intestato bonorum possessor futurus esset: tuendum esse scripsit. & hoc iure vtimur. Accedit Baprist. a Villalob. in comm. opin. in litera D. num. 195. Cachet. decis. 118. num. 5, in fine, cum num. seq. Cu-*

ius exceptionis replicatio est : Nisi causa cessans ad contrarium effectum tendat. Baptist. à Villalob. d. litera D. num. 196. Sexta proposita regula exceptio est in legatis & alijs vltimis voluntatibus, in quibus falsa causa adiecta non viciat legatum, aut aliam similem voluntatem vltimam. de qua re vide Digestor. meorum libro 32. cap. sexto, exception. 71. Hac de sexta regula : de qua tamen plura tractabuntur infrà in loco à ratione legis, regul. 2.

VII. Regula: Resoluto iure datoris, resolvitur ius acceptoris. Hac regula species est regula precedentis, eiusq; exemplum est l. debitor. 40. §. fina. ff. de pignorat. act. vbi Papinianus : Si medio (inquit) tempore pignus creditor pignori dederit, domino solvente pecuniam, quam debuit: secundi pignoris neque persecutio dabitur, neque retentio relinquetur. Simile exemplum proponitur l. lex vectigali. 31. in fine. ff. de pignorib. vbi cum lex vectigali fundo dicta esset, ut si post certum tempus vectigal solutum non esset, is fundus ad dominum rediret, fundusq; postea pignori à possessore datus esset : Scanola respondit, si vectigali non soluto, iure suo dominus usus esset, etiam pignoris evanuisse. Aliud exemplum proponitur l. 9. C. de locato & conducto. vbi dicitur, Emptorem fundi necesse non esse stare colono, cui prior dominus locavit: nisi ea lege emit. Aliud exemplum proponitur l. peto. 71. §. pradium. ff. de leg. 2.

*vbi Papinianus: Prædium (inquit) quod nominis familiaris relinquitur, si non voluntaria facta sit alienatio, sed bona hæredis veneant tamdiu retinere emptor potest, quâdiu debitor haberet bonis non venditis: post mortem eius non habiturus, quod extraneus etiam hæres præstare cogeretur.*

*VIII. Regula: Quo genere quodque effectum est, eodem etiam rursus corrumpitur. Quæ regula approbatur l. nihil. 35. ff. de reg. iuris. vbi Vlpianus: Nihil (inquit) tam naturale est, quàm eo genere quodq; dissolvere, quo colligatum est. Ideo verborum obligatio verbis tollitur: nudi consensus obligatio contrario consensu dissolvitur. Leges concordantes vidè Digestor. meor. libro 21. cap. 4. in princ. & lib. 48. cap. 5. quæst. 3. in prin. Sed & concordat c. 1. extr. de reg. iuris. Ex hac regula argumentum sumitur l. 8. §. acceptum fieri. ff. de acceptilationibus. vbi Vlpianus: Acceptum (inquit) fieri non potest, nisi quod verbis obligatum est. Acceptilatio enim, verborum obligationem tollit: quia & ipsa verbis fit. non enim potest verbis tolli, quod non verbis contractum est.*

*IX. Regula: Prohibita causa, prohibitum censetur effectus. c. cum quid. 39. de reg. iur. in 6. Baptist. à Villalob. in com. opin. in litera P. num. 345. Hac de loco à causa efficiente.*

A cau-



## A' causa materiali.

Huius loci prima regula hac est: Existente materia, produci effectus potest. Proinde l. 1. in princ. ff. ad S. C. Macedonianum, prohibitum est, ne filijs familiarum mutua pecunia tanquam materia peccandi daretur: ne data pecunia, illorum mores per se ad malum proclives magis corrumpereantur. Veneni quoque mali venditio prohibita est, tanquam materia, ex qua homicidium sequi possit: l. 3. in princ. & §. alio senatusconsulto. ff. ad l. Cornel. de sicarijs. Hinc etiam l. 1. §. fin. cum lege sequente. ff. ad legem Pomp. de patricidijs, dicitur, Istius legis poena adfici eum qui emit venenum, ut patri daret, quamuis non potuerit dare. Fratrem autem eius, qui cognoverat tantum, nec patri indicauerat, relegatum esse, & medicum supplicio adfectum. Ex quibus patet, de facto vel effectu teneri, qui materiam suppeditauerit.

II. Regula: Deficiente materia, deficit effectus: exemplo l. si procurator. §. si liber homo. ff. mandati. ubi Iulianus: Nulle (inquit) mandari actiones possunt: quia nullas habet. Aliud exemplum proponitur d. l. §. mandati, his verbis: Mandati actio tunc competit, cum coeperit interesse eius qui mandavit. Cæterum si nihil interest, cessat mandati actio. Hic quia id quod petendum est deficit, ipsa quoque petitio seu actio deficere dicitur. Aliud exemplum habetur Instit. de inutilibus stipulat. in princ. his verbis: Si quis rem, quæ in fetum natura non est, aut esse non potest, dari stipu-

stipulatus fuerit: veluti Stichū qui mortuus sit, quem viuere credebat: aut hypocentaurum, qui esse non possit: inutilis erit stipulatio. Huius etiam loci exemplū est, si res debita interieris: hoc enim casu ipsa obligatio euanescit, de qua re copiosius tractatur Digest. meor. lib. 48. cap. 19. Sed & de exemplo proximè præcedenti vide Digest. meor. lib. 37. cap. 3. except. 34. Concordat item proposita regula suprā in loco A subiecto reg. 2. Est deniq; huius loci axioma illud: Ex nihilo nihil fit.

III. Regula: Inhabilitas materiae impedit effectum, exemplo l. 1. §. si quis terrenum. ff. de viuis. vbi Vlpianus: Si quis terrenum (inquit) riuum signinum vel lapideum facere velit, videri eum non rectè hoc interdicto vti: non enim reficit, qui hoc facit. Huius etiam loci est, si quis rem sacram, sanctam, religiosam, publicam, vel liberum hominem in stipulatum deduxerit, vel legauerit: item alia similes exceptiones ex re desumptæ, quas ex meis Digestis petere licet.

A causa formali.

Huius loci regula prima hac est: Ex forma denominatur effectus. Sic ex forma hominis, homo quis dicitur ex forma equi, equus. Huius loci exemplum proponitur l. 7. §. quod ferè. ff. de pactis. vbi Vlpianus ait: Quod ferè nouissima parte pactorum ita solet inseri: Rogauit Titius, spopondit Meuius. hæc verba non tantum pactiois loco accipiuntur, sed etiam stipulationis. Ideoque

ex

ex stipulatu nascitur actio: nisi specialiter cō-  
trariū adprobetur. Sic etiam pacta dant formam  
contractui, vt vel nominatus, vel innominatus dica-  
tur. & nunc hac, nunc alia actio comperat d. l. 7. in  
prin. & §. quinimò. & l. 5. ff. de praescriptis verbis.

II. Regula: Deficiente forma, deficit effectus. Sic  
cū actionibus civilibus certa forma à legibus pra-  
scripta sit: puta testamentis ordinandis, iudicijs exer-  
cendis, &c. forma ista deficiente, effectū caret actio.  
cuius exemplum proponitur l. prolatam. 4. C. de sen-  
tentijs. vbi Imp. Alexander: Prolatam (inquit) à  
Præside sententiam contra solitum iudicio-  
rum ordinem, auctoritatem rei iudicatæ nō  
obtinere, certum est. Aliud exemplū proponitur  
l. 1. §. si quis ita. ff. de verb. obligat. vbi dicitur, Si in-  
terrogatus sine verbis annuisset: non tantū non ci-  
uilit̃er, sed nec naturaliter eum qui ita annuit, obli-  
gari. Aliud exemplum proponitur l. non sunt. 14. ff.  
de statu hominum. vbi Paulus: Non sunt (inquit)  
liberi, qui contra formam humani generis  
conuerso more procreantur: veluti si mulier  
monstruosum aliquid, aut prodigiosum enixa  
sit. Subjicitur huius exempli distinctio his verbis:  
Partus autem qui membrorū humanorum  
officia ampliauit, alicuius videtur effectus. Et  
ideo inter liberos connumerabitur.

III. Regula: Mutata forma, alia res censetur, e-  
xemplo l. Iulianus. 9. §. si quis rem. ff. ad exhibendū.  
vbi Vlpianus: Sires (ait) dolo in aliud corpus

translata exhibeatur: veluti si ex scypho massa facta sit: nihilominus ad exhibendū actio superest. nam mutata forma propè interimi substantiam rei, Marcellus scribit. *Concordat l. Seia. 6. ff. de auro & argento legato, his verbis: Seia ab hærede Publio Mævio ita legauit: Antoniaæ Tertyllæ do lego vnionem cum hyacinthis. quæro, si probari possit Seiam vniones & hyacinthos quosdam in aliam speciem ornamenti, quod postea præciosius fecit additis alijs gēmis & margaritis, conuertisse: an hos vniones vel hyacinthos petere possit, & hæres compellatur ornamenta posteriori eximere, & præstare? Marcellus respondit, petere non posse: neque enim fieri posse, vt legatum vel fideicommissum durare existimetur, cum id quod testamento dabatur, in sua specie non permanferit, & quodam modo extinctum sit: vt interim omittat, quod etiam permutatione tali volūtas quoque videatur mutata.*

A causâ finali.

*Huius loci prima regula hac est: Deficiente fine, deficit effectus, exemplo l. 1. C. de condict. ob causam. vbi Imp. Antoninus ait: Pecuniam, quam te ob dotem accepisse pacto interposito proponis, impediēte quocunque modo iuris auctoritate matrimonium, iure conditionis restituere debes: & pactū quod ita interpositum est,*

est, perinde ac si interpositum non esset, haberi oportet. Plura huiusmodi exempla vide in conditione causa dati non secuta, Digest. meor. lib. 49. cap. 10. Sed & concordant regula proposita ea quæ dicta sunt supra in regula, Cessante causa cessare effectum. item quæ dicuntur infra in loco A ratione legis, reg. 2. & 3.

II. Regula: Fine existente, cessat res vel actio, quæ ad finem tendit, exemplo Instit. de author. tutor. §. fin. vbi Imp. Iustinianus: Si inter tutorē (inquit) pupillumque iudicium agendum sit, curator in locum tutoris datur: quo curatore interveniente, iudicium peragitur, & eo peracto curator esse desinit. Aliud exemplum proponitur l. actione. 65. §. item si alicuius. ff. pro socio. vbi Paulus: Si alicuius rei (ait) societas contracta sit, & finis negotio impositus: finitur societas. Aliud exemplum proponitur l. in bello. 12. §. si quis servum. ff. de captivis. vbi Triphoninus: Quod meū est (inquit) vsucapere me intelligi non potest. Aliud exemplum est l. 1. §. interdictum. ff. vti possidetis. vbi Ulpianus: Actio (inquit) nunquam vltro possessori datur: quippe cum sufficiat ei, quod possideat. Nemo ergo rem quā habet, persequitur: & vsucapio supernacua censetur, cum res sit ipsius possessoris. Aliud exemplum habetur l. cum te. 5. in fine. C. de transact. Huius etiam loci est, quod soluto debito evanescat obligatio simul & actio: cum ad debitum consequendū obligatio simul & actio spectet.

III. Regula: Quod contra vel præter finem & usum rei fit, ratum non est, exemplo l. 3. §. dua autem, in fine. ff. de Carboniano edicto. vbi Vlpianus: Aut stulti (inquit) aut iniqui prætoris erit, rem in tempus pubertatis differre cum summo eius incommodo, cui consultum velit. Aliud exemplum habetur l. 1. §. exceptiones. vers. cum enim propositum. ff. quarum rerum actio non datur. vbi idem: Cum (inquit) id propositum sit prætoris, in huiusmodi obligationibus reo succurrere: non seruabit propositum, nisi fideiussorem quoq; & eum qui rogatu liberti reus factus fuerit, aduersus patronū defenderit. etenim parui refert, protinus libertus patrono cogatur dare, an per interpositam fideiussoris vel rei personam. Aliud exemplum est l. plerique. 18 ff. de in ius vocando. vbi Caius: Plerique (inquit) putauerunt, nullum de domo sua in ius vocari licere: quia domus tutissimum cuique refugium atque receptaculum sit: eumque qui inde in ius vocaret, vim inferre videri. Aliud exemplum proponitur l. aut damnum. 8. §. solent præfides. ff. de pœnis. vbi Vlpianus: Solent (inquit) Præfides in carcerem continendos damnare, vt in vinculis contineantur. Sed id eos facere non oportet: nam huiusmodi pœnæ interdictæ sunt. Carcer enim ad continendos homines, non ad puniendos haberi debet. Aliud exemplum habetur

l. factum. 129. ff. de reg. iuris. vbi Iulianus: Factū  
(inquit) à iudice, quod ad officium eius non  
pertinet, ratum non est. Sed & proposita regula  
species est regula qua sequitur.

IIII. Regula: Quod pro aliquo introductum est,  
aduersus eum torqueri non debet. l. plures. 18. in fin.  
C. de fide instrum. vbi Imp. Iustinianus: Hoc quod  
pro quibusdam introductum est, inferre eis  
iacturam, minimè rationi conuenit æquita-  
tis. Leges concordantes & exempla vide Digestor.  
meor. lib. 1. cap. 5. quæst. 3. reg. 7.

V. Regula: Qualis est finis, tale quoque censetur  
id cuius est finis, exemplo l. 1. §. huius studiij ff. de ius-  
ticia & iure. vbi ex fine ius aliud publicum dicitur,  
cuius finis est utilitas publica. aliud priuatum, quod  
singulorum utilitatem priuatā spectat. Sic factum  
per se malum, ex fine dyjudicatur non malum, ex-  
emplo l. 4. §. item q̄ fieri. ff. de alienat. indicij mu-  
tandi causa. vbi Vlpianus: Fieri potest (inquit)  
vt sine dolo malo quis possidere desierit: ve-  
rum iudicij mutandi causa id fiat. Non enim  
eius factum improbat Prætor, qui tanti ha-  
buerit re carere, ne propter eam sæpius liti-  
garet. Hæc enim verecunda cogitatio eius  
qui lites execratur non est vituperanda: sed  
eius duntaxat, qui cū rem habere vult, litem  
ad aliū transfert, vt molestum aduersariū pro  
se subijciat. Aliud exemplum habetur l. quis sit. 17.  
§. item apud, ff. de adilitio edicto. vbi Vlpianus:



Apud Iulianum (*inquit*) relatū est, fugitium fore ab effectu animi intelligendum esse, nō utiq; à fuga. nam eum qui hostem aut latronem, incendium ruināve fugeret, quamvis fugisse verum est, non tamen fugitium esse. Aliud exemplum habetur l. si quis testamentū. 41. §. fin. ff. ad l. Aquil. ubi Vlpianus: Cum facto (*inquit*) etiam animum furis furtum exigit. Sic homicidium quoq; quamvis per se malum, excusationem meretur ex fine, si sui defendendi causa quis homicidium fecerit: l. 2. & l. 3. C. ad l. Cornel. de sicarijs. Contrā quoq; factum per se bonum vel minime vituperandum, propter finem malum, ipsum etiam malum censetur. Nam gerere gladium per se malum non est, neq; vituperandum: tamen si hominis occidendi causa geratur, fit malum, & legibus coërcetur. l. 7. C. d. tt. & l. 1. in princ. ibi: quive hominis occidendi. ff. eod. tt. Fortitudo quoq; per se quidem virtus est, at vitium fit, si in malum finem exerceatur: quemadmodum Cicero lib. 1. Officiorū ait; Ea (*inquiens*) animi elatio, quæ cernitur in periculis & laboribus, si iusticia vacat, pugnatq; non pro salute communi, sed pro suis commodis, in vitio est. quod item de omni alia virtute dicendum. Huius etiam loci videtur esse, quod l. rapienda. 123. ff. de reg. iuris, Iulianus ait: Quod factum est, cum in obscuro sit, ex adfectione cuiusque capere interpretationem.

VI. Regula: Accessorium sequitur naturam sui  
princi-

principalis. Quæ regula est iuris canonici. Quid vero principale, quid accessorium sit, definitur l. cum autem. 20. §. perueniamus. ff. de auro legato. vbi Ulpianus : Semper (inquit) cū quærimus quid cui cedat, illud spectamus, quid cuius rei ornandæ causa adhibeatur : ut accessio cedat principali. Cedunt igitur gemma phialis vel lancibus, inclusa auro argentove. Si margaritæ auro ornandi gratia adhibitæ sunt, auro cedunt : si contrâ, aurum margaritis cedit. Idem & in gemmis annulis inclusis. Est igitur principale id quod suprâ finem summum seu principalem appellauimus. & accessorium id quod ibidem diximus finem conferentem seu medium. Proposita regula exemplum habetur l. 2. C. per quas personas nobis acquirit. vbi Imp. Iustinianus : Si procuratori necessitas (inquit) legibus imposita est, domino contractus cedere actionem : quare quemadmodū ab initio in personali actione cessio superuacua videbatur, non etiam in pignoribus & hypothecis simili modo dominus contractus habeat hypothecariam actionem, seu pignoris vinculum, vel retentionem sibi acquisitam. Hic principale est actio personalis, cuius gratia pignus constitutum est. Quod igitur iuris in illa est, hoc & in pignoratitia actione esse iubetur. Aliud exemplum proponitur l. si ego emi. 11. §. quod tamē, ff. de Public. in rem actione. vbi Pomponius. Quod (inquit) per alluuiorem fundo accedit, simile

fit ei cui accedit. Et ideo si ipse fundus Publiciana peti non potest, nec hoc petetur: si autem potest; & pars quæ per alluvionem accessit. *Aliud exemplum habetur Inst. de fideiussorib. his verbis:* Fideiussores ita obligari non possunt, ut plus debeant, quam debet is, pro quo obligantur. Nam eorum obligatio accessio est principalis obligationis: nec plus in accessione potest esse, quam in re principali. *Aliud exemplum proponitur l. Titio centum. 69. §. 1. ff. de condit. & demonstrat. ubi Papinianus:* Titio (inquit) centum relicta sunt, ita ut Mæuiam uxorem ducat. Condicio non remittetur: & ideo nec cautio remittenda est. *Aliud exemplum habetur l. fundi. 26. §. fin. ff. de instrum. legato. ubi Iulianus:* Cum instrumentum (inquit) omne legatum esset, excepto pecore: pastores ouiliones, ouilia quoque legato contineri, Otilius non recte putat. *Hic pastores & ouilia tanquam accessiones sequuntur naturam pecoris, cuius gratia habentur, ut cum ipso pecore habeantur pro exceptis.* *Aliud exemplum est apud Francisc. Viuium lib. 1. com. opin. vers. statutum excludens fœminas. §. provincia aucta ubi dicitur, quod si ditio vel comitatus regno accesserit, legibus regni eum subijci.* Est in super proposita regula species regula l. cum principalis. 138. ff. de reg. iuris, hæc scilicet: Cum principalis causa non consistit: plerumque nec ea quidem, quæ sequuntur, locum habent, Cui concordat

iisdem propè verbis l. nihil. 171. in fin. ff. eod. tit. Huius  
 exemplum proponitur Inst. de pupillari substit. §. li-  
 beris. vbi Imp. Iustinianus: Pupillare (inquit) te-  
 stamentum pars & sequela est paterni testa-  
 menti, adeò vt si patris testamentum nō va-  
 leat, nec filij quidem valebit. Aliud exemplum  
 est in obligatione fideiussoria, pignoratitia, de con-  
 stituta pecunia vsurarum, & alijs accessorijs, quæ si  
 principalis obligatio non subsistat, vel ex post facto  
 irrita facta sit, simul cum illa aut nulla sunt, aut e-  
 uanescent: quemadmodum copiosius de singulis hi-  
 sce in meis Digestis actum est. Proinde l. si fideiussor.  
 19. in fine. ff. de dolo malo, Papinianus: Debitore  
 (inquit) liberato, per consequentiam fideiuf-  
 sor quoq; dimittitur. Planè proposita regula ex-  
 ceptio prima hæc est: Nisi ratione nullitatis vel eui-  
 ctionis, quæ in obligatione principali timetur, alia,  
 quò tutior res sit, fuerit adiecta: hoc enim casu,  
 principali non subsistente, accessoria obligatio con-  
 firmatur potius quàm annullatur. exemplo l. 9. C. de  
 prædys minor. vbi Imp. Dioclet. & Maximinianus:  
 Etsi (aiunt) is quem prædiū rusticum mino-  
 ris distraxisse adfirmas, curatoris officio fun-  
 ctus id fecit: venditio tamen contra diui Se-  
 ueri orationē facta, præsidis sententia nō im-  
 meritò rescissa est. Pignora sanè quæ ob eui-  
 ctionis periculū idē curator ex reb. proprijs  
 tibi obligauit, non prohiberis persequi. Aliud  
 exemplum proponitur l. stipulatio ista 38. §. alteri.  
 ff. de

ff. de verb. oblig. vbi quamuis stipulatio alteri facta non valeat, tamen pœnalis stipulatio adiecta valere dicitur. Altera exceptio est: Nisi ratio nullitatis, quæ est in principali, specialis sit, & in accessorio cesset. quæ exceptio approbatur exemplo l. exceptiones. 7. ff. de exceptionibus de quo vide Digestor. meor. lib. 48. cap. 1. quæst. 7. reg. 4. Plura de regula proposita vide infrà in loco repugnantium, vbi de connexis seu relatiuis agetur.

VII. Regula: Propter quod aliquid tale est, id magis est tale. Quæ regula constat ex ijs quæ dicta sunt suprâ reg. prox. in definitione principalis & accessorij. Proinde finis summus seu principalis præstantior est fine medio, seu accessorio: quoniam hic propter illum expetitur. Huius exemplum proponitur l. in pecudum. 28. in fine. ff. de vsuris. vbi Caius: Absurdum videtur (inquit) hominem in fructu esse, cum omnes fructus rerum natura hominum gratia comparauit. Aliud exemplum proponitur l. 6. ff. de collationibus bonor. vbi cum auus neptis nomine propter filium dotem dedisset, Celsus respondet, soluto matrimonio filio potius quàm nepti dotis repetitionem esse dandam. Aliud exemplum proponitur l. minus. 204. ff. de reg. iuris. vbi Vlpianus: Minus est (inquit) actionem habere, quàm rem. Huius ratio est: quia actio propter rem expetitur. Planè proposita regula exceptio est in filijs & nepotibus: quamuis enim filij concipiantur & edantur propter nepotes & pronepotes:  
dulcius

dulcius tamen nomen est filij quàm nepotis vel pronepotis. Sic enim l. liberorum. 220. in fine. ff. de verb. sign. Callistratus: Dulciore (inquit) nomine nō possumus nepotes nostros, quàm filij, appellare. Etenim idcirco filios filiasve concipimus atq; edimus, vt ex prole eorum earūve diuturnitatis nobis memoriam in æuum relinquamus. Accedit Gabriel. lib. 4. de fidei commissis conclus. 6. num. 2. Controuertitur tamen & distinguitur exceptio proposita d. conclus. 6.

VIII. Regula: Publica vtilitas priuata preferenda. Quæ regula approbatur l. 3. C. de primipilo. lib. 12. vbi Imp. Dioclet. & Maximianus: Vtilitas (inquit) publica præferenda est priuatorum contractibus. Concordat c. licet quibusdam. 18. §. illa semper. de regularibus. Hæc de loco A causis.

#### Ab effectu.

Huius loci regula quidem generalis hæc est: Quod prædicatur de effectu, idem etiam prædicatur de eius causa: & contrà. Verùm eius species sunt regulæ sequentes. Est enim specialis regula prima hæc: Concesso effectu, simul conceditur & causa, exemplo l. per seruum. 14. §. vsusfructus. ff. de vsu & habitatione. vbi dicitur, fructu legato vsum quoque intelligi legatum: quia fructus sine vsu esse non possit: quemadmodum nec effectus sine causa. Simile exemplum proponitur l. 1. §. vsusfructus. ff. si vsusfructus petatur. vbi Vlpianus: Vsusfructus (inquit) legatus adminiculis eget, sine quibus vti frui quis non

non potest. Et ideo si ususfructus legetur, necesse est ut eum sequatur aditus. Sed & alias utilitates & seruitutes legatario hæres præstare debet, sine quibus omnino uti non potest. *Simile exemplum proponitur l. 2. ff. de iurisdictione. ubi Iabolenus: Cui iurisdictione (inquit) data est, ei quoq; concessa esse videntur, sine quibus iurisdictione explicari non potuit. Concordat l. ult. in fin. ff. de officio eius cui mandata est iurisdictione his verbis: Mandata iurisdictione privato, etiam imperium, quod non est merum, videtur mandari: quia iurisdictione sine modica coercitione nulla est. Huius etiam loci exemplum est: Peperit, ergo cum viro concubuit. de quo tamen, alijsq; similibus infra in loco proximo dicitur. Planè huius regula exceptio hac est: Nisi plures sint causæ eiusdem effectus consequendi: hoc enim casu, posito effectû, non statim sequitur certa aliqua eius causa, exemplo l. si defunctus. 10. C. arbitrium tutela. de quo vide infra in loco prox. except. 1.*

II. Regula: *Qualis effectus est, talis censetur quoque causa. Quò pertinent axiomata hæc: Ex euentu iudicium. & Exitus acta probabit. Cuius exemplum proponitur l. rem non nouam. 12. §. fin. C. de iudicijs. ubi Imp. Iustinianus: Causæ terminus (ait) manifestare poterit, quod timidius, quiq; audacius iudiciû vel reliquerunt, vel protulerunt. Huc item pertinet axioma hoc: Cuius effectus bonus est, ipsum quoq; bonum censetur. cuius exemplum proponitur*



proponitur l. 1. in fin. ff. de origine iuris. vbi Caius: Præfationes (inquit) & libentius nos ad lectionem propositæ materiæ perducunt, & cum eò venerimus, euidentiore præstant intellectum. Item: Cuius effectus malus est, ipsum quoq; malum censetur. Sic l. 1. §. pen. C. de vet. iure enucleando, iubetur in conscribendis Pandectis signa & nota omitti: quòd p. eas antinomiae introducatur.

III. Regula: Prohibito effectu, ipsa quoq; causa prohibita censetur c. cum quid. 84. de reg. iuris in 6. Declaratur exemplo l. oratio. 16. ff. de sponsalib. Vbi cum nuptia senatorum cum libertis essent prohibita, Vlpianus ex eo sponsalia quoq; tanquam causam nuptiarum, prohibita censet. Sic etiam cum ledere alium prohibitum sit: quidquid id est, quo alius leditur, illud censetur prohibitum: puta locupletari cum alterius detrimento. Vnde l. iure. 206. ff. de reg. iuris, Vlpianus: Iure naturæ (inquit) æquum est, neminem cum alterius detrimento & iniuria fieri locupletiores. Vide item M. I. R. lib. 1. cap. 1. reg. 6.

IIII. Regula: Causa quæ finem non assequitur, vel caret effectu, nulla censetur, exemplo l. non videtur. 51. ff. de reg. iuris. vbi Caius: Non videtur (ait) quisquā id capere, quod ei necesse est alij restituere. Aliud exemplum proponitur l. si quis. 115. ff. eod. tit. vbi Paulus: Non potest (ait) videri accepisse, q. stipulatus potest exceptione submoueri. Aliud exemplum proponitur l. nō videtur. 127. ff. eod.

*ff. eod. tt. vbi Iulianus : Non videntur (inquit) data, quæ eo tempore, quo dantur, accipientis non fiunt. Alia exempla vide l. 1. in fine. ff. de inoff. testam. l. nihil interest. 112. ff. de reg. iuris. l. 1. in fine. ff. quod quisq; iuris in alterum. Huc pertinet regula iuris : Paria sunt, aliquid factum non esse, & inutiliter factum esse. de qua vide Damhauderium in libello Parium siue Similium, in verbo Facere. Huc item pertinet, Verba cum effectu accipienda esse. de qua regula vide infra cap. A verbis legis, reg. 2. Sed & plurâ exempla vide infra in loco speciali A verbis legis, reg. 2. Planè proposita regula exceptio prima hæc est : Nisi quis iniquum ius aduersus aliquem impetrauerit: hoc enim casu quamuis iure impetrato vsus non sit, nihilominus tanquã vsus sit punitur. quæ exceptio approbatur l. 3. §. 1. ff. quod quisque iuris, hisce verbis : Siue impetrauit, & vsus est iure aliquo : siue impetrauit, vt vteretur (licet vsus non sit) hoc edictò punietur. Altera exceptio est in maleficijs, in quibus voluntas spectatur, non exitus, l. diuus. 14. ff. ad l. Cornel. de sicarijs. De qua re vide plura in meis Digestis lib. 3. cap. 2. except. 9. Tertia exceptio est in eo, qui quod debuit fecit : hoc enim casu, quamuis id quod fecit, effectu careat : tamen utilis causa censetur ad agendum, exemplo l. qui mutuam. 56. §. fin. ff. mandati. vbi Papinianus : Sumptus (inquit) bona fide necessario factos (et si negotio finem adhibere procurator non potuit) iudicio mandati*

dati restitui necesse est. Aliud proponitur l. quid ergo. 3. §. sufficit. ff. de contraria tutela actione. ubi Vlpianus: Sufficit (inquit) tutori bene & diligenter negotia gessisse, etsi euentum aduersum habuerit, quod gestum est. Aliud exemplum proponitur l. seruus. 17. in princ. ff. de in rem verso, his verbis: Seruus si in rem domini pecuniam mutuatus, sine culpa eam perdidit: nihilominus potest cum domino de in rem verso agi. Nam etsi procurator meus in negotia mea impetrurus pecuniam mutuatus, sine culpa eam perdiderit: recte is hoc nomine mandati vel negotiorum gestorum aget. Planè proposita exceptionis replicatio est: Nisi culpa facientis causa non habuerit effectum. hoc enim casu non videtur fecisse quod debuit: ideoq; causa pro nulla habetur. Quae replicatio elicitur ex verbis iam propositis hisce: Sine culpa. De qua re alio loco copiosius est dictum. Quarta exceptio est: Nisi per eum, cuius interest non fieri steterit quo minus factum sit. hoc enim casu pro facto habetur, per ea quae habentur M. I. C. lib. 14. cap. 2. except. 20. Hae de quarta regula.

V. Regula: Quod alicui prodest, nec alteri obest, prohibitum non censetur l. 1. §. ijdem aiunt. Et l. 2. §. quanquam. ff. de aqua pluuiarum arcenda. l. domum. 61. ff. de reg. iuris. l. vnica. §. plerumq; scio ff. ne quid in flumine. Hae de loco Ab effectu: ad quem tamen multa etiam ex loco qui sequitur, referri possunt.

## A' contingentibus.

Hic locus complectitur signa & indicia, quibus etiam probandi vis inest, quod approbatur l. indicia. 19. C. de rei vendit. hu verbis: Indicia cæteraq; quæ iure non respiciuntur, nō minorem probationis, quàm instrumenta, continent fidē. Accedit c. 2. extr. de præsumptionibus. Huius egregiū exemplum extat in iudicio Salomonis, qui veram matrem coniecit ex afflicto verè materno. de quo infra lib. prox. dicetur. Aliud exemplum proponitur l. 1. §. ad questionem. ff. de questionibus. vbi Ulpianus: Non faciliè (inquit) credendum, subiectam eam, quam ambo parentes dicuntur charam filiam habuisse. Aliud exemplum proponitur l. quædam. 42. ff. familiæ erciscundæ. vbi probatur, condemnatarum sententiæ iudicis adquiescisse, quia secundum eam quædam præstitit. Idem præsumitur, si dilationem ad soluendum petijt, l. penult. C. de re iudicata. Similiter l. si proponas. 23. §. si hereditatem. ff. de inofficioso testam. probantur iudicium defuncti agnouisse, qui exheredati ab heredibus institutis quid hereditarium emerunt, aut conduxerunt, vel debitum hereditarium soluerunt. Idem præsumitur ex l. ult. ff. eod. tt. de ijs qui petenti ex testamento legatum aduocationem præbuerunt procuratoriémve susceperūt. Aliud exemplum proponitur l. cum de in rem verso. 6. in fin. ff. de vsuris. Vbi sortis debitum præsumitur ex eo, quòd vsuræ sint solutæ. Sic ex eo quòd quis tacet, præsumitur

mitur consentire, l. 13. §. qui impleto. & l. 14. ff. locati. Quamquam l. qui tacet. 184. ff. de reg. iuris, Paulus: Qui tacet (inquit) non utiq; fatetur, sed tamen verum est eum non negare. Planè in quibusdam casibus expressus consensus requiritur, in quib. ex eo, quod quis tacuit, consensus non infer-  
tur. ut l. 8. §. non videtur ff. quib. mod. pignus solutur: l. Caius. 39. ff. de pignorat. actione: l. qui vas. 49. §. vetare. ff. de furtis Sed hæc omnia etiam ad locum Ab actibus referri possunt. Subiecti enim respectu, actus sunt. prædicati verò, contingentia: quemad-  
modum etiam supra in loco Ab actibus, reg. 2. in simili casu admonuimus. Sanè contingentium alia id, cuius contingentia sunt, antecedunt, alia ei insunt, alia deniq; id consequuntur. Ideoq; argumenta, quæ su-  
muntur ex antecedentibus, adiunctis & consequen-  
tibus, imò ex omnibus circumstantiis, de quibus in-  
fra in locis actionum peculiaribus annotabitur, hu-  
ius etiam loci exempla sunt. Planè propositæ regule exceptio hæc est: Nisi contingens sit non necessariū. Diximus enim supra, Contingentium alia necessa-  
ria esse, alia non necessaria. Vnde euenit, ut ex hoc loco partim necessaria, partim non necessaria su-  
mantur argumenta. Necessaria: veluti, Peperit: ergo cum viro concubuit. Cor vulneratum est: ergo morietur. Eo die quo stipulatio Romæ interposita dicitur, Titius fuit Athenis: ergo Titius stipulan-  
ti non promissit: l. optimam. 14. in fine. C. de con-  
trab. stipul. Non necessaria argumenta sumuntur ex

contingentibus non necessarijs. Quò pertinet regula hac : Non probat hoc esse, quod ab eo contingit abesse. Cuius exemplum proponitur l. neq, natales. 10. C. de probationibus, his verbis : Neque natales tui (licet ingenuum te probare possis) neque honores, quibus te functum esse commemoras, idoneam probationem pro filiae tuæ ingenuitate continent : cum nihil prohibeat & te ingenuum, & eam ancillam esse. Aliud exemplum habetur l. non hoc. 4. C. unde legitimi. Vbi non sufficit, aliquem res hereditarias tenere, ut probetur agnouisse hereditatem. Aliud exemplum proponitur l. si defunctus. 10. C. arbitrium tutela. Vbi cum quis probaturus tutorem suum non bona fide administrasse tutelam, vteretur hoc argumento, quod ante administrationem tutor pauper fuerit : rescriptum est, Debitum alijs indicijs comprobari oportere : nam quod neq, tutor, neq, vxor eius quicquam ante administrationem habuerunt : non idoneum huius continere indicium. nec enim pauperibus industria vel augmentum patrimonij, quod laboribus & multis casibus queritur, interdicendum esse. Aliud exemplum est l. si cum dos. 8. in prin. ff. rerum amotarum. vbi Pomponius : Si cum dos (inquit) solueretur mulieri, aut satis doti fieret, dictum non esset, actum iri rerum amotarum : nihilominus agi potest. nam & cum dos nulla est, eadem actio datur. Planè quamuis contingentia non necessaria necessario non probent : interdum ta-

men argumenta probabilia & presumptiones hinc sumi possunt, praesertim si lege aliqua adiuvantur: exemplo l. diuus 8. ff. de in integr. restit. Vbi u, contra quem absentem in iure pronunciatum est, ex eo quod statim iudice adhuc pro tribunali sedente superuenerit, praesumitur non sua culpa, sed parum exaudita voce praetoris absuisse. Quod replicationis loco notandum, cuius etiam exemplum est illud Terentianum; Erubuit, salua res est: & alia similia. Postremo illud notandum, nonnulla argumenta a contingentibus sumpta etiam ad locum A causis & ad locum Ab effectu referri posse. Sunt enim triplicia contingentia. Siquidem alia causa sunt rei, cuius & signa sunt: velut vulnus in corde causa est & signum mortis instantis. alia effectus eius: veluti partus effectus simul & signum est concubitus. alia denique, neque cause sunt, neque effectus, sed signa tantum: veluti coruorum rautus clamor, anserum strepitus, & humilior volatus hirundinum super aqua, sunt signa futura pluuie, non tamen causa neque effectus eius. Hac de loco A contingentibus.

#### A nomine.

Nomen quoque non raro argumentandi materiam suppeditat. Sic l. 1. in prin. ff. de nouationibus definitio nouationis realis confirmatur a nomine seu etymologia, his verbis: Nouatio est prioris debiti in aliam obligationem vel civilem vel naturalem transfusio atque translatio, hoc est, cum ex praecedenti causa ita noua constituitur, ut



prior perimatur. nouatio enim à nouo nomen accepit, & à noua obligatione. *Aliud exemplum proponitur l. si ita vulneratus. 51. in princ. ff. ad l. Aquiliam. vbi Iulianus: Occidisse (inquit) vulgò dicitur, qui mortis causam quolibet modo præbuit: sed lege Aquiliais demum teneri visus est, qui adhibita vi, & quasi manu causam mortis præbuisset: tracta videlicet interpretatione vocis à cædendo, & à cæde. Aliud exemplum habetur l. decernimus. 26. in fine. C. de episcopis & clericis. vbi Imp. Leo à nomine monachorum infert, eos decere patientiam & modestiam. Similiter l. in fine. C. de officio præfecti vrbi, Imp. Valentinianus: Ita (inquit) præfectus vrbi se exerceat, vt sciat ex ipso nomine, quid præfecto debeatur annonæ. quasi diceret: Cum præfectus vrbi eodem nomine vtatur, quo præfectus annonæ, se non nimis extollere, neq; alterum deprimere debet. Accedit Francisc. Viu. lib. 2. com. opin. in verbo Nomina, n. 2. cum quinq; sequentibus. Plane propositæ regulæ exceptio prima hæc est: Nisi à nomine proprio, non appellatiuo, quis ad indiuidui qualitatem argumētetur: hoc enim casu fragile est argumentum à nomine, exemplo l. fin. §. penul ff. ad municipalem. Vbi Impp. Verus & Antoninus rescripserunt, Cum queritur an municeps quis sit, etiā ex ipsis rebus probationes sumi oportere: nam solā nominis similitudinem, ad confirmandam cuiusq; originem, satis non esse. Accedit Francisc. Viu. d. verbo Nomina-*

*Nomina, nu. 1. vers. & aduerte. Similiter l. 10. C. de ingenuis manumissis. Impp. Diocletianus & Maximianus: Ad recognoscendos (inquiunt) singulos nomina comparata publico consensu ob celandos natales ingenuis, si mutantur, minimè nocent: natosq; (licet in ministerio seruitutis) liberæ conditionis nō seruos possessio, sed status ingenuosq; edi perficit. Quibus verbis innuitur, Nomina inuenta esse ad recognoscendum, non ad probandum vel faciendum quem seruū vel ingenuum. Planè in laudem vel vituperium alius cuius interdum ex proprio ipsius nomine argumentum sumitur: quemadmodum Cicero in Verrem ex nomine ipsius argumentatus est, & pro Rōscio Amerino in Chrysogonum. Accedit Francisc. Viu. d. verbo Nomina, nu. 2. cum sequentibus. Secunda exceptio est: Nisi à ratione nominis ad speciem rei quis argumētetur: nam & hoc casu fragile est argumentum, exēplo l. plebs. 238. §. pignus. ff. de verb. signif. ubi Caius: Pignus (inquit) appellatum est à pugno: quia res, quæ pignori dantur, manu traduntur. Male aut hinc inferretur: Ergo res donata, vendita, commodata, & alia similes, quæ pugno seu manu traduntur, pignus erunt. quemadmodum non sequitur: Mutuum ex eo dictū est, quòd ex meo tuū fiat. Ergo quoties ex meo tuum fit, mutuū erit. Planè negativè hoc casu procedit argumentū. Sic enim negativè d. §. pignus, ad speciem argumentatur Caius, his verbis: Vnde etiam videri potest verum*

esse, quod quidam putant, pignus propriè rei mobilis constitui. quasi diceret: Ergo res soli, quæ manu non traditur, pignus esse nequit. Quemadmodum etiam l. 2. §. appellata. ff. si certum petatur, Paulus argumentatur, his verbis: Appellata est mutui datio ab eo, quod de meo tuum fit. Et ideo si non fiat tuum, non nascitur obligatio. Simile argumentum proponitur l. propriè. 83. ff. de verb. signif. ubi labolenus: Propriè (inquit) bona dici nō possunt, quæ plus incommodi quàm cōmodi habent. Quasi diceret: Bona dicta sunt quòd beant. Ergo quæ non beant, bona propriè dici non possunt. Tertia proposita regula exceptio est: Nisi quis à nomine figurato ad genus rei argumentetur: veluti homo nominatur bulla. hoc enim casu non sequitur, hominem non animal, sed bullam esse. Quemadmodum non sequitur: Christus est via, veritas & vita. Ergo neque Deus, neque homo est. Hac de loco nominis.

#### A comparatis.

Hunc locum Doctores appellant A simili, quemadmodum proximè sequentem vocant A proportionē. Sed nos cum Rodolpho Agricola & alyis Dialecticis hunc A comparatis, illum qui sequitur A simili maluimus appellare. Quia autem sit differentia inter locum A comparatis & locum A simili, patet ex ijs quæ suprà lib. prox. in loco comparatorum diximus. Argumenta verò ex hoc loco desumpta confirmantur l. non possunt. 12. cum lege sequente. ff. de legibus.

legibus. de qua re vide Digestor. meor. lib. 1. cap. 5. in  
prim. Duplicitia autem diximus esse comparata, pa- Cōp. at  
ria & imparia. Imparia rursus aut maiora; aut mi-  
nora: quorum omnium regulas subijciemus.

I. Regula: Parium paria quoque sunt iudicia: seu  
(ut Iuriscōsulti aiunt) Vbi eadem est ratio, ibi iacem  
quoq; ius est. Et: Vbi diuersitatis ratio reddi nequit,  
ibi diuersum ius observari non debet. . Quæ regula  
approbatur simul & distinguitur per ea quæ propo-  
nentur infra in loco speciali A ratione legis, reg. 1.  
Hic exempla tantum propositæ regulæ subijciemus.  
Est igitur primum huius regulæ exemplum l. arbori-  
bus. 12. §. de illo. ibi: nam quæ ratione. ff. de vsu  
fructu. vbi Iulianus probaturus vsum fructum serui  
non amitti per fugam eius, ita argumentatur: Quæ  
ratione (inquit) retinetur à proprietario pos-  
sessio, etiam in fuga seruus sit, pari ratione e-  
tiam vsusfructus retinetur. Aliud exemplū pro-  
ponitur l. successor. 11. in fin. ff. de negocijs gestis. vbi  
Ulpianus: Sicut (inquit) in negocijs viuorum  
gestis sufficit negocium vtiliter cœptum: ita  
& in bonis mortuorum, licet diuersus exitus  
sit secutus. Aliud exemplum proponitur l. sin au-  
tem cum. 28. §. sed & is qui. ff. de rei vendicat. vbi  
Paulus ait: Cum in hæreditatis petitione, quæ  
& ipsa in rem est, dolus præteritus refertur:  
non est absurdum, per consequentiam & in  
speciali in rem actione dolum præteritum  
deduci, Aliud exemplum habetur l. eum qui. 7. in

princ. ff. de Publiciana in rem actione. vbi Marcellus ait, Eum qui à furioso ignorans eum furere emit, posse vsucapere: Ergo & Publicianam habere. Hic ab vsucapione ad Publicianam argumentatur Iurisconsultus: quia paria sunt in eo, quòd in vtraque bona fides exigatur. Sed & paria sunt Publiciana & rei vindicatio, vt ab hac ad illam argumentari liceat. Sic enim d.l. eum qui. §. in Publiciana, idem Marcellus: In publiciana (inquit) actione omnia eadem erunt, quæ & in rei vindicatione diximus. Paria item sunt contractus & vltima voluntas, vt ab vno ad aliam liceat argumentari. Curt. Iunior cons. 171. num. 3. referente Baptift. à Villalob. in com. opin. in verbo Argumentum, nu. 152. Plura parium exempla vide suprà lib. prox. in loco comparatorum. Tractatur autem hic locus A pari copiosius à legum Doctoribus, qui locos legales conscripserunt, diduciturq; in varias species: nam quos illi locos faciunt à liberto ad vasallum, à seruo ad monachum, ab emphyteusi ad feudum, à Falcidia ad Trebellianicam, à contractibus ad vltimam voluntatem, & huiusmodi plures alios: omnes hi propòsita regule species sunt seu exempla, nec ab ea debent separari. Nec tamen omnia, quæ quandam cognitionem, & iuris communionem inter se habent, ad hunc locum sunt referenda. Nã quod iuris est in toto, idem etiam iuris est in parte: & accessorium sequitur naturam sui principalis: item surrogatum sapit naturam eius, cui surrogatum est; & quod iuris est in vno

correlatiuorum, idem etiam censetur esse in altero. que tamen omnia, & alia plura suos peculiare locos habent, nec recte huic loco à pari seu à comparatis subiiciuntur.

II. Regula: Si id quod magis videtur inesse, non inest: nec id quod minus videtur inesse, inest. Cuius exemplum proponitur l. 4. ff. de senatoribus. vbi Pomponius: Qui indignus est (inquit) inferiore ordine, indignior est superiore. Sic etiam l. 7. §. fin. ff. de interdictis & relegatis, Vlpianus ait, Esse perquam ridiculum, eum qui minoribus honoribus pœnæ causa prohibitus sit, ad maiores adspirare. Aliud exemplum proponitur l. capitalium. 28. §. & vt generaliter. ff. de pœnis. vbi Callistratus: Est inconstans (inquit) dicere, eum quem principales constitutiones fustibus subiici prohibuerunt, in metallum dari posse. Aliud exemplum habetur l. 1. §. deinde. ff. de origine iuris. vbi Caius: Si in foro (inquit) causas dicentibus nefas (vt ita dixerim) videtur esse, nulla præfatione facta iudici rem exponere: quanto magis interpretationem promittentibus inconueniens erit, omisis initijs atq; origine non repetita, atque illois (vt ita dixerim) manibus protinus materiam interpretationis tractare? Aliud exemplum proponitur l. quaro. 25. in fine. ff. de acquir. possess. vbi Iabolenus: Si vinxeris (inquit) liberum hominem, eum à te possideri non puto. quod cum ita se habeat, multo

= multo minus à te per illum res eius posside-  
 = buntur. neque enim rerum natura recipit, vt  
 = per eum aliquid possidere possim, quem ci-  
 = uiliter in mea potestate non habeo. *Aliud ex-*  
*emplum proponitur l. 7. in fine. C. de reuocandis do-*  
*nat. vbi Imp. Constantinus: Quis est (inquit) qui*  
*ijs, quæ portentosæ vilitatis abiectæ quæ pu-*  
*dicitæ sunt, aliquid arbitreturtribuendum*  
*esse: cum etiam illis, quæ iure secundas tan-*  
*tum contraxerunt nuptias, nihil ex his priui-*  
*legijs tributum esse velimus? Aliud exemplum*  
*proponitur l. vlt. §. viri etiam. C. de decurionibus,*  
*his verbis: Quod summis apicibus dignita-*  
*tum non est concessum, hoc alij sibi non au-*  
*deant vindicare. Aliud exemplum habetur No-*  
*uell. c. 89. §. in vniuersum. vbi Imp. Iustinianus:*  
*Si patriæ (inquit) potestatis iura inuitis filijs*  
*dissoluere patribus permillum non est: mul-*  
*tò magis inuitum & nolentem filium in ius*  
*patriæ potestatis redigere, iustum non est.*  
*Aliud exemplum est l. non debet. 41. ff. de reg. iuris,*  
*vbi quod reo non permittitur, multò minus actori*  
*licere dicitur: cum fauorabiliores sint partes rei*  
*quàm actoris. Postremò huius loci videtur esse regu-*  
*la hac: Quod quis per se non possit, nec per alium*  
*posse, exemplo l. 2. §. 1. ff. de administrat. rerum. ad*  
*ciuitat. pertinent. vbi Vlpianus: Quod quis suo*  
*nomine (inquit) exercere prohibetur, id neq;*  
*per subiectâ personam agere debet. Et ideo li*  
 decurio



decurio subiectis aliorum nominibus prædia publica colat, quæ decurionibus conducere non licet: non secundum legem usurpata reuocentur. Aliud exemplum proponitur l. La-beo. 8. in fin ff. de usucapionibus. vbi Pedius ait, Eum qui suo nomine nihil usucapere potest, nec per seruum quidem posse. Aliud exemplum est in legatis, ut quibus ipsis legare non possumus, eorum quoque seruus legare non possumus. de quo vide Digestor. meor. lib. 32. c. 3. except. 25. distinct. 2. Accedit c. quod alicui. 67. de reg. iuris, in 6. Planè interdum potest quis facere per alios, quod non potest facere per seipsum: velati qui ipsi per se postulare prohibentur. per procuratorem agere possunt: ut persone illustres, l. quicumque 25. C. de procuratoribus.

III. Regula: Si id quod minus videtur inesse, inest: id quoque quod magis inesse videtur, inerit. Cuius exemplum proponitur l. 3. §. sic autem. ff. de bonis eorum qui ante sententiam. vbi Martianus: Merito (inquit) si sine causa sibi manus intulit, puniendus est: qui enim sibi non pepercit, multò minus alij parcet. Huic concordat l. cum autem. 23. §. excipitur & ille qui mortis. ff. de delictis edicto. vbi Vlpianus: Malus (inquit) seruus creditus est, qui aliquid faciat, quo magis se rebus humanis extrahat: ut puta si laqueum torfit, si medicamentum pro veneno bibit, præcipitè mve se ex alto misit, aliudve quid fecit, quo facto speravit mortem peruenturam: tanquam

tanquam nihil non in alium ausurus, qui hæc  
 aduersus se ausus esset. *Aliud exemplum propo-*  
*nitur l. cum verò. 26. §. & eo die, in fin. ff. de fidei-*  
*com. libert. vbi idem Vlpianus:* Quæ ratione (ait)  
 decretum est, & à diuo Marco constitutum, in  
 re moram esse circa pecuniaria fideicommissa,  
 quæ minoribus relicta sunt: multo magis  
 debet etiam in libertatibus hæc idem admit-  
 ti. *Aliud exemplum est l. de accessionibus. 14. in prin.*  
*ff. de diuersis temp. præscript. vbi Scauola:* Qui me  
 (inquit) potior est, cum ego te superaturus sim:  
 multo magis aduersus te obtinere debet. *Cuius*  
*declarationem ac distinctiones vide apud Ga-*  
*brriel. lib. 4. de successione ab intestato, conclus. 4.*  
*& Turz. reg. 36. & reg. 97.* *Aliud exemplum propo-*  
*nitur l. sed etsi. 5. §. si magister. ff. ad l. Aquiliam. vbi*  
*Julianus scribit, Aquilia teneri eum qui eluscauit*  
*discipulum in disciplina: ex quo infert Vlpianus,*  
*Multo magis in occiso idem esse dicendum.* *Aliud*  
*proponitur l. qui si fundum. 25. §. in alieno fundo.*  
*ff. de usuris. vbi idem Vlpianus:* Cum (inquit) ad  
 fructuarium pertineant fructus à quolibet sati,  
 quanto magis hoc in bonæ fidei possessore  
 recipiendum est, qui plus iuris in percipien-  
 dis fructibus habet? *Aliud demum propositæ re-*  
*gulæ exemplum habetur l. non est. 26. in prin. ff. de*  
*pignor. actione. vbi idem Vlpianus:* Non est mirum  
 (inquit) si ex quacunque causa magistratus  
 in possessionem aliquem miserit, pignus  
 consti-

constitui : cū testamento quoque pignus constitui posse , Imperator noster cum patre sēpissime rescriptit. *Postremò proposita regula exemplum siue species est regula quæ sequitur proxima. Plane regula hæc exceptionem recipit in beneficialibus vel privilegijs, in quibus argumentum à minori vel pari non procedit. Quæ exceptio approbatur & distinguitur apud Turz. reg. 31.*

*IV. Regula: Si id quod plus est licet, id quoq; quod minus est licebit. Quæ regula approbatur l. non debet. 21. ff. de reg. iurū, hisce verbis: Non debet, cui quod plus est licet, quod minus est nō licere. Concordat l. in eo. 110. in prin. ff. de reg. iurū. c. plus semper. 35. de regulis iurū iurū, in 6. Huius exemplū proponitur l. qui potest. 26. ff. eod. tt. vbi Vlpianus: Qui potest (inquit) inuitis alienare, multo magis & ignorantibus & absentibus potest. Aliud exemplum habetur l. nemo. 37. ff. eod. tt. vbi idem Vlpianus: Nemo (inquit) qui condemnare potest, absolucere non potest. Aliud proponitur l. cuius 123. ff. d. tt. vbi idem Vlpianus: Cui ius est (inquit) donandi, eidē & vendendi & concedendi ius est. Aliud habetur l. cum quis. 125. in prin. ff. d. tt. vbi idem Vlpianus: Cum quis (ait) possit alienare, poterit & consentire alienationi. Aliud exemplum proponitur l. inuitus. 198. §. 1. ff. eod. vbi idem Vlpianus: Cui damus (inquit) actionem, eidem exceptionem competere, multo magis quis dixerit, Aliud exemplum prope-*

proponitur l. nec in ea. 22 §. sed qui occidere. ff. ad l. iul. de adulterijs. vbi Papinianus: Qui occidere (inquit) potest adulterum, multo magis contumelia poterit eum iure adficere. Accedit Francisc. Viu. lib. 1. com. opin. vers. statutum disponens, quod bannitus possit, num. 10.

### Exceptiones præcedentium regularum.

Hactenus quatuor regulas loci à comparatis siue à pari, maiori & minori proposuimus, simul & exemplis declarauimus. nunc earum aliquot exceptiones tum generales tum speciales subiiciemus. Prima itaq; exceptio est: Nisi lex specialiter contrariū introduxerit, vel pacto aliud placuerit. nam semper species derogat generi, vt suprà diximus. cuius exemplū proponitur l. solemus. 61. in fine. ff. de iudicijs. vbi quamuis causa capitalis maior sit, quàm causa pecuniaria: tamen cauetur, quod is qui de capitali causa iudicare potest, de pecuniaria iudicare non possit. Ait enim ibi Vlpianus: Latrunculator de re pecuniaria iudicare non potest. Aliud exemplum est in præfide prouinciæ, cui vltimo quidem supplicio aliquem licet adficere, cum ius gladij habeat: l. illicitas. 6. §. qui vniuersas. ff. de officio præstidis. At deportare, quod est minus, non potest: l. 2. §. constat. ff. de pœnis: & l. inter pœnas. 6. §. 1. ff. de interdicijs & relegatis. Aliud exemplum proponitur l. ult. C. de prædijs decurionum. vbi curialibus prædia sua sine decreto donare permittitur, vendere nō  
permis-

permittitur. Altera exceptio est: Nisi consuetudo contra ius vel legem sit introducta: hac enim ad similes casus extendenda est. De qua exceptione cum quibusdam alijs vide infra in loco A' ratione legis, reg. 1. Tertia exceptio est: Nisi decretum aliquod in causa factum sit, vel sententia lata. tunc enim ab eo ad aliud, quamvis par vel minus, non valet argumentum, exemplo l. si pupillorum. 7. §. si Prætor. ff. de rebus minorum. vbi Ulpianus: Si Prætor (inquit) tutoribus permiserit vendere, illi obligauerint, vel contra: an valeat quod actum est? Et mea fert opinio, eum qui aliud fecit, quàm quod à Prætore decretum est, nihil egisse. Plura de hac exceptione vide infra in loco speciali A' ratione legis, reg. 1. exception. 7. Quarta exceptio est: Nisi dissimilitudo sit casuum, vel non eadem ratio. hoc enim casu argumentum à comparatis non procedit: cum dissimilium diuersum sit indicium. Cuius exemplum proponitur l. inter stipulantem. 83. §. sacram. ff. de verb. obligat. vbi Pedius probaturus stipulationem liberi hominis conualescere si ex libero seruus efficiatur, argumentatur à comparatis hoc modo: Si quis stipulatus fuerit ex fundo centum amphoras vini: expectandum stipulatori est, donec vinum nascatur: & si natum sine culpa promissoris fuerit consumptum, rursus expectandum, donec iterum nascatur, & per has vices cessaturam aut valituram stipulationem. Ergo si liber homo in stipulationem deductus sit, expectandū

donec seruus fiat, vt præstari possit, & seruo eo effecto valituram stipulationem. Huic argumēto Paulus excipiendo responderet, his verbis: Hæc dissimilia sunt. Vini enim nō speciem, sed genus stipulati videmur, & tacitè in ea tempus continetur. homo liber certa specie continetur, & casum aduersamque fortunam expectari hominis liberi, nec ciuile, nec naturale est. Aliud exemplum proponitur d. l. 83. §. si Stichum. vbi cum Aristo probaturus, Si actor de alia re sentiat, reus de alia, iudicium non consistere, vsus esset hoc argumento: Quia stipulatio quoque non consisteret, si de alia re stipulator, de alia promissor senserit. Paulus hoc argumentum refutat, dissimilitudinem indicans, his verbis: Stipulatio ex vtriusque consensu valet: iudicium autem etiam in inuitum redditur. Aliud exemplum habetur l. Iulianus scribit. 21. ff. de iure dotium. Vbi cum Iulianus scripsisset, valere talem stipulationem, Cum morieris dotis nomine tot dari: atque vsus esset hoc argumento, Quia etiam pacisci liceret, ne muliere viua dos petatur: Paulus huic argumento responderet his verbis: Hoc non esse simile accepi: aliud est enim differre exactionem, aliud ab initio in id tempus stipulari, quo matrimonium futurum non sit. Aliud exemplum proponitur l. penult. §. Latinus. ff. de except. rei iudicata. Vbi cum ex sententia in causa proprietatis contra possessorem lata, rei iudicata exceptio pos-

sese-

fessori amissa possessione agenti diceretur ob stare, =  
 & videretur idem de sententia in causa pignoris la-  
 ta statuendum esse: Paulus contradicit, differentiam  
 petita proprietatis & pignoris ostendendo, his ver-  
 bis: Quia non vt in proprietatis quæstione,  
 quod meum est, alterius non est: ita in obli-  
 gatione vtique consequens est, vt non sit a-  
 lijs obligatum, quod hic probauit sibi tene-  
 ri. Aliud exemplum proponitur l. 2. C. de condi-  
 tionibus insertis. vbi cum cuidam mulieri fidei-  
 commissum relictum esset sub hac conditione, si  
 caueret se à marito non diuersuram: eaq; non ca-  
 uens vel diuertēs nihilominus fideicommissum pe-  
 teret hoc argumento, quod conditio hac, Si à ma-  
 rito diuertisset, vel si cauisset se à marito diuersu-  
 ram, legibus remitteretur: ergo & hanc conditio-  
 nem, Si caueret se à marito non diuersuram, ei re-  
 mittendam esse: Impp. Seuerus & Antoninus huic  
 argumento respondentes, dicunt, Ista conditiones  
 non pares, sed contrarias esse. Aliud exemplum ha-  
 betur apud Turz. reg. 9. vbi dicitur, quod minor su-  
 spicio sufficiat ad indicem, quā ad testem tanquam  
 suspectum repellendum: quia facilius sit alium indi-  
 cem, quā alium testem inuenire. Huius etiam loci  
 est l. non est. 136. ff. de regulis iuris. vbi Iulianus: Nō  
 est (inquit) singulis concedendum, quod per  
 magistratum publicè possit fieri: ne occasio  
 sit maioris tumultus faciendi. Sed & plura  
 exempla vide infra in loco A' ratione legis, regul. 2.



Quinta exceptio est: Nisi alterum, ad quod sit extensio, sit magis odiosum. Approbatur & exemplis declaratur Did. de matrim. cap. 8. §. 8. num. 10 cum seq. Sexta exceptio est: Nisi à maiori ad minus negatiuè quis argumentetur. hoc enim casu argumentum à comparatis non procedit, exemplo l. relegatorum. 7. §. penult. ff. de interdictis & relegatis. vbi Vlpianus: Maioribus (inquit) honoribus prohibitus, minores petere non prohibetur. Huius etiam loci est, si quis ira argumentari velit: Actio illi non comperit: Ergo nec exceptio, cum interdum deficiente actione, nihilominus competat exceptio: vt l. iurisperitum. 7. §. sed cum nulla. ff. de pactis: & l. 5. §. fin. ff. de doli mali except. Plura de exceptione proposita vide supra in loco A toto ad partem, reg. 2. except. 12. Septima exceptio est: Nisi à minori ad maius affirmatiuè quis argumentetur: nam nec hoc casu argumentum valet. Neq; enim sequitur: Exceptio huic datur: ergo actio etiam. cum interdum (vt iam ostensum est) exceptio datur deficiente actione. Planè si id quod minus videtur inesse inest, id quoque quod magis videtur inesse, inerit: vt supra diximus. quo casu affirmatiuè quoq; à minori ad maius procedit argumentum. Hac de quatuor regulis loci à comparatis, earumq; exceptionibus sint dicta. Sed & plures huiusmodi exceptiones proponuntur infra in loco speciali A ratione legis, reg. 1.

V. Regula: Minus cedit maiori, exemplo l. 3. C. de metatis, vbi Impp. Arcadius & Honorius: Cunctos  
(in-

(inquiunt) iudices scire volumus, à prætoris ordinariis iudicium, his præsentibus, abstinendum. Aliud exemplum est in accessorio, quod principali cedit. de quo vide Digestor. meor. lib. 21. cap. 1. causa 10. Sed & huc pertinet, quod si in eandem personam deuenierit fideiussoria & principalis obligatio, fideiussoria extinguatur, salua manente principali. Sic enim l. 5. in princ. ff. de fideiussoribus, Iulianus: Generaliter (inquit) eum qui hæres extiterit ei, pro quo internenerat, liberari ex causa accessionis, & solummodo quasi hæredem rei teneri, &c. Sed plura de hoc exemplo vide Digest. meor. lib. 48. cap. 18. reg. 3. cum duabus sequentibus.

VI. Regula: Duo vincula fortius ligant quàm vnum, exemplo Inst. de nuptijs. §. sed hodie. Auth. itaq. C. communia de successionibus. l. cum in adoptionis. 10. §. si verò pater, cum sua glossa. C. de adoptionibus. l. re coniuncti. 87. & ibi Iason. ff. de leg. 1.

A simili.

Rodolphus Agricola de hoc loco à simili ita scribit: Omnium locorum, è quibus ducuntur argumenta, nulli ferè minus est virium contra renitentem auditorem, quàm similitudini; ad eum verò, qui sponte sequitur, docendumq. se præbet, accommodatior nullus est. Aperit enim rem, si rectè adhibeatur, & quandam eius imaginem subijcit animo, ut cum assentiendi necessitatem non adferat, adferat tamen taciturni dissentiendi pudorem. Quapropter

Libr. 1. de  
Inuen. c. 25.

ad probandum non ita crebrò, ad explanandum, illustrandumq; sepe ab oratoribus, à poëtis sapius adhibetur. Habet tamen per sepe probantis speciem similitudo eo ipso, quòd rem qualis sit indicat. Itaque cum legis Quintiliani illud: Vascula oris angusti superfusam humoris copiam respuunt, sensim autem influentibus vel instillantibus etiam replentur. non conficitur utique, debere propter hoc tenera puerorum ingenia pro modo virium suarum doceri: sed tamen concipiendo quisque rem apud animum suam sub hac imagine persuadet sibi, aliter fieri non posse. Hactenus Rodolphus Agricola. Porro hunc locum Doctores appellant A proportionem, ut antea quoque monui: eiusq; regula hac est, Similiū idem esse iudiciū. cuius exemplum proponitur l. 3. §. 1. ff. stellionatus. ubi Ulpianus: Stellionatus (inquit) obijci potest, si aliud crimen non sit, quod obijciatur. Subijcit rationem à simili, dicens: Quod enim in priuatis iudicijs est de dolo actio, hoc in criminibus stellionatus persecutio. Vbicunq; igitur titulus criminis deficit, illic stellionatum obijciemus. Aliud exemplum proponitur l. præses. 42. ff. de minor. viginti quinq; ann. Vbi idem Ulpianus: Præses (inquit) provinciae minorem in integrum restituere potest, etiam contra suam vel prædecessoris sui sententiam. Quod enim appellatio interposita maioribus præstat, hoc beneficio ætatis cōsequuntur minores. Quasi diceret: Quemadmodum

*dum maiores per appellationem impetrare possunt, ut sententia contra se dicta rescindatur: ita minores idem possunt impetrare per in integrum restitutionem beneficio etatis Aliud exemplum proponitur l. ex duobus. 34. in prin. ff. de vulgar. & pup. substitut. ubi Africanus: Supremus ( inquit ) non is solum, qui post aliquem est, sed etiam post quem nemo sit, intelligitur: sicut & e contrario, primus non solum is qui ante aliquem est, sed etiam is ante quem nemo sit, intelligitur. Aliud exemplum proponitur l. 10. in princ. ff. de pœnis, hisce verbis: Ex quibus causis liber fustibus cæditur, ex his servus flagellis cædi & domino reddi iubetur. Et ex quibus causis liber fustibus cæsus in opus publicum damnatur, ex his servus sub pœna vinculorum ad eius temporis spatiū flagellis cæsus, domino reddi iubetur. Plura huiusmodi exempla vide supra lib. prox. De similib. Planè argumenta ex hoc loco desumpta facillimè dissolui possunt, si dissimilitudo aliqua vel diuersitatis ratio monstretur: quod exceptionis loco notandum. de qua vide supra in loco proximo A comparatis. except. 4.*

A dissimili.

*Locus hic à dissimili ad confutandum magis, quàm ad confirmandum pertinet: de quo vide d. except. 4.*

A connexis & à repugnantibus.

*Locus à repugnantib. plures species recipit: nam*

† repugnantium alia diximus opposita, alia disparata seu differentia. Et opposita quidem subdivisimus in relata, contraria, privativa, & contradicentia. † Disparatorum verò alia diximus numero inter se differre, alia specie, alia genere, alia deniq; predicamentis. quorum omnium definitiones & exempla suprà lib prox. proposuimus. Nunc quatenus ex singulis hisce generibus argumenta sumantur, ordine per regulas sequentes docebimus. Prius ergo relatiuorum regulas, quæ ad locum quoq; à connexu pertinent, proponemus.

I. Regula: Posito vno relatiuorum, ponitur & alterum. Sunt enim simul naturæ. Ideoq; si pater est, necesse est & filium esse: quemadmodum si maritus quis dicatur, necesse est vt & vxor illi sit. Si tutor: ergo & pupillus. Si emptor: ergo & vëditor: Si actor: ergo & reus. Si accessorium: ergo & principale. Huc pertinet etiã regula hæc: Priuatiq; præsupponit habitum. de qua infrà peculiariter tractabitur. Sed & huc exempli loco referri possunt regulæ, de quibus suprà dictum est: Posita causa. ponitur effectus: Posito effectû, ponitur & causa: & aliæ plures. Omnes enim loci, quos hætenus descripsimus, relatiuorum naturam habent, & ad aliud referuntur. Nam & definitio definiti est definitio, genus speciei genus, totum partis, & sic deinceps. Planè proposita regula exceptio est in supremo & primo. quamuis enim supremus quis propriè dicatur respectu præcedentium, & primus respectu secundi & aliorum sequentium

tium: tamen supremus is etiam quem nemo precedit, & primus quem nemo sequitur, dici potest: l. ex duobus. 34. in princip. ff. de vulgar. & pupill. substitut. cuius verba posita sunt superius in loco A simili Idem dicendum de proximo. Non ita l. proximi. ff. de verb. signif. dicitur, Proximi appellatione etiam illum contineri, qui solus est. Idem de optimo & maximo dicitur, l. illa verba. 161. ff. eod. tit.

II. Regula: Negato vel remoto vno relatiuorum, negatur vel remouetur & alterum. Proinde si pupillus esse desinit morte vel pubertate interueniente, desinit quoque tutor esse. Mortua vxore, maritus amplius non est, quatenus scilicet maritus est: nam mortua vxore, vir nihilominus superuiuere potest: & contra mortuo marito, mulier potest superuiuere. de quo dictum supra lib. prox. in loco connexorum. Cessante quoque causa, cessat effectus: & causa principali non subsistente, nec accessorium subsistit. de quo supra diximus. Itaque debito sublato, pignoris quoque causa euanescit: cum pignus debiti pignus sit. Negato quoque habitu, negatur etiam priuatio: cum priuatio habitus sit priuatio. de quo vide infra reg. 9. Huc igitur pertinet, quod l. non potest. 208. ff. de reg. iuris, Paulus ait, Non posse videri desisse habere, qui nunquam habuit. Huius exemplum proponitur l. Titio. 94. in prin. ff. de condit. & demonstr. ubi idem Paulus: Titio (inquit) ususfructus serui legatus est, & si ad eum pertinere desisset, libertas seruo data est. Titius viuo testa-

tore decessit. Libertas non valet: quia conditio nec initium acceperit. Ergo & si viveret Titius, & capere non posset: idem dicendum esset. Desiisse enim non videtur, quod nec incipit. *Huius item exemplum est. Quod nemo possit plus iuris ad alium transferre, quam ipse habeat. de quo infra reg. prox. Planè interdum desinere accipimus, quod coeptum non fuit: vt l. 3. §. 1. ff. vsusfructuarius quemadmodum caueat. Vbi Vlpianus: Desinere (inquit) pertinere vsusfructum accipiemus, etsi nec coeperit pertinere, quamuis legatus sit: & committeretur nihilominus stipulatio, quasi desinat pertinere quod nec coeperit. Huic concordat l. si extraneus. 6. ff. de condict. causa dati. vbi idem Vlpianus: Si (inquit) extraneus pro muliere dotē dedisset, & pactus esset, vt quoquo modo finitum esset matrimonium, dos ei redderetur: nec fuerint nuptiæ secutæ: quia de his casibus solummodo fuit conuentum, qui matrimonium sequuntur: nuptiæ autem secutæ non sunt: quærendum erit, vtrum mulieri condictio, an ei qui dotem dedit, competat? & verisimile est, in hunc quoq; casum, eum qui dat, sibi prospicere. nam quasi causa non secuta habere potest condictionem, qui ob matrimonium dedit, matrimonio non copulato: nisi fortè euidentissimis probationibus mulier ostenderit hoc eum fecisse, vt ipsi mulieri*

magis,



magis, quàm sibi, prospiceret. In hisce casibus *†*  
 propriuatione habetur, etiamsi habitus non pra-  
 cesserit, idq; ex probabili cōiectura voluntatis: quod  
 exceptionis loco notandum. Similem exceptionem  
 vide infrà reg. 7. except. 2.

III. Regula: Quod iuris est in vno relatiuorum,  
 idem etiam censetur esse in altero, exemplo l. non  
 debet. 41. ff. de reg. iurij. vbi Vlpianus: Non debet  
 (inquit) aëtori licere, quod reo non permitti-  
 tur. Accedit Baptista à Villalob. in com. opin. in lite-  
 ra C. nume. 204. & in litera S. num. 100. Francisc.  
 Viu. libr. 1. com. opin. in verbo Statuta contra. Ga-  
 briel. libr. 6. de legib. conclus. 3. num. 1. Declaratur  
 exemplis d. conclus. 3. nume. 2. cum sequente. Aliud  
 exemplum proponitur l. quid tamen. 21. §. vnde ele-  
 ganter. ff. de arbitris. vbi idem Vlpianus: Elegāter  
 (inquit) tractat Celsus, si is sit locus, in quem  
 alter ex litigatoribus honestè venire nō pos-  
 sit, alter possit: & is non venerit, qui sine sua  
 turpitudine eò venire possit: is autem vene-  
 rit, qui inhonestè venerat: an committatur  
 pœna compromissi, quasi non præbita ope-  
 ra? Et rectè putat non committi: absurdum  
 enim esse, iussu in alterius persona ratum  
 esse, in alterius non. Aliud exemplum habetur l.  
 non tantum. 20. ff. de re iudicata. Vbi Modestinus:  
 Non tantum (inquit) dotis nomine maritus,  
 in quantum facere possit, condemnatur: sed  
 ex alijs quoq; contractibus ab vxore iudicio  
 con-

conuentus, in quantum facere potest, con-  
 dēnandus est ex diui Pij constitutione. quod  
 & in persona mulieris æqua lance seruari,  
 equitatis ratio suggerit. *Simile exemplum pro-*  
*ponitur l. 3. C. de indicta viduitate. Vbi cum mari-*  
*tus vxori legasset sub hac conditione, Si nuptias nō*  
*iterasset: & lex conditionem istam pro non scripta*  
*haberet: idem statuitur è diuerso, si vxor marito*  
*sub eadem conditione quid reliquerit: vt quod iu-*  
*rus in persona vxoris esset, idem etiam esset in per-*  
*sona mariti. Quod etiam obtinet in causa dotis &*  
*antenuptialis donationis. de quo alibi dictum est.*  
*Aliud exemplum proponitur Nouell. c. 117. §. sed &*  
*illud. vbi Imp. Iustinianus: Quemadmodum (in-*  
*quit) filij locupletes egentem matrem co-*  
*guntur alere: ita & æquum iudicamus, vt &*  
*à matre locuplete exhibeantur filij. Aliud ex-*  
*emplum habetur l. vlt. ff. de acceptilationibus. vbi*  
*Paulus: Cum locatio (inquit) conductio, em-*  
*ptio, venditio conuentione facta est, & non-*  
*dum res intercessit: vtrinque per acceptila-*  
*tionem (tamen si ab alterutra parte duntaxat*  
*intercessit) liberantur obligatione. Aliud e-*  
*xemplum proponitur l. Iulianus. 13. §. si venditor. ff.*  
*de action. empti. Vbi quemadmodum venditor de*  
*dolo empti iudicio tenetur: ita vicissim quoq; em-*  
*ptor de dolo actione venditi. Simile exemplum ha-*  
*betur apud Francisc. Viu. libr. 1. com. opin. in verbo*  
*Statuta contra. Aliud exemplum proponitur d. l. 13.*

§. si procurator. vbi cum Papinianus respondisset ex venditione procuratoris actionem ex empto aduersus dominum emptori competere: Vlpianus colligit, & domino aduersus emptorem venditi actionem non esse hoc casu denegandam. Aliud exemplū proponitur l. si duo. 13. §. si quis iurauerit. ff. de iureiurando. Vbi cum iurans sibi aduersarium suum obligauerit, colligitur, iurantem vicissim aduersario in connexis obligari. Veluti si quis iurauerit, aduersarium sibi vendidisse: quemadmodum ex hoc iureiurando aduersarius illi empti actione obligatur ad rem venditam tradendam: ita iurans vicissim venditi actione aduersario ad precium soluendum obligatur. Item si quis iurauerit, se ob decem fundum pignori dedisse: non solum ipse fundum pignoratitia persequi potest, sed & ad decem soluenda ex suo iureiurando ab aduersario potest conueniri. Quemadmodum & is qui iurauit rem sibi ab vxore in dotem datam, non solum dotem petere potest, sed & dotis actione vtili ad eam soluto matrimonio restituendam obligatur. Præterea ad regulam propositam tanquam species pertinet regula, quam supra in loco A sine posuimus, Accessorium sequi naturam sui principalis. cuius etiam exemplum est, quod exceptio, quæ competat reo principali, eius quoque fideiussori non sit deneganda: item quod exceptio, quæ obstat principali actioni, etiam hypothecaria actioni obijci possit: & plura alia, de quibus alibi tractatum est. Sed & proposita regula species

cies est regula hac, Quòd subrogatum sapiat naturam eius cui subrogatum est. Francisc. Vin. libr. 1. com. opin. in verbo Statutum excludens fœminas, num. 7. cuius exemplum proponitur l. in duob. 28. §. 1. ff. d. de iurciurando. vbi Paulus: Quòd si reus ( inquit ) iurauit, etiam fideiussori proficit. Item à fideiussore exactum iusiurandũ, prodesse etiam reo, Cassius & Iulianus aiunt. Nam quod in locum solutionis succedit, hoc quoque eodem loco habendum est: si modò ideo interpositum est iusiurandum, vt de ipso contractu, & de re, non de persona iurantis ageretur. Quasi diceret Iurisconsultus: Si reus soluit, liberatur & fideiussor: & contrà fideiussore solvente, reus quoque liberatur. At iusiurandum in locum solutionis succedit. Ergo eodem etiam iure iusiurandum, quo & solutio, haberi debet. Sed & aliud subrogati exemplum proponitur l. si eum. 10. §. qui iniuriarum. ff. si quis cautiorib. in iudicio sistendi causa factis. Vbi cum commissæ esset iudicio fisti stipulatio propter actionem iniuriarum interposita: quia tamen mortuo actore actio iniuriarum heredi eius non competeret, etiam stipulatio ista heredi eius denegatur. Quauquam hoc exemplum videtur etiam pertinere ad ea quæ diximus suprâ in loco à subiecto, reg. 5. vbi eius fecimus mentionem. Aliud subrogati exemplum proponitur l. si donata. 36 in fine. ff. de donat. inter virum & uxorem. vbi Paulus: Si sponsus ( inquit ) alienum annulum spon-

sponsæ muneri misit, & post nuptias pro eo suum dedit: quidam (vt Nerua) putant fieri eum mulieris: quia tunc factam donationem confirmare videtur, non inchoare novam. quam sententiam veram esse accepi. Sed & subrogati exemplum proponitur l. filia. 27. §. Titia. ff. de condition. & demonstrationib. item l. qui solidum 80. §. 1. ff. de leg. 2. Aliud exemplum habetur Inst. de actionib. §. fuerat antea. Sed plura de regula Subrogati, & eius exceptionibus vide apud Gabriel lib. 6. de reg. iuri, conclus. 2. & Turz. reg. 22. Præterea proposita regula species est regula, qua cauetur, Successorem eiusdem iuris esse, cuius fuerit is, cui successerit. Ideoq; huc pertinet l. nemo. 54. §. de regul. iuri, vbi Ulpianus: Nemo (inquit) plus iuris ad alium transferre potest, quàm ipse haberet. Item l. heredem. 59. ff. eod. tt. vbi idem Ulpianus: Hæredem (inquit) eiusdem potestatis iuris quæ esse, cuius fuit defunctus, constat. Item l. aliud. 120. §. fin. ff. d. tt. vbi idem Ulpianus: Absurdum est (inquit) plus iuris habere eum, cui legatus sit fundus, quàm hæredem, aut ipsum testatorem, si viueret. Item l. in omnibus. 135. in fine. ff. eod. tt. vbi Iulianus: Non debeo (inquit) melioris conditionis esse, quàm auctor meus, à quo ius in me transit. Item l. qui in ius. 137. ff. eo. tt. vbi idem Iulianus: Qui (ait) in ius dominiū me alterius succedit, iure eius uti debet. Itē l. nemo. 162. ff. eo. tt. vbi Paulus: Nemo

Nemo (inquit) plus commodi hæredi suo relinquit, quàm ipse habuit. Item *huc pertinet l. quod iplis. 185. ff. eod. tit. vbi Vlpianus*: Quod (inquit) iplis qui contraxerunt, obstat, & successorib. eorum obstabit. Item *linuitus. 198. §. cum quis. ff. eod. tit. vbi idem Vlpianus*: Cum quis (inquit) in alicuius locum successerit, non est æquum ei nocere hoc, quod aduersus eum non nocuit, in cuius locum successerit. Est in super huius regula species supra in loco à causa efficiente. reg. 7. Postremò ad propositam regulam pertinet, quòd ÿ quorum pecunia ad priuilegiatos creditores peruenit, eodem priuilegio vtantur. de qua re vide Digest. meor. lib. 8 ca. 9. reg. 17. Hactenus species & exempla proposita regula enumerauimus: nunc sequuntur eiusdem aliquot exceptiones: quarum prima hac est: Nisi diuersum in altero relationum specialiter legibus sit cautum: tunc enim ab vno ad alterum ex regula proposita non procedit argumentum, exemplo *l. si conuenerit. 55. ff. de pactis. vbi Iulianus*: Si (inquit) conuenerit, ne dominus à colono quid petat, & iusta causa cõuentionis fuerit: nihilominus colonus à domino petere potest. Altera exceptio est: Nisi aliud inter partes actum sit. Quæ exceptio approbatur exemplo *l. in duobus. 28. §. 1. ff. de iurcurando*, verbis paulo superius propositis hisc: Si modò id eo interpositum est iuramentum, vt de ipso contractu & de re, non de persona iurantis age-

ageretur. Tertia exceptio est: Nisi diuersa sit ratio in altero relatiuorum, seu ratio iuris in altero cesset: tunc enim ipsam quoque ius cessabit. cuius exemplum proponitur l. obseruandum 49. ff. de ritu nuptiar. vbi Marcellus: Obseruandum (inquit) est, quòd inferioris gradus homines ducant vxores eas, quas hi qui altioris dignitatis sunt, ducere legib. propter dignitatem prohibentur. At contrà antecedentis gradus homines non possunt eas ducere, quas ijs qui inferioris dignitatis sunt, ducere non licet. Aliud exemplum proponitur l. §. cum pradiū. ff. de pignoribus. Vbi quamuis pradium pignori obligatum actione hypothecaria peti possit, fructus tamen, quamuis nominatim pignori obligatos, à possessore consumptos persequi non licet. Ideoq; aliud iuris est in accessorio, quàm in re principali. Aliud exemplum est l. neque natales. 10. C. de probationibus. vbi quamuis pater probetur ingenuus, non tamen ex hoc infertur filiam quoque ingenuā esse: de quo etiam suprà in loco A contingentib. annotatum est. Quarta exceptio videtur in pœnali-bus esse. Sed hac exceptio reprobatu apud Baptist. à Villalob. in com. opin. in litera C nume. 204. & in litera E. num. 152. & in litera S. num. 101. Quinta exceptio videtur: Nisi correctorium fiat iuris communis. Sed & hac exceptio reprobatu d. litera S. num. 100. Sexta exceptio est in statuto excludente sororem à succeſsione fraterna. per hoc enim frater



non excluditur à successione sororis. Bapt. à Villalob. in com. opin. in litera S. num. 117. Francisc. Viue. libr. 1. comm. opin. in verbo Statutum excludens. Septima exceptio est: Nisi alter ex relatiuis non ligetur statuto loci, veluti clericus & forensis. Francisc. Viue. d. lib. 1. in verbo Statuta contra. vers. limitatur isthac, cum sequentibus. Plures huiusmodi exceptiones vide apud Gabriel. libr. 6. de legibus, conclus. 3. num. 4. cum sequentibus, vsq; ad finem. Hac de tertia regula.

IIII. Regula: Relatum & id ad quod relatio fit, non possunt esse in eodem subiecto, nisi diuerso respectu. Ideoq; posito vno, remouetur alterum: & si vtrunque in eodem subiecto concurrere contingat, euanescit vtrunq;. Sic l. nemo. s. C. de legitima tutela, dicitur, ferendum non esse, eundem esse tutorem, & sub cura agere: hanc enim & nominum & rerum foedam esse confusionem. Sic dominans & seruiens non possunt esse in eodem subiecto. Vnde dicitur. neminem esse dominum suorum membrorum, l. liber homo. 33. in prin ff. ad leg. Aquil. Aliud exemplum proponitur l. cum essent. 33. §. fin. ff. de seruitut. rusticor. pradior. Vbi Africanus: Nullum (inquit) prædium ipsum sibi seruire potest. & l. quidquid. 11. ff. communia pradior. Vlpianus: Nemo (inquit) ipse sibi seruitutem debet. Quinimò etsi debita mihi fuit seruitus, deinde dominium seruiantis rei peruenit ad me: consequenter dicitur, extinguí seruitutem.

Aliud

*Aliud exemplum est in debito & credito, quod proponitur l. verborum. 107. in fine. ff. de solutionib. ubi Pomponius: Verborum (inquit) obligatio resoluitur, cum in eandem personam ius stipulantis promittentisque deuenit. Ex regula igitur proposita ius confusionis pendet, de quo tractatur Digestor. meor. lib. 48 cap. 18. Planè diuerso respectu potest idem debitor & creditor esse, dominans & seruiens, emptor & venditor, actor & reus, &c. quod exceptionis loco notandum. Sic l. 10. ff. finium regund. Iulianus: Iudicium (inquit) communi diuidundo, familiæ erciscundæ, finium regundorum, tale est, ut in eo singulæ personæ duplex ius habeant, & agentis, & eius cum quo agitur. Aliud exemplum proponitur l. hac verba. 124. in fin. ff. de verb. signif. cuius verba vide infra reg. 6. except. 1. Haftenus, quatenus ex connexis & relatiuis argumenta sumantur, ostensum est. nunc idem de contrarijs ostendendum.*

*V. Regula: Duo contraria non possunt subsistere in eodem subiecto. Ideoque vno posito, remouetur alterum: seu de quo predicatur vel affirmatur vnum ex contrarijs, de eodem negatur alterum. Cuius exemplum proponitur l. 2. §. si. ff. pro socio, ubi Paulus: Societas (inquit) si dolo malo, aut fraudandi causa coita sit: ipso iure nullius est momenti: quia fides bona contraria est fraudi & dolo. Quasi diceret: Si in societate contrahenda dolus interuenit, fides bona deficit: cum sint contraria.*

Deficiente autem bona fide, deficit contractus so-  
 cietatis. Aliud exemplum proponitur l. hac verba.  
 124. in prin. ff. de verb. signif. vbi Proculus: Disiun-  
 ctium est (inquit) veluti cum dicimus: Aut  
 dies, aut nox est. quorum posito altero, ne-  
 cesse est tolli alterum: item sublato altero, po-  
 ni alterum. Aliud exemplum proponitur l. Pom-  
 ponius. 41. §. sed & is, in fine. ff. de procuratorib. vbi  
 Vlpianus: Cum iudicatur (inquit) rem meam  
 esse, simul iudicatur tuam non esse. Huic con-  
 cordat l. si inter. 15. ff. de except. rei iudicate. vbi  
 Caius: Eo ipso (inquit) quod rem meam esse  
 pronunciatum sit, ex diuerso pronunciatum  
 videtur tuam non esse. Aliud exemplum pro-  
 ponitur l. si per errorem. 15. ff. de iurisdictione. vbi Vl-  
 pianus: Si per errorem (inquit) alius pro alio  
 Prætor fuerit aditus: nihil valebit quod ac-  
 tum est. Nec enim ferendus est, qui dicat  
 consensisse eos in Præsidem: cum (vt Iulia-  
 nus scribit) non consentiant, qui errant. Quid  
 enim tam contrarium consensui, quam er-  
 ror, qui imperitiam detegit? Planè proposita  
regula exceptio eadem est, quæ proximè preceden-  
tis: diuerso enim respectu duo contraria eidem sub-  
iecto accidere & inesse possunt. Sic potest dies &  
 nox esse diuerso tempore & loco: potest item idem  
 inuenis esse, & senex: sana mentis, & furiosus: te-  
 status, & intestatus. Est & alia proposita regula  
exceptio notanda in lucro & damno. Nam eius de-

bet lucrum esse, cuius est & damnum: & vice versa. l. secundum. ff. de regu. iur. Inst. de empt. & vendit. §. sed et si post. l. si igitur. ss. in fine. ff. pro socio. l. vnica. §. pro secundo. C. de caducis tollendis. De quo etiam dictum supra in loco Ab actibus.

**VI. Regula:** Remoto vno contrariorum, inferatur alterum. Seu de quo negatur vnum ex contrariis, de eodem affirmatur alterum. Quae regula approbatur verbis l. hac verba. 124. in princip. ff. de verbor. signif. paulo superius propositis hisce: Quorum sublato altero, necesse est poni alterum. Cuius exemplum proponitur l. nam quem. 149. ff. cod. rr. vbi Caius probaturus, eum qui vel vnum filium filiamue haberet, liberos habere recte dici, atque ita conditionem hanc, Si liberos habuerit: in eius persona existere: argumentatur hoc modo: Nam quem sine liberis esse dicere non possumus, hunc necesse est vt dicamus liberos habere. At qui vnum filium, vel filiam habet, eum sine liberis esse dicere non possumus. Ergo, &c. Aliud exemplum proponitur l. vlt. §. omnes autem. C. vnde vi, his verbis: Omnes scire debent, quod non solum est, hoc ad alios modis omnibus pertinere. Plane proposita regula exceptio hac est: Nisi contraria sint mediata. Ex his enim sublato vel remoto altero, non necessario alterum inferitur, exemplo d. l. si inter. 15. in fine. ff. de except. rei iudicatae vbi Caius: Si (inquit) rem meam non esse pro-

nunciatum sit: nihil de tuo iure iudicatum intelligitur: quia poterit nec mea res esse, nec tua. Aliud exemplum proponitur d. l. hæc verba. 124. §. subdijunctiui. ff. de verb. signif. vbi Proculus: Subdijunctiui (inquit) genera sunt duo: vnum, cum ex propositis finibus ita nō potest vtrunque esse, vt possit neutrum esse. Veluti cum dicimus: Aut sedet, aut ambulat. nam vt nemo potest vtrunque simul facere, ita aliquis potest neutrum, veluti is qui accumbit. Alterius generis est, cum ex propositis finibus ita non potest neutrum esse, vt possit esse vtrunque. Veluti cum dicimus: Omne animal aut facit, aut patitur. nullum enim animal est, quod nec faciat, nec patiatur: at potest simul & facere & pati. Hæc verba posteriora pertinent ad exceptionem superioris quartæ & quintæ regulæ.

VII. Regula: Quod iuris est in vno contrariorum, eius contrarium obrinet in altero. Seu, contrariorum eadem est scientia atque disciplina. Soarez in litera A. num. 258. cum duobus sequentibus. Baptist. à Villalob. in comm. opin. in litera A. num. 146. cum sequente. & Francisc. Viu. libr. 1. comm. opin. vers. argumentum à contrario. item approbatur exemplo Instit. de his qui sui vel alieni iuris sunt. §. 1. Vbi Imp. Iustinianus: Videamus (inquit) de his quæ alieno iuri subiectæ sunt. nam si cognouerimus quæ istæ personæ sunt: simul intelligimus,

mus, quæ sui iuris sunt. *Similiter l. qui. §. ff. de accusat. Macer: Qui accusare (inquit) possunt, intelligemus, si scierimus, qui non possunt. Aliud exemplum proponitur Inst. de societate. §. illud expeditum. Vbi idem Imp. Illud (inquit) expeditum est, si in vna causa pars fuerit expressa, veluti in solo lucro, vel in solo damno, in altera verò ommissa: in eo quoq; quod prætermissum est, eandem partem seruari. Aliud exemplum proponitur l. ult. §. si filius. ff. de leg. 3. vbi Scævola: Si filius (inquit) ex vncia hæres institutus sit, & legata data sint, habeat & substitutum, deinde commisso edicto per alium filiū, accepit partis dimidiæ bonorum possessionem: substitutus eius ex semisse legata præstat: sed & ex vncia omnibus: ex reliquis, liberis & parentib. Contrà quoq;, si ex dodrante institutus commisso edicto in semissem accepit bonorum possessionem: ex semisse tantum legata substitutus debebit. Quomodo enim augetur, vbi amplius est in bonorum possessione: sic & vbi minus est, deducitur. Huic concordat l. etsi contra. 33. ff. de vulg. & pup. subst. Vbi Africanus: Et si (inquit) contra tabulas patris petita sit à pupillo bonorum possessio: in substitutum tamen eius actionem legati danda esse, ita vt augeantur legata, propterea quòd filius extraneis nō debuerit. Sed & crescere à substituto data legata, si per bonorum*

possessionem plus ad filium peruenisset: quemadmodum & ipse filius plus exceptis deberet. His consequens esse existimat, vt si impubes ex asse hæres scriptus sit, & per bonorum possessionem semis ei ablatu sit: substitutus in partem legati nomine exoneretur: vt quemadmodum portio, quæ per bonorum possessionem accessit, auget legatam: ita & hic quæ abscessit, minuat. *Aliud exemplum proponitur l. adoptiuum 8. §. patroni. ff. de in ius vocando. vbi Vlpianus: Patronus (inquit) etiam accipiendus est, si præiudicio pronūcietur esse libertus, cum alioqui non fuerit: aut si iurauit eum libertum meum esse. quemadmodum per contrarium pro patrono non habebor, si contra me iudicatum est, aut si me deferente iurauerit se libertum non esse. Aliud exemplum proponitur l. ex duobus. 34. in prin. ff. de vulgar. & pupill. substit. cuius verba retulimus supra in loco A simili. Præterea proposita regule species est regula hac, quod exceptio firmet regulam in casibus non exceptis. de qua infra quoque in loco speciali Ab exceptione dicetur. Exceptio enim nihil aliud est, quàm conditio: vt l. antepenult. ff. de exceptionib. Paulus testatur. quæ conditio aut existet, aut deficiet: quorum alterum si producat exceptionem, necesse est contrarium regulam constituere: & contra. Vt enim existere & deficere contraria sunt, ita quoque regula & exceptio*



ptio sunt contraria, & dua contraria causa contrarios produciunt effectus, vt ex regula proposita patet. Huius exemplum proponitur elegans l. i. §. huius rei. ff. de officio eius cui mandata est iurisdictio. vbi Papinianus probaturus, ea quæ specialiter lege tribuuntur, mandata iurisditione non transferri, nec alij mandari posse: à contrario argumentatur his verbis: Huius rei fortissimum est argumentum, quòd lege Iulia de vi nominatim cauetur, vt is cui obligit coercitio, possit eam, si proficiscatur, mandare: non aliter itaq; mandare poterit, quàm si abesse coeperit: cum aliàs iurisdictio etiam à præsente mandetur. Simile exemplum proponitur l. qui testamento. 20. §. mulier. ff. de testamentis. vbi Vlpianus: Mulier (inquit) testimonium dicere in testamento quidem non poterit: aliàs autem posse testem esse mulierem, argumento est lex Iulia de adulterijs: quæ adulterij damnatam testem produci, vel dicere testimonium vetat. Aliud exemplum proponitur l. si procuratorem. 8. §. si ignorantes. ff. mandati. vbi Vlpianus: Si ignorantes (inquit) fideiussores debitorem soluisse, vel etiam acceptilatione, siue pacto liberatum, ex substantia debitoris soluerunt: non tenebuntur mandati. quod & ad actionem fideiussoris pertinet. Et hoc ex rescripto diuorum fratrum intelligere licet, cuius verba hæc sunt, Si hi, qui pro te fideiusserant,

in maiorem quantitatem damnati, quàm debiti ratio exigebat, scientes & prudentes auxilium appellationis omiserunt: poteris mandati agentibus his, æquitate iudicis tueri te. *Infert Vlpianus*: Igitur si ignorauerunt, excusata ignorantia est. Aliud exemplum proponitur l. 3. §. prima verba. ff. de sepulchro violato. vbi Vlpianus: Prima (inquit) verba ostendunt, eum demum hoc edicto plecti, qui dolo malo violauit. Si igitur dolus absit, cessabit in eiusdem persona poena. Aliud exemplum proponitur l. inter. 26. §. cum inter. ff. de pactis dot. lib. vbi Papinianus: Cum (inquit) inter patrem & generum conuenit, vt in matrimonio sine liberis defuncta filia, dos patri restituatur: id actum inter contrahentes intelligi debet, vt liberis superstitibus filia defuncta, dos retineatur. Haftenus exempla proposita regula enumerasse sufficiat. Nunc eius exceptiones aliquot proponemus. Harum prima hac est: Nisi conditioni praeposita sit particula *Maximè, Praesertim, Etiam, vel alia similis*, quae amplificandi vel reprobandi vim habet. hoc enim casu cōditio perdit vim suam, ne eius defectus contrariam inducat dispositionem. Cuius exemplum proponitur l. si quis. 21. in prin ff. de donat. inter vir. & vxor. vbi Vlpianus: Si quis (inquit) pro vxore sua vectigal in itinere, quod praestari solet, soluisset, magis puto non interdictum hoc: maxime si ipsius causa

causa profecta est. *Aliud exemplum proponitur l. 3. C. unde liberi. vbi Imper. Constantinus*: Qui se patris (*inquit*) post auum intestato defuncti negat hæredem: mortui aui paterni suscipere facultates non potest, maximè emancipatus. *Aliud exemplum proponitur l. conuenticula. 15. C. de episcopis & clericis. vbi Impp. Arcadius & Honorius*: Conuenticula (*inquiunt*) illicita etiam extra ecclesiam in priuatis domibus celebrari prohibemus. *Altera proposita regula exceptio est*: Nisi alia sit mens disponentis: hoc enim casu regula proposita menti disponentis cedit, *exemplo l. 2. §. fin. ff. donationib. vbi Iulianus*: Titio decem donauit ea conditione, vt Stichum sibi emat. quæro, cum homo, antequam emeretur, mortuus sit: an aliqua actione decem recipiam? Respondi: Facti magis, quàm iuris, quæstio est. Nam si Titio decem in hoc dedi, vt Stichum emeret, aliter non daturus: mortuo Sticho conditione repetam. Si verò aliàs quoque donaturus Titio decem, quia interim Stichum emere proposuerat, dixerim in hoc ei dare, vt Stichum emeret: causa magis donationis, quàm conditio dandæ pecuniæ æstimari debet: & mortuo Sticho pecunia apud Titium remanebit. *Simile exemplum proponitur l. si extraneus. 6. ff. de condict. causa dati. cuius verba proposita sunt suprâ regul. 2. except. 1. Tertia exceptio*

exceptio est. Nisi expositionis, non conditionis animo quid positum sit: nam & hoc casu argumentum à contrario sensu non valet. Quæ exceptio præcedentis species est, eiusq; exemplum proponitur l. 1. §. quod vulgò. ff. de vi & vi armata. vbi Vlpianus: Quod vulgo (inquit) dicitur, æstiuorum hybernorumque saltuum nos possessionem animo retinere: id exempli causa didici dicere Proculum, nam in omnibus prædijs idem est. Aliud habetur l. damni. 30. in fine. ff. de damno infecto. vbi idem Vlpianus: Quod dictum est (inquit) aquæ ducendæ causa, exempli gratia rescriptum est: cæterum ad omnia rerum opera stipulatio commodabitur. Item aliud proponitur l. item veniunt. 20. §. ait senatus. ff. de petitione hered. vbi Vlpianus: Ait (inquit) senatus: Cum antequam partes caducæ fisco peterentur, hoc euenerat, vt fisco partes caducæ peterentur: sed etsi ex asse fiat, Senatusconsultum locum habebit. Idem, etsi vacantia bona fisco vendicentur, vel ex alia quacunque causa bona ad eum peruenerint, S. C. hoc locum habebit, etsi ciuitati peterentur. In priuatorum quoque petitionib. S. C. locum habere, nemo est qui ambigat, licet in publica causa factum sit. Aliud exemplum proponitur l. ult. §. fin. ff. de iuris & facti ignorantia. vbi Paulus: Licet (inquit) municipum mentio in hac epistola fiat, tamen & in qualibet persona

sona idem obseruabitur. Sed nec quòd in opus aquæductus relicta esse pecunia proponitur, in hunc solum casum cessare repetitionem dicendum est. Nam initium constitutionis generale est. demonstrat enim, si non per errorem solutū sit fideicōmissum: quod indebitum fuit, non posse repeti. Item hæc & illa pars æquè generalis est, vt qui iuris ignorantia legis Falcidiæ beneficio vsi non sint, nec possint repetere. vt secundum hoc possit dici, etiam si pecunia quæ per fideicōmissum relicta est, quæque soluta est, non ad aliquid faciendum relicta sit, & licet consumpta nō sit, sed extet apud eum cui soluta est, cessare repetitionem. Aliud exemplum habetur apud Francisc. Viu lib. 1. com. opin. in verb. Statutum prohibens, nume. 4. cum sequente. vbi dicitur, Statutum inhibens sub pœna extrahi frumentum super equo, asino vel curru extra territorium, habere locum etiam secundum Salycet. in l. si serui. num. 24. & seq. C. de noxal. si portet dictum frumentum super humeris proprijs vel collo boum. & rationem ibi assignat: quia statutum considerauit factum exportationis, non autem modum exportandi: & expressio facta de equo, asino & curru, fuit facta causa exempli. Quarta exceptio est: Nisi dubitationis tollende causa quid sit expressum, quod etiam iure communi cautum est. hoc enim casu iuri communi non derogatur per argumentum  
à con-

à contrario sensu sumptum, iuxta ea quæ habentur  
 infrà in loco Aratione legis, reg. 4. Quinta exceptio  
 est: Nisi aliud iure specialiter cautū sit: nam & hoc  
 casu, vt aliàs, ratio à contrario cedit legi speciali,  
 exemplo Instit. de hereditat. quæ ab intestato. §. 1.  
 vbi intestatorum hereditates primū ad suos hæ-  
 redes pertinent. Si argumentemur à contrario, di-  
 cendum, eos qui sui heredes non sunt, veluti eman-  
 cipatos liberos, primo loco nō vocari. Verū huic ar-  
 gumento obstat ius prætorium, quo emancipati cum  
 suis heredibus ad hereditatem admittuntur: Instit.  
 eod. et. §. emancipati. ibi: sed prætor. Accedit Baptist.  
 à Villalob. in com. opin. in litera A. num. 148. & nu.  
 151. Soarez. in litera A. num. 260. cum sequente. Cu-  
 ius replicatio est: Nisi statutum in sensu directo ni-  
 hil prodesset, si non à contrario sensu sumptum ius  
 commune corrigeret. Baptist. d. litera A. num. 149.  
 Francisc. Viu. lib. 1. com. opin. in verbo Argumentum,  
 nu. 6. Sexta exceptio est: Nisi eadem sit ratio in al-  
 tero quoq; contrariorum. Sic l. 1. in prin. ff. de seruo  
 corrupto, ait Prætor: Qui seruum alienum rece-  
 pisse, persuasissēue quid ei dicetur dolo ma-  
 lo, quo eum deteriore faceret: in eū, quanti  
 ea res erit, in duplum iudicium dabo. Si argu-  
 mentemur à contrario sensu, dicendum, si non ser-  
 uus, sed liber receptus persuasissēue sit dolo malo,  
 hanc actionem non dari: quia tamē in filiofamiliās  
 eadem est ratio, ideo l. vt tantum. 14. §. 1. ff. eod. et.  
 Paulus: De filio (inquit) filiāue familiās corru-  
 ptis

ptis huic edicto locus non est: quia serui corrupti cōstituta hæc actio est, qui in patrimonio nostro esset: & pauperiorē se factum esse dominus probare potest, dignitate & fama domus integra ei manēte. Sed utilis competit, officio iudicis æstimāda: quoniam interest nostra, animum liberorum nostrorū non corrumpi. *Septima exceptio est: Nisi genus, quod utriq; contrariorum commune est, eiūsue accidens de vno contrarium, de altero quoq; prædicabitur.* Sic si dicatur, album esse colorem: ob id nō sequitur, nigrum non esse colorem: cum color utriusq; sit genus. Quod igitur de colore prædicabitur tanquam de genere, idem etiam prædicabitur de albo & nigro, secundum ea quæ diximus suprā in loco Agene-  
*re.* *Octaua exceptio est in lucro & damno, quatenus ad aliquem dicitur pertinere. Nec enim sequitur: Lucrum eius rei ad Titium pertinet: Ergo damnum ad eum non pertinet. vel contrā: Damnum ad eum pertinet: Ergo lucrum non pertinet. cum (vt l. 10. ff. de regulis iurū, Paulus ait) secundum naturam sit, commoda cuiusq; rei consequi eum, quem sequuntur incommoda.* De qua re suprā quoque reg. 5. except. 1. dictum est. Huius elegans exemplum proponitur l. penult. C. de solutionibus, his verbis: Cum pro pecunia, quam acceperas, secundum placitum Euandro te fundū dedisse profitearis: eius industriam vel euentum meliorem tibi, non ipsi prodesse, contrarium nō postulaturus



turus, si minoris distraxisset non iustè petis. Nona exceptio est: Nisi absurdum vel turpe aliquid sequeretur. Baptist. d. litera A. num. 150. Soarez in litera A. num. 263. Hec de septima regula, eiusq; exceptionibus sunt dicta. Sed & plures huiusmodi exceptiones vide suprà in loco A causis, in regula: Cessante causa, cessare effectum, item infrà in loco speciali A ratione legis cessante, item in loco Ab exceptione, reg. 2. item in meis Digestis lib. 34. cap. 6. de conditione deficiente.

VIII. Regula: Allegans contraria non est audiendus, exemplo l. vbi. 148. ff. de reg. iuris. vbi Celsus ait, Vbi pugnantia inter se in testamento inueniuntur, neutrum ratum esse. Aliud exemplum proponitur l. 1. C. de furtis. vbi Impp. Seuerus & Antoninus: Si pecunia (inquiunt) tua mandantibus seruis quidam prædia comparauerunt: eligere debes, vtrum furti actionem & condemnationem, an mādati potius inferre debeas: neque enim æquitas patitur, vt & criminis causam persequaris, & bonæ fidei contractū impleri postules. Hic quidam duplicem actionem instituerat: aliam, quasi negotium, quod gestum erat, non haberet ratum: alteram, quasi haberet ratum. quæ cum sint contraria, non censetur audiendus. Aliud exemplum proponitur Nouel. c. 90. §. si qui planè. Vbi Imper. Iustinianus: Si qui contraria (inquit) sibiipsis, aut inter se pugnantia protulerint, maximè ad eā rem iudices aduertant

uertant animum, & si circa potio- rem causæ partem testium contrarietates deprehende- rint, istiusmodi testimonia reiiciant, his solis intenti, quæ à pluribus & maiore fide dignis prolata sunt. *Hæc de octaua regula, quæ etiam ad locum ab actibus non incommode referri potest. Quatenus autem ex contrarijs argumenta suman- tur, hæcenus ostendimus. Nunc de priuatiuis op- positis (vt sunt habitus & priuatio) aliquot regula sequuntur.*

*IX. Regula: Deficiente habitu, priuatio esse ne- quit. Quæ regula approbatur exemplo l. 4. ibi: nec esset nota. ff. de iusticia & iure. vbi Vlpianus: Non esset nota manumissio (inquit) cum seruitus esset incognita. Simile exemplum proponitur l. 2. C. de vindicta, vbi deficiente seruitute, manumissio in libero homine facta nihil operatur. Aliud exem- plum proponitur Instit. de capitis deminut. §. ser- uus, his verbis: Seruus manumissus capite non minuitur: quia nullum caput habuit. Ex hoc etiam loco argumentatur Vlpianus l. decem. 116. in fin. ff. de verb. obligat. vbi cum quis stipulatus esset a Mauius, quanto minus à Titio debitore consequi posset: ait, Soluente Titio non liberatur Mæ- uius, qui nec tenebatur, cum conditio stipu- lationis deficit. Aliud exemplum proponitur l. qui potest. 134. in fin. ff. de reg. iuris. vbi Iulianus: Quod quis, si velit (inquit) habere non potest, id re- pudicare non potest. Aliud exemplum proponitur*  
*§ l. 1.*

*l. 1. §. sed ita demum. ff. quibus modis vsusfr. amittatur, vbi Vlpianus: Ita demum amittitur capitis deminutione vsusfructus, si iam constitutus est. Cæterum si ante aditâ hæreditatem, aut ante diem cedentē quis capite minutus est, constat non amitti. Aliud exemplum proponitur l. 3. ff. de reg. iur. vbi idem Vlpianus: Eius (inquit) est nolle, qui potest & velle. Cui concordat l. qui vetante. 102. ff. eod. tt. vbi idem Vlpianus: Eius (inquit) est actionem denegare, qui possit & dare. Plura exempla vide supra reg. 2. vbi etiam eius exceptio proponitur. Sed & plura exempla habentur supra lib. prox. in loco repugnantium. Similis regula proposita est supra in loco A' subiecto, reg. 2.*

*X. Regula: Priuatio præsupponit habitum. Ideo q̄ qui dicit se liberatum, eo ipso fatetur se obligatum fuisse: & qui fatetur alium vi à se deiectum, simul fateri videtur eum possedisse: & ex eo quod quis manumissus est, præsumitur seruus fuisse. Ratio propositæ regulæ est regula præcedens proxima. Quæ ergo in ea dicta sunt, huc quoq; possunt referri.*

*XI. Regula: Priuatio vnius, est habitus alterius: & contrà seu (vt Physici loquuntur) vnius corruptio, est alterius generatio: & contrà, vnius generatio, est alterius corruptio. Turz. reg. 71. Proinde ex quibus causis denegatur actio, ex iisdem datur exceptio: & ex quibus causis tollitur obligatio, ex iisdem contingit liberatio. Ex hac regula argumentatur Paulus*

*l. 1. §. si vir uxori ff. de acquir. possess. hic verbis:* Si vir uxori cedat possessionem causa donationis, plerique putant possidere eam: quoniam res facti infirmari iure civili nō potest. Et quid attinet dicere, non possidere mulierem: cum maritus, ubi noluit possidere, protinus amiserit possessionem? *Hic Paulus, quia maritus amiserit possessionē, colligit eam uxori adquisitam. Negatiue quoq; hinc argumentari licet, si alius non adquisierit, alium non amisisse. ut l. nullo. 24. C. de rei vendicat. ubi Impp. Diocletianus & Maximianus:* Cum usucapio (inquiunt) cesset, intentio dominiij nunquam absimitur. *Concordat l. nec utilem. 20. in fin. ff. ex quibus causis maiores. ubi Papinianus:* Non (inquit) intelligitur amissum, quod ablatum alteri non est. *Sic l. peregrē. 44. §. fin. ff. de acquir. possess. Pomponius:* Eius (inquit) quod serui vel coloni possident, non aliter amitti possessionem, quā si eam alius ingressus fuisset.

XII. *Regula: Ex causa & modo habitus aestimatur etiam causa & modus priuationis, exemplo l. quamuis. 46. ff. d. tt. de adq. possess. ubi idem Pomponius:* Ut (inquit) eodem modo vinculū obligationis soluitur, quo quæri assolet: ita non debet ignorantī tolli possessio, quæ solo animo retinetur. *Item l. quemadm. 8. ff. eod. tt. Paulus ait:* Quemadmodum nulla possessio adquiri, nisi animo & corpore, potest: ita nulla amittitur,

nisi in qua vtrunq; in contrarium actum est. Item l. ferè. 195. ff. de regulis iuris, idem Paulus: Ferè (inquit) quibuscunq; modis obligamur, iisdem in contrarium actis liberamur: cum quibus modis adquirimus, iisdem in contrarium actis amittimus. Vt igitur nulla possessio adquiri, nisi animo & corpore, potest: ita nulla amittitur, nisi in qua vtrunque in contrarium est. Sed de hac regula dictum quoq; suprâ in loco a causa efficiente, regula 8. Contrâ quoq; à causa & modo priuationis ad causam & modum habitus argumentari licet, exemplo l. de quibus. 30. §. final. ff. de legibus, vbi colligitur, quia ius tacito populi consensu in desuetudinem abire & abrogari possit, posse etiam tacito populi consensu introduci atq; constitui. Hæc de priuationis oppositis sint dicta. nunc contradicentium regula sequitur.

XIII. Regula: Ex duobus contradicentibus vno posito, alterum tollitur. cuius regule vsus est tum in iuris, tum in facti questionibus. In iuris questionibus: vt puta in antimonijs, cum lex legi, vel auctoritas auctoritati opponitur. Veluti lex XII. Tabul. negat, suis heredibus existentibus, emancipatos liberos ad successionem defuncti parentis vocari: ius prætorium affirmat, quo posito lex XII. Tabular. tollitur: Instit. de hereditat. quæ ab intestato. §. emancipati. item: l. 1. §. fin. ff. quis ordo in bonor. possess. seruetur. Iura enim posteriora derogant prioribus, l. 4. ff. de constitut. principum. Sic etiam  
adgna.

adgnatis defuncti existentibus, media Iurisprudencia cognatus, quamvis eiusdem vel etiã prioris gradus, negat successionem defuncti: Imper. Iustinianus sua constitutione asserit: qua posita, dicta media Iurisprudencia tollitur, Inst. de legitima adgnat. successionem, §. ceterum. & l. 14. de legitimis hæredibus. Aliud exemplū proponitur l. iurisgentium. 7. §. & ideo. ff. de pactis. vbi Vlpianus: Puto (ait) rectè Iulianum à Martino reprehensum in hoc: Dedit tibi Stichum, vt Pamphilum manumittas. manumisti, cuius est Stichus. Iulianus in factum actionem à Prætoribus dandam: ille ait, civilem incerti actionis sufficere. Esse enim contractum, unde hæc nascatur actio. In facti questionibus locus est propositæ regulæ, cum vel testes inuicem contraria deposuerint, vel instrumenta contradicentia proferantur, vel litigator contraria allegauerit. quibus casibus alteri per alterum fides derogatur, de qua re supra quoq; reg. 8. dictum est. Planè propositæ regulæ exceptio prima hæc est: Nisi propositiones. contradicentes ambæ sint particulares: hoc enim casu utraq; vera esse potest, exemplo Inst. de actionibus. §. actionum. vbi Imper. Iustinianus: Actionum (inquit) quædam bonæ fidei sunt, quædam stricti iuris. Hic actio dicitur bonæ fidei, & non bonæ fidei: quorum utrunque verum est diuerso respectu. Sic etiam si dicatur obligationem tolli per acceptilationem, & obligationem non tolli per acceptilationem: utrunque

verum est, si particulariter intelligatur: prior quidē  
 propositio de obligatione verborum, posterior ve-  
 rò de ceteris. vī Institut. quibus mod. tollitur obli-  
 gat. §. item per acceptilationem. Proinde vna ve-  
 ra posita, non propterea tollitur altera. Huiusmo-  
 di propositiones particulares oppositæ à Dialecticis  
 appellantur subcontrariæ: de quibus Iulianus l. si is  
 q. ducēta. 14. §. verū. ff. de reb. dubijs, sic ait: Simul  
 ea possunt esse vera, quamuis inter se cōtra-  
 ria sint: quia cū significatio non ex vniuerso,  
 sed ex aliquo sumitur, si veri aliquid insit, ve-  
 ram efficit totam orationē. Contrarias autē pro-  
 positiones Dialectici appellāt, duas propositiones v-  
 niuersales quarū vna sit affirmatiua, altera negati-  
 ua. veluti: Omnis obligatio parit actionē: Nulla ob-  
 ligatio parit actionē. Quæ simul veræ esse nō possunt.  
 Ideoq; alterutra vera existente, necesse est alteram  
 esse falsam. Contrā, tamen si vna ex ijs falsa sit, non  
 ob id sequitur alteram veram esse: quoniam vtraq;  
 falsa esse potest. quæ secunda exceptionis loco no-  
 tandum. Quæ exceptio approbatur simul & exem-  
 plo declaratur d. §. verum. vbi Iulianus: Duæ (ait)  
 orationes repugnātia continentes simul fal-  
 sæ sunt: veluti si qui liberorum partim pube-  
 res, partim impuberes decesserint. nā & hoc  
 falsum est, omnes impuberes decessisse: & il-  
 lud, omnes puberes decessisse. Id accidit,  
 quia significatio sumitur ex vniuerso, in quo  
 si aliquid falsum est, totam orationem falsam  
 effi-



efficit. Ideoq<sup>ue</sup> quamuis falsum sit, nullam obligationem parere actionem: tamē contraria quoq<sup>ue</sup> eius propositio falsa est, omnem obligationem parere actionem: cum ex naturali obligatione exceptio tantum, non etiam actio oriatur: l. 13. cum lege sequente. ff. de conditione indebiti: l. sed et si. ii. §. fin. cum lege sequente. ff. ad S. C. Macedonian. Tertia propositio regula exceptio est: Nisi propositionum una sit vniuersalis, altera particularis. hoc enim casu utraq<sup>ue</sup> potest esse vera: nec posita una, alteram necesse est tolli, veluti: Omnis actio est ius persequendi in iudicio quod sibi debetur. Quadā actio est ius persequendi in iudicio quod sibi debetur. Has propositiones Dialectici subalternas vocant: quarū vniuersali affirmata vel negata, affirmatur vel negatur quoq<sup>ue</sup> altera, secundū ea quæ suprà in loco A genere & A toto diximus: tantū abest vt vniuersali posita, particularis tollatur. Ideoq<sup>ue</sup> nec illud sequitur: Quadam actio est ius persequendi in iudicio quod sibi debetur. Ergo non omnis actio est ius persequendi, &c. cum utraq<sup>ue</sup> vera esse possit. Planē cum altera propositio vel vniuersalis, vel particularis affirmatiua est, altera negatiua, contradictoria vocantur: quarum una vera existente, necesse est alterā esse falsam: & contrā, una falsa existente, alteram veram esse necesse est. neque enim amba simul vel vera vel falsa esse possunt. quod replicationis loco notandum. Contradictoria ergo sunt: veluti, Omnis obligatio parit actionem: Quadam obligatio non parit actionem.

Omne quod licet, honestum est: Quoddam quod licet, honestū non est. Sen, quod perinde est: Non omne quod licet, honestum est; vt l. non omne. 186. ff. de reg. iuris, Paulus ait, Si ergo verum est, omnē obligationem parere actionem: falsum erit, quandā obligationem non parere actionem. Vel contrā, si hoc verū est, illud erit falsum. Similiter si verum est, Non omne quod licet, honestum esse: falsum erit, Omne quod licet, honestum esse. Sed & huius loci exemplum proponitur l. si ita vulneratus. 51. in fin. ff. ad l. Aquiliam. vbi cū Iuliano obijci posset, In omnibus controuersijs definiendis, subtilem disputandi rationem obseruandam esse: ille contradictoriam opponit, In quibusdam istam disputandi rationem obseruatam non esse: ergo non in omnibus eam obseruandam. dicens: Multa iure ciuili contra rationem disputandi pro vtilitate communi recepta esse, innumerabilibus rebus probari potest. Vnum interim proposuisse contentus ero, &c. Quarta proposita regula exceptio est: Nisi vna propositio de genere, altera de specie accipiat: hoc enim casu nihil prohibet vtrāque veram esse, vnam regulariter, alteram per exceptionē. Sic dicitur, inter virū & vxorem donationem prohibitam esse, l. 1. cum ll. sequentibus ff. de donationibus inter virū & vxorem. & dicitur, inter virum & vxorem donationem mortis causa factam non esse prohibitam, l. si eum. 9. §. fin. ff. d. tt. Hic prior propositio loquitur in genere de donatione, & per

postea

posteriorem non quidem in totum tollitur, sed restringitur ad donationem inter vivos. hoc est quod l. i. in fin. ff. de regulis iuris, Paulus ait, Regulam, quam in aliquo viciata est, perdere officium suum, scilicet in casu excepto, Nam species derogat generi, ut supra suo loco dictum est. Hac ratione l. item videndum. 20. in prin. ff. de petit. hereditat. Vlpianus sententias Labeonis & Octavienii sibi contradicentes reconciliat, ut neutra per alteram tollatur. verba Vlpiani hæc sunt: Videndum, si possessor hereditatis venditione per argentariam facta, pecuniam apud eum perdidit: an petitione hereditatis teneatur? quia nihil habet, nec consequi potest. Sed Labeo putat, eum teneri: quia suo periculo male argentario credidit. Sed Octavienus ait, nihil eum præter actionem præstaturum. Mihi autem in eo qui mala fide possedit, Labeonis sententia placet. In altero verò, qui bona fide possessor est, Octavienii sententia sequenda esse videtur. Hic quod uterq; generaliter elocutus erat, Vlpianus distinguit, ac restringit ad certas species, ut quamvis neutris sententia uniuersaliter vera sit, particulariter tamen accepta utraq; subsistat, nec per alteram penitus tollatur. cuiusmodi distinctiones passim in iure occurrunt. est q; huius loci id quod dici solet, Distingue tempora, & concordabunt iura. Quinta exceptio est: Nisi subiectum vel prædicatum propositionum contradicentium sit homonymon sine acqui-

uocum : hoc enim casu utraq; propositio vera esse  
 potest. veluti si dicamus, actionem esse ius, & actionē  
 non esse ius : utrumq; verum est. nam quatenus vo-  
 cabulum iuris accipitur pro potestate seu facultate  
 à lege concessa, actio ius est persequendi, &c. quate-  
 nus accipitur pro arte boni & equi, vel pro loco, in  
 quo ius dicitur: actio ius non est. Sexta proposita re-  
 gula exceptio est: Nisi vna propositio stricti iuris sit,  
 altera aequitatis. hoc enim casu nihil prohibet utran-  
 que veram esse, diuerso tamen respectu, quanquam  
 vna alteri est preferenda. cuius exemplum proponi-  
 tur Inst. de exceptionib. §. i. vbi Imp. Iustinianus: Si  
 metu coactus (inquit) aut dolo inductus, aut  
 errore lapsus stipulati Titio promissisti, quod  
 non debueras promittere: palam est, iure ci-  
 uili te obligatum esse: & actio qua intendi-  
 tur, dare te oportere, efficax est. Sed iniquum  
 est, te cōdemnari. Ideoq; datur tibi exceptio.  
 Aliud exemplum proponitur l. 2. §. quanquam. ff. de  
 aqua pluuiā arcenda. vbi Paulus de eo qui aggerem  
 in vicino fundo reficere volebat, ne aqua pluuia sibi  
 noceret, sic ait: Quanquam deficiat aquæ plu-  
 uiæ arcendæ actio, attamen opinor vtilem  
 actionem vel interdictum mihi competere  
 aduersus vicinum, si velim aggerem reititue-  
 re in agro eius, qui factus mihi quidem pro-  
 desse potest, ipsi autem nihil nociturus est.  
 hæc æquitas suggerit, etiam si iure stricto de-  
 ficiamus. Hic Paulus dicit actionem in casu propo-  
 sito

sito deficere, & non deficere. Deficere quidem dicitur iure stricto: non autem deficere utilem ratione aequitatis. Aliud exemplum proponitur l. quod dicitur. 5. §. si dos tota. ff. de impensis in rebus dotalibus factis. ubi Ulpianus: Si dos (inquit) tota soluta sit, non habita ratione impensarum: Marcellus admittit, pro impensis necessarijs condictioni esse locum. Sed eisi plerique negent, tamē propter æquitatem Marcelli sententia admittenda est. Planē quoties duae sententiae sibi inuicem repugnant, ita ut utriq; locus esse non possit, & dubitatur utra utri sit sit praefenda? regula. & argumenta ex praecedentibus locis sumi debent: nec est huius loci ea omnia persequi. Ad eam autem rem pertinent etiam exceptiones, quas contra leges collegi Digest. mcor. lib. 1. cap. 7. Ex quibus patet, aequitatem stricto iuri praefendam, leges priores tolli per posteriores, &c. Sed & plures huiusmodi regulas collegi Digestior. mcor. lib. 7. cap. 9. ubi inter ceteras & hac habetur: Mentem vel voluntatem verbis vel scripto praefendam, cuius exemplum proponitur l. quisquis. 116. ff. de verbor. significat. ubi Iulianus: Quisquis (inquit) mihi anus filius filiaeve haeres sit. ait Labeo, non videri filiam contineri: Proculus contra. Mihi Labeo videtur verborum figuram sequi: Proculus mentem testantis. Respondi: Non debito, quin Labeonis sententia vera non sit. *Hac de regula contradicentium sunt dicta. Ex quibus*

quibus patet, regulam propositam ad confutationem magis quam ad confirmationem pertinere. habet enim in se quandam regerendi speciem, qua inter personales confutationes infra numerabitur. Cum autē hactenus ostensum sit, quomodo ex quatuor generibus oppositorum argumenta sumantur: nunc de altero repugnantium genere, hoc est de disparatis seu differentibus, dicendum est. Horum regula hac est.

XIIII. Regula: Separatorum separata est ratio: seu de rebus plurimum differentibus idem intelligi non potest. cuius exemplum proponitur l. Quintus. 28. §. argento. ff. de auro legato. vbi Ulpianus: Argento (inquit) omni legato, quod suum esset: hinc dubio nō debetur id quod in credito est. hoc ideo, quia non videtur suum esse, quod vindicari non possit. Aliud exemplum proponitur l. cum quaritur. 12. cum legibus sequentibus. ff. de except. rei iudicatæ. vbi Paulus: Cum quæritur (inquit) an exceptio rei iudicatæ noceat, necne? inspiciendum est, an idem corpus sit, quantitasque eadem, idem ius, & an eadem conditio personarum: quæ nisi omnia concurrant, alia res est. Aliud exemplum proponitur l. naturaliter. ff. de adquir. possess. vbi Ulpianus: Nihil (inquit) cōmune habet proprietas cum possessione. Et ideo non denegatur ei interdictum. Vti possidetis, qui cœpit rem vendere, non, n. videtur possessioni renunciasse, qui

qui rem vendicanit. Aliud exemplum proponitur l. permisceri. 52. in princip. eod. tt. vbi Venuleius: Permisceri (inquit) causas possessionis & vsusfructus non oportet: quemadmodum nec possessio & proprietas permisceri debent: neque impediri possessio, si alius fruatur: neque alterius vsusfructus amputari, si alter possideat. Plura exēpla vide supra in loco A comparatis, exc. 4. Sed & huius loci est regula hac: Vtile per inutile non vitiatur. de qua vide M. I. C. lib. 25. cap. ult. in verbo Vtile. & M. I. P. lib. 5. cap. 12. in fine. item in loco A contingentibus, exceptio. vnica. Hactenus de loco A repugnantibus sit dictum.

A' locis personarum specialibus.

Cum duplices sint loci, generales videlicet ac speciales: quomodo ex locis generalibus argumenta sumantur, hucusq; ostensum est. Quæ quamuis ad speciales quoq; locos personarum, rerum & actionum referri possint: cum semper specialia generalibus insint: tamen libet specialium quoq; locorum speciales quasdam regulas & exempla subijcere, quo vsus singulorum locorum magis innotescat. De locis itaque personarum prius nobis est dicendum, quorum alios diximus communes omnium personarum. alios proprios eorū qui in aliquo constituti sunt officio. Communes personarum locos alios fecimus animi, alios corporis, alios deniq; fortuna. In animo spectantur virtutes & vitia, affectus, voluntas, ingenium, memoria, &c. Virtutum hæ sunt regulæ. In primis ea,



cuius Cicero in Officijs meminit, Inter bonos bene  
 agi oportere. item, Bone fidei non congruere de api-  
 cibus iuris disputare: l. si fideiussor 29 §. quædam.  
 ff. mandati. item, Verecundiam & cogitationem  
 eius qui lites execratur, non esse vituperandam: l. 4.  
 §. non tamen. ff. de alienat. iudicij mutandi causa  
 facta. item, Bonos non solum metu pœnarum, verum  
 etiam premiorum exhortatione efficiendos: l. 1. §. 1.  
 ff. de iusticia & iure. In honoribus & dignitatibus  
 distribuendis bonos malis præferendos esse: l. 6. in  
 prin. C. ad l. Iul. repetund. Nouell. c. 8. §. quapropter.  
 Inter artifices longam differentiam esse & ingenij,  
 & naturæ, & doctrinæ, & institutionis: l. inter arti-  
 fices. 31. in prin. ff. de solutionibus. Huc item pertinet  
 exemplū diligentia & discendi cupiditatis in Pom-  
 ponio & Iuliano, studiosis iuris imitandum, quod  
 proponitur l. apud. 29 ff. de fideicom. libertatib. vbi  
 Pompon. Ego (inquit) discēdi cupiditate, quam  
 solam viuendi rationem optimam in 8 & 70  
 annum ætatis duxi, memor sum eius senten-  
 tiæ, quam dixisse fertur Iulian. *Κἀν τῷ ἔττει πέντε  
 ἐν τῷ σπύῳ ἔχον, προσμαθὲν τὴ βοήθειαν.* id est: etiam si  
 alterum pedem in sepulchro habere, tamen  
 addiscere vellem. Vitiorum regulæ hæ sunt: Na-  
 turalem esse hominum ad dissentiendum facilita-  
 tem: l. item si vnus. 17. §. principaliter ff. de arbitris.  
 Non debere melioris conditionis esse stultos, quàm  
 peritos: l. 4. in fin. ff. quod vi aut clam. Non stultis,  
 sed errantibus succurri solere: l. 9 §. quod si ideo. ff.  
 de iuria

de iuris & facti ignor. Non negligentibus subueni-  
 ri, sed necessitate rerum impeditis: l. non enim. 16. ff.  
 ex quib. causis maiores, &c. Ius civile vigilantibus,  
 non dormientibus vel negligentibus scriptum esse: l.  
 4. §. fin. ff. quæ in fraudem creditorum, &c. Inter  
 insolentiam iniuriosam, & diligentiam non ambitio-  
 sam multum interesse: l. si bene. 33. ff. de vsuris. Impru-  
 dentib. qui fragilis sunt consilij, & captionibus sup-  
 positi, subueniendum: l. 1. ff. de minor. viginti quinque  
 annis l. 1. ff. ad S. C. Velleianum l. ferè 108. ff. de reg.  
 iuris. Deceptis, non decipientibus iura opitulari: l. 2.  
 §. verba ibi: sed ita demum. ff. d. tt. ad S. C. Velleianum.  
 Furiosum nullum negotium contrahere posse: l. 5. ff.  
 de reg. iuris. & Furiosi nullam esse voluntatem: l. fu-  
 riosi. 40. ff. eod. tt. Furiosum absentis loco esse: l. vbi  
 non voce. 166. in fine. ff. eod. tt. Affectus & volunta-  
 ris regule sunt: velati, Affectibus indulgendum non  
 esse: l. obseruandum. 19. ibi: sed & in cognoscendo ff.  
 de offic. pras. Vani timoris iustam excusationem non  
 esse: l. vani. 144 ff. de reg. iuris. Quod factum est, cum  
 in obscuro sit, ex affectione cuiusq. capere interpre-  
 tationem: l. rapienda 128. ff. eod. tt. Volantatem &  
 propositum delinquentis maleficia distinguere: l. qui  
 iniuria. 53. in prin. ff. de furtis. Voluntatem potius,  
 quam verba, spectandam: l. in conuentionibus 219. ff.  
 de verb. signif. Hæ atq. huiusmodi aliæ regule de a-  
 nimi qualitatibus in questionibus tam iuris quam  
 facti argumentandi materiam solent suppeditare.

Ex corporis etiam qualitatibus non raro argu-  
 menta

menta sumuntur. Sic à corporis vitijs sumitur actio redhibitoria, quæ ex adilitio edicto descendit: item excusatio à muneribus: l. 2. §. quem ita. ff. de vacatione munerũ. item exceptiones quæ passim de muto & surdo in iure habentur. A sexu sumitur exceptio Senatusconsulti Velleiani, quod est de intercessionibus fœminarũ: item exceptio contra testamentum, quæ fœmina testis dicitur intervenisse: l. 20. §. mulier. ff. qui test. facere possunt. item regula hæc: Defendi vxores à viris, non viras ab vxoribus, æquũ esse: l. 2. ff. de iniurijs. item regula hæc: Fœminas ab omnibus officijs ciuilibus vel publicis remotas esse. Et ideo nec iudices esse posse, nec magistratum gerere, nec postulare, &c. l. 2. ff. de reg. iuris. item, In multis iuris articulis deteriorem esse conditionem fœminarum, quàm masculorum: l. in multis. 9. ff. de statu hominum. item, Maiorem dignitatem esse in sexu virili: l. 1. ff. de senatoribus. item, Exemplo pessimũ esse fœminino vocabulo, etiam masculos contineri: l. si ita. 46. in princ. ff. de leg. 2. item, Semper sexu masculino fœmininum contineri: l. qui duos. 60. in fine. ff. de leg. 3. item, Mulierem familia suæ & caput & finem esse: l. pronuntiatio. 195. §. fin. ff. de verb. signif. Ab ætate sumitur regula l. præcipiunt. ff. de adilitio edicto. vbi Vlpianus: Præsumptum est (inquit) ea mancipia, quæ rudia sunt, simpliciora esse, & ad ministeria aptiora, & dociliora: trita verò mancipia, & veterana, difficile esse reformare. Item ab ætate sumitur regula

*gula hac, impuberum omnibus officijs ciuilib. abstinere debere. l. 2. in fine. ff. de reg. iuris. item, Pupillum omnia tutore auctore agere posse: l. 5. in fine. ff. eod. tt. item, Pupillum pati posse non intelligi: l. in eo. 1. o. §. pupillus. ff. eod. tt. item, Pupillum, qui proximus pubertati sit, capacem esse doli & furandi, & iniuria faciendae. l. pupillum. 111. in prin. ff. eod. tt. item, pupillum nec velle, nec nolle in ea aetate (nisi adposita tutoris auctoritate) credi: l. pupillus. 149. ff. eod. tt. Huc item pertinet restitutio in integrum minorem viginti quinque annis, & aliae exceptiones, quae ex minori aetate passim in iure sumuntur. Sed & ex maiori aetate exceptiones desumptae huc pertinent: vt, Maiores septuaginta annis à tutelis & munerib. vacare: l. 3. ff. de iure immunitatis: l. 2. in prin. ff. de excusat. tutor.*

*Postremo fortuna bona malae, & alia quae extra hominem sunt, non raro argumentandi materiam suppeditant. Sic à parentibus criminis laesae maiestatis damnatis, colligitur, in filijs idem crimen metuendum esse: l. 5. §. filij verò. C. ad l. Iuliam maiestatis. Hinc dici solet: Mali corui malum ouunt. Filij quoque aduocatorum extraneis in aduocationis dignitate iniungenda praeferruntur. l. 20. §. & filios. C. de aduocatis diuers. iud. ius quoque originis statuitur ex parentibus: l. 1. §. qui ex duob. ff. ad municipalem. Liberi quoque conditionem patris, non matris, exceptis spurij, sequi dicuntur: l. 19. & l. 24. ff. de statu hominum. Ad libertatem tamen vel inge-*

nuitatem probandam non sufficit habere patrem ingenuum, vel in honoribus constitutum: l. neque natales. C. de probationibus. A liberis argumentum immunitatis sumitur l. 5. & l. 6. C. de his qui numero liberorum se excusant. Ab origine natalium argumentatur Callistratus l. 4. §. de honoribus. ff. de muneribus. A natione argumentum sumitur l. quod si nolit. 31. §. qui mancipia. ff. de adilitio edicto. ubi Vlpianus: Plerumque (inquit) natio serui aut prouocat, aut deterret emptorem. præsumptum etenim est, quosdam seruos bonos esse: quia nationis sunt non infamatæ. quosdā malos videri: quia ea natione sunt, quæ magis infamis est. A patria & domicilio sumitur sorti præscriptio l. 2. C. de iurisdic. omnium iudicum: item excusatio à munerib. l. 1. C. quemadmodum ciuilia munera indicuntur. A diuitijs & paupertate sumitur argumentum in adrogationib. l. nec ei. 17. §. & primum quidem. ff. de adoptionib. item in muneribus & honoribus iniungendis, l. 4. §. inopes. & l. 14. §. de honoribus ff. de muneribus. item in tutelis, inst. de excusat. tutor. §. sed & propter. item in accusationibus aduersus personam accusatoris præscribitur, si minus habeat in bonis, quàm quinquaginta aureos, l. nonnulli. 10. ff. de accusationibus. item testis fides ob paupertatem vacillat, l. 3. in prin. ff. de testibus. A dignitate hominis argumentum sumitur, quod metus causa non sit gestum, l. non est. 23. ff. quod metus causa. item immunitatis

argumentum inde sumitur l. municeps. 23. in princ. ff. ad municipalem & l. ult. C. de excusat. tutor. A conditione & genere vite argumentamur: puta, Opprobrium esse clericis, si peritos se esse velint disceptationum forensium. l. 23. in fine. C. de testamentis. item, Seruos iure civili pro nullis haberi: l. quod attinet. 32. ff. de reg. iuris. item, Liberum peculium habere non posse, quemadmodum nec seruum bona: l. liber. 182. ff. de verb. signif. A vita antea & rebus gestis argumentum sumitur c. ex studijs. 3. c. mandata. 6. c. scribam. 9. & c. cum in iuuentute. 15. extra de presumptionib. c. semel malus. 8. de reg. iuris, in 6 Sed de locis personarum communibus exemplorum satis, quāquam plura etiam proponuntur infra eod. libr. vbi de facti questione disputanda agetur. Nunc aliquot etiam proponenda locorum specialium siue propriorum, eorum videlicet qui in aliquo officio sunt constituti.

A persona igitur constituentis sumptum argumentum proponitur l. nec mandante. 8. §. 1. ff. de tutoribus datis. vbi Vlpianus: Si Prætor (inquit) vel Præses provinciae in furore aut dementia constitutus dederit tutorem, nō putō valere: quamvis enim Prætor vel Præses sit, nec furor ei magistratum abroget: attamen datio nullius erit momenti. A modo, quo constitutus est tutor, exceptio sumitur l. 6. §. sub conditione. ff. de tutelis. vbi idem Vlpianus: Sub cōditione (inquit) non posse dari tutorem, placet: & si da-

tus sit, nullius momenti esse dationem. *Ab antecedētibz ordinationis excipitur aduersus personam aduocati l. nemini. 11. §. 1. C. de aduocatis diuersi iudicium. vbi Imp. Leo: Non aliter (inquit) consortio aduocatorum aliquis societur, nisi prius in examine Præsidis prouinciæ, ex qua oriundus est, præsentibus cohortalibus gesta confiant, &c. Ab officio personæ argumentatur Iulianus l. quidam. 21. in fine. ff. si certum petatur: Cum ad officium (inquiens) Prætoris pertineat lites diminuere, humanius videtur facturum, si compulerit actorem ad partē debiti, quæ offertur, accipiendam. Aliud argumentum ab officio proponitur l. altius. ff. si seruitus vendicetur. Vbi Vlpianus: Altius (inquit) curator vel tutor ædes extolliendo, vt luminibus domus minoris, cuius tutor vel curator est, officiatur, efficit vt ipse actione teneatur: quia quod alium faciētem prohibere ex officio necesse habuit, id ipse committere non debuit. Aliud exemplum habetur l. queritur. 14. §. 1. ff. de adilitio edicto. vbi Vlpianus: Si (inquit) mulier prægnans venjerit, inter omnes conuenit sanam esse eam. maximum enim & præcipuum munus fœminarum est, concipere ac tueri conceptum. A' priuilegio argumentatur Imp. Iustinianus l. generaliter. 40. C. de episcopis & clericis, dicens: Propter hoc ipsum beneficium immunitatis & clericis & monachis indul-*

gemus,



gemus, vt omnibus alijs relictis, Dei omnipotentis ministerijs inhæreant. *Huc pertinet regula iuris canonici, Beneficium dari propter officium. Ex his, quomodo à personarum locis tum communib. tum proprijs argumenta sumantur, pater. Nunc de rerum locis specialibus videndum.*

*A locis rerum specialibus.*

*A causa, ex qua res acquisita est, argumentatur* *Triphoninus l. si is qui. 63. §. quod si creditor. ff. de adq. rer. dom. dicens: Si creditor thesaurum in loco pignori accepto inuenerit, in alieno videbitur inuenisse. partem itaque sibi, partem debitori præstat: nec recepta pecunia restituet: quod iure inuentoris, non creditoris nomine ex thesauro apud eum permanfit. Aliud exemplum proponitur l. si adrogator. 22. §. sed an impuberi. ff. de adoptionibus. vbi Vlpianus: Adrogator (inquit) impuberi in quarta, quâ ex bonis eius consequitur, vsque ad pubertatem substituere potest. Cæterum si fidei eius committit, vt quandoque restituat: non oportet admitti fideicommissum. quia hoc non iudicio eius ad eum peruenit, sed principali prouidentia.*

*A persona eius, per quem res acquisita est, argumentatur* *Imp. Iustinianus l. ult. in fine. C. de vsufructu. Vt quia vsusfructus per filium familiâs patri sit acquisitus, morte patris vsusfructus non extinguatur, sed apud filium maneat.*

*A modo quo res acquiritur, ad modum amittendi argumentatur Paulus l. ferè. 195. ff. de regul. iuris. Vt eodem modo res amittatur, quo acquiritur. de quare dictum quoque suprà in loco A repugnantibus, reg. 12. ....*

*A causa & modo, quo res amittitur, & obligatio, pro qua pignus datum est, extinguitur, ad pignoris obligationem argumētatur Africanus l. cum quis. 38. §. fin. ff. de solutionib. Vt quamvis obligatio fideiussoria, pro qua pignus datum est, extincta sit, pignoris tamen obligatio duret: quia ex eo quòd debitor fideiussori heres extiterit, fideiussoria obligatio sit extincta. Hac de rerum locis specialibus.*

### *A locis actionum specialibus.*

*Locus actionum speciales siue peculiare diximus esse factorum circumstantias, ex quibus tum in iuris, tum in facti questionibus sapissime argumenta sumuntur. In iuris quidem questionibus exceptiones replicationes, duplicationes, & alias huiusmodi distinctiones suppeditant. de quare infrà ubi de exceptionibus inveniendis peculiariter tractabitur, nobis erit dicendum. In facti questionibus suppeditant præsumptiones facti, de quibus etiam infrà ubi de facti questione disputanda agetur, peculiariter tractabitur. Hic ergo in exemplis huiusmodi locorum enumerandis non erit immorandum: cum in dictis capitibus ea enumerandi melior occasio sit futura.*

## A locis compositi thematis specialibus.

*De locis igitur compositi thematis specialibus, quatenus ex ijs argumenta sumantur, per regulas & exempla nunc monstrandum est. Locos aurem compositi thematis speciales sex enumerauimus: videlicet thematis siue legis officium, rationem, verborum significationem siue declarationem, exceptiones, vltiorem descriptionem, & mutationem. Ab officio igitur legis argumentatur Iulianus l. 2. §. si quis nemine ff. ne quid in loco publico fiat, dicens: Si quis nemine prohibente in publico ædificauerit, non esse cogendum opus tollere: quia prohibitorium sit interdictum, non restitutorium. Aliud exemplum proponitur l. 2. §. verba. ibi: sed ita demum. ff. ad S. C. Velleian. vbi Vlpianus: ita demum (inquit) mulieribus subuenit Senatusconsultum, si non callidè sint versatæ: nam deceptis, non decipientibus opitulatur. Simile exemplum proponitur l. 2. C. si minor se maiorem dixerit, his verbis: Si is qui nunc minorem se adseuerat, fallaci maioris ætatis mendacio te deceperit: iuxta statuta iuris (cùm errantibus, non etiam fallentibus minoribus publica iura subueniant) in integrum restitui non debet. Aliud exemplum proponitur l. cum lex 2. ff. de legib. vbi ex eo, quod lex in præteritum quid indulgeat: colligitur, quod idem in futurum veter.*

## A ratione legis, vel alterius dispositionis.

*Huius loci regula prima hac est: Vbi eadem est ratio, ibi idem ius est constituendum. Et: Vbi diuersitatis ratio reddi nequit, ibi diuersum ius obseruandum non est. Quæ regula approbatur l. non possunt, 12. cum lege sequente. ff. de legibus, his verbis: Non possunt omnes articuli sigillatim aut legibus, aut senatusconsultis comprehendere; sed cum in aliquo casu sententia eorum manifesta est, is qui iurisdictioni præest, ad similia procedere, atque ita ius dicere debet. Nam (vt ait Pedius) quoties lege aliquid vnum aut alterum introductum est, bona occasio est & cætera, quæ tendunt ad eandem utilitatem, vel interpretatione, vel certa iurisdictione suppleri. Concordat l. ideoq. 27. ff. eod. tit. his verbis: Semper hoc legibus inesse credi oportet, vt ad eas quoque personas & ad eas res pertineant, quæ quandoque similes erunt. Concordat item l. deniq. 32. in prin. ff. eod. tit. his verbis: De quibus causis scriptis legibus non vtimur, id custodiri oportet, quod moribus & cōsuetudine inductum est: & si qua in re hoc defecerit, tunc quod proximum & consequens est. Sic ad similitudinem inofficiosi testamenti introducta est querela inofficiosa donationis, l. vlt. C. de inoffic. donat. Item ad exemplum actionis de seruo corrupto recepta est actio de filio-*

filiofamiliâs corrupto, l. vt tantum. 14. §. 1. ff. de ser-  
uo corrupto. cuius verba vide suprâ in loco A repa-  
gnantibus, reg. 7. except. 5. Aliud exemplum propo-  
nitur l. 3. §. fin. ff. de constituta pecunia. vbi Vlpia-  
nus; Si is (inquit) qui iure ciuili & prætorio de-  
bebat, in diem sit obligatus, constituendo te-  
netur cōstituta pecunia: quia vel propter has  
potissimùm pecunias, quæ nondū peti pos-  
sunt, constituta inducta est. Aliud exemplum  
proponitur l. de quibus. 30. §. inueterata. ff. de legib.  
vbi Iulianus probaturus inueteratam consuetudi-  
nem pro lege custodiendam, argumentatur à ratio-  
ne seu causa legum, quæ eadem sit in consuetudine,  
scilicet consensu populi. Ait enim: Cum ipsæ le-  
ges nulla ex alia causa nos teneant, quâ quòd  
iudicio populi receptæ sunt: meritò & ea quæ  
sine vilo scripto populus probauit, tenebunt  
omnes, nam quid interest, suffragio populus  
voluntatem suam declaret, an rebus ipsis &  
factis? Aliud exemplum proponitur l. illud quæsi-  
tum. 32. in princ. ff. ad l. Aquiliam. vbi Caius: Illud  
quæsitum est (inquit) an quod proconsul in  
furto obseruat, quod à familia factum sit, id  
est, vt nō in singulos detur pœnæ persecutio,  
sed sufficiat id præstari, quod præstandum  
foret, si id furtum vnus liber fecisset: debeat  
& in actione damni iniuriæ obseruari? Sed  
magis visum est, idem esse obseruandum: &  
meritò. Cum enim circa furti actionem hoc

idem sit, ne ex vno delicto tota familia dominus careat, eaque ratio similiter & in actione damni iniuriæ interueniat: sequitur, ut idem debeat æstimari: præsertim cum interdum leuior sit hic causa delicti: veluti si culpa & non dolo damnum daretur. *Aliud exemplum proponitur l. si postulauerit. 27. §. ratio autem. ff. ad l. Iul. de adulterijs. vbi cum lege cautum esset, seruos contra dominos tortos publicandos esse, ut si ne vllō metu verum dicerent: subiicit Vlpianus: Sed et si negauerint (inquiens) nihilominus publicantur: ratio enim adhuc eadem est: ne dum sperant se in potestatem dominorum reuersuros, si negauerint, spe meriti collocandi in mendacio perseuerent. Aliud exemplum habetur l. quadam. 9. §. numularios. ff. de edendo. vbi Paulus: Numularios quoque (inquit) non esse iniquum cogi rationes edere, Pomponius scribit: quia & hi, sicut argentarij, rationes conficiunt: & quia accipiunt pecuniam & erogant per partes, quarum probatio scriptura codicibusque eorum maximè continetur. Aliud exemplum proponitur l. vnica, in prin. ff. de bonorum possess. ex testam. militis, vbi Vlpianus: Non dubium est (inquit) quin debeant voluntates ratæ esse eorum qui in hostico suprema iudicia sua quoquo modo ordinassent, ibidemq; diem suū obijssent. quam enim distet conditio militum ab his perso-*

personis, quas constitutiones principales se-  
parant : tamen qui in procinctu versantur,  
cum eadem pericula experiantur, iura quo-  
que eadem meritò sibi vindicant. *Aliud exem-  
plum proponitur l. à Titio. 108. ff. de verb. oblig. vbi  
Venuleius : A' Titio (inquit) ita stipulatus sum :*  
*Si qua mihi nupserit, decem dotis eius no-*  
*mine dare spondes?* querebatur, an consistat  
talis stipulatio? Respondi: Si stipulanti mihi  
dos ita promissa est, Quamcunque vxorem  
duxero, dotis eius nomine centū dare spon-  
des? nihil in causa est, quare ea pecunia con-  
ditione impleta non debeatur. Nam cum  
conditio etiam ex incertæ personæ facto pá-  
rere obligationem possit: veluti, Si quis in  
capitolium ascenderit, decem dare spondes?  
vel, Si quis decem à me petierit, tot dare  
spondes? cur non idem & in dote promissa  
respondeatur, ratio reddi non potest. *Aliud  
exemplum habetur l. cum mulier. 47. ff. soluto ma-*  
*trimonio. vbi Scauola: Cum mulier (inquit) vi-*  
*ri lenocinio adulterata fuerit, nihil ex dote*  
*retinet. Cur enim improbet maritus mores,*  
*quos ipse aut antè corrupit, aut postea pro-*  
*bauit? Sed & si ex mente legis sumat quis, vt*  
*nec accusare possit, qui lenociniū vxori præ-*  
*buit: audiendus est. Aliud exemplum habetur In-*  
*stitut. quod cum eo qui in aliena potestate est, &c.*  
*§. eadem ratione, in fine. vbi Imp. Iustinianus: Ex-*  
*ercitoriam (inquit) & Institoriam actionem*  
*prætor*



prætor reddit, etsi liberum quis hominem aut alienum seruum naui, aut tabernæ, aut cuilibet negociationi præposuerit: scilicet quia eadem æquitatis ratio etiam eo casu interueniat. *Sed & plura proposita regule exempla vide supra in loco A comparatis: item in loco A repugnantibus, reg. 7. except. 3. & 5. In summa, quoties deficientibus verbis legis, ex mente eius utilis datur actio vel exceptio, exemplum proposita regule dicere possumus. Proinde ad eam etiam confirmandam pertinet l. quia. 11. ff. de præscriptis verbis. vbi Pomponius: Quia (inquit) actionum nō plenus numerus est, ideo plerunq; actiones in factum desiderantur. Sed & eas actiones, quæ legibus proditæ sunt, si lex iusta & necessaria sit, supplet prætor in eo quod legi deest: quod facit in lege Aquilia, reddendo actiones in factum accommodatas legi Aquiliæ: idque utilitas eius legis exigit. Concordat l. quoties. 22. ff. eod. tit. vbi Vlpianus: Quoties (inquit) deficit actio vel exceptio, utilis actio vel exceptio danda est. Planè aduersus regulam primæ exceptionis loco notandum, quod hæc facultas, qua leges ad alios casus, quam quorum leges sunt, extenduntur, & utiles actiones vel exceptiones ex ratione legis introducuntur, non cuius facile sit permittenda, sed ei salū, qui cū imperio sit, competat. quemadmodū d. l. 11. Pomponius ait: Supplet Prætor, &c. Ideoq; ei qui priuatus est, vel simplicem iurisdictionem*

nem habet, hac extendendi potestas denegatur. Huc pertinet quod l. si verò. 64. §. de viro. ff. soluto matrimonio, Vlpianus ait: In quibus (dicens) casibus lex deficit, non erit nec utilis actio danda. Accedit l. 2. §. sed quia diuina. C. de vetere iure enucleando. vbi Imp. Iustinianus: Quia (inquit) diuinæ res quidem perfectissimæ sunt, humani verò iuris cōditio semper in infinitum decurrit, & nihil est in eo quod stare perpetuò (multas etenim formas edere natura nouas deproperat) non desperamus, quædam postea emergi negocia, quæ adhuc legum laqueis non sunt innodata. Si quid igitur tale contigerit, Augustum imploretur remedium: quia ideo Imperialem fortunam rebus humanis Deus præposuit, vt possit omnia quæ nouiter contingunt, & emendare, & componere, & modis ac regulis competentibus tradere. Et hoc non primùm à nobis dictum est, sed ab antiqua descendit prosapia: cum & ipse Iulianus legū & edicti perpetui subtilissimus conditor suis libris hoc retulerit, vt si quid imperfectum inueniatur, ab Imperiali sanctione repleatur. Et hoc non ipse solus, sed & diuus Hadrianus in compositione edicti, & senatusconsulto, quod eam secutum est, hoc apertissimè definiuit, vt si quid in edicto positum non inueniatur, hoc ad eius regulas, eiusque coniecturas & imitationem

tationes possit noua instruere autoritas. Cōcordat d. l. 2. §. si quid verò. vbi idem Imp. Si quid (inquit) vt suprà dictum est, ambiguum fuerit visum, hoc ad Imperiale culmen per iudices referatur, & ex autoritate Augusta manifestetur, cui soli leges condere & interpretari concessum est. Sed & plures leges concordantes vide Digestor. meor. lib. 1. c. 5. quæst. 2. Huius exceptionis replicationes vide infrà eod. lib. cap. De thesi disputanda. Altera proposita regula exceptio est: Nisi argumento ex regula proposita sumpto alia lex specialis repugnaret: hoc enim casu, quemadmodum aliàs quoq, plus valebit lex, quàm ratio. Minus enim authoritatis est in argumentis, quàm in legibus: cum ex legibus ius sumatur, ex argumentis, quod nihil aliud sunt quàm regula, ius non sumatur: l. 1. ff. de reg. iuris. Accedit Turz. reg. 106. Baptist. à Villalob. in litera C. num. 186. Proinde si quis ius pactorum, quod ideo valet, quia quod semel placuit, amplius displicere non potest, l. 1. in prin. ff. de pactis: ad ius testandi transferre velit, vt quia semel placuit aliquem heredem scribi, amplius mutare voluntatem & alium heredem instituere testator non possit: non est audiendus, quoniam specialis lex hoc casu potestatem mutanda voluntatis permittit, & testamento posteriore prius rumpit: Instit. quibus modis test. infir. §. posteriore. Similiter si quis in pacto pupilli, quod sine tutoris authoritate fecit, ius pactorum obseruare velit, ne liceat pupillo pœnitere: quia

quia eadem fit ratio in pacto pupilli, qua & in alijs pactis: sine dubio multum erraret. quia lex specialis pacta pupillorum excepit, l. contra iuris. 28. in prin. ff. de pactis. Sed & aliud proposita exceptionis exemplum habetur l. ult. C. de interdicto matrim. his verbis: Si quis pro tutore vel curatore negotia pupillae administraverit, eamq; sibi vel filio suo copulauerit: tales nuptias stare, & non ad exemplum tutorum infirmari sancimus, nec ex huiusmodi subtili vel maligno tractatu, &c. Plura de hac re vide infra except. 9. Tertia exceptio est: Nisi ex ratione vnius legis alia lex, qua simpliciter loquitur, distinguatur: nam & hoc casu non procedit argumentum iuxta regulam vulgarem, qua dicitur, Vbi lex non distinguit, ibi nec nos distinguere debere: de qua infra dicitur in thesi disputanda. Planè proposita exceptionis replicatio prima hac est: Nisi id quod minus licere videtur, propter rationem aliquam lege sit permissum, vel statutum: hoc enim casu alia lex in casu, quo magis licere videtur, ex eadem ratione distingui potest, exemplo l. nec in ea. 22. §. sed qui occidere ff. ad l. lul. de adulterijs vbi Vlpianus: Qui (inquit) occidere potest adulterum, multo magis contumelia poterit eum iure adficere. Hic actio iniuriarum ex contumelia distinguitur per rationem alterius legis lata in causa homicidij. Altera replicatio est: Nisi lex altera, qua distinguitur, iudici permiserit causa cognitionem: hoc enim casu iudex

causa

causa cognita pro suo arbitrio, eam legem, qua nihil  
 certi definit, sed causam ipsius arbitrio permisit, ex  
 ratione alterius legis distinguere potest, per ea quæ  
 infra de causis arbitrarijs lib. prox. dicentur. Tertia  
 replicatio est: Nisi causa distinctionis sit fauorabilis:  
 hoc enim casu admitti potest distinctio ex ratione  
 alterius legis, exemplo l. cetera. 41. §. sed & si quis.  
 ff. de leg. 1. ubi cum legari prohibita essent ea quæ  
 adibus iuncta sunt, Paulus distinguit hoc modo, Nisi  
 ad opus reipub. faciendum sint legata: idq; à casu  
 simili. Nam ait Imp. Severus constituisse, eos qui  
 reipub. ad opus promiserunt, posse quid detrahere  
 ex adibus suis, eoq; ad id opus uti. Quarta replicatio  
 est: Nisi in vno relatiuorum quid sit cautum vel sta-  
 tutum, cuius ratio in altero quoq; sit eadem. hoc enim  
 casu lex alterius correlatiui per eandem rationem  
 distinguere potest, secundum ea quæ proposita sunt  
 supra in loco A repugnantibus, reg. 3. Quinta repli-  
 catio est: Nisi Imperator vel alius, penes quem le-  
 gum ferendarum potestas est, per rationem vnius  
 legis alteram distinxerit. Nam cuius est ferendi le-  
 ges ac mutandi, eidem etiam interpretandi & di-  
 stinguendi leges potestas non denegatur: l. ult. §.  
 cum igitur & hoc. C. de legibus. Sexta replicatio  
 est: Nisi euidentis æquitas, qua nullam admittat du-  
 bitationem, distinctionem suaserit: hoc enim casu  
 admitti potest. de quo dicetur infra, ubi de thesi di-  
 sputanda agetur. Hec de tertia exceptione cum suis  
 replicationibus sint dicta: de qua tamen vide plura  
 apud

apud Euerhard. in loco A' ratione legis, in secundo casu in principali. item apud eundem in loco A simili. Quarta exceptio est: Nisi quid contra rationem iuris receptum est: hoc enim ad similes casus extendendum non est. Quae exceptio approbatur l. quod contra. 183. ff. de reg. iuris, his verbis: Quod contra rationem iuris receptum est, non est producendum ad consequentias. Concordat ysdem verbis l. quod verò. 14. ff. de legibus. Sed & concordat l. quod non. 39. ff. d. tt. his verbis: Quod non ratione introductum est, sed errore primum, deinde consuetudine obtentum, in alijs similibus non obtinet. Cuius exemplum est apud Baptist. à Villalob. in com. opin. in litera C. nu. 178. Sanè hoc ius, quod contra tenorem rationis propter aliquam utilitatem introductum est, singulare appellatur, in quo non possumus sequi regulam iuris: l. in his. 15. cum sequente. ff. de legib. Huius generis sunt ea quae propter necessitatem recepta sunt, item constitutiones personales: de quibus in sequentibus exceptionibus dicetur. Sed & huc pertinent consuetudines contra ius cõmune introducta. Ideo q̃ si cognatus defuncti alios eiusdem gradus cognatos à successione defuncti in yjs bonis, quae quondam à parente suo ad defunctum pervenerint, excludere desideret ratione consuetudinis retractus, quae ideo introducta est, ne bona avita extra familiam alienentur: hunc puto exceptione proposita repellendum esse; quia dicta consuetudo contra legem

*Undum. C. de contrah. empt. videtur introducta. Planè exceptiones quæ optima ratione auctoritate legis introductæ sunt, quamvis in ijs non possimus sequi regulam siue ius, cuius exceptiones sunt, tamen ad similes casus trahi posse, multis exemplis constat. Sic exceptio aduersus nuptias introducta, qua tutor pupillam filio suo nuptum collocare prohibetur, ad nepotem quoq; trahitur: l. senatusconsulto. 60. ff. de ritu nuptiarum. vbi Paulus: Senatusconsulto (inquit) quo cautum est, ne tutor pupillam vel filio suo, vel sibi nuptum collocet, etiam nepos significatur. Sic exceptio, qua militum testamenta à solenni testamentorum iure eximuntur, ad eorum quoq; testamenta, qui in hostico moriuntur, quamvis milites nō sint, extenditur, vt superioribus ostensum est. Huc item pertinet quod supra dictum est, Quoties deficeret exceptio, vtilem exceptionem dandam esse: vt quemadmodum ex ratione directæ actionis datur actio utilis, ita quoq; ex ratione exceptionis directæ exceptio utilis danda sit. Quinta exceptio est: Nisi propter necessitatem lex sit lata: hæc enim ad similes casus producenda non est. Quæ exceptio præcedētis exceptionis species est, & approbatur l. quæ propter. 122. ff. de reg. iuris. vbi Paulus: Quæ (ait) propter necessitatem recepta sunt, non debent in argumentum trahi. Huius exemplum proponitur l. item quamvis. 10. §. 1. ff. communi diuidendo. vbi cum inter aliquos vsus rei diuidendus est, dicitur vni vsum in solidum adiu-*



dicari posse, eumq; alteri in certam pecuniam condemnari: quod in argumentū trahi nō debere, quasi vsuarius vsum rei vendere vel locare possit, & ita non solum vti, sed etiam frui re debeat: quia (inquit Iurisconsultus) hoc propter necessitatem fit. Sexta exceptio est: Nisi constitutio sit personalis, seu privilegium. nam & hac in exemplum trahi non debet. Quæ exceptio approbatur Instit. de iure naturali. §. sed & quod. vbi Imp. Iustinianus: Planè (inquit) ex constitutionibus principum quædam sunt personales, quæ nec ad exemplum trahuntur: quoniam non hoc princeps vult. Nam quod alicui ob meritum indulget, vel si quam pœnam irrogauit, vel si cui sine exemplo subuenit, personam non transgreditur. Concordat iisdem verbis l. 1. in fine. ff. de constitutionibus. Item concordat l. in omnibus. 68. ff. de reg. iur. vbi Paulus: In omnibus (inquit) causis id obseruatur, vt vbi personæ conditio locum facit beneficio: ibi deficiente ea, beneficium quoque deficiat. vbi verò genus actionis id desiderat: ibi ad quemuis persecutio eius deuenerit, non deficiat ratio auxilij. Concordat item l. 3. §. fin. C. de legibus. his verbis: His quæ specialiter quibusdam concessa sunt ciuitatibus, vel prouincijs, vel corporibus, ad generalitatis obseruantiam non pertinentibus. Septima exceptio est: Nisi res sit inter certas personas iudicata vel decreta. nā & hac ad similes

casus producenda non est. Quæ exceptio approbatur  
*l. nemo. 13. C. de sententijs & interlocut. vbi Imp.*  
*Iustinianus* : Nemo (inquit) iudex vel arbiter  
 existimet neque consultationes, quas non  
 ritè iudicatas esse putauerit, sequendum, &  
 multo magis sententias eminentissimorum  
 præfectorum, vel aliorum procerum. Non  
 enim si quid non bene dirimatur, hoc & in  
 aliorum iudicum viciū extendi oportet :  
 cum non exemplis, sed legibus iudicandum  
 sit: nec si cognitionales sint amplissime præ-  
 fecturæ, vel alicuius maximi magistratus  
 sententiæ : sed omnes iudices nostros veri-  
 tatem & legum, & iusticiæ sequi vestigia  
 sancimus. Aliud exemplum proponitur *l. si pupil-  
 lorum. 7. §. si prætor. ff. de reb. minor. vbi cauetur,*  
*quòd decretum etiam inter easdem personas ad a-*  
*lium casum transferri non possit.* Verba eius vide  
*suprà in loco A comparatis, reg. 3.* Planè propositæ  
 exceptionis replicatio prima hæc est : Nisi Impera-  
 tor sententiam inter aliquos tulerit : hæc enim sen-  
 tentia ad alios similes casus trahi potest. Quæ re-  
 plicatio approbatur *l. vltima, in princ. C. de legi-*  
*bus. vbi idem Imp. Iustinianus* : Si (inquit) impè-  
 rialis maiestas causam cognitionaliter exa-  
 minauerit, & partibus cominus constitutis  
 sententiam dixerit : omnes omnino iudices,  
 qui sub nostro Imperio sunt, sciant hoc esse  
 legem non solum illi causæ, pro qua produ-  
 cta est,

ta est, sed omnibus similibus. Quid enim maius, quid sanctius est Imperiali maiestate? vel quis tantę superbix fastidio tumidus est, vt regalem sensum contemnat? cum & veteris iuris conditores constitutiones, quę ex Imperiali decreto processerunt, legis vicem obtinere, apertę dilucideque definiunt. *Huius replicationis duplicatio est: Nisi non more solenni Imperator fuerit interlocutus. Quę duplicatio videtur approbari l. 3. in fine. C. de legibus. vbi Imp. Theodosius & Valentinianus; Interlocutionibus (inquiunt) quas in vno negotio iudicantes protulimus, vel postea proferemus, non in commune pręiudicantibus. Quamquam hac videri possunt per d. l. vlt. esse correctā. & videtur duplicatio proposita reprobanda potius, quam approbanda: cum etiam rescripta Imperatorum inter certas personas emissā, pro iure soleant allegari, & ad similes casus produci. Sic enim Inst. de iure natur. §. sed & quod. Imp. Iustinianus: Quodcunq; (inquit) Imp. per epistolam constituit, vel cognoscens decreuit, vel edicto pręcepit, legem esse constat. Altera proposita exceptionis replicatio est: Nisi sæpius in causis similibus similiter sit iudicatum. Quę replicatio approbatur l. nam Imp. 37. ff. de legibus. vbi Paulus: Imperator (inquit) noster Severus rescripsit in ambiguitatibus, quę ex legibus proficiscuntur, consuetudinē, aut rerum perpetuò similiter iudi-*

catarum auctoritatem vim legis obtinere debere. *Octaua exceptio videtur: Nisi ex ratione veteris legis ad legem nouam, vel contrà à ratione nouæ legis ad veterem interpretandam argumentum sumatur. Sed hæc exceptio reprobatur l. non est nouum. 25. cum duabus legibus sequentibus. ff. de legibus. his verbis: Non est nouum, vt priores leges ad posteriores trahantur. Ideo quia antiquiores leges ad posteriores trahi vñtatum est, & semper quasi hoc legibus inesse credi oportet, vt ad eas quoq; personas, & ad eas res pertinerent, quæ quandoq; similes erunt. Sed & posteriores leges ad priores pertinent, nisi contrariæ sint: idq; multis argumentis probatur. Exempla harum legum proposui in meis Digest. lib. 1. cap. 5. quæst. 3. reg. 5. & 6. quod breuitatis causa lectorem remitto. Planè si quis ex ratione posterioris legis ad priorem legem non tam declarandam, quàm in totum tollendam argumentari velit, cum directis verbis mutata non sit, vel sublata: hoc casu regula proposita cessat. neque enim priores leges argumentis, sed legibus nominatim vel per desuetudinẽ tacitè mutari debent ac tolli. quod nonæ exceptionis loco notandum. Quæ exceptio approbatur l. sancimus. 27. in prin. C. de testam. vbi Imp. Iustinianus: Quod (inquit) non mutatur, cur stare prohibeatur? Concordat Nouell. c. 20. §. fin. vbi idem Imp. Quoniam (inquit) nihil penitus innouatum est, veterem obseruamus formam*

formam: quemadmodū & in omnibus alijs, quæ innouata non sunt. Sed & l. precipimus. 32 § fin. C. de appellationibus, Impp. Theodosius & Valentinianus: Quidquid (aiunt) hac lege specialiter non videtur expressum, id veterum legum constitutionumque regulis omnes relictum intelligant. Accedit & argumentum hoc, Quodd cum nihil tam naturale sit, quàm eo genere quodq; dissoluere, quo colligatum est, l. nihil. 35. ff. de regulis iuris: & leges non tam rationibus, quàm auctoritate legulatorum introducantur, & valeant: absurdum sit, legem auctoritate eorum, qui cum imperio sunt, introductam, nuda ratione mutari. Cum ergo l. ult. C. de sacrosanctis Ecclesijs, priuilegium concedatur non Ecclesijs solum, sed & ciuitatibus, vt earum actiones non nisi centum annorum prescriptione tollantur, & constitutio ista nominatim, quoad Ecclesias, mutetur Nouell. c. iij. nulla ciuitatum mentione facta: glossa & Doctores ratione propositæ exceptionis existimant, istam mutationem ad priuilegium ciuitatibus concessum extendi non posse: quamuis eadem vel maior ratio sit mutandi priuilegij ciuitatum, quàm Ecclesiarum. Planè mutata ratione legis, ipsa quoq; lex, cuius ratio fuit, mutata censetur: quod prima replicationis loco notandum. de qua re dicitur infra reg. 3. Altera replicatio est: Nisi euidenter constet de mente legislatoris, mutationem etiam ad aliam legem ex eadem ratione extendi volentis: hoc enim casu

valebit argumentum à ratione legis ad aliam legem tollendam, propter voluntatem scilicet ipsius legislatoris. Cuius exemplum proponitur l. 3. in prin. C. de indicta viduitate. vbi Imp. Iustinianus: Legem (inquit) Iuliam Miscellam quemadmodum in foeminis sustulimus, ita & in masculis esse sublatam, pertinere quidem ad sensum nostræ legis, quam super hoc promulgauimus, non est incertum. Ne tamen quædam ambiguitas simplices animos moueat, etiam expressim sancimus, legem Iuliam Miscellâ, & senatusconsultû, quod circa eam factum est, necnon Mutianam cautionem, quæ super talibus nuptijs introducta est, non solum in foeminis, sed etiam in masculis cessare. Tertia replicatio est: Nisi per modum cause alia quoque lex simul sit mutata: vbi l. 3. in princ. C. de edicto diui Hadriani coll. Imp. Iustinianus: Edicto (inquit) Diui Hadriani, quod sub occasione vicesimæ hæreditatum introductû est, cum multis ambagibus & difficultatibus, & indiscretis narrationibus penitus quiescente: quia vicesima hæreditatis à nostra discessit republica, &c. Ex ratione hic subiecta licet argumentari, legem de vicesima hæreditatis parte fisco dependēda sublatâ esse: quoniam in mutatione edicti diui Hadriani hoc rationis loco ponitur. Quarta replicatio est: Nisi mutatio sit facta in principali: hoc enim casu accessorium quoq; mutatû censetur, exemplo

exemplo iam proposito, hisce verbis: Cum multis ambagibus & difficultatibus, & indilcreis narrationibus. item alijs verbis, quæ in eadem lege ponuntur, hisce nimirum: Antiquatis nihilominus & alijs omnibus, quæ circa repletionem, vel interpretationem eiusdem edicti promulgata sunt. Hac de nona exceptione, eiusq; replicationibus sint dicta. Sed & plures huiusmodi replicationes partim necessarias, partim probabiles licet colligere ex locis suprâ propositis. Nam & mutatione facta generis, eadem ratione simul etiam mutata censentur species: & mutata materia, simul etiam censetur mutata forma. Ideoq; cum servitus hominum hodie sit sublata, simul censetur sublatae leges, quæ formam huic iuri dederunt. Sic mutatione facta in vno correlatiuorum, eadem ratione ius alterius censetur mutatum: vt paulò superius repl. 2. exemplo mariti & vxoris ostensum est. Sed ex huiusmodi replicationibus quadam probabiles tantum sunt, non necessariae. ideoq; arbitrio iudicis sunt relinquenda, vt infra suo loco docebitur. Decima exceptionis loco notandum, quod quidam à proposita regula excipiant etiam leges siue constitutiones pœnales, quas ad alios casus, quam quorum sunt, extendi nolunt. de qua exceptione cum alijs pluribus vide M. I. R. lib. 1. c. 1. reg. 1. in fine.

II. Regula: Cessante legis ratione, cessat lex. Sen ratio legis, vel alterius dispositionis, ipsam legem a-



*nam restringit atq; distinguit. Quare regula approba-*  
*tur l. non dubium. s. in princ. C. de legib. vbi Impp.*  
*Theodos. & Valent. Non dubium est (aiunt) in*  
*legem committere eum, qui verba legis am-*  
*plexus contra legis nititur voluntatem: nec*  
*pœnas insertas legibus euitabit, qui se cōtra*  
*iuris sententiam læua prærogatiua verborū*  
*fraudulenter excusat. Huc pertinet regula hac,*  
*Quòd mens potius quàm verba sint spectanda. de*  
*qua alibi dicitur. Huius exemplum proponitur l.*  
*adigere. 6. §. quamuis. ff. de iure patronatus. Vbi*  
*cūm pœna statuta esset in patronum, qui iureiu-*  
*rando adigeret libertum suum, ne liberos tolleret,*  
*Paulus: Quamuis (inquit) nulla persona lege*  
*excipiatur: tamen intelligendum est, de his*  
*legem sentire, qui liberos tollere possunt.*  
*Itaq; si castratum libertum iureiurando quis*  
*adegerit: dicendum est, non puniri patronū*  
*hac lege. Aliud exemplum proponitur l. quod ait.*  
*11. §. ait lex. ibi: etenim ff. de duortys. vbi Vlpianus:*  
*Meminisse (inquit) oportet, ideo libertæ adi-*  
*mi cum alio connubium: quia patronus sibi*  
*nuptam cupit. Vbicunq; igitur vel tenuis in-*  
*tellektus videri potest patroni nolentis nu-*  
*ptam: dicendum est, iam incipere libertæ cū*  
*alio esse connubium. Aliud exemplum proponi-*  
*tur l. milites. 13. in prin. ff. de re militari. Vbi Macer:*  
*Milites (inquit) prædia comparare prohiben-*  
*tur in ea prouincia, in qua bellica opera per-*  
agunt:

agunt: scilicet ne studio culturæ militiæ sua auocentur. Et ideo domum comparare non prohibentur. Sed & agros in alia prouincia, comparare possunt. Aliud exemplum habetur l. cum pater. 79. §. dulcissimis. ff. de leg. 2. Vbi mater testatrix alloquitur filium: Dulcissimis (inquiēs) fratribus meis, auunculis tuis, quæcunq; mihi supersunt in Pamphilia, Lycia, vel vbicūq; de maternis bonis concedi volo: ne quam cum his cōtrouersiam habeas. Papinianus interpretis horum verborum: Omnia (inquit) corpora maternæ hæreditatis, quæ in eadem causa dominiij manserunt, ad voluntatem fideicōmissi pertinet. Ex eisdem igitur facultatibus percepta pecunia, & in corpus propriij patrimonij versa: itē iure diuisionis res propriæ factæ nō præstabuntur: cū discordijs propinquorum sedandis prospexerit, quas materia cōmunionis solet excitare. Hic Iurisconsultus verba generalia restringit ad communia bona tantū, & excipit ea quæ communia esse desierūt: idq; propter rationē adiectā, quæ in his cessat. Aliud exemplū proponitur Inst. de nuptijs. §. inter eas quæque ibi: sed si qua. vbi Imp. Iustin. Si qua (ait) per adoptionem soror tibi esse cœperit, quamdiu quidem constat adoptio: sanè inter te & eam nuptiæ cōsistere non possūt. Cum verò per emancipationē adoptio sit dissoluta, poteris eā vxorē ducere. Aliud exemplū proponitur Inst.

*Inst. de eo cui libertatis causa. §. hac constitutio. vbi Imp. Iustinianus*: Hæc constitutio (*inquit*) libertatum tuendarum causa introducta est. Ergo si libertates nullæ sunt datæ, cessat hæc constitutio. *Aliud exemplum proponitur l. si ita. 97. §. 1. ff. de verb. oblig. Vbi Celsus*: Possum (*inquit*) utiliter à te ita stipulari: Nomine Titij tibi mihi soluturum spondes? Sed ex ea stipulatione, dum interest mea, agere tecum possum. Et ideo si locuples sit Titius: nihil ex hac stipulatione cōsequi possum. quid enim mea interest id à te fieri, quod etsi non feceris, æquè saluam pecuniam habiturus sum? *Aliud exemplum proponitur l. quod dictum. 12. ff. de pactis. vbi Paulus*: Quod dictum est (*inquit*) si cum reo pactum sit ut non petatur, fideiussori quoque competere exceptionem: propter rei personam placuit, ne mandati iudicio cōueniatur. Igitur si mandati actio nulla sit (forte si donandi animo fideiussert) dicendum est, non prodesse exceptionem fideiussori. *Aliud exemplum proponitur l. ult. ibi: filijs enim. C. de naturalibus liberis. vbi Imp. Iustinianus*: Filijs (*inquit*) naturalibus relinqui constitutiones quantum voluerint, ideo prohibuerūt, quia viciū paternum frenandum esse existimauerunt: in nepotibus autem non eadem obseruatio in præfatis speciebus custodienda est. *Aliud exemplum proponitur l. generaliter. 40.*

*C. de episcopis & clericis. vbi Imp. Iustinianus, clericus data immunitate, subjicit: Eos (inquiēs) clericos & monachos huiusmodi habere beneficium sancimus, qui apud sacrosanctas ecclesias vel monasteria permanent, non deuagantes, neque circa diuina ministeria desides: cum propter hoc ipsum beneficium eis indulgemus, vt omnibus alijs relictis, Dei omnipotentis ministerijs inhæreant. Est insuper proposita regule species l. quod fauore. 6. C. de legib. vbi Imp. Theodos. & Valent. Quod fauore (inquiunt) quorundam constitutum est, quibusdam casibus ad læsionem eorum nolimus inuentum videri. Huic concordat l. nulla. 25 ff. eod. tr. vbi Modestinus: Nulla (inquit) iuris ratio, aut æquitatis benignitas patitur, vt quæ salubriter pro vtilitate hominum introducuntur, ea nos duriore interpretatione contra commodum ipsorum producamus ad seueritatem. Huius exemplum proponitur l. 3. §. diuus etiam Hadrianus ff. de Carboniano editto: vbi Vlpianus: Diuus (inquit) Hadrianus ita rescripsit: Quod in tempus pubertatis res differri solet, pupillorum causa sit, ne de statu periclitetur, antequàm se tueri possint. Cæterum si idoneos habeant à quibus defendantur, & tam expeditam causam, vt ipsorum interfit maturè de eo iudicari, & tutores eorum iudicio experiri volunt: non debet aduersus pupila*

pupillos obseruari, quod pro ipsis excogitatum est: & pendere status eorum, cum iam possit indubitatus esse. *Aliud exemplum proponitur l. non eo. 14. C. de procuratorib. his verbis: Nō eo minus sententia aduersus te lata iuris ratione subsistit, quod aduersaria tua minor viginti quinque annis cōstituta, causam suam marito sine curatore agendam mandauit. Minoribus etenim ætas in damnis subuenire, non in rebus prosperè gestis obesse consuevit. Huic concordat Inst. de author. tutor. in princ. his verbis: Placuit quidē meliorem conditionē licere pupillis facere etiā sine tutoris auctoritate: deteriores verò nō aliter, quàm cum tutoris auctoritate. Aliud proposita regula exemplū habetur l. ult. ff. de testam. tutela. Vbi Scauola: Cū (inquit) codicillis ideo alios se tutores dare significasset, quoniam testamento datos quosdam defunctos, aut excusationē habere posse comperisset: nihilominus qui eorum viuerent, nec excusati essent, tutores permānēt. Aliud exemplum proponitur l. ex facto. 41. in prin. ff. de vulg. & pup. substit. vbi Paulus: Ex facto (inquit) quæritur: Qui filium habebat mutū puberē, impetrauit à principe, vt muto substituere ei liceret, & substituit Titium. Mutus duxit vxorem post mortem patris, & nascitur ei filius. quæro, an rumpatur testamentum? Respondi: Beneficia quidem principalia*

lia ipsi principes solent interpretari. Verum voluntatem Principis inspicientibus potest dici, eatenus id eum tribuere voluisse, quatenus filius eius in eadem valetudine perseverasset: ut quemadmodum iure civili pubertate finitur pupillare testamentum, ita princeps imitatus sit ius in eo qui propter infirmitatem non potest testari. nam & si furiosi filio substituisset: diceremus, desinere valere testamentum, cum resipuisset: quia iam posset sibi testamentum facere. Etenim iniquum incipit fieri beneficium Principis, si adhuc id valere dicamus: auferetur enim testamenti factio homini sanæ mentis. Igitur etiam adgnatione sui hæredis dicendum est rumpi substitutionem: quia nihil interest, alium hæredem institueret ipse filius postea, an iure habere coeperit suum hæredem: nec enim aut patrem aut principem de hoc casu cogitasse verisimile est, ut eum qui postea nasceretur, ex hæredaret. nec interest, quemadmodum beneficium principale intercedat circa testamenti factionem, utrum in persona unius, an complurium. *Plura proposita regula exempla vide supra in loco A causa efficiente, reg. 6. item A causa finali, reg. 1. item in loco A repugnantibus, reg. 7. Nunc proposita regula aliquot exceptiones videamus. Prima eius exceptio est: Nisi impulsiva, non finalis causa cesset: hoc enim casu nihilominus cessat lex, vel dispositio, exemplo l. 1. §. sexum. ff. de postu-*

postulando. vbi quamuis Calphurnia improbiſſimâ  
 fœmina dederit causam ſiue occaſionem edicto, ne  
 mulieres pro alijs poſtularent: tamen obtinet edi-  
 ctum illud etiam in probis mulieribus. Aliud exem-  
 plum proponitur l. vlt. in fine. ff. de reſcind. vendit:  
 de quo vide ſuprà d. reg. 6. except. 2. Aliud exemplū  
 habetur l. 2. §. fin. ff. de donationib. cuius verba vide  
 d. reg. 7. except. 2. Accedit Cacher. deciſ. 118. num. 2.  
 Sanè differentiam inter causam impulſiuam & fi-  
 nalem Doctores tradunt hanc, Quòd quoties diſpo-  
 ſitio generalior ſit ipſa cauſa ſiue ratione, exiſti-  
 manda ſit cauſa ſiue ratio impulſiua: quemadmo-  
 dum in exemplo Calphurnie iam prepoſito patet.  
 quoties verò ipſa cauſa ſeu ratio generalior ſit ipſa  
 diſpoſitione, vel æquè generalis: tunc cauſam ſina-  
 lem eſſe cenſendam. In dubio autem impulſiuam  
 potius, quàm ſinalem præſumi: Bald. in l. generali-  
 ter, in 3. col. C. de epiſcopis & clericis. Bart. in ex-  
 trauagant. ad reprimendum, in verbo, Nec ex eorū  
 abſentia. Sed plura de hac re ad tadium uſq; vide a-  
 pud Tiraquell. in tractatu, Ceſſante cauſa, ceſſat  
 effectus: limitat. primā. Leges ſanè cauſam impul-  
 ſiuam vocant occaſionem, vt oſtendi ſuprà in d.  
 reg. 6. except. 2. item originem, vt d. l. 1. §. ſextum. De  
 qua re vide item ſuprà lib. prox. in loco De cauſa  
 efficiente. Secunda propoſita regula exceptio eſt:  
 Niſi eiſdem legis vel diſpoſitionis plures ſint ratio-  
 nes: tunc enim, quamuis ceſſauerit vnā, reliquis ta-  
 men durantibus nihilomiſus ceſſat lex vel diſpoſi-  
 tio,



tio, exemplo *Inst. de nuptijs. §. affinitatis. vbi Imp.*  
*Iustinianus:* Ad finitatis quoque veneratione  
 (inquit) à quarundam nuptijs abstinere ne-  
 cesse est: vt ecce, priuignam aut nurum vxo-  
 rem ducere non licet: quia vtræque filia lo-  
 co sunt. Quod ita scilicet accipi debet, si fuit  
 nurus aut priuigna tua. nam si adhuc nurus  
 tua est, id est, si adhuc nupta est filio tuo: alia  
 ratione vxorem eam ducere nō poteris: quia  
 eadem duobus nupta esse non potest. Item  
 si adhuc priuigna tua est, id est, si mater eius  
 tibi nupta est: ideo eam vxorem ducere non  
 poteris, quia duas vxores eodem tempore  
 habere non licet, &c. *Accedit Cacher. decis. 118.*  
*nume. 5. in fine, cum num. seq. Plura exempla vide*  
*suprà in loco A causa efficiente, reg. 6. except. 5. Sed*  
*& replicationes huius exceptionis licet colligere ex*  
*ijs quæ exceptioni plurium conditionum, quæ exi-*  
*stenti conditioni opponi solet, obijciuntur, de qui-*  
*bus vide Digestorum meor. libr. 34. cap. 5. quæst. 3.*  
*except. 11. Sed & de hac exceptione vide Baptist. à*  
*Villalob. in litera D. num. 195. cum sequente. Tertia*  
*exceptio est: Nisi alia lex vel ratio melior diuersum*  
*suaserit. Hæc exceptio approbatur exemplo l. si quis*  
*filium. 5. in prin ff. de collation. bonor. vbi Vlpianus:*  
*Hæc (inquit) in patre adoptiuo ratio reddi*  
*non potest: attamen idem & ibi dicemus, si*  
*sine dolo malo emancipauerit. Aliud exem-*  
*plum proponitur l. ult. ff. de decurionibus. vbi Pau-*

lus: Etiam si (inquit) defuerit decurio esse, non  
 f esse torquendum in memoriam prioris di-  
 gnitatis, placet. Aliud exemplum proponitur l.  
 vnus. 18. §. seruus. ff. de quaestione. Vbi idem Pau-  
 lus: Seruus (inquit) in caput domini, à quo di-  
 f stractus est, cui aliquando seruiuit, in memo-  
 riam prioris domini interrogari non potest.  
 Aliud exemplum proponitur inst. de nuptijs. §. &  
 hac adeò vbi imp. iustinianus: Quamuis (inquit)  
 per adoptionem parentum liberorum uel lo-  
 co sibi esse cœperint, nō possunt inter se ma-  
 trimonio iungi, in tantum, vt etiam dissoluta  
 adoptione idem iuris maneat. Sed & concor-  
 dat proposita exceptio l. si quis. 3. §. vtrum. ibi: hi  
 quoque. ff. de S. C. Siloniano. vbi Vlpianus: Hi (in-  
 quit) qui non potuerunt aliàs ad libertatem  
 peruenire: vt puta, si hac lege distractus erat  
 quis, ne manumitteretur: poterunt propter  
 hoc, quod in commune utile est, ad liberta-  
 tem peruenire. De his quoque seruis, qui te-  
 stamento manumissi sunt, perinde atque de  
 seruis supplicium sumendum est. Nam est æ-  
 quissimum, dominorum ultioni non obsta-  
 re indulgentiam ipsorum: quam quo quisq;  
 plenior esset expertus, eo grauiorem sce-  
 leri suo pœnā merebitur. Quarta proposita re-  
 gula exceptio est: Nisi ratio legis dubia sit. quæ ex-  
 ceptio approbatur l. 1. §. si qui nauem. ff. de exerci-  
 toria actione, his verbis: In re dubia melius est  
 verbis

verbis edicti seruire. *Concordat l. non aliter. 67. ff. de leg. 3. vbi Marcellus: Non aliter (inquit) à significatione verborum recedi oportet, quā cum manifestum est aliud sensisse testatorem. Quinta exceptio est: Nisi verbis legis diuersa eius mens appareat. Hac exceptio approbatur l. prospexit a 2. in prin. ff. qui & à quibus manumissi. vbi Ulpianus: Ne (inquit) mācipia per manumissionem quæstioni subducantur: ipsa quę diuertit, omnes omnino seruos suos manumittere vel alienare prohibetur: quia ita verba faciunt, vt ne eum quidem seruum, qui extra ministerium eius mulieris fuit, vel in agro, vel in prouincia, possit manumittere vel alienare: quod quidem perquā durum est, sed ita lex scripta est. Hac de secūda regula eiusq; exceptionibus sint dicta. Sed & plura de ea vide supra in loco A causa efficiente, reg. 6.*

III. Regula: Abrogata legis ratione, ipsa quoq; lex abrogata censetur, exemplo l. 1. in princ. ff. ad l. Iuliam de ambitu. vbi Modestinus: Hæc lex (inquit) in vrbe hodie cessat: quia ad curam Principis magistratuum creatio pertinet, non ad populi fauorem. Aliud exemplum proponitur l. 3. in princ. C. de edicto diui Hadriani tollendo. vbi cum propter vicesimam hereditatis fisco dependendam edictum à diuo Hadriano factum esset de hærede scripto intra annum post mortem testatoris in possessionem rerum hereditariarum mit-

rendo, ne qua mora fieret vicesima fisco dependen-  
 de: & illa vicesima non amplius fisco dependeretur:  
 dicit Imp. Justinianus, ipsum quoque edictum diui  
 Hadriani quiescere. de qua re supra quoque libr.  
 prox. in fine dictum est. Aliud exemplum proponi-  
 tur l. i. in prin. ff. de legitimis tutoribus: ubi adgnati  
 11 preferuntur cognatis in tutela, quamuis remotio-  
 12 res gradu, ob id quod etiam in successione ijs praefer-  
 rentur: l. quo tutela, 71. in prin. ff. de regul. iuris: &  
 Inst. de successione cognatorum, in princ. Sed quo-  
 niam haec ratio est abrogata iure nouo, & cognati  
 cum adgnatis eiusdem gradus ad successionem vo-  
 cantur, Nouell. c. 118. §. quin in omnibus: ideo et-  
 iam abrogatum est ius illud, quo adgnati cognatis  
 in tutela praeferebantur: ita ut omnes eiusdem gra-  
 dus, siue adgnati sint, siue cognati, ad tutelam vo-  
 centur. Sic enim d. col. 118. §. enim uero ex his, Imp.  
 Justinianus: Ex his (inquit) quae de haereditate  
 diximus ac disposuimus, manifesta existunt  
 & ea quae tutelam concernunt. Sancimus e-  
 nim, ut eo quique gradu ac ordine vel soli vel  
 cum alijs tutelae munus subeant, quo & ad  
 haereditatem vocantur, nulla neque hac par-  
 te differentia introducenda per adgnationis  
 & cognationis iura, sed omnibus qui impu-  
 bere vel in masculino vel foeminino genere co-  
 tingunt, ex æquo ad tutelam vocandis. Exē-  
 plum denique proposita regula videtur esse l. vnica.  
 C. de gladiatorib. ubi Imp. Constantinus. Cruenta  
 (inquit)

(inquit) spectacula in ocio ciuili & domestica quiete non placēt. Quapropter omnino gladiatores esse prohibemus. Planè *proposita regula eadem sunt excepciones, quæ superioris proxima.*

IIII. Regula: Quæ dubitationis tollendæ causæ legibus vel alij dispositioni inseruntur, ius commune non lædunt. Quæ regula proponitur l. quæ dubitationis. 81 ff. de regul. iuris. vbi Pomponius: Quæ (inquit) dubitationis tollendæ causa contractibus inseruntur, ius commune non lædunt. Huius exemplum proponitur l. qui mutuum. 56 in prin. ff. mandati. vbi Vlpianus: Qui mutuum (inquit) pecuniam dari mandauit: omisso reo promittendi, & pignoribus, non distractis eligi poterit. Quo vti liceat, si literis exprimat, distractis quoque pignoribus ad eum creditor redire poterit. Etenim quæ dubitationis tollendæ causa contractibus inseruntur, ius commune non lædunt. Aliud exemplum proponitur l. 1. §. ego puto. ff. de adilitio edicto. vbi Vlpianus: Ego (inquit) puto, ædiles tollendæ dubitationis gratia bis καὶ τοῦ αὐτοῦ id dixisse, ne qua dubitatio superesset. Concordant ea quæ *proposita sunt supra in loco A parte. reg. 3. de parte abundantis.* Planè interdum expressa nocent, non expressa non nocent, vt ait Modestinus l. expressa. 15. ff. de regul. iuris. cuius exemplum proponitur l. inter. 26. §. cum inter. ff. de pactis distal. vbi Papinianus: Cum inter patrem (inquit) & gene-

rum conuenit, vt in matrimonio sine liberis defuncta filia dos patri restituatur: id actum inter contrahentes intelligi debet, vt liberis superstitis filia defuncta dos retineatur. *Hic patri sub conditione existentium liberorū dotis actio denegatur: cum tamen pacto isto non interposito, ipso iure ipsi dotis actio competitura esset. Concordat l. nonnunquam. 50. ff. de conditionib. & demonstrat. vbi Modestinus: Nonnunquam (inquit) contingit, vt quædam nominatim expressa officiant, quamuis ommissa tacitè intelligi potuissent, nec essent obfutura. Quod euenit, si alicui ita legatur: Titio decem do lego, si Mæuius Capitolium ascenderit. nam quamuis in arbitrio Mæuij sit, an Capitolium ascendat, & velit efficere, vt Titio legatum debeatur: non tamen potuit alijs verbis utiliter legari: Si Mæuius voluerit, Titio decem do. Nam in alienam voluntatem conferri legarū non potest. Ideo dictum est: Expressa nocent, non expressa non nocent. Sed hætenus de loco A ratione legis sit dictum.*

A verbis legis, vel alterius  
dispositionis.

*Tertius locus compositi thematis tractandi est eius declaratio, continens verborum significationes, ex quibus non raro argumentādi materia sumitur.*

*I. Regula: In re dubia verbis dispositionis standū est. Quæ regula approbatur per ea quæ proposita sunt*

sunt *suprà* in loco proximo, *reg. 2. except. 4.* Quibus concordat *l. ille aut ille. 25. in fine ff. de leg. 3. vbi Paulus: Cum (inquit) in verbis nulla est ambiguitas, non debet admitti voluntatis quaestio. Huc pertinet quod dicitur, vbi lex non distinguit, ibi nec nos distinguere debere de quo infra dicitur. Planè cum constat de mente disponentis, mēs potius quàm verba sunt attendenda, per ea quae proposita sunt Digestor. meor. lib. 7. cap. 9. *reg. 5. & lib. 33. cap. 10. reg. 8.* Huius exemplum proponitur *l. scire oportet. 15. §. aliud. ff. de excusat. tutor vbi Modestinus: Et si maximè (inquit) verba legis hunc habeant intellectum: tamen mens legislatoris aliud vult. Aliud exemplum proposui suprà in loco A repugnantibus, reg. 13. in fine. Sed plura de hac re vide d. *reg. 8.***

**II. Regula. Verba cum effectu sunt accipienda.**  
*l. 1. §. hac autem. ff. quod quisq. iuris in alterum. vbi Ulpianus: Hæc verba (inquit) Quod statuerit, cum effectu accipimus, non verbotenus. Et ideo si cū vellet statuere, prohibitus sit, nec effectum decretum habuerit: cessat edictū. Nam verbū Statuit, rem perfectā significat, & consummatā iniuriam, non cœptā. Et ideo si inter eos quis dixerit ius, inter quos iurisdictionē non habuit: quoniam pro nullo hæc habetur, nec est vlla sententia: cessare edictū putamus. Quid enim obfuit conatus, cū iniuria nullū habuerit effectū? Huic concor-*



dat. l. si quis. 38. §. testamentum. ff. de pœnis. vbi Paulus: Testamentum (inquit) quod nullo iure valet, impunè supprimitur: nihil est enim quod ex eo aut petatur, aut consistere possit. Concordat item l. 2. §. 1. ff. testamenta quemadmodum aperiant, vbi Vlpianus: Testamentum (inquit) propriè illud dicitur, quod iure perfectum est. Concordat item l. cum precibus. 18. C. de probationib. vbi donatio quæ caret effectu, & nomine carere dicitur. Sed & concordat l. 4. §. condemnatum. ff. de re iudica. vbi Vlpianus: Condemnatum (inquit) accipere debemus eum qui ritè condemnatus est, ut sententia valeat. Cæterum si aliqua ratione sententia nullius momenti sit, dicendum est, condemnationis verbum non tenere. Concordat item l. penult. §. docere. ff. ne quis eum qui in ius vocabitur. vbi idem Vlpianus: Docere (inquit) debet quis per hanc exemptionem factum, quo minus in ius produceretur. Cæterum si nihilominus productus est, cessat pœna: quoniam verba cum effectu sunt accipienda. Concordat denique l. nomen. 164. §. fin. ff. de verb. signif. vbi idem Vlpianus: Habere (inquit) sicut peruenire cum effectu accipiendum est. Plura de regula proposita vide supra in loco Ab effectu, reg. 4.

III. Regula: Verba non debent esse ociosa: sed ita intelligi debent, ut aliquid operentur, exemplo l. si quando. 106. in prin. ff. de leg. 1. vbi Africanus: Si  
quan-

quando quis (*inquit*) vxori suæ ea quæ viuus donauerat, vulgari modo leget: non de alijs donationibus eum videri sensisse, quàm de his quæ iure valituræ non sunt. alioquin frustra ei legaturus sit, si ita exprimat: Quæ vxori meæ iure donauero, ea ei lego. vel ita: Quæ vxori manumissionis causa donauero, ea ei lego. nam inutile legatum futurum est. *Simile exemplum proponitur l. Manius. 67. in princ. ff. de leg. 2. de quo vide infra in facti questione, in loco Ex antecedentibus. Aliud exemplum proponitur l. 1. §. fin. ff. ad municipalem. cuius verba vide supra in loco A qualitate sententia, reg. 8. Concordat deniq; proposita regula supra in loco A qualitate sententia, reg. 3. Species quinta.*

*IV. Regula proponitur l. 3. ff. de rebus dubiis, hisce verbis: In ambiguo sermone non vtrunq; dicimus, sed id duntaxat quod volumus. Itaque quia aliud dicit quàm vult: neque id dicit, quod vox significat, quia non vult: neque id quod vult, quia id non loquitur. Hac de loco A verbis legis sint dicta. Quanquam possunt ad eum plures regulæ referri: puta, Verba secundum subiectam materiam intelligenda: In ambiguis humaniorem sententiam sequendam; & alia plures, quas alijs locis non minus aptis subieciimus.*

Ab exceptione legis vel alterius dispositionis.

*I. Regula: Exceptio restringit regulam in casi-*

*bus exceptis. Quæ regula approbatur per ea quæ proposita sunt supra in loco à genere, regul. 1. except. 1. & 2.*

*11. Regula: Exceptio firmat regulam in casibus non exceptis, exemplo l. nam quod. 4. §. fin. ff. de pen. legata, vbi Paulus: Si cui penus (inquit) legata sit præter vinum: omnis penus legata videtur, excepto vino. Aliud exemplum proponitur l. quasitum. 2. §. deniq. Neratius. ff. de instrum. legato. vbi Neratius ait, Vestem domus instructa legato contineri: maximè (inquit) in proposita specie: (proponebatur enim qui legauerat, argentum & rationes excepisse.) Nam qui hæc (inquit) excepit, non potest non videri de cæteris rebus, quæ in ea essent, sensisse. Aliud exemplum est Afflict. decis. Neapol. 298. Concordat proposita regula Nouell. c. 7. §. vt autem lex. vbi Imper. Iustinianus: Vt (inquit) lex ad humanæ naturæ varietatem permaneat, & ad id quod semper venit accommodata per omnia immota permaneat: necessariam existimauimus quasdam exceptiones dare legi cum multis vigilijs & subtilitate adinuentas, vt eas habens in auxilio lex nequaquam moueatur. Aliud exemplum habetur l. cum prætor. 12. in prin. ff. de iudicijs. vbi Paulus: Cum prætor (inquit) vnum ex pluribus iudicare vetat, cæteris id committere videtur. Aliud exemplum proponitur l. ex eo. 18. ff. de testibus. vbi Paulus: Ex eo (inquit) quod prohibet*

bet lex Iulia de adulterijs testimonium dicere condemnata mulierem: colligitur, etiam mulieres in iudicio testimonij dicendi ius habere. Aliud exemplum proponitur l. 21. in fin. C. de procuratoribus. Vbi si marito ab vxore causa certo modo defendenda mandata est, dicitur in alijs modis cum prohibitum censi. Aliud exemplum habetur c. sanè. §. 15. q. 3. Porro ratio proposita regula, cum pluribus alijs exemplis, proposita est supra in loco A repugnantibus. reg. 7. §. præterea. Est igitur proposita regula species, Quod in vno casu seu specie prohibitum, censeatur in genere concessum: & contrà, in specie concessum, in genere videatur prohibitum: vt ex propositis exemplis constat. Huc igitur pertinet l. cum lex. 21. ff. de legibus. vbi Vlpianus: Cum (inquit) lex in præteritum quid indulget, in futurum vetat. Sed & huius loci videtur esse, quod mutatio certa alicuius legis ad alias leges non mutatas non extendatur. de qua recte actum supra in loco A ratione legis, reg. 1. except. 2. Quemadmodum autem exceptio se habet ad regulam: ita replicatio se habet ad exceptionem. Ideoque replicatio quoque exceptionem firmat. Planè proposita regula exceptionem primam recipit in ijs, qua alioquin sub regula non continentur, sed alia lege excepta sunt: nam in his non firmatur regula per exceptionem alterius legis, exemplo l. generali. 32. §. vxori. ff. de vsufructu legato. Vbi si testator vxori vsufructum legauit omnium bonorum,

qua

quæ sunt in domo, excepto argento: Scauola dicit, istam exceptionem non efficere, vt videantur legata ea, quæ ipso iure sub illo legato generali non continentur: puta venalia. Verba eius hæc sunt: Vxori vsusfructum domus, & omniũ rerum quæ in his domibus erant, excepto argento, legauerat. quæsitum est, an lanæ cuiusque coloris mercis causa paratæ, item purpuræ quæ in domibus erant, vsusfructus ei deberetur? Respondi, excepto argento, & his quæ mercis causa comparata sunt, cæterorum omniũ vsusfructum legatariam habere. Aliud exemplum proponitur l. Lucius Titius. 78. §. pluribus. ff. ad S. C. Trebell. vbi idem Scauola: Pluribus (inquit) hæredibus institutis, inque his & libertis tribus ex dodrante, cum eisdem fundos per præceptionem dedisset: ab his petijt, ne eos alienarent, & vt qui vita superasset, solidos eisdem fundos obtineret. Deinde vnus ex his libertis Otacilij fidei cõmisit, vt quidquid ad eum ex hæreditate bonisve peruenisset, deducto pro ea parte ære alieno, & legatis sibi quindecim aureis, restituat Titio: quæsitum est, an etiam partes tertias fundorum prælegatorum conlibertis eidem deducere deberet? Respondi, secundum ea quæ proponerentur, non debere restituere præceptionem: cum ipse testator & legata excipi voluisset. Hic prohibita alienari non veniunt

in vniuersali fideicommisso, quamuis alia species nominatim fuerit excepta. Aliud exemplum proponitur l. ob as. 12. C. de prædijs & alijs rebus minorum. vbi quamuis ob as alienum tantum permittatur alienatio rerum minoris, tamen ad alios casus & alibi exceptos regula ibi firmata non pertinet: puta, ad res tempore perituras, l. 6. §. si tutor. ff. de administrat. tutor. Ad res consensu parentis distractas, l. 1. & l. 3. C. quando decreto opus non est: item ad alias plures. Accedit huic exceptioni Turz. reg. 86. Huius exceptionis replicatio est: Nisi exceptio quoque contineat ea, quæ sub regula non continentur, tunc enim alia non contenta videtur regula includere. Quæ replicatio approbatur & declaratur apud Francisc. Viu. lib. 1. com. opin. in verbo Mandatū. §. exceptio. Controvertitur tamē in exemplo apud Gabriel. lib. 6. de statutis, conclus. 10. Altera proposita regula exceptio est in accessorio eius quod exceptum est. nam in eo non firmatur regula, sed sequitur naturam sui principalis, exemplo l. fundi. 26. §. fin. ff. de instrum. legato. cuius verba cum alijs exemplis vide supra in loco generali A causa finali, reg. 6. Tertia exceptio est in casibus similibus ei qui exceptus est. Nam & hi, quia in ijs eadē est ratio. simul à regula videntur excepti, nec in ijs regula est firmata. Quæ exceptio approbatur simul & distinguitur p. ea quæ proposita sunt supra in loco A ratione legis, reg. 1. Accedit Turz. reg. 86. Plures propositæ regulæ exceptiones vide supra in loco A repugnātibz, d. reg. 7.

III. Regula: Exceptio sequens declarat regulam precedentem, exemplo l. nam quod. 4. §. fin. ff. de penu legata. vbi Paulus: Si (inquit) ita sit scriptum Omnem penum, præter vinum quod Romæ erit, do lego: sola penus quæ Romæ est, legata videtur. Et ita etiam Pomponius scribit. Sed plura de regula proposita vide suprâ in loco A genere, reg. 1. except. 5. Hæc de loco Ab exceptione.

Ab ulteriore descriptione iuris lege  
introduciti.

Hic locus complectitur circumstantias, aliosq; locos actionis, exceptionisve, quæ ex lege proposita descendit, cuius exemplum proponitur l. 1. §. hoc interdictum. ff. de migrando. vbi Ulpianus probaturus Interdictum de migrando inusitatum esse, utitur argumento ab adfini remedio actionis, quæ ex isto interdicto descendit, dicens: Huic rei etiam extra ordinem subueniri potest. Ergo infrequens est hoc interdictum. Simile exemplum proponitur l. 2. ff. ex quibus causis maiores. vbi Callistratus: Hoc (inquit) interdictum, quod ad eos pertinet, qui eo continentur, minus in usu frequentatur. Huiusmodi enim personis extra ordinem ius dicitur ex senatusconsultis & principalibus constitutionibus. Sed & aduersus actionem de dolo malo exceptio sumitur ab adfini remedio, puta si alia actio competat, istam actionem denegandam esse: l. 1. §. 1. & §. ait Praetor. ff. de dolo malo.



## A' mutatione legis.

Ab hoc loco sumitur argumentum l. de quib. 30. §. inueterata, in fin. ff. de legib. vbi Iulianus probaturus leges tacito populi consensu constitui posse, argumentatur ab earum mutatione: scilicet, quia abrogari quoq; tacito consensu per desuetudinem possunt. de quo dictum etiam supra in loco A repugnantibus reg. 12. in fine. Hæc de locis compositi thematis specialibus, quatenus ex ijs argumenta sumuntur, sint dicta. Quanquam præter hos & alij loci speciales affingi possunt: vt à legislatione, à legis obseruatione, & ab alijs huiusmodi legum accidentibus. Sic l. 1. ff. ad legem Aquiliam, Vlpianus probat, legem Aquiliam plebiscitum esse, à persona legislatoris: Quia (inquit) eam Aquilius tribunus plebis à plebe rogauerit. Sed infinitum est singulos huiusmodi locos speciales persequi. Ideoq; vt in alijs rebus, ita in huiusmodi locis colligendis modus esse debet. Sufficit ad inuentionem argumentorum locos cum generales, tum speciales hætenus enumeratos cum suis regulis & exceptionibus rectè cognouisse, & naturam rei, de qua disceptatio est, probè perspectam habere. Nam qui artem eam, ad quam questio proposita pertinet, ignorat: ei loci isti ad inueniendum nihil profunt. Vfus arcem supplebit.

De exceptionibus aduersus regulas  
hætenus enumeratas ge-  
neralibus.

Planè ex regulis quæ hætenus in singulis locis  
prope-

proposita sunt, plures non necessaria, sed probabilia tantum suppeditant argumenta, aduersus quae alia argumenta interdum aequè probabilia produci possunt, & argumenta argumentis elidi. Nam (vt Aristoteles lib. 2. rhetoricorum, capite de solutionibus, testatur) probabilia multa inter se contraria sunt. Ita ergo ista regula locum habent, si non melior ratio in contrarium nos ducat, vel iudici causa cognita aliter videatur. Hinc Iurisconsultis frequens est comparatiuo modo respondere, melius esse, humanius, benignius, equius, verisimilius esse. Quibus responsis innuunt, sententiam aduersarij iustam quidem esse, sed suam esse iustiore. Ideoq; sapissime quari solet non tam quid iustum sit, quam utrum ex duobus iustis sit iustius. Quo casu si leges sunt speciales, ea omnimodo à iudice attendi debent, nec distinguenda sunt distinctione legitima deficiente. Sin verò leges speciales desiderantur, quamuis regulae generaliores proferantur, tamē cum ex diuerso etiam regulae allegari possint, iudicis arbitrium erit: quoniam ex huiusmodi regulis ius non sumitur, sed quasi causa coniectio: vt l. 1. ff. de reg. iuris, Sabinus ait Quae causa coniectio ex ipsis iudicis arbitrio solet pendere. Sic enim l. 3. §. eiusdem. ff. de testib. Imp. Hadrianus rescripsit: Quæ (inquiens) argumenta ad quem modum probandę cuique rei sufficiant, nullo certo modo satis definiri potest. hoc ergo solum tibi scribere possum summam, non utique ad vnam probationem

bationis speciem cognitionem statim alligari debere, sed ex sententia animi tui te exultimare oportere, quid aut credas, aut parum probatum tibi opineris. Sed de hoc infra dicentur plura.

Sic ergo aduersus regulas precedentes earumq; exceptiones exceptio generalis prima quidem hæc: Nisi lex specialis in contrarium extet. Nam semper (vt & antea monui) argumenta cedunt legibus. Vnde l. prospexit. 12. in prin. ff. qui & à quibus manumissi, Vlpianus: Hoc (inquit) perquam durum est, sed ita lex scripta est.

II. Exceptio est: Nisi contrarium sit humanius, æquius, verisimilius, &c. Hæc exceptio approbatur per ea quæ dicta sunt supra in loco A qualitate sententia: eiusq; exemplum proponitur l. planè in ceteris. 41. ff. de petit. hered. vbi Paulus: Prædo (inquit) de se queri debet, qui sciens in rem alienam impendit. Ideoque impensas non deducet. Subiicit: Sed benignius est, in huiusmodi quoque persona haberi rationem impensarum: non enim debet petitor ex aliena iactura lucrum facere. Et id ipsum officio iudicis continebitur: nam nec exceptio doli mali desideratur. Aliud exemplum proponitur l. si tibi. 20. ff. si certum petatur. vbi Iulianus: Sed hæc (inquit) intelligenda sunt propter subtilitatem verborum: benignius tamen est vtrunq; valere.

III. Exceptio est: Nisi iudici causa cognita ali-

aliter videatur. Hæc exceptio approbatur per d. §. eiusdem. De qua dicentur plura infra lib. prox. in causis arbitrarijs.

IV. Exceptio est: Nisi alia fuerit mens disponen-  
tis. Hæc exceptio approbatur exemplo l. cum de la-  
nionis. 18. §. 1. ff. de instr. legat. vbi Pedius ait, Opti-  
mum esse, non propriam verborum significationem  
scrutari, sed in primis quid testator demonstrare vo-  
luerit, deinde in qua presumptione sint, qui in qua-  
que regione commorantur. Plura de exceptione pro-  
posita vide Digestor. meor. lib. 7. cap. 9. reg. 5. item  
lib. 33. cap. 10. reg. 8.

V. Exceptio est: Nisi aliud vulgò receptum sit at-  
que prescriptum. Quæ exceptio approbatur verbis  
iam propositis hisce: Deinde in qua presumptione  
sint, &c. de qua re dictum etiam supra in loco Ab  
authoritate: & dicetur infra lib. prox. vbi de præ-  
sumptionibus agetur.

VI. Exceptio est: Nisi aliud inter partes conue-  
nerit. Hæc exceptio approbatur l. contractus. 23. ff.  
de reg. iuris. vbi Vlp. Sed hæc ita (inquit) nisi si  
quid nominatim convenit vel plus vel mi-  
nus in singulis contractibus. nam hoc serva-  
bitur, quod initio convenit: legē enim con-  
tractui dedit. Aliud exemplum habetur l. in em-  
ptionib. 43. ff. de pactis. vbi Paulus: In emptionib.  
(ait) scimus quid præstare venditor debeat,  
quidq; ex contrario emptor. Quod si in con-  
trahendo aliquid exceptum fuerit, id servari  
debe-

debebit. Plura de hac re dixi lib. Digest. meor. 37. cap. 3. Sed & plures huiusmodi exceptiones generales licet videre supra in loco A' ratione legis, reg. 1. item infra lib. prox. ubi de praesumptionibus agitur. Quanquam ea quoque de quibus sequitur, exceptionibus generalibus annumerari possunt. Siquidem confutatio in exceptionibus consistit.

## DE CONFUTATIONE.

**C**um haftenus de confirmatione satis sit dictum: de confutatione, quam alteram argumentationis speciem fecimus, nunc erit dicendum. Nam argumentatio partim in confirmandis nostris, partim in refutandis alienis consistit. Illam directam, hanc obliquam confirmationem dicere possumus: quarum utraq; argumentis fit, & fidem ei quod dicit, facere conatur. In hoc tamen differunt, quod confirmatio principaliter est thematis, confutatio est argumenti ad confirmandum thema ab aduersario producti. Vnde quemadmodum illa ad thema confirmandum argumenta proponit: ita haec ad argumenta proposita refellenda, ac confirmationem aduersarii labefactandam spectat. Confirmando item thema aut affirmamus, aut negamus. Confutando vero argumentum propositum aut negamus, aut distinguimus. Nam ita dici solet, Omnem argumentationem solui aut negando eo quod propositum est, aut multiplici distinguendo. Interdum tamen disputationem ab argumento proposito alio transferimus, quam

y 2 perso-

personalem confutationem appellant. Duplex igitur est confutatio: Personalis & realis. Personalis ea est, qua omisso argumento aduersarij, aliud (vt dixi) disputatio transfertur. Cuiusmodi sunt exceptiones dilataria apud Iuriconsf. & status translationis siue actionis apud Rhetores. Hanc cōfutationis speciem Dialectici triplicem faciunt: vnā quæ in regerendo, aliam quæ in eleuando, tertiam quæ in digrediendō consistat. De quibus vide Rodolphum Agricolam lib. 2. de Inuent. cap. 21. & Vvillichium lib. 3. Dialectices. Hæ confutationis personalis species, exceptis exceptionibus quas dilatorias leges vocant, non magnopere ad Iuriconsultum pertinent: cum legibus prohibitum sit, aliquid præter causam in iudicio dicere, & negotio derelicto in aduersarij sui contumeliam verba facere: l. 6. §. ante omnia. C. de postulando. Eius tamen quæ in regerendo consistit, vsus in iure est non mediocris. Sic l. 1. §. deniq; ait. ff. de aquæ pluuiæ arcendæ actione, cum durum videtur agrum inferiorem superiori sine speciali pacto seruire, regerit Vlpianus rem parem, videlicet etiam durum esse agro superiori pinguedinem terræ à se ad agrum inferiorem decurrere. Verba legis posita sunt suprâ lib. prox. cap. de actibus. Aliud exemplum proponitur l. si ita vulneratus. si. ff. ad l. Aquiliam. vbi Iulianus: Quòd si quis (inquit) absurdè à nobis hæc constitui putauerit: cogitet, longè absurdius constitui, neutrum lege Aquilia teneri, aut alterum potius: cum neq; impu-

nita maleficia esse oporteat, nec facile constitui possit, vter potius lege teneatur. Aliud exemplum proponitur l. si seruus. 63. §. quod verò. ff. de furtis. vbi Africanus: Licet (inquit) alioquin æquum videatur, non oportere cuiquā plus damni per seruum euenire, quā quāti ipse seruus sit: multò tamen æquius est, nemini officium suum, quod eius, cum quo contraxit, non etiam sui commodi causa susceperit, damnosum esse. Hanc confutandi rationem nonnulli vocant Per instantiam: eiusq; species videtur esse exceptio compensationis, quæ est debiti & crediti inter se contributio, l. 1. ff. de compensationibus. Hac enim rem parem ei quæ à nobis petitur, opponimus. Hac de personali confutatione.

Realis confutatio est, quæ omīssis à proposito alienis, ad rem ipsam seu argumentum aduersarij respondemus. Hac fit (vt dixi) vel negando eo quod propositum est, vel distinguendo. Negamus autem vel maiorem vel minorem syllogismi propositionem, aut enthymematis vel antecedens vel consequens. Ex hac responsione, quæ in negando consistit, quæstio vel iuris vel facti oriri solet: de qua re in libello meo De litis contestatione copiosius disserui, de q; ea dicam infra lib. prox. Distinctio duplex est. alia nominis, alia rei. Nominis distinctio est puta si quis ita argumentetur: ius est ars boni & æqui. At vsus fructus ius est. Ergo vsus fructus est ars boni & æqui. Responderi potest per distinctionem nominis, quod ius



variè accipiatur : nunc pro collectione legum , ut in maiore propositione : nunc pro potestate seu facultate à lege concessa , ut in propositione minore : interdum aliter. de qua re vide l. penult. & ult. ff. de iusticia & iure. Rei distinctiones sunt exceptiones regularum & legum : de qua confutationis specie plura dicentur inferius in capite exceptionum inveniendarum. Et hæc quidem de reali confutatione, qua in materia peccatum dicitur, sunt dicta. Est & aliud genus realis confutationis, qua dicitur in forma peccatum esse. puta contra regulas syllogisticas, cum syllogismus constat ex meris negatiuis, vel particularibus, vel medium ingreditur conclusionē. de cuiusmodi regulis syllogismorum dicetur infra lib. prox.

Hactenus generaliores locos confutationis perstrinximus. Sunt nonnulli huiusmodi loci speciales: ut puta ab amphibologia, à compositione, à diuisione, ab accentu, à figura dictionis, à fallacia accidentis, à dicto secundum quid ad simpliciter dictum, à dicto secundum non causam vs causam, à petitione principij, à fallacia consequentis, ab ignoratione elenchi, & à pluribus interrogationibus : qui loci plerique sub prædictis generalibus comprehenduntur, & plus obscuritatis quàm utilitatis habent. Ideoque in ijs describendus non puto immorandum. Si quis tamen curiosius explicationem eorum desideret, aliorum dialecticos libros consulat. Habent insuper singuli loci confirmationis suæ speciales confutationes.

nes, siue exceptiones, quas supra sub singulis regulis enumerauimus. Illud denique hic notandum, quod inter confutationis locos non ineptè numerari possit argumentandi species, quam Græci ἀντιστροφία, Latini inuersionem, violationem & reciprocationem appellant. cuius elegans exemplum extat apud Gellium lib. 5. Noct. Atticar. cap. 10. Aliud exemplum extat apud Valerium Maximum lib. 7. cap. 3. in Demosthene. Sed & eius exemplum proponitur l. qui quadraginta. 87. in princ. ff. ad legem Falcidiam. ubi Africanus: Qui quadringenta (inquit) habebat, trecenta legauit, deinde fundum tibi dignum centum aureis sub hac conditione legauit, si legi Falcidiæ in testamento suo locus non esset. quæritur, quid iuris sit? dixi, ἢ ἀνστροφὴν hanc quæstionem esse, qui tractatus apud Dialecticos ἡ ἀνστροφὴ dicatur. Etenim quidquid constituerimus verum esse, falsum reperietur. Namque si legatum tibi datum valere dicamus: legi Falcidiæ locus erit, ideoque deficiente conditione non debetur. Rursus, si qua conditio deficiat, legatum valiturum non sit: legi Falcidiæ locus non erit. Porro si legi locus non sit: existente conditione legatum tibi debetur. Cum autem voluntatem testatoris eam fuisse appareat, ut propter tuum legatum cæterorum legata minui nollet: magis est ut statuere debeamus, tui

legati conditionem defecisse. *Sed hac de confutatione sint dicta.*

DE HYPOTHESISIBVS SEV  
causis forensibus disputandis, & pri-  
mum de actione inuenienda.

**Q**ua haectenus de inuentione argumentorum tam ad confirmandum, quam ad confutandum diximus, generalia sunt, & in omnibus artibus vsui esse possunt. Forenses autem quaestiones praecepta quadam & inueniendi & iudicandi habent peculiaria nunc exponenda. Ideoque ea quae de inueniendi ratione sequuntur, Iurisprudentia propria sunt, & non tam de regulis iuris tractant, quam de ipsis legibus, non quidem interpretandis, vel in vtriusque partem more scholastico disputandis, sed ad vsum & negotia hominum accommodandis: in qua re praxis iuris, ad quam nostra studia referri debent, consistit. Proinde miror, eos qui Dialecticam iuris scripserunt, hanc partem ne verbo quidem attigisse: sed nec eos qui iura in scholis profitentur, iuuentutem in huiusmodi disputationibus ad vsum fori accommodatis exercere, imò ne ferre quidem posse, ut ab alijs exerceantur. Nam mihi quidem semel contigit, ut cum eiusmodi exercitia in schola instituerem, in summam indignationem collega, qui non iuris solum, sed & equi Doctorem se nuncupari valebat, incurrerim. Quae ergo res mihi in scholis dissimulanda est, eam in conscribendis libris non dissimulabo

mulabo: sed liberè, quæ veterum Iuriconsultorum ratio in disputandis causis forensibus fuerit, aperiã. Illud itaq; in primis notandum, singula argumenta, quibus in disputandis causis utimur, peculiaribus vocabulis denominari. Nam argumentum primum, quo utitur actor ad confirmandum, id quod petit sibi deberi, actionem leges vocant: argumentum rei conuerti, quo ad elidendam actionem utitur, appellant exceptionem: argumentum quod exceptioni ab actore opponitur, replicationem: & quod replicationi opponitur, duplicationem, & sic deinceps, quemadmodum infra copiosius docebitur. Horum omnium primum tantum confirmationis, cetera confutationis speciem habent. Sed & singula actiones, singula item ferè exceptiones propria habent nomina veluti actio empti, venditi, locati, conducti, depositi, præscripti verbis, furti, vi bonorũ raptorum, &c. item exceptio pacti conuerti, rei venditæ & traditæ, rei iudicatæ, Senatusconsulti Macedoniani, Velleiani, temporis præscriptio, fori præscriptio, doli mali, metus, &c. quæ nihil aliud sunt, quàm argumenta causarum agendarum, ac defendendarum in hoc tamẽ ab alijs argumentis differunt, quod cum alia argumenta rationibus, quæ cum à definitione, tum à genere, tum à proprio, tum à causis, tum deniq; ab alijs huiusmodi locis suprà enumeratis sumantur, confirmari possint: actiones & exceptiones non nisi legum auctoritatibus confirmantur. Nec enim actio, quantumvis in speciem probabili, admittenda est,

qua non ex certo iure ciuili descēdat, vel speciali lege nitatur, quod de exceptionibus quoq<sup>3</sup>, replicationibus, duplicationibus & sic deinceps intelligi debet: vt inferius ostendam. Quoniam autem actio sola (vt dictum est) confirmationis speciem habet, exceptiones, replicationes, duplicationes, &c. quæ & ipsæ exceptionum appellatione continentur, confirmationis species sunt: non est eadem actionis & exceptionis inquirenda ac inueniende ratio. Proinde quomodo actio, quomodo item exceptio in causa latens indaganda sit, ignorandum non est. Et quidem de ratione indaganda actionis copiosius scripsi in Repertorio iuris, quò Lectorem remitto.

## DE EXCEPTIONIBVS inueniendis.

**C**Ognita actione qua reus conuenitur, eiusq<sup>3</sup> natura perspecta, promptum est inuenire exceptiones, si quis causam propositam cum actionis natura contulerit. Natura verò cuiuslibet actionis ex meis Digestis (ni fallor) hand difficulter perspicui potest. Nouem enim sunt loci seu circumstantia cuiusvis actionis, per quas natura eius describitur, & ex quibus excipiendi materia sumitur. Est causa ex qua agitur: sunt personæ quatuor, scilicet actor, reus, procurator & iudex: est res qua petitur, est locus, item tempus quo agitur, est deniq<sup>3</sup>, agendi modus. Per has circumstantias qualibet actio in iure describitur, quemadmodum ex Digestis meis cognoscere licet.

licet. ex quibus descriptionibus facile est exceptiones cuiuslibet actionis intelligere. Sunt tamen quaedam exceptiones omnium vel saltem plurimum actionum communes: ut doli mali, metus, ignorantia, non numerata pecunia, solutionis, acceptilationis, novationis, rei iudicata, & aliae plures, quas in lib. 48. Digestor. meor. descripsi. Haec in singularum quidem actionum descriptionibus non reperiuntur, cum non sint unius actionis propria: attamen cuius facile in negotio proposito, si modò insunt, apparent. Illud notandum, quòd quemadmodum confutatio, ut suprà diximus, ita quoque exceptio, quae & ipsa confutatio est, aut in negando eo quod actione propositum est, aut in distinguendo consistit, aut deniq; in lite à causa actionis ad alias eius circumstantias transferenda. Proinde is qui ad defendendum reum exceptionem querit, proposita actione, & in syllogismi formam redacta animadvertere debet, verumius vel factum cause propositae negari, an aliqua ratione distinguipossit, aut saltem lis à causa actionis ad alias eius circumstantias transferri. Priora duo approbantur l. siquidem 9. C. de exceptionibus. ubi Iurpp. Dioclet. & Maximinianus. Siquidem (inquiunt) intentionem aëtoris probatione deficere confidis: nulla tibi defensio necessaria est. Si verò de hac confitendo, exceptione munitum te adseueres: de hac tantum convenit agi. nam si etiam de intentione dubitas: habita exceptionis contestatione, tunc demum, cum  
inter-

intentionem secundum adseuerationem suam petitor probauerit, huic esse locum monstrari conuenit. *Defensionem* hic vocant *Impp. exceptionem*, qua in distinguendo consistit. Quam etiam propriè exceptionem appellant iurisperiti. Eam autem qua in negando consistit, propriè *Insiciationem* vocant. & eam qua licem à causa actionis ad alias eius circumstantias transfert, praescriptionem: qua exceptiones, quas dilatorias vocant, complectitur. *Insiciatio duplex est*: vna iuris, alia facti. Vnde duplex etiam quaestio in foro solet oriri, vt supra diximus. Qua singula, quo à rudioribus percipi queant, exemplis declarabo. Sit actio talis in iudicium deducta, qua actor rem vendicat hoc argumento, quod ea suis numis empta sit. *Forma huius actionis seu argumentatio talis est*: Res aliena pecunia empta, eius est cuius fuit pecunia qua empta est. non eius qui emit: At res qua vendicatur, actoris pecunia empta est: Ergo res qua vendicatur, actoris est, & per consequens ei restituenda. Huius argumenti siue actionis ius siue maiorem propositionem negat *Imp. Diocletianus l. ad probationem. 21. in fine. C. de probationibus*, his verbis: Res vendicantem ab emptore, suos numeratos nummos adseuerantem, erga probationem laborare non conuenit: liquidem huiusmodi licet probetur factum, intentioni nullum praebet adminiculum. quasi diceret Imper. Ipso iure non valet actio proposita: seu (vt Dialectico more loquar)



loquar) maior propositio argumenti propositi falsa est. Præterea fingamus, duos esse Titios, patrem & filium: testamento datum esse tutorem Titium, nec apparere virum de patre, an de filio testator senserit: filium autem ad tutelam vocari hoc argumento, quod à patre pupillorum tutor in testamento datus sit. Filius reus ius vel maiorem propositionem huius argumenti negare non potest: factum siue minorem potest. Scilicet, se à patre pupillorum tutorem testamento datum esse: quia non apparet, de quo Titio testator senserit. Quo casu Paulus ait, non ius deficere, sed probationem: l. duo. 30. ff. de testam. tutela. Si autem neque maior, neque minor propositio, hoc est, neq. ius, neq. factum proposita actionis à reo negari potest: de distinctione aliqua cogitandum est, qua actio ista elidatur. Cuius loci argumenta proponuntur Inst. de exceptionibus, in prin. ubi Imp. Iustinianus: Sæpe (inquit) accidit, ut licet ipsa persecutio, qua actor experitur, iusta sit: tamen iniqua sit aduersus eum, cum quo agitur. Verbi gratia, si metu coactus, aut dolo inductus, aut errore lapsus stipulanti Titio promissisti, quod non debueras promittere: palam est, iure civili te obligatum esse, & actio qua intenditur dare te oportere, efficax est: sed iniquum est, te condemnari. Ideoque datur tibi exceptio Quod metus causa, aut doli mali, aut in factum composita ad impugnandam actionem, &c.

Plura

Plura exempla ibidem sequuntur. Sed & aliud exemplum proponitur l. eum qui ita. 56. §. qui ita. ff. de verb. obligat. vbi Ulpianus: Is (inquit) qui usque ad calendas Ianuarias dari stipulatur: potest quidem etiam post calendas petere, sed exceptione pacti submouebitur. Porro huiusmodi exceptiones, quæ in distinguendo consistunt, & proprie à Iurisconsultis exceptiones (ut dixi) appellantur, nihil aliud sunt, quam conditiones iuris vel expressæ verbis legis, vel tacitæ ex mente legislatoris pendentes. Vnde l. exceptio. 22. ff. de exceptionibus Paulus: Exceptio (inquit) est conditio, quæ modò eximit reum damnatione, modò minuit damnationem. Sumuntur autem huiusmodi exceptiones, siue distinctiones, ex facti circumstantiis & utputa ex persona, re, causa, modo, loco, tempore, instrumento, antecedentibus, adiunctis & consequentibus. Ex hisce enim locis siue circumstantiis tum distinctiones iuris, tum presumptiones facti siue coniecturæ sumuntur. De presumptionibus facti siue coniecturis, quatenus ex his locis sumantur, infra in facti questione dicetur. Quod autem distinctiones iuris hinc sumantur, asserit Claudius Saturninus l. aut facta. 16. in princ. ff. de pœnis, dicens: Aut facta puniuntur, aut scripta, aut consilia. Sed hæc quatuor genera consideranda sunt septem modis: causa, persona, loco, tempore, qualitate, quantitate, euentu. Hisce concordat quod l. non omnes. 5. in princ.

princ. ff. de re militari, Arrius Menander ait: Non omnes desertores similiter puniendos esse, sed haberi & ordinis & stipendiorum rationem, vel gradus militiae, vel loci, vel muneris deserri, & anteaclia vita. Sed & numeri, si solus, vel cum altero, vel cum pluribus deseruit, aliudve quod crimen desertioni adiunxerit: item temporis, quo in desertione fuerit, & eorum quae postea gesta fuerunt. Sed & si fuerit ultro reuersus, non cum necessitudine: non esse eiusdem sortis. Aliud exemplum proponitur l. ac si quis. 14. §. hac actio. ff. de religiosis. vbi Vlpianus: Aequum (inquit) accipitur ex dignitate eius qui funeratus est, ex causa, ex tempore, ex bona fide, &c. Sed singulorum locorum sigillatim aliquot exempla ordine subiiciemus: valet enim haec res plurimum tum ad doctrinam, tum ad praxin siue vsu iuris.

#### A' persona facti.

A' persona itaq; facti exceptio sumitur aduersus testamentum quidem, eiuq; actionem, l. qui in potestate. 6. in prin. ff. qui testam. facere possunt. vbi Caius: Qui in potestate (inquit) parentis est, testamenti faciendi ius non habet: adeo ut quamuis pater ei permittat, nihilo magis tamen iure testari possit. Sic aduersus fideicommissi petitionem ex persona fideicommittentis exceptio sumitur l. 2. ff. de leg. 1. vbi Vlpianus: Sciendum est (inquit) eos demum fideicommissum posse relinquere, qui testandi ius habent, aduersus pacta & trans:

& transactiones exceptio ex persona sumitur l. in-  
 terpositas. 13. §. fin. C. de transactionibus ubi dicitur,  
 Dubijs iuris non esse, dominos cum seruis suis paci-  
 scientes, ex placitis teneri atq; obligari non posse. Ad-  
 versus legis Aquiliae actionem ex persona dantis dam-  
 num excipitur l. 5. §. & ideo. ff. ad l. Aquiliam. ubi  
 Vlpianus: Quæritur (inquit) si furiosus dam-  
 num dederit, an legis Aquiliae actio sit? Et  
 Pegasus negavit: quæ enim in eo culpa sit, qui  
 suæ mentis non est? Et hoc verissimum est.  
 Cessabit igitur Aquiliae actio. Sed et si infans  
 damnum dederit, idem erit dicendum. Huius  
 etiam loci est l. ferè. 108. ff. de reg. iuris. ubi Paulus:  
 Ferè (inquit) in omnib. pœnalibus iudicijs &  
 ætati & imprudentiæ succurritur. Huc pertinet  
 illud Terentianum: Duo cum idem faciunt sape, ut  
 possis dicere, Hoc licet impunè facere huic, illi non li-  
 cet: non quod dissimilis res sit, sed quod is qui facit.  
 Huc igitur spectat, quod l. non est. 136. ff. de reg. iuris,  
 Iulianus ait, Non esse singulis concedendum, quod  
 per magistratum publicè possit fieri. Planè persona  
 (ut in d. l. aut facta, Claudius Saturninus ait) du-  
 pliciter spectatur: eius qui fecit, & eius qui passus est.  
 Aliter enim puniuntur ex iisdem facinoribus servi,  
 quàm liberi: & aliter, qui quidquam in dominum pa-  
 rentemve ausus est, quàm qui in extraneum: in ma-  
 gistratum, quàm in priuatum. Huius loci est l. item  
 apud Labeonem. 15. §. itaq; Prator. ff. de iniurijs. ubi  
 Vlpianus: Si (inquit) infamatus sit servus vel  
 facto

facto aliquo, vel carmine scripto: puto causæ cognitionem Prætoris porrigendam & ad serui qualitatem. Etenim multum interest, qualis seruus sit, bonæ frugi, ordinarius, dispensator: an verò vulgaris, vel mediastinus, an qualis, qualis. Et quid si compeditus, vel malè notus, vel notæ extremæ? Habebit igitur Prætor rationem tam iniuriæ quæ admissa dicitur, quàm personæ serui, in quem admissa dicitur: & sic aut permittet, aut denegabit actionem. *Sed in contractibus consideratur persona tum eius qui cōtraxit, tum eius quoque cum quo contraxit. Sic l. 8. §. sed & personarum. ff. de transactionibus, Vlpianus:* Et personarum (inquit) contemplatio habenda est, hoc est, cuius vitæ sint hi quibus alimenta relicta sunt: utrum frugi vitæ, & qui aliàs sufficere sibi possint, an sequioris, qui de alimentis pendeant. In persona etiam eius, à quo alimenta relicta sunt, hæc erunt spectanda: in quibus facultatibus sit, cuius propositi, cuiusque opinionis: tunc enim apparebit, nunquid circumuenire velit eum, cum quo transigit. *Sane exceptionum, quæ à persona vel facienti vel patientis sumuntur, tot sunt genera, quor sunt loci personarum, quorum plerosque supra exposuimus. Nam ut alia argumenta, ita quoque exceptiones personales ducuntur tum ex ijs quæ vel in animo vel in corpore sunt hominis, tum ex ijs etiam quæ*

2

sunt

sunt extra hominem, hoc est fortuna bonis malisque  
 & à rebus gestis. Quæ igitur suprà in locis persona-  
 rum dicta sunt, huc quoque possunt referri. Planè ha-  
 rum exceptionum replicatio generalis hæc est: Nisi  
 errore communi pro habili sit reputatus, qui reuera  
 fuit inhabilis. Quæ replicatio approbatur & distin-  
 guitur apud Gabriel. libr. 1. de probationibus, con-  
 clusion. 8.

A're, in qua, vel circa quam  
 factum est.

Rerum quoque varietas iuris varietatem intro-  
 ducit, & excipiendi materiam suppeditat. Sunt au-  
 tem res aliæ diuini iuris, aliæ humani: l. 1. in prin. ff.  
 de rerum diuis. Diuini iuris sunt res sacra, sancta &  
 religiosæ. Humani iuris res aut publicæ sunt, aut  
 priuata. Publicæ, quemadmodum & diuini iuris, res  
 in nullius bonis esse videntur, d. l. 1. §. 1. Ex re igitur  
 sumpta exceptio est aduersus stipulationem Inst. de  
 inutilib. stipulationibus. §. idem iuris. vbi Imper.  
 Iustinianus: Inutilis (inquit) erit stipulatio, si re  
 sacram aut religiosam, quam humani iuris  
 esse credebat: vel rem publicam, quæ vñibus  
 populi perpetuò exposita sit, vt forum vel  
 theatrum: vel liberum hominem, quem ser-  
 uum esse credebat, vel cuius commercium  
 non habuerit: vel rem suam dari quis stipule-  
 tur. Huius loci regula proponitur l. quod nullius.  
 142. ff. de reg. iur. vbi Iulianus: Quod nullius (in-  
 quit) esse potest, id vt alicuius fieret, nulla ob-  
 liga-

ligatio valet efficere. *Privata quoque res, quæ singulorum esse dicuntur, aut propria sunt, aut communes, aut aliena. Ex qua differentia exceptio sumitur aduersus actionem hypothecariam, l. 6. C. si res aliena pignori data sit. vbi dicitur: Seruiana actio declarat euidenter, iure pignoris teneri non posse, nisi quæ obligantis in bonis fuerint: & per alium rem alienam inuito domino pignori capi non posse, certissimum est: Huius etiam loci est l. neque pignus. 45. ff. de reg. iur. vbi Caius: Neq; pignus (inquit) neq; depositum, neq; precarium, neq; emptio, neq; locatio rei suæ consistere potest. Item l. qui rem. 126. ff. eod. tit. vbi Paulus: Qui rem (inquit) alienam defendit, nunquam locuples habetur. Præterea quædam res corporales sunt, quædam incorporales: Instit. de reb. corporib. & incorp. in princ. Hinc exceptio sumitur aduersus usucapionem l. seruus. 43. §. incorporales. ff. de adq. rerum dom. vbi Caius: Incorporales (inquit) res traditionem & usucapionem non recipere, manifestum est. Distinguntur in super res in mobiles & immobiles. Vnde excipitur aduersus interdictum Vnde vi, l. 1. §. illud utriusque ff. de vi & vi armata. vbi Vlpianus: Illud (inquit) in dubium non venit, interdictum hoc ad res mobiles non pertinere, &c. Item aduersus interdictum Quod vi aut clam, l. 1. §. hoc interdictum. ff. quod vi aut clam. vbi idem Vlpianus: Hoc (inquit) interdictum ad ea sola opera perti-*



net, quæcunque in solo vi aut clàm facta fuerint. Sed & præter hæc plura sunt rerum accidentia, quæ excipiendi causam præstant. Nam huc quoque pertinet d. l. aut facta. 16. §. quantitas. ff. de pœnis. vbi Claudius Saturninus: Quantitas (inquit) discernit furem ab abigeo: nam qui vnum suum subriperit, vt fur coercebitur: qui gregem, vt abigeus. Item Institut. de inutilibus stipulat. in prin. vbi Imp. Iustinianus: Si quis (inquit) rem quæ in rerum natura non est, aut esse non potest, dari stipulatus fuerit: veluti Stichum, qui mortuus sit, quem viuere credebatur: aut hypócentaurum, qui esse non possit: inutilis erit stipulatio. Sic etiam aduersus vsucapionem excipitur propter vitium rei, si res furtiua vel vi possessa sit. hæc enim impedit vsucapionem, Inst. de vsucap. §. furtiua. Sed & ex genere & qualitate facti in contractum vel vltimam voluntatem deducti exceptio sumpta, ad hunc locum rei pertinet. Itaq; huius loci est diuisio stipulationis, l. 2. in prin. ff. de verb. obligat. vbi Paulus: Stipulationū (inquit) quædam in dando, quædam in faciendo cōsistunt. Hinc excipitur aduersus actionem ex stipulatu, l. si stipuler. 35. in prin. ff. eod. tit. vbi idem Paulus: Si stipuler (inquit) vt id fiat, quod natura fieri non concedit: non magis obligatio consistit, quàm cum stipulor vt id detur, quod dari non potest. Huius igitur loci est l. impossibile. 145. ff. de reg. iuris. vbi Celsus:

Impof-

Impossibilium (*inquit*) nulla obligatio est. Item l. verum est. 31. ff. eod. tit. vbi Vlpianus: Verum est (*inquit*) neque pacta, neque stipulationes factum posse tollere. Quod enim impolsibile est, neque pacto neque stipulatione potest comprehendendi, vt vtilem actionem, aut factū efficere possit. Item huc pertinet l. ea qua. 177. ff. eod. tit. vbi idem Vlpianus: Ea (*inquit*) quæ dari impossibilia sunt, vel quæ in rerum natura non sunt, pro non adiectis habentur.

#### A causa facti.

Sequitur causa facti, ex qua frequenter excipi solet. Alterum est defensionis genus (*inquit* Quintilianus lib. 7. Instit. orator. cap. 5.) in quo factum per se improbabile assumptis extrinsecus auxilijs tuemur: in quo genere fortissimum est, si crimen causa facti tuemur. Vlpianus quoque l. verum est. 40. ff. de furtis: Non (*inquit*) factum quæritur, sed causa faciendi. Et l. si quis. 41. §. fin. ff. ad l. Aquiliam, idem Vlpianus: Cum facto (*inquit*) etiam animus furis furtum exigit. Et l. qui iniuria. 55. in prin. ff. de furtis, Paulus: Maleficia (*inquit*) voluntas & propositum delinquētis distinguunt. Et l. respiciendum. 11. §. fin. ff. de pœnis, Martianus: Delinquunt (*inquit*) aut proposito, aut impetu, aut casu. Proposito delinquunt latrones, qui factionem habent. Imperu autem, cum per ebrietatem ad manus, vel ad ferrum venitur. Casu verò, cum in venando telum in  
feram

feram missum hominem interficit. Sed causa-  
rum species plures enumerauimus supra libr. prox.  
cap. De locis actionum. Huius autem generis exce-  
ptiones sunt exceptio doli mali, erroris & ignoran-  
tia, metus, necessitatis, iracundia, casus fortuiti, &  
alia plures. Huc itaque pertinet regula, quod nemi-  
ni vel malicia sua lucrosa, vel simplicitas damnosa  
esse debeat: l. i. in prin. ff. de dolo malo, cuius exem-  
plum proponitur l. si quis. 36. §. si. de verb. oblig. vbi  
Vlpianus: Si quis (inquit) cum aliter conuenis-  
set eum obligari, aliter per machinationem  
obligatus est: erit quidem subtilitate iuris  
obstrictus, sed doli exceptione vti potest, qui  
enim per dolum obligatus est, competit ei  
exceptio. Idem est, etsi nullus dolus interces-  
serit stipulantis, sed ipsa res in se dolum ha-  
bet. Cum epim quis petat ex ea stipulatione:  
hoc ipso dolo facit, quod petit. Erroris exce-  
ptio approbatur l. in omnibus. 56 ff. de action. &  
obligat. vbi Pomponius: In omnibus (aiunt) ne-  
gocijs contrahendis, siue bonae fidei sint, si-  
ue non sint, si error aliquis interuenerit, vt a-  
liud sentiat, puta qui emit, aut qui conducit,  
aliud qui cum his contrahit: nihil valet quod  
actum est. Concordat l. in totum. 76. ff. de regul.  
iuris. vbi idem Pomponius: In totum (inquit) o-  
mnia quae animi destinatione agenda sunt,  
non nisi vera & certa scientia perfici possunt.  
Et l. nihil. 116. in fine ff. eod. tt. vbi Vlpianus: Non  
viden-

videntur (*inquit*) qui errant, consentire. *Huius exemplum proponitur l. 9. in princ. ff. de contrah. empte. vbi idem Vlpianus: Si cum ego (inquit) me fundum emere putarem Cornelianum, tu mihi te vèdere Sempronianum putasti: quia in corpore dissensimus, emptio nulla est. Idè est, si ego me Stichum, tu Pamphilum absentem vendere putasti. Nam cum in corpore dissensimus, apparet nullam esse emptiorem. Aliud exemplum proponitur l. mater. 19. ibi: nec enim. ff. de inoff. testam. vbi Paulus: Quæ (inquit) ex testamento adiit, quod putabat valere, repudiare legitimam hæreditatem non videtur, quam. nescit sibi deferri: cum & hi qui sciunt, ius suum, eligentes id quod putant sibi competere, non amittant. Huc quoque pertinet l. ferè. 108. ff. de reg. iuris. vbi Paulus: Ferè (inquit) in omnibus pœnalibus iudicijs, imprudentiæ succurritur. Metus exceptio approbatur edicto Pratoris l. 1. in princ. ff. quod metus causa. vbi Prator ait: Quod metus causa gestum erit, ratum non habebø. Huc item pertinet regula l. nihil. 116. in princ. ff. de reg. iuris. vbi Vlpianus: Nihil (inquit) consensu tam contrarium est, qui & bonæ fidei iudicia sustinet, quàm vis atque metus, quam comprobare contra bonos mores est. Necessitatis exceptio approbatur l. 4. ff. de regal. iuris. vbi Vlpianus: Velle (inquit) non creditur, qui obsequitur imperio patris,*

vel domini. *Concordat l. is damnum 131. ff. eod. tt. vbi Iulianus*: Eius (*inquit*) nulla culpa est, cui parere necesse sit, Cuius exemplum proponitur *l. 11. §. si ff. de his qui notantur infamia, his verbis*: Excusatur qui iussu eius, in cuius potestate erat, duxerit uxorem intra tempus luctus: nam qui obtemperauit, venia dignus est. Aliud exemplum proponitur *l. non videntur. 127. in fine. ff. de reg. iuris, vbi Iulianus*: Qui iussu iudicis (*inquit*) facit, non videtur dolo malo facere: quia parere necesse habet. Aliud exemplum habetur *l. ad ea. 199. in princip. ff. eod. tt. vbi Vlpianus*: Ad ea (*inquit*) quæ non habent atrocitatem facinoris, vel sceleris: in his ignoscitur seruis, si vel dominis, vel his qui vice dominorum sunt (veluti tutoribus & curatoribus) obtemperauerint, Huc quoque potest referri *l. culpa. 50. ff. eod. tt. vbi idem Vlpianus*: Culpa (*inquit*) caret, qui scit, sed prohibere non potest. Item *l. nullum. 109. ff. eod. tt. vbi Paulus*: Nullum (*inquit*) crimen patitur is qui non prohibet, cum prohibere non possit. Iracundia exceptio approbatur *l. quidquid. 48. ff. eod. tt. vbi idem Paulus*: Quidquid (*inquit*) calore iracundiæ vel sit, vel dicitur, non prius ratum est, quam perseverantia apparuerit iudicium animi fuisse. Ideo quæ breui reuersa uxor nec diuertisse videtur. Casus fortuiti exceptio approbatur *l. contractus. 23. in fine. ff. de reg. iuris. vbi Vlpianus*: Animalium (*inquit*)

(inquit) casus mortes quæque quæ sine culpa accidunt: fugæ seruorum, qui custodiri non solent: rapinæ, tumultus, incendia, aquarum magnitudines, impetus prædonum à nullo præstantur. Huius exemplum proponitur l. 2. §. si eo ff. de administ. rer. ad ciuitat. pertin. vbi idem Vlpianus: Si (inquit) eo tempore, quo est nominatus, idoneus, postea lapsus facultatibus damnum debitis reipub. dederit: quia fortuitos casus nullum humanum consiliū prouidere potest, curator hoc nomine nihil præstare debet. Planè interdum & casus præstatur: puta si vel culpa præcesserit: l. 5. §. sed interdum. ff. commodati. vel ita conuenerit, ut omne periculum præstaretur: d. l. 5. §. aut si hoc ab initio. vel res æstimata data sit: l. 1. §. fin. ff. de æstimatoria præscriptis verbis. vel qui exceptione proposita utitur, vi vel furto rem abstulit, vel dolo eam possidere desierit, de quibus cum alijs vide Digest. meor. libr. 48. cap. 19. Præter exceptiones hæcenus enumeratas & alia plures ex causa facti sumuntur. Nam huc pertinet etiam l. qui sine. 63 ff. de reg. iuris. vbi Iulianus: Qui (inquit) sine dolo malo ad iudicium prouocat, non videtur moram facere. Et l. 2. §. si quis. ff. de doli mali except. vbi Vlpianus: Si quis (inquit) sine causa ab aliquo fuerit stipulatus, deinde ex ea stipulatione experiatur: exceptio utique doli mali ei nocebit. Item huc pertinet exceptio, quod non animo contrahendi vel sti-

2 p. 1  
 11 p. 1  
 2 p. 1

2 p. 1  
 11 p. 1  
 2 p. 1

pulandi sit factum : l. 3. §. non satis. ff. de actio. & oblig. & l. 7. §. quod ferè. ff. de pactis. Quòd ex turpi causa contractum sit, vel libertatis oneranda causa. Inst. de inutil. stipul. §. quod turpi. l. qui oneranda. 32. ff. de operis libertorum. Sed & huc referrè potest l. quæ dubitationis. 81. ff. de reg. iuris. de qua dictum supra in loco A ratione legis, reg. 4. Postremò aliud huius loci exemplum proponitur l. aut facta. 16. §. causa. ff. de pœnis, hisce verbis: Causa cōsideranda est, vt in verberibus, quæ impunita sunt à magistro illata vel parente: quoniā emendationis, non iniuriæ gratia videntur adhiberi. Hac de causa facti.

#### A modo facti.

A modo quoque facti interdum sumuntur exceptiones, vt aduersus actionem iniuriarum, licet apud Labeonem. 15. §. itaque Prætor. ff. de iniurijs. vbi Vlpianus. Prætor (inquit) non ex omni causa iniuriarū iudiciū serui nomine permittet. nam si leuiter percussus, vel leuiter ei maledictum sit: non dabit actionem. Aduersus instrumenta vel contractus excipitur, Si aliquid simulatè conceptum vel gestum sit. de quo vide Digest. meor. lib. 7. c. 3. except. 13. Aduersus incesti crimen exceptio ex modo desumpta proponitur l. ult. ff. de ritu nuptiar, his verbis: Qui vel ex latere venientium vxorem duxerit quam votatur, vel ad finem quam impeditur: siquidem palàm fecerit, leuius; si verò clàm hoc commiserit, grauius



grauius punitur. Cuius diuersitatis illa ratio  
 est, quòd palàm delinquentes, vt errantes à  
 maiore pœna excusantur: clàm committen-  
 tes, vt contumaces plectuntur. *Huic concordat*  
*l. si adulterinm. 38. §. 1. ff. de adulterijs. vbi Papinia-*  
*nus: Nonnunquam (inquit) & in marib. ince-*  
*sti crimina (quâquam grauiora sunt natura)*  
*humanius, quàm adulterij, solent tractari: si*  
*modò incestum per matrimonium illicitum*  
*côtractum sit. Sic aduersus interdictum Vnde vi,*  
*ex modo excipitur l. 1. §. ad solam. ff. de vi & vi ar-*  
*mata his verbis: Ad solam atrocẽ vim pertinet*  
*hoc interdictũ. Hunc locum Claudius Saturninus*  
*à qualitate appellat d. l. aut facta. 16. §. qualitate.*  
*ff. de pœnis, dicens: Qualitate considerandũ cri-*  
*men est, cum factum vel atrocius vel leuius*  
*est: vt furta manifesta à nec manifestis discer-*  
*ni solèt, rixæ à grassaturis, expilationes à fur-*  
*tis, à violentia petulantia. Sed & aliud exemplũ*  
*proponitur l. pupillus. 5. §. si. ff. de auctoritate tutor.*  
*vbi Vlpianus: Si quidẽ (inquit) emit tutor ipse*  
 palàm, dedit autẽ nomen non mala fide sim-  
 pliciter (vt solent honestiores non pati no-  
 mina sua instrumẽtis inscribi) valet emptio.  
 Quòd si callidè: idem erit, atque si per inter-  
 positam personam emisset. Porro ad hunc locũ  
 videtur pertinere exceptio ex specie facti sumpta:  
 vt *l. si quis uxori. 53. §. neq; verbo. ff. de furtis. vbi i-*  
*dem Vlpianus: Neque verbo (inquit) neq; scri-*  
 ptura

ptura quis furtū facit: hoc enim iure vtimur, vt furtum sine contrectatione non fiat. Quare & opem ferre, vel consilium dare tunc nocet, cum secuta contrectatio est. Aliud exemplum proponitur l. 1. §. sola. ff. eod. tt. vbi Paulus: Sola (inquit) cogitatio furti faciendi non facit furem. Ideoq; huc etiam pertinere videntur ea quæ dicta sunt suprâ in loco A verbis legis, reg. 2. Sed & plures species modi enumerauimus suprâ lib. prox. in locis actionum. Secundum quæ dies quoq; & cōditio contractibus vel alijs dispositioni adiecta modū facit. Ideoq; huc etiam pertinere videtur l. actus. 77. ff. de reg. iur. vbi Pomponius: Actus (inquit) legitimi, qui non recipiunt diem vel conditionem: veluti emancipatio, acceptilatio, hæreditatis aditio, serui optio, datio tutoris: in totum viciantur per temporis vel conditionis adiectionem. Exceptiones quoque ex turpi, impossibili, vel alia simili conditione, quæ actum viciare solet, desumptæ ad hunc locum pertinere videntur. Quare huius loci exemplum est l. stipulatio. 61. ff. de verb. oblig. vbi Iulianus: Stipulatio (inquit) hoc modo concepta: Si hæredem me non feceris, tatum dare spondes? inutilis est: quia contra bonos mores est hæc stipulatio.

A loco facti.

Locus etiam facti excipiendi materiam suppeditat: vt aduersus actionem in factum de deiecto & effuso, ex loco in quem deiectum vel effusum est, excipi-

*capitur l. 1. §. caterū. ff. de his qui deiecerint. vbi Vlpianus: Si (inquit) aliquando vulgus in illa via, in quam deiectum vel effusum est, non com-  
 meabat, & tunc deiectum vel effusum sit, cū  
 adhuc secreta loca essent. & modò cœpit cō-  
 meari: non debet hoc edicto teneri. Alia exce-  
 ptio, desumpta ex loco in quem quis ad arbitrum  
 vocatus est, aduersus pœnam compromissi, proponi-  
 tur l. quid tamen. 21. §. sed et si. ff. de arbitris. vbi idē  
 Vlpianus: Si (inquit) in aliquem locum inho-  
 nestum arbiter adesse iusserit: puto in popi-  
 nam, vel lupanarium: sine dubio impunē ei  
 non parebitur. Alia exceptio aduersus sacrilegij  
 accusationem, ex loco desumpta, proponitur d. l. aut  
 facta. 16. §. locus. ff. de pœnis. vbi Claudius Saturni-  
 nus: Locus (inquit) facit, vt idem vel furtū vel  
 sacrilegium sit: & capite luendum, vel mino-  
 re supplicio. Sic aduersus iudicati actionem exce-  
 ptio, ex loco quo iudicatum est desumpta, proponi-  
 tur l. 5. C. quomodo & quando iudex sententiam.  
 vbi Imp. Philippus: Si (inquit) præses prouin-  
 ciæ, cum certum locum causæ cognoscendę  
 dedisset, alibi per obreptionem aditus, sen-  
 tētiā aduersus te absentem protulit: quod  
 ita gestum est, ad effectum iuris spectare mi-  
 nimē oportet. Similis exceptio habetur l. cū sen-  
 tentiam. 6. C. de sententijs & interlocut. his verbis:  
 Cum sententiam Præsidis irritam esse dicis,  
 quòd non publicè, sed in secreto loco, offi-  
 cio e-*

cio eius non præsente, sententiam suam dixit: nullum tibi ex ijs quæ ab eo decreta sunt, præiudicium generandum esse constat.

A tempore facti.

*Quemadmodum aduersus iudicati actionem ex loco quo iudicatum est, exceptio sumitur, ut iam est ostensum: ita aduersus eandem actionem ex tempore iudicati excipitur l. 6. ff. de ferijs. vbi Vlpian. ait: Quid si feriatibus diebus fuerit iudicatum? legē cautum est, ne ijs diebus iudicium sit, nisi ex voluntate partium: & si aliter aduersus ea iudicium erit, ne quis iudicatum facere, neue soluere debeat: neu quis ad quem de ea re in ius aditum erit, iudicatum facere cogat. Sic aduersus actionem in factum de deiecto & effuso, ex tempore quo deiectū vel effusum est, exceptio proponitur l. 6. §. Labeo. ff. de his qui deiecerint vel effuderint. Vbi Labeo ait, locum habere hoc edictum, si interdum deiectum sit, non nocte. Aduersus mandati actionem, ex tempore quo mandatum est, excipitur l. si verò. 12. §. si post creditam. ff. mandati. vbi Papinianus ait: Si post creditam pecuniā mandauero creditori credendam: nullum esse mandatum. Huius quoque loci est d. l. aut facta. 16. §. tempus. ff. de pœnis. vbi dicitur, Tempus discernere emansorem à fugitiuo, & effractorem vel furem diurnū à nocturno. Huc quoque pertinet l. quod quis. 188. ff. de reg. iur. vbi Paulus: Quod quis (inquit) dum seruus esset, egit: proficere libero facto*

facto non potest. Planè hoc loco notanda est regula hac, quod paria sint, aliquid ante, & in continenti post fieri. Turz. reg. 8.

### Ab instrumento facti.

Instrumentorum nomine (Paulus l. 1. ff. de fide instrum. ait) ea omnia accipienda, quibus causa instrui potest. Et ideo tam testimonia, quam persone instrumentorum loco habentur. Huius igitur loci exceptio est aduersus contractus l. contractus. 16. C. de fide instrument. vbi ex imperfecto instrumento contractus infirmatur. Similiter exceptio ex instrumento aduersus actionem empti & venditi proponitur Inst. de empt. & vendit. §. in ijs autem, talis scilicet: Si instrumenta emptionis fuissent conscripta, vel à contrahentibus subscripta, & omnibus partibus absoluta. Item aduersus fideicommissi petitionem exceptio ex hoc loco desumpta proponitur lex ea scriptura. 29. in prin ff. qui testamentum facere possunt. vbi Paulus ait: Ex ea scriptura, qua ad testamentum faciendum parabatur, si nullo iure testamentum perfectum esset, nec ea qua fideicommissorum verba haberent, peri posse. Item aduersus testamentum ex hoc loco exceptiones sumuntur, si signa testamento non sint imposita, vel ab ipso testatore sint turbata, si testamentum à testibus non subscriptum, &c. de quibus vide Digestor. meor. libr. 28. cap. 10. Sed & huius loci exceptiones sunt aduersus testamentum, qui sumuntur ex personis testium, si vel nō legitimus testium numerus inter-

uene-

nenerit, vel testes non fuerint idonei: vt puta mulieres, impuberes, serui, &c. de quibus vide d. lib. 28. cap. 8. Quoniam autem oratio instrumentum dicitur, quo cogitata mentis nostra proferimus, ex verbis quoque exceptio desumpta huius loci videri potest: qualis fuit exceptio aduersus actionem ex stipulatu iure antiquo approbata, hac scilicet: Si solennibus verbis stipulatio facta esset, Inst. de verb. oblig. §. in hac re. Postremo aduersus exceptionem, qua vititur patronus interdicto Vnde vi à liberto conuentus, datur replicatio ex instrumento vis illata, l. 1. §. interdictum. ff. de vi & vi armata, his verbis: Aliter atque si vi armata vsus sit aduersus libertum patronus, vel aduersus liberos patrens: nam & hoc interdictum competit.

Ab antecedentibus.

Ab hoc loco sumitur exceptio aduersus actionem de dolo talis: Nisi actor prior dolo egerit, l. si duo. 36. ff. de dolo malo. Vbi Martianus: Si duo (inquit) dolo malo fecerint, inuicem de dolo non agent. Et l. cum par. 196. ff. de reg. iuris, Vlpianus ait: Cum par delictum est duorum, semper oneratur petitor, & melior habetur possessoris causa: sicut fit, cum de dolo excipitur petitoris. Sic aduersus interdictum Vnde vi ex antecedentibus excipitur hoc modo: Si non reus antè ab actore esset deiectus, l. qui possessionem. 17. ff. de vi & vi armata. Vnde l. scientiam. 45. §. penult. ff. ad l. Aquiliam, Paulus; Vim (inquit) vi defendere omnes

omnes leges, omniaq; iura permittunt. *Huius etiam loci exceptio proponitur l. 1. §. fin. cum lege sequente. ff. ne quis eum qui in ius vocabitur. vbi Ulpianus: O filius (inquit) putat, locum huic edicto non esse, si persona quæ in ius vocari non potuit, exempta est: veluti parens, patronus, cæteræque personæ. Quæ sententia mihi videtur verior. Et sanè si deliquit qui vocat, non deliquit qui patronum vi eximit. Nam cum vterque contra edictum faciat, & libertus qui patronum vocat, & is qui patronum vi eximit: deteriore loco libertus est, qui in simili delicto petitoris partes sustinet. Eadem æquitas est in eo qui aliò, quàm quò debuerat, in ius vocabatur. Similiter aduersus legatari petitionem exceptio ab antecedentibus sumitur, si priusquam legatum relictum est, fuerit ademptum: nam hoc casu petenti legatum obstat exceptio ex l. si mihi. 12. §. fin. ff. de leg. 1. vbi Pomponius: Interdum (inquit) in legatis non posterior, sed præcedens scriptura valet. nam si ita scripsero, Quod Titio infrà legauero, id nequedo, neque lego: quod infrà legatum erit, non valebit. Aduersus rem quoque iudicatam exceptio ex antecedentibus sumitur hoc modo: Si causa condemnati antea non fuerit audita. Nam ita l. 1. in prin. ff. de requirendis reis. Martianus: Inaudita (inquit) causa quenquam damnari, æquitatis ratio non patitur. Similis exceptio proponitur*



*l. cum hi. 8. §. si prator. ff. de transactionib. vbi Vlpianus: Si (inquit) Prætor aditus citra causæ cognitionem transigi permiserit, transactio nullius erit momenti: prætori enim ea res quærenda commissa est, non negligenda, nec donanda. Sed & si non de omnibus inquisierit, quæ oratio mandat, hoc est de causa, de modo, de personis transigentium: dicendum est, quainuis de quibusdam quæsierit, transactionem esse irritam. Sic aduersus actionem ex stipulatu de euictione obijcitur exceptio ex antecedentibus, si ante euictionem venditori ab emptore non sit denunciatum: l. si fundo. 53. in fine. ff. de euictione.*

#### Ab adiunctis.

*Ab hoc loco exceptio sumitur aduersus actionem ex stipulatu talis: Si continuo actu, nullo alieno actu interueniente, stipulatio facta esset: l. continuus. 137. in prin. ff. de verb. obligat. Similis exceptio testamento etiam cuiusq; actioni obstat, l. heredes. 21. §. fin. ff. de testamentis. Sed & huius loci exceptio aduersus testamentum est, si heredes non palam dicantur esse ab ipso testatore nuncupati, vt ab ipsis testib. exaudiri potuerit: d. l. 21. in princ. Huc quoq; pertinet exceptio pacti conuenti, quæ obijcitur actioni ex empto, vendito, locato, conducto, vel alij simili, qua quid quod ipso iure in eam venire solet, petitur. hoc enim casu, si aliud in ipso contractu conuenerit, ex ipso pacto, quod interuenit, obstat exceptio: de qua dixi-*

mus *suprà* inter exceptiones generales. Sed & huc possunt non ineptè referri ea quæ *suprà* in causa facti de dolo malo & errore interueniente diximus: item quoties ob aliquam solennitatem omissam actus impugnatur, quanquam etiam *suprà* ad locum A parte hoc relatum est, regul. 2. Est denique huius loci l. 1. C. de errore aduocat. vbi Imper. Alexander: Ea (inquit) quæ aduocati præsentibus ijs, quorum causæ aguntur, allegant, perinde habenda sunt, ac si ab ipsis dominis litium proferantur.

#### A' consequentibus.

Loci à consequentib. regula prima hac est, Quod si in eum casum incideris obligatio, quo ab initio consistere non potuit, extinguatur. de qua re vide M. 1. C. lib. 12. cap. 6. except. 98. item libr. 16. cap. 3. except. 32. Altera regula est, Quod initio vitiosum est, tractu temporis conualescere non potest. de qua re vide M. 1. C. d. cap. 6. in fine, repl. generalis. Tertia regula est, quod posteriora derogant prioribus. Sic pactum prius eliditur per posterius, l. si vnus. 27. §. pactus. ff. de pactis. Sic posteriore testamentorum puitur prius: Inst. quibus modis test. infirmantur. §. posteriore. Sed & in legatis ac fideicommissis nouissima scriptura valent, & posteriores voluntates sunt firmiores: l. si mihi. 12. §. in legatis. ff. de legat. 1. & l. clari. 19. C. de fideicommissis. Ex consequentibus ergo sumitur exceptio hac: Si non postea aliud sit actum. Sed & aduersus iniuriarum actionē

ex consequentibus excipitur l. sed si unus. 17. §. si cum ante. ff. de iniurijs. vbi Vlpianus: Si cum ante iudicem (inquit) dominus verberandum seruū exhibuerit, vt satis verberibus de eo fieret, & erit factū arbitrato alicuius: postea actor agere iniuriarum perseuerans non est audiendus. Qui enim accepit satisfactionem, iniuriā suam remisit. nam et si nuda voluntate iniuriam remisit: indubitātē dicendum est, extinguī iniuriarum actionem non minus, quā si tempore abolita fuerit iniuria. Sunt insuper propositi loci à consequentibus exceptiones solutionis, acceptilationis, nouationis, confusionis, interitus, & alia plures, quibus obligatio ab initio vriliter constituta ex post facto fit irrita: quas Digestor. meor. lib. 48. descripsi. item exceptio causa dati non secuta vel finita, exceptio non numerata pecunia, conditionis defectus, mandati reuocati, & alia similes. Planè consequentia, ex quibus exceptiones sumuntur, contingunt vel ipsi facto, ex quo actio instituitur, tanquam toti: vel eius circumstantijs, tanquam partibus. Ipsi facto contingunt, veluti pacto, testamento vel legato priori posterius, mandati reuocatio, societati contractæ renūciatio, &c. Circumstantijs facti contingunt, vt persona testatoris capitis deminutio, memoria damnata, posthumæ adgnatio. Ipsi heredi instituto mutatio conditionis, vt non sit amplius cum eo testamenti factio, ingratitude, mors viuo testatore: de quibus vide Digest. meor.

meor. libr. 28. cap. 19. cum sequente. Causa contrahus contingit, si ea non fuerit secuta, vel fuerit finita: modo vel conditioni si ea defecerit: rei in obligationem deducta vel testamento relicta interitus, & sic de alijs. Hac de loco à consequentibus.

## DE AMPLIFICATIONIBUS digressio.

**H**Actenus quatenus ex locis actionum peculiaribus, seu circumstantijs factorum exceptiones siue distinctiones sumantur, exemplis ostensum est. Istis autem circumstantijs tanquam locis actionum peculiaribus adieciimus suprâ ad finia quoq; remedia, quæ & ipsa excipiendi materiam solent suppedirare, ut ex ijs quæ suprâ in loco Ab vltiore descriptione iuris proposita sunt, patet. Planè exceptiones, quæ nō sunt actionū vel causarum, sed regularum siue maximarum, quas suprâ proposuimus, non tã ex circumstantijs istis, quã ex alijs locis, quos suprâ descripsimus, sumuntur. Solet enim vnus loci regula per regulã alterius loci sape distingui. veluti regula hac, Specialia generalib. inesse: de qua dictũ = est in loco A genere, reg. 1. distinguitur per regul. 2. loci specialis A ratione legis: scilicet, Cessante legis ratione, cessare legem. Nam cessante ratione generalis dispositionis in specie aliqua proposita, nō amplius obtinet dicta regula, ut ostensum d. reg. 1. except. 8. Similiter regula hac, Quod exceptio firmet regulam in casibus non exceptis, de qua dictum est

in d. loco speciali A ratione legis, reg. 2. distinguitur per reg. 6. loci A causa finali: scilicet, Accessorium sequi naturam sui principalis: ut ostensum d. reg. 2. except. 2. Sic ergo exceptiones regularum siue maximarum non ex circumstantiis factorum, sed ex alijs locis & maximis sumuntur, & vna regula per alteram distinguitur. Porro antequam ad reliqua exceptionum genera transeamus, hic obiter notandum, quod ex circumstantiis factorum non solum exceptiones siue distinctiones iuris, ut hactenus ostensum est: item descriptiones actionum, ut supra lib. 1. diximus: item probationem siue presumptiones facti, ut infra ostendetur, sumantur: sed etiam amplificationes & diminutiones apud Rhetores.

*accusatio  
aliis apud*

*§*
*Deminutio enim, qua factum eleuamus, quandam  
 excipiendi speciem habet: ideoq; ex circumstantiis,  
 quemadmodum exceptio sumitur. Amplificatio quo-  
 que, qua factum augemus, sumitur ex hisdem locis,  
 exemplo Inst. de iniuriis. §. atrox. ubi Imper. Iusti-  
 nianus: Atrox (inquit) iniuria aestimatur vel ex  
 facto, veluti si quis ab alio vulneratus sit, vel  
 fustibus caesus: vel ex loco, veluti si cui in  
 theatro, vel in foro, vel in conspectu praetoris  
 iniuria facta sit: vel ex persona, veluti si magi-  
 stratus iniuriam passus fuerit, vel si senatori  
 ab humili persona iniuria facta sit, aut paren-  
 ti patronus fiat à liberis vel libertis. Aliter  
 enim senatoris & parentis patroniq; aliter  
 extranei & humilis personae iniuria aestima-  
 tur.*

tur. Nonnunquam & locus vulneris atrocē iniuriam facit: veluti si oculo quis percussus fuerit. *Concordat Inst. eod. tit. §. pœna. Vbi idem Imp.* Secundum (*inquit*) gradum dignitatis, vitæque honestatem crescit aut minuitur æstimatione iniuriæ. Qui gradus condemnationis & in serui persona non immerito seruatur, vt aliud in seruo actore, aliud in medijs actus homine, aliud in vilissimo vel compedito ius æstimationis constitutatur. *Sic etiam l. sed si vnus. 17. §. quadam. ff. de iniurijs., Vlpianus:* Quædam (*inquit*) iniuriæ à liberis hominibus factæ leues & nullius momenti videntur: enimuerò à seruis graues sunt: crescit enim contumelia ex persona eius qui contumeliā fecit. *Ex instrumento facti amplificatur l. 1. C. de maleficis & mathematicis. vbi Imper. Antoninus:* Plus (*inquit*) est hominem extinguere veneno, quàm occidere gladio.

## DE ALTERO EXCEPTIONUM genere, quod sumitur ex re petita.

**H**Actenus de proximo exceptionum genere, quod scilicet sumitur ex causa actionis. & partim in negando, partim in distinguendo consistit, diximus: cuius generis exceptiones actionem in totum perimunt, reumq; damnatione eximunt, Ideoq; perpetua & peremptoria exceptiones in iure

vocantur. Has autem quia non semper habere possumus proximum est, ut si ijs destituamur, eas queramus, quae damnationem minuunt, vel actionem differunt: cuiusmodi sunt ea, quae litē a causa actionis ad alias eius, circumstantias transferunt. Ex istis ea quidem, quae ex re petita sumuntur, damnationē minuunt, & ipsae perpetuis exceptionib. connumerantur: reliquae differunt actionem. Ex re autem petita excipitur, quoties reus conuentus fatetur quidem debitum, negat tamen eam rem, quae petitur, vel tantum talē, quantum qualēue petitur, deberi. Quo casu sciendum, quid, quale & quantum in quamlibet actionem veniat petendum: idq. scire nam actoris, quam rei conuenti interest: quoniam poena tripli in actorem, qui plus petit, legib. est constituta, Inst. de actionib. §. si quis agens. & §. tripli verò. Definita autem est hac quaestio passim in singulis actionum speciebus per certas regulas in meis Digestis, quod lectorem breuitatis causa remitto. Sed & huc pertinent quae de eo quod interest, de litis aestimatione, de usuris, de fructibus & accessionibus, de compensationibus, de in litem iurādo, de eo quod reus facere potest, deq. alijs quibusdam lib. 36. Digest. incor. habentur. Quib. omnib. diligenter perlectis, haud difficulter, quid, quale quantumue in quamlibet actionem veniat, & quando ex re petita excipiendum sit, intelligi potest



## DE TERTIO EXCEPTIO-

num genere, quod sumitur ex  
 persona actoris vel ac-  
 culatoris.

**S**unt persunt adhuc septem exceptionum inuenien-  
 darum loci peculiare, ex quibus dilatoria exce-  
 ptiones sumuntur, scilicet persona actoris vel accu-  
 satoris, persona rei conuenti, persona procuratoris,  
 persona iudicis, locus item, modus & tempus actio-  
 nis: de quibus singulis, sed breuiter, ordine dicetur.  
 Persona igitur actoris vel accusatoris non rarè ex-  
 ciptendi materiam suppeditat, quando scilicet ad  
 accusandum procedit, qui ad id habilis non est: vel is  
 agit, cui non competit actio. Qui autem ad accu-  
 sandum sint inhabiles, quibusue actio competat vel  
 non competat, patet tum ex generali, tum ex spe-  
 ciali accusationum & actionum tractatu. De ac-  
 cusationibus generaliter quidem tractatur libro 3.  
 Digestor. meorum, in cuius cap. 1. quest. 5. definitur,  
 quib. competant vel non competant accusationes.  
 Specialiter verò tractatur lib. 4. De actionib. gene-  
 raliter quidem differitur libr. 36. Digestor. meor. in  
 cuius cap. 5. proposita questio definitur. Specialiter  
 verò de his passim ferè per omnes libros tractatur: in  
 quo speciali singularum actionum tractatu pecu-  
 liariter etiam actum est, Quibus proposita actio  
 competat: vt non sit opus de hac re hic copiosius dis-  
 serere. Planè interdum euenit, vt actori actio qui-  
 dem competat, ius tamen postulandi in iudicio non

competat: ut minori decem & septem annis, surdo qui prorsus non audit, & alijs quibusdam, qui enumerantur lib. 5. Digestor. meor. cap. 4. Huiusmodi igitur persona, si per se, non per procuratorem causam suam agant vel defendant, exceptione ex personis eorum desumpta repelli possunt. Sed & iudicis officio remouetur, quamuis aduersarius eos admittat. Sic enim l. 7. ff. de postulando, Cuius: Quos (inquit) prohibet Prætor apud se postulare, omnimodo prohibet, etiam si aduersarius eos postulare patiatur.

#### DE QVARTO EXCEPTIO- num genere, quod sumitur ex per- sona rei conuenti.

**E**X persona quoque rei conuenti sepe numero sumitur exceptio, quando scilicet reus fatetur quidem actori actionem competere, sed eam aduersus se competere negat. Cuius loci regula proponitur l. 1. C. ut nullus ex vicarijs, hisce verbis: Graue est non solum legibus, verum etiam æquitati naturali contrarium, pro alienis debitis alios molestari. Huc pertinent tituli iuris, Ne filius pro patre: Ne vxor pro marito, &c. Sed hunc locum tractavi passim in meis Digestis tum in generali, tum in speciali actionum tractatu, in questione hac: Aduersus quos competat actio? ex quibus huius generis exceptiones colligi possunt.

## DE QUINTO EXCEPTIO-

num genere, quod sumitur ex per-  
sona procuratoris.

**P**rocuratoris quoque persona interdum exci-  
piendi materiam suppeditat: puta si quis alie-  
no nomine agens mandatum non habeat, vel man-  
datum quod habet, non sufficiat: vel causa talis sit,  
quæ per procuratorem agi non possit: vt sunt iudicia  
publica, in quibus ipsius accusatoris presentia re-  
quiritur. De cuius generis exceptionibus tractaui  
Digestorum meorum lib. 3. cap. 1. quæst. 7. item lib.  
5. cap. 5. cum duobus sequentibus: item lib. 36. cap. 7.  
Postremò in quibusdam actionibus, sub quaestione  
hac: Per quos actio proposita competat?

## DE SEXTO EXCEPTIO-

num genere, quod sumitur ex  
persona iudicis.

**E**x iudicis etiam persona sumitur exceptio, cum  
vel tanquam suspectus iudex recusatur, vel fo-  
rum eius declinatur: quarum illa quidem dicitur  
recusatoria iudicis, hac autem fori præscriptio. e-  
iusmodi exceptiones enumeraui & tractaui d. lib.  
5. cap. 1. item lib. 6. necnon in quibusdam actio-  
nibus sub quaestione hac: Vbi & apud  
quem actio proposita com-  
petat?

## DE SEPTIMO EXCEPTIO

num genere, quod sumitur ex loco actionis.

**L**ocus actionis complectitur forum, in quo agitur. Vnde & fori præscriptio, de qua iam dixi, huc quoque referri potest. Sed & alia ratione ex loco actionis excipitur, ut quamuis iudex competens sit, & forum eius declinari non possit, tamen locus in quem reus in ius vocatur, tanquam inconueniens possit recusari. Sic l. 2. §. si tamen vel flumen. ff. si quis cautionibus iudicio sistendi causa, & c. Vlpianus: Si (inquit) vel flumen sic abundasset, ut implellet omnem locum, in quo sisti oportuit, vel aliqua fortuita calamitas eundem locum euertisset, vel præsentiam venienti periculosam fecisset: ex bono & æquo etiam hic exceptio reo accommodanda est. Huic concordat l. si locus. 59. ff. de iudicijs. vbi idem Vlpianus: Si locus (inquit) in iubendo iudicare non est comprehensus: videtur eo loco iudicare iussisse, quo solet iudicare sine incommodo litigantium. Aliud exemplum exceptionis à loco desumptæ proponitur l. quid tamen si de. 21. §. si arbiter. ff. de receptis arbitrijs. vbi idem Vlpianus: Si (inquit) arbiter iusserit, puta, in prouincia adesse litigatores, cum Romæ esset in eum compromissum: verius est, eum locum compromisso inesse, de quo actum sit, cum compromitteretur, Impunè igitur ei non parebitur, si

tur, si alio loco adesse iusserit. Quod si non appareat, de quo loco actum sit: melius dicitur, eum locum contineri, ubi compromissum est. Aliud exemplum proponitur d. l. 21. §. sed et si in aliquē. de quo annotatum etiam supra cap. à loco facti. Ex his, quatenus ex loco actionis exceptio sumatur, intelligi potest.

## DE OCTAVO EXCEPTIONUM genere, quod sumitur ex modo actionis.

**M**odum actionis hoc loco appellamus adiuncta actoris officia, quibus non prestitis actio illi denegatur: ut est inscribere in crimen, edere actionem, cauere de lite persequenda & intra duos menses contestanda, de calumnia iurare, & alia, quæ tñ in generali actionum tractatu lib. 6. Digestor. meorum in singulis actionibus sub loco adiunctorum exposita sunt. Huc item pertinet exceptio inepti libelli, prohibita cumulationis actionum, item ineptæ actionis, cuius exemplum habetur l. 1. §. ideo autem. ibi: si autem ex locato. ff. si mensor falsum modum, & c. cuius mentionem quoque fecimus supra eodem lib. cap. de actione inuenienda.

## DE NONO EXCEPTIONUM genere, quod sumitur ex tempore actionis.

**P**ostremo tempus quoque actionis sapissime exceptionem prabet: cum vel ante, vel post tempus,

pus, quo actio competit, agitur. Priore quidem casu  
 dilatoria, posteriore verò peremptoria exceptio ex  
 tempore actionis sumitur. Nam cum ante diem vel  
 conditionem obligationis vel actionis existentem a-  
 gitur, reo datur exceptio temporis dilatoria, quæ ad  
 tempus nocet: Institut. de exceptionibus. §. tempo-  
 rales. Hoc igitur loco sciendum, quando qualibet a-  
 ctio competat. Quod in singulis actionum speciebus  
 in meis Digestis sub questione hac, Quando compe-  
 rat actio? ostendi. In generali quoq, actionum tra-  
 ctatu, nempe libr. 36. Digestor. meor. cap. 14. de ea-  
 dem re actum est: ubi plures causæ, ex quibus actio  
 differri, & exceptio temporis dilatoria competere  
 potest, enumeratæ sunt. Quando verò tardius agi-  
 tur, tempore quo actio competit elapso, datur exce-  
 ptio temporis peremptoria, quam temporalem præ-  
 scriptionem leges appellant. Quo loco sciendum,  
 quamdiu qualibet actio competat: de quo tum in  
 generali actionum tractatu, nempe d. libr. 36. cap. 15.  
 tum in singulis actionibus sub questione, Quamdiu  
 competat actio? tractatum est. Sed & huc pertinet,  
 quòd criminalia quidem iudicia nō vltra biennium,  
 ciuilia verò non vltra triennium sint extendenda,  
 de qua re actum lib 3. Digestor. meor. cap. 1. quest. 9.  
 reg. 1. & lib. 5. cap. 1. quest. 3. Ex his patent exceptio-  
 num in causis latentium inueniendarum loci spe-  
 ciales. Si quis autem actionis institutæ naturam,  
 necnon causam propositam cum suis circumstantiis  
 probè perspectam habuerit, & hanc cum illa con-  
 tule-

tulerit: vltro exceptiones illi occurrent. Quando enim ex ea causa agitur, ex qua non competit actio: vel quando is agit, cui ius agendi non est: vel cum coagitur, cum quo agi non debet: vel per eum, per quē: vel apud eum, apud quem agere non licet: vel quando non agitur conuenienti loco, modo vel tempore: vel deniq; quando id petitur, quod in actionem iure non venit: exceptioni locus est. quæ omnia natura actionis probè perspecta innotescunt. Natura vero cuiuslibet actionis non tam ex regulis generalibus, quàm ex legibus specialibus pender, atq; ex Digestis meis (ni fallor) facilè perspicì potest.

DE REPLICATIONIBVS,  
duplicationibus, & sic deinceps  
inueniendis.

**Q**uemadmodum exceptio argumentum est, quo refutatur seu excluditur actio: ita replicatio argumentum est, quo refutatur seu excluditur exceptio: duplicatio item argumentum est refutanda replicationis: triplicatio argumentum est elidenda duplicationis, & sic deinceps. quod Imper. Iustinianus haud obscuris verbis docet Instit. de replicationibus: Interdum (inquiens) euenit, vt exceptio, quæ prima facie iusta videtur, tamē iniquè noceat: quod cum accidit, alia allegatione opus est adiuuandi actoris gratia, quæ replicatio vocatur: quia per eam replicatur atq; resoluitur ius exceptionis. veluti  
cum



cum pactus est aliquis cum debitore suo, ne ab eo pecuniam petat, deinde postea in contrarium pacti sunt, id est, ut creditori peteré liceat: si creditor agat, & excipiat debitor, ut ita demum condemnetur, si non conuenierit, ne eam pecuniam creditor petat: nocet ei exceptio. Conuenit enim ita. Namq; nihilominus hoc verum manet, licet postea in contrarium pacti sunt. Sed quia iniquum est creditorem excludi, replicatio ei dabitur ex posteriore pacto conuento. Rursus interdum euenit, ut replicatio, quæ prima facie iusta est, iniquè noceat. quod cum accidit, alia allegatione opus est adiuuandi rei gratia, quæ duplicatio vocatur. Et si rursus ea prima facie iusta videatur, sed propter aliquam causam actori iniquè noceat: rursus alia allegatione opus est, qua actor adiuuetur, quæ dicitur triplicatio. Quarum omnium exceptionum usum interdum vltius, quam diximus, varietas negotiorum introducit: quas omnes apertius ex Digest. latiore volum. facile est cognoscere. *Hactenus verba imp. Iustin. quibus cõcordat l. 2. §. 1. ff. de excep. vbi Vlpian.* Replicationes (ait) nihil aliud sunt, quam exceptiones, & à parte actoris veniunt: quæ quidè ideo necessariae sunt, ut exceptiones excludant. Séper enim replicatio idcirco obijcitur, ut exceptionem oppugnet. *Subijcit ibi Vlpian.* Illud tenendum est, omnem exceptionem

ceptionem vel replicationem exclusoriam  
 esse: exceptio actorem excludit, replicatio  
 reum. Sed & contra replicationem duplica-  
 tio, & contra duplicationem solet dari tripli-  
 catio, & contra triplicationem rursus qua-  
 druplicatio: & ita deinceps multiplicantur  
 nomina, dum aut reus, aut actor obijcit. Pau-  
 lus quoque l. exceptio. 22. ff. eod. tit. Replicatio  
 (inquit) est contraria exceptio, & quasi exce-  
 ptionis exceptio. Ex his patet quod supra dixi-  
 mus, omnem replicationem, duplicationem tripli-  
cationem, quemadmodum & exceptionem, confu-  
tationis, non confirmationis speciem esse. Proinde  
 non est alia replicationum quam exceptionum in-  
 ueniendarum ratio. Exceptio enim iisdem locis &  
 circumstantiis describitur, quibus & actio: puta  
 causa, personis, re, tempore & modo. Estq; in omni  
 exceptione causa consideranda, ex qua excipitur,  
 item persona qua exceptionem obijcit, item persona  
 cui obijcitur, necnon persona per quam obijcitur,  
 seu reus defenditur, item tempus & modus quo ex-  
 ceptio obijcitur, postremo res qua in exceptionem  
 deducitur. Persona tamen iudicis apud quem, & lo-  
 cus in quo exceptio obijcitur, replicandi materiam  
 actori non suppeditat: nisi forte alio loco, vel apud  
 alium iudicē, quam ad quem in ius vocatus est, reus  
 causam suam defendere velit. Cuius enim in agendo  
 actor obseruat arbitrium, eum habere & contra  
 se iudicem in eodem negotio dedignari non debet: //

Confirmatio  
 & pri.

l. 14, in fine. C. de sententijs & interlocut. Planè si reus in eum locum sui defendendi causa sit vocatus, in quem vel is, vel actor honestè venire non potest; & actori replicatio deneganda non est, quamuis reus uenerit: l. quid tamen 21. §. vnde eleganter ff. de arbitris. Reliqui autem septem loci exceptionum in querendus replicationibus probè sunt excutiendi. In primis causa ex qua excipitur, num causa ista vel ipso iure vel in facto deficiat, vel aliqua distinctione possit elidi. Quemadmodum enim exceptio, quo ad ipsam actionis causam respondetur, aut in negando, aut in distinguendo consistit, ut est ostensum: ita quoque replicatio, qua respondetur ad causam exceptionis, aut negat id quod in exceptione propositum est, aut distinguit. Sit exempli gratia Publiciana in rem actioni instituta exceptio dominij à reo opposita: qua reus se dominum dicit rei petita. Huius exceptionis forma talis est:

Dominus rei Publiciana in rem actione conuentus exceptione defenditur.

At reus rei, de qua queritur, dominus est. Ergo: Reus publiciana conuentus exceptione defenditur. Actor replicando huius exceptionis, aut minorem propositionem negabit, aut distinguet. Nam maior propositio manifesti iuris est: l. penult. & ult. ff. de Publiciana in rem actione. Ideoque negari non debet. Si minorem negauerit, facti quaestio inde resultabit, utrum reus rei petita dominus sit, necne? cuius probatio ipsi reo incumbet. Distinguendo aduersus

Definitio  
in iure  
facto.

facti quæstio

uerfus exceptionem propositam Iulianus replicat l. si quis rem. 24. ff. de exceptione rei iudicatae, hoc modo, Si non esset iudicatum inter actorem & reum rem ipsius rei non esse. Verba Iuliani hac sunt: Si quis rem à non domino emerit, mox perente domino absolutus sit, deinde possessionē amiserit, & à domino petierit: aduersus exceptionem hanc, Si non eius sit res: replicatione hac adiuuabitur, At si res iudicata non sit. Aliud exemplū replicationis, qua in distinguendo consistit, proponitur l. ult. §. item si mulier. ff. ad S. C. Velleianum. vbi Pomponius: Si mulier (inquit) creditori viri fundum vendiderit, & tradiderit ea conditione, vt emptor acceptam pecuniam viro referret: & hūc fundum vendicat: exceptio quidem opponitur ei de re emptā & tradita: sed replicabitur à muliere: At si ea venditio contra Senatusconsultum facta non esset. Aliud exemplum proponitur l. si vnus. 27. §. pactus. ff. de pactis. vbi Paulus: Pactus (inquit) ne peteret, postea conuenit vt peteret. prius pactum per posterius elidetur, non quidem ipso iure, sicut stipulatio tollitur per stipulationem, si hoc actū est: quia in stipulationibus ius continetur, in pactis factum versatur. Et ideo replicatione exceptio elidetur. Est deniq; huius loci exemplum replicatio culpa, qua vtitur actor aduersus exceptionem hanc, Si dolo malo rei conuenti factum esset: At dolo

malo rei factum nō est. Hoc enim casu in quibusdam  
 causis & actionibus replicari potest hoc modo: At si  
 culpa rei factum non esset. Quadam enim actiones  
 & dolum & culpam rei conuenti recipiunt: l. con-  
 tractus. 23. ff. de reg. iuris. Sed hactenus exempla  
 replicationum, quae in distinguendo consistunt, enu-  
 merauimus. Locos, ex quibus huiusmodi distinc-  
 tiones sumantur, supra in primo exceptionum genere  
 proposuimus & exemplis declarauimus. Porro si  
 causa exceptionis neq; negando repellit, neq; distin-  
 guendo elidi potest, animaduertendum erit, num lis  
 a causa exceptionis ad alias eius circumstantias  
 transferri possit; excutiendaq; erunt ei qui repli-  
 cationem querit, alia exceptionis circumstantia,  
 atq; perpendendum, an etiam ei qui exceptionem  
 obijcit, ea iure competat: an aduersus actorem re-  
 ctē obijciatur: an res, de qua litigatur, in eam de-  
 duci possit. Sic exceptio pacti conuenti de non pe-  
 tendo regulariter non competit alij, quān qui pa-  
 ctus est: nec aduersus alium, quān cum quo pactum  
 est factum: nec in alia re, quān de qua pactum in-  
 tercessit. Vnde d. l. si vnus. 27. §. ante omnia, Paulus:  
 Ante omnia (inquit) animaduertendum est,  
 ne conuentio in alia re facta, aut cum alia  
 persona, in alia re, aliāve persona noceat.  
 Item l. cum queritur. 12. cum legibus sequentibus.  
 ff. de except. rei iudicata, idem Paulus: Cum  
 queritur (inquit) an haec exceptio noceat,  
 necne? inspiciendum est, an idem corpus sit,  
 quanti-

si apud ali-  
 quos non negon-  
 tur distinguere

item pactum  
 erit, ut sup-  
 ra de re.

quantitasque eadem, idem ius, & an eadem  
 causa petendi, & an eadem conditio perso- Causa petendi  
 narum: quæ nisi omnia concurrant, alia res  
 est. Præterea non quivis procurator, per  
 quem exceptio obijcitur, ad defendendum  
 est idoneus: eademque exceptiones, quæ  
 actoris procuratori obijci possunt, rei quoque  
 procuratorem à defendendo repellunt. Tem-  
 pus quoque exceptionis replicandi materiam suppe-  
 ditat. Quamvis enim omnis exceptio perpetuam de-  
 fendendi vim habeat, & dici soleat, quæ temporaria  
 sunt ad agendum, perpetua esse ad defendendum, l.  
 purè mihi decem. §. §. fin. ff. de doli mali except. ta-  
 men interdum plurimum interest, utrum ante, an Tempus  
 post litem contestatam exceptio opponatur. Nam 025  
 exceptiones dilatorie post litem contestatam fru-  
 strà obijciuntur: l. si quis advocat. 12. & l. ult. C.  
 de except. l. exceptio. 19. C. de probat. Sed & per-  
 emptoria exceptiones ante sententiā quidem quan-  
 documque obijci possunt: l. 4. & l. 8. C. d. it. de ex-  
 cept. Post sententiā verò latam, quæ transiit in  
 rem iudicatam, amplius opponi nequeunt: l. 2. C.  
 sententiā rescindi non posse. Quæ autem dilato-  
 riæ, quæ peremptoriæ dicantur exceptiones, supra  
 dictum est, de quibus ea re dicitur Instit. de except. §. per-  
 petua, cum sequentibus. Præterea exceptio non nu-  
 merata pecunia definitum tempus habet, scilicet  
 biennium, intra quod nisi querela de non numera-  
 ta pecunia fuerit proposita, exceptio ista postea fru-  
 strà

*stra* opponitur: Inst. de literarum obligat. Sed & naufragij exceptio, nisi intra annum querela de naufragio proposita fuerit, atq; probata, postea non admittitur: l. 2. C. de naufragijs. Hec atq; huiusmodi alia sunt exempla replicationum, quæ ex tempore exceptionis oppositæ sumuntur. Ex modo deniq; exceptionis oppositæ replicari potest. Nam ut sunt certa quædam actoris officia, quibus non præstatis, per exceptionem ab actione excluditur: ita quoque reo conuenientia nonnulla sunt à legibus iniuncta, quæ nisi præstiterit, exceptio eius replicatione submouebitur: veluti si iudicatum solui non satisfecerit: si de calumnia, petente actore, non iurauerit, &c. Ex his patet, eandem esse replicationum, quæ & exceptionum inueniendarum rationem. Nec aliud sentiendum de inuentione duplicationum, triplicationum, & sic deinceps. Cum enim hac omnia sint causarum argumenta, quibus id quod ab aduersario propositum est, refutatur, & reuera nihil aliud sunt quam exceptiones: quemadmodum omnis confutatio, omnis item exceptio aut in negando argumento, quod ab aduersario propositum est, aut in distinguendo, aut deniq; in transferenda lite seu differenda consistit, ut ostendimus: ita etiam de huiusmodi confutationis & exceptionis speciebus sentiendum est. quoniam quod predicatur de genere, idem quoque (ut supra diximus) de specie predicabitur. Quæ admodum etiam facilis est inuentio exceptionis, si quis naturam propositæ actionis, & causam propositam



sitam cum suis circumstantijs probè perspectam habuerit, & hanc cum illa contulerit: ita quoq; replicationis inuentio non est difficilis, si quis naturam exceptionis, eiusq; causam cum suis circumstantijs cognitam habuerit, illasq; inuicem cōtulerit. Quod similiter de inuentione duplicationis, triplicationis, & sic deinceps intelligi debes.

## DE THESI SEV QVÆSTIONE iuris infinita disputanda.

**H**Actenus quomodo hypothesis, seu causa vel quaestio iuris finita disputanda, & actiones, exceptiones, replicationes & alia huiusmodi causarum argumenta indaganda atq; inuenienda sint, demonstratum est. Si autem eo modo in disputanda causa procedatur, peruenitur tandē ad quaestionem vel facti vel iuris infinitam, quam Rhetores statum seu constitutionē iuris consulti veteres litem contestatam appellāt, quando scilicet ad id quod ab aduersario propositum est, non distinguendo, neque transferendo, sed negando respondetur de qua re in libello meo De lris contestatione copiosius disserui. Iuris autem quaestio infinita, quae ex hac causarum conflictione resultat, probationem seu confirmationem requirit, quae in legū auctoritate speciali, non in alijs argumentis consistat. Nā in huiusmodi quaestionibus de iure actionis, exceptionis, replicationis vel duplicationis controuertitur. Ius autem non ex regulis generalibus, sed ex lege speciali sumendum

est: l. 1. ibi: non ut ex regula. ff. de reg. iur. unde Paulus quoque l. 5. ff. de probationibus: Ab ea (inquit) parte, quæ dicit aduersarium suum aliquo iure prohibitum esse; specialiter lege vel constitutione id probari oportet. Item l. si verò. 64. §. de viro. ff. solut & matrimonio, Vlpianus; In quibus (inquit) casibus lex deficit, non erit nec utilis actio danda. Hisce accedit quod Instit. de officio iudicis, in prin. Imper. Iustinianus ait: In primis illud obseruare iudicem debere, ne aliter iudicet, quàm legibus, aut constitutionibus, aut moribus prodictum est. Sed & accedit l. 1. §. calumniatoribus. ff. ad S. C. Turpill. & l. ordine, 15. in prin. ff. ad municipalem. Quarum legum verba vide infra cap. prox. in princ. Ex quibus patet, iudici in iure actionum, exceptionum & replicationum definiendo non ad regulas generales, sed ad leges speciales respiciendum esse, neq; ab eo distinguendum, ubi non distinguat lex, neq; ex mente legis dubia exceptionem aduersus eam assignendam esse: sed potius verbis legis standum, & cum Imp. Iustiniano erubescendum esse sine lege loqui; Nouell. c. 18. §. consideremus. Hinc Caius quoque l. de precio, 10. ff. de Public. in rem act. De precio (inquit) soluto nihil exprimitur: unde potest coniectura capi, quasi nec sententia prætoris ea sit, ut requiratur, vtrum solutum sit precium, necne? Item l. 3. in fin. ff. de offic. præsidis, Paulus: Habet (inquit) interdum imperium & aduersus ex-

traneos

traneos homines, si quid in aliū manu com-  
miserint, Nam in mandatis Principum est,  
vt curet is qui prouincię præest, malis homi-  
nibus purgare prouinciā; nec distinguitur  
vnde sint. ~~Deficiente ergo lege speciali, deficit ac-~~  
tio, exceptio, replicatio, vel simile aliquod ius. tan-  
quam causa deficiente effectus solet deficere. nec mi-  
rum: cum omnis actio simul & exceptio aut præto-  
rio, aut ex ciuili iure descendere dicatur, Inst. de ob-  
ligat. §. omnium autem: Instit. de actionibus. §. sed  
istæ quidem: item Instit. de except. §. hac exempli.  
ibi: quarum quædam. Hæc certè diuisio excludit ac-  
tiones & exceptiones ex rationibus siue argumen-  
tis pro cuiusque arbitrio excogitatas. Et sanè si non  
solum ex legibus, sed & ex rationibus siue regulis ge-  
neralibus actiones & exceptiones in iudicijs sumere  
liceret, sequeretur ius infinitum esse. simul & incer-  
tum, sibiq; inuicem contrarium. Quia regula iuris  
sunt infinita, & rationes rationibus infirmari pos-  
sunt, multa q; probabilia (vt suprâ authoritate Ari-  
stotelis probauimus) inter se contraria sunt. Proinde  
rectè Cicero lib. 1. de Oratore: In iure (inquit) ciui-  
li docemur non infinitis, concertationumq; plenis  
disputationibus, sed authoritate nutaq; legum. Ac-  
tiones quoq; exceptiones, & replicationes, quam-  
uis optimis rationibus introductæ sint, tamen non  
tam propter rationes, quàm propter specialem le-  
gum authoritatem, qua introductæ sunt, vim suam  
obtinent. Concordant proposita regula ea quæ

diximus *suprà* in loco *A* ratione legis, reg. 1. except. 1. item reg. 2. except. 4. Accedit Francisc. Viu. lib. 1. com. opin. in verbo *Casus*, in prin. Planè habet etiam regula proposita suas exceptiones, ut quamvis deficiat lex specialis, tamen regulis generalibus ius actionis vel exceptionis possit introduci. Harum prima hac est: Si imperatori vel alij, penes quem est legis condenda potestas, ita placuerit: nam huic soli licet leges extendere, & id quod legibus deest, sua auctoritate supplere, per ea quae dicta sunt *suprà* d. except. 1. item *suprà* in loco *A* genere, reg. 1. except. 9. in fine. Vnde & Imp. Iustinianus: Tam conditor (inquit) quam interpret legum solus Imperator iuste existimabitur: l. 11. §. cum igitur. C. de legibus. Huius exemplum proponitur l. 2. ff. de officio adfessoris. ubi Martianus: Infames (inquit) licet non prohibeantur lege adfidere: attamen arbitror (ut aliquo decreto principaliter refertur constitutum) non posse officio adfessoris fungi. In quaestionibus itaque iuris, deficientibus legibus, Imperator vel quis alius, penes quem legum ferendarum potestas est, à iudice consulendus est: ut probatur per ea quae proposita sunt d. except. 1. item lib. 7. Digestor. meor. cap. 10. in princip. Altera exceptio est: Nisi evidens sit aequitas vel mens legislatoris, quae nullam admittat dubitationem, volentis legem in vno casu latam, ad alium casum, de quo quaritur, extendi, vel legem distinguere; tunc enim admittenda est exceptio, re-

plica-

plicatio vel simile ius, quamuis verba legis deficiant. Sic enim l. etsi nihil. 143. ff. de regul. iur.; Marcellus: Etsi (inquit) nihil facile mutandum est ex solennibus, tñ vbi æquitas euidentis poscit, subueniendum est. Huic concordat l. diuus. 8. ff. de in integr. restit. vbi diuus Antoninus Marco auito pratori de succurrendo ei qui absens rem amiserat, in hanc sententiam rescripsit: Etsi nihil facile mutandum est ex solennibus: tamen vbi æquitas euidentis poscit, subueniendum est. Itaque si citatus non respondit, & ob hoc more solito pronunciatum est: confestim autem pro tribunali te sedentem adiit: existimari potest non sua culpa, sed parum exaudita voce præconis defuisse. Ideoque restitui potest. Concordat item l. 2. ff. de constitutionibus principum. vbi Vlpianus: In rebus (inquit) nouis constituendis euidentis subesse vtilitas debet, vt recedatur ab eo iure, quod iamdiu æquum visum est. Sed & exemplum propositæ exceptionis habetur l. 2. §. quamquam. ff. de aqua pluuiæ arcenda. cuius verba proposuimus supra in loco A repugnantibus, reg. 13. except. 6. Vt autem exceptioni propositæ locus sit, euidentem æquitatem esse oportet, vel voluntatem legislatoris minimè dubiam. Cui concordat supra in loco à ratione legis, reg. 2. except. 4. Ista igitur æquitas, quæ neq; scripta est, neq; per se euidentis, sed argumentis colligitur, de qua adhuc dubitari possit, quales

quales sunt multa doctorum opiniones etiam quas vocant communes, in actionibus vel exceptionibus nouis aduersus leges introducendis, non est attendenda. Nam (vt eleganter Cicero lib. 1. Officiorum, cap. de iusticia. §. praetermittenda, in fine scribit) bene precipiunt, qui vetant quidquam agere, quod dubites aequum sit, an iniquum. Aequitas enim lu- cet ipsa per sese, dubitatio autem cogitationem si- gnificat iniuria. Sed & concordant ea quae propo- sita sunt supra in loco A ratione legis, reg. 2. except.

1) 4. Tertia proposita regula exceptio est: Nisi lex ex- presse vel tacite ius arbitrio iudicis permittat. hoc enim casu licet iudici, deficientibus legibus, ratio- nes probabiles vndecunque sumptas, necnon Do- ctorum opiniones sequi, vt aliquid probabiliter pro bono & aequo decernat. De qua re dictum supra in loco A genere, reg. 1. except. 10. & dicentur plu- ra infra lib. prox. cap. ult. Quarta exceptio est:

1) Nisi de voluntate disponentis volentis extendi con- stet. Francisc. Viu. lib. 1. com. opin. in verbo Casus, num. 2. & 3. Sed & plures propositae regula exce- ptiones vide d. reg. 1. item in loco A ratione legis, reg. 1. & 2. Hac de iuris questione infinita dispu- tanda sunt dicta.

### DE FACTI QVÆSTIONE disputanda.

**F**Acti questio ex arbitrio iudicantis potius, quam ex certa legum authoritate pendet. Sic enim

l. i. §. calumniatoribus. ff. ad S. C. Turpill. Papi-  
 nianus : Facti quidem quæstio (inquit) in ar-  
 bitrio est iudicantis : poenæ verò persecutio  
 non eius voluntati mandatur, sed legis au-  
 thoritati reservatur. Item l. ordine. 15. in prin. ff.  
 ad municipalem, Paulus : Facti quidem quæstio  
 (inquit) est in potestate iudicantium, iuris  
 autem autoritas non est. Hisce concordat l. 3.  
 §. eiusdem. ff. de testibus: cuius verba proposuimus  
 suprâ cap. de exceptionibus aduersus regulas gene-  
 ralibus. in princ. Hinc etiam d. l. 3. §. 1. Imp. Ha-  
 drianus Iunio Varo legato prouincie Cilicie rescri-  
 psit, Eum qui iudicat, magis scire posse, quanta fi-  
 des habenda sit testibus: Verba epistola hæc sunt:  
 Tu magis scire potes, quanta fides habenda  
 sit testibus: quin & cuius existimationis sint:  
 & qui simpliciter visi sunt dicere, utrū vnum  
 eundemque & præmeditatum sermonem  
 attulerint: an ad eâ quæ interrogaueras, ex  
 tempore verisimilia responderint. Sed plura  
 de hoc arbitrio iudicis dicentur infra lib. prox. cap.  
 ult. Quoniam ergo facti quæstio magis ex arbitrio  
 iudicantis pendet: ad factum probandum non tam  
 legum autoritate est opus, quàm alijs probationi-  
 bus, quæ sunt partim artificiales, partim inartifi-  
 ciales. Plus tamen virium habent argumenta ex  
 inartificialibus locis desumpta: vt sunt dicta testiū,  
 instrumenta, confessio aduersarij spontanea vel vi  
 extorta, insinrandum delatum, relatum, præstitum  
 vel

Probatur  
 89c



vel remissum, res iudicata: quorum nonnulla non solum vim probandi habent, sed etiam ius faciunt, ut in contrarium probatio non admittatur: veluti confessio aduersarij in iudicio facta, iusiurandum praestitum, vel remissum, res iudicata, de qua l. ingenuum. 25. ff. de statu hominum, Vlpianus: Ingenuum (inquit) accipere debemus etiam eum, de quo sententia lata est, quamvis fuerit libertinus: quia res iudicata pro veritate accipitur. Sed de singulis hisce iam enumeratis probationum speciebus vide mea Digesta, in quibus omnia copiosius sunt tractata. Fama quoque, ad probandum factum saepe produci solet, quae & ipsa inter probationes inartificiales numerari potest. Hanc enim Cicero definit quasi multitudinis quoddam testimonium. Eam Vergilius lib. 4. Aeneidos describit his versibus:

Fama malum, quo non aliud velocius ullum,  
Mobilitate viget, viresque acquirit eundo,  
Parua motu primo, mox sese attollit in auras,  
Tam ficti, prauisque tenax, quam nuncia veri, &c.

Huic quandam probandi vim tribuit Imper. Hadrianus d. §. eiusdem, dicens: Sicut non semper, ita saepe sine publicis monumentis cuiusque rei veritas deprehenditur. alias numerus testimonium, alias dignitas & auctoritas, alias veluti consentiens fama confirmat rei, de qua quaeritur, fidem. Quatenus autem fama prober, varie à Doctoribus disceptatur. Verum hac res, quemad-

quemadmodum & alia pleraque probationum argumenta, nullis certis legibus definiri potest, ideoque arbitrio iudicis relinquenda est. Porro deficientibus probationibus inartificialibus, puta instrumentis, testibus & alijs iam enumeratis, tunc ad coniecturas & presumptiones respiciendum est, quæ sumuntur ex locis artificialibus, seu facti circumstantijs. Huiusmodi enim circumstantia aliàs ius demonstrant, ut supra in exceptionibus indagandis ostendimus: aliàs facti probationem suppeditant, vel saltem presumptionem, exemplo l. si servus plurium. 50. §. fin. ff. de legat. 1. ubi Ulpianus: Si numerus (inquit) numerorum legatus sit, neque appareat quales sint legati: ante omnia ipsius patris familiæ consuetudo, deinde regionis, in qua versatus est, exquirenda est. Sed & mens patris familiæ, & legatarij dignitas, & charitas, & necessitudo: item earum quæ præcedunt, vel quæ sequuntur, summarum scripta sunt spectanda. Sed singularum circumstantiarum, quatenus facti probationem vel presumptionem suppeditant, aliquot exempla proponemus.

#### Ex persona facti.

A persona itaque facti coniectura seu presumptio sumitur l. ult. in princ. ff. quod metus causa. ubi Ulpianus: Non est (inquit) verisimile, compulsus in urbe iniquè indebitum soluisse eum, qui claræ dignitatem se habere prætendat: cum potuerit is ius publicum inuocare, & adire aliquem

aliquem potestate præditum, qui utique vinum cum pati prohibuisset. Sed huiusmodi præsumptioni debet apertissimas probationes violentiæ opponere. *Hic ex dignitate hominis vim passi sumitur præsumptio, & ex loco facti. Aliud exemplum proponitur l. cum de indebito. 25. §. si verò ab initio. ff. de probationibus. ubi Paulus: Qui soluit (inquit) nunquā ita resupinus est, ut facile suas pecunias iactet, & indebitas effundat: & maximè si ipse, qui indebitas dedisse dicit, homo diligens est & studiosus pater familiæ, cuius personam incredibile est in eo aliquo facile errasse. Aliud exemplum proponitur d. l. 25. §. si autem is. Vbi idem Paulus: Si (inquit) is qui indebitum quæritur, vel pupillus, vel minor sit, vel mulier, vel fortè vir quidem perfectæ ætatis, sed miles, vel agricultor, & forensium rerum expertus, vel aliàs simplicitate gaudens, & desidiæ deditus: tunc eum qui accepit pecunias, ostendere oportet bene eas accepisse, & debitas ei fuisse solutas. Aliud exemplum proponitur l. non omnes. 5. §. de barbaris. ff. de re militari. ubi Arrius Menander: A barbaris (inquit) remissos milites ita restitui oportere Hadrianus rescripsit, si probabunt se captos evasisse, non transfugisse. Sed licet hoc liquidò constare non possit, argumentis tamen cognoscendum est. Et si bonus miles antè existimatus fuit, propè est ut adfir-*

affirmationi eius credatur. Si emanfor, aut negligens suorum, aut segnis, aut extra contubernium agens : non credatur ei, si post multum temporis redijt. *Aliud exemplum argumenti à persona sumpti proponitur l. Aurelius. 29. §. Titius, in fine. ff. de liberat. legata. vbi Scauola: Præsumptio (inquit) propter naturalem affectum facit omnia patri videri cōcessa: nisi aliud sensisse testatorem ab hæredibus probaretur. Aliud exemplum proponitur l. 3. in princ. ff. de testib. vbi Callistratus: Testium (inquit) fides diligenter examinanda est. Ideoq; in persona eorum exploranda erunt, in primis conditio cuiusq; vtrū quis decurio, an plebeius sit: & an honestæ & inculpatae vitæ, an verò quis notatus & reprehensibilis: an locuples vel egenus sit, vt lucri causa quid facile admittat: vel an ei inimicus sit aduersus quem testimonium fert, vel amicus ei pro quo testimonium dat. Simile exemplum proponitur l. de minore. 10. §. plurimum. ibi: vel cuius existimationis. ff. de questionibus. cuius verba vide infra in loco Ab adiunctis. Aliud exemplū proponitur l. qui testamentum. 27. in fin. ff. de probationibus. vbi Scauola ait, Videri eo, quod legatarius plus capere non poterat, in fraudem legis quantitatem quasi debitam in testamento adiectam esse. Aliud exemplum habetur l. vlt §. fin. C. ad S. C. Macedonianum. vbi Imp. Iustin. Ex præsumptione (inquit) omnis*

miles non creditur in aliud quicquam pecuniam accipere & expendere, nisi in causas castrenses. Aliud exemplum proponitur l. in libera. 24 ff. de ritu nuptiar. vbi Modestinus : In liberæ (inquit) mulieris consuetudine non concubinatus, sed nuptiæ intelligendæ sunt: si non corpore quæstum fecerit. Aliud exemplum proponitur l. penult. in fine. ff. vnde cognati. Vbi Papinianus : Verisimile (inquit) non videbatur, tam coniunctum consanguinei defuncti valetudinem ignorasse. Aliud exemplum habetur l. merito. 51. ff. pro socio. vbi Ulpianus. Plerumque (inquit) credendum est, qui partis dominus est, eum iure potius suo uti, quam furti consilium inire. Plura exempla vide supra in locis personarum specialibus.

A persona quoque eius, per quem aliquid factum est. præsumptio sumi potest. Sic l. pupillus. 5. §. sed si per. ff. de auctor. tutor. tutor qui rem pupilli palam  
 // emit, præsumitur bona fide emere : si verò per inter-  
 // positam personam emerit, præsumitur mala fides. Sic enim d. §. sed si per, Ulpianus: Si per interpositam (inquit) personam tutor rem pupilli emerit: in ea causa est, ut emptio nullius sit momenti: quia non bona fide videtur gessisse rem. Et ita est rescriptum à diuo Severo & Antonino.

Ex re in qua & circa quam  
 factum est.

Huius loci præsumptio habetur l. ult. C. de hered. instit.

*instit. vbi Imper. Iustinianus probaturus testato-*  
*rem sciuisse, non errasse, argumentatur ex re, quam*  
*ignorasse dicebatur, his verbis : Neque enim sic*  
*homo supinus, imò magis stultus inuenitur,*  
*vt suum nomen ignoret. Aliud exemplum pro-*  
*ponitur l. omnes. 17. §. 1. ff. qua in fraudem credi-*  
*tor. Vbi ex vniuersis bonis venditis, praesumitur ven-*  
*ditio in fraudem creditorũ facta. Aliud exemplum*  
*proponitur l. sed etsi. 52. §. 1. ff. de iudicijs. vbi Vl-*  
*pianus : Si libertis suis ( inquit ) tesseras fru-*  
*mentarias emi voluerit : quamuis maior pars*  
*hæreditatis in prouincia sit, tamen Romæ*  
*debere fideicommissum solui, dicendum est:*  
*cum appareat id testatorem sensisse ex gene-*  
*re comparationis. Simile argumentum proponi-*  
*tur ead. l. §. sed etsi. vbi idem Vlpianus : Verisimi-*  
*le (ait) non est, testatorem, qui honorem ha-*  
*bitum voluit his quibus reliquit, tam modica*  
*fideicommissa in prouincia præstari vo-*  
*luisse. Huius etiam loci videtur esse l. nihil dolo.*  
*171. ff. de reg. iuris. vbi Paulus : Nihil (inquit) dolo*  
*creditor facit, qui suum recipit. Sed & ex re de-*  
*sumptum argumentum videri potest, quod sumitur*  
*ex genere facti, vel qualitate eius de quo queritur.*  
*Sic furtum, rapina, homicidium dolo praesumitur*  
*factum : quamuis in contractibus dolus non presu-*  
*matur, nisi probetur. Sed eius plura exempla pro-*  
*ponemus infra lib. prox. vbi de praesumptionibus ex*  
*professo agetur.*

## Ex causa facti.

*Ab hoc loco sumitur coniectura, cum quis probaturus aliquem dolo carere, allegat iussu iudicis ab eo factum esse. Sic enim l. non videntur. 127. in fine. ff. de reg. iuris, Iulianus : Qui (inquit) iussu iudicis aliquid facit, non videtur dolo malo facere: quia parère necesse habet. Aliud exemplum proponitur l. qui in ius. 137. in fine. ff. eod. tit. ubi idem Iulianus : Nemo (inquit) videtur in dolo esse, qui ignorat causam, cur hō debeat petere. Sed & plura huiusmodi exempla vide supra de exceptionibus inueniendis, in eodem loco A causa facti.*

## Ex loco facti.

*Ab hoc loco sumitur coniectura l. cum in te. 6. C. de donationibus ante nuptias. ubi Imp. Aurelianus: Cum in te (inquit) simplicem donationem dicas factam esse die nuptiarum, & in ambiguum possit venire, utrum à sponso, an à marito donatum sit: sic distinguendum est, ut si in tua domo donum acceptum est, ante nuptias videatur facta esse donatio: quod si penes se dedit sponsus, retrahi possit: vxor enim fuisti. Aliud exemplum proponitur l. Titia. 39. §. fin ff. de auro legato. ubi Scauola: Seia (inquit) testamento ita cauit: Ab hæredibus meis fieri volo iubeoq; signum Dei ex libris centum in illa sacra æde. Quæsitum est, cum in eo templo non nisi aut aurea, aut argentea tantum*



tum sint dona: hæredes Seiaæ vtrum ex auro, an argento signum ponere compellèdi sunt, an æreum? respondi, secundum ea quæ proponerentur, argenteum ponendum. *Præterea ex loco vulnus aliud censetur lethale, aliud non lethale: quod apertius est, quàm vt egeat probatione. Sed & huius loci est, quòd quando dubitatur quid actum sit, ad consuetudinem loci, in quo actum est, sit respiciendum: l. semper, 34. ff. de reg. iuris. vbi Vlpianus: Semper (inquit) in stipulationibus & in cæteris contractibus id sequimur quod actum est. Vnde si non pater quid actum sit: erit consequens, vt id sequamur, quod in regione, in qua actum est, frequentatur. Huic concordat l. cum de lanionis. 18. §. asinam. ff. de instr. legato. vbi Pedius ait, Optimum esse, non propriam verborum significationem scrutari, sed in primis quid testator demonstrare voluerit: deinde in qua præsumptione sint qui in quaqua regione commorantur. Aliud exemplum argumenti ex loco desumpti habetur l. generaliter. 24. §. quòd si legatū. vers. quis ergo statuet. ff. de fideicom. libertatib. vbi cum pluribus servis libertas testamento relicta esset, nec omnes manumitti possent, ex ordine scripturæ colligitur, quæ magis testator manumitti voluerit. Planè ex loco siue ordine scripturæ præsumptio non sumitur, quæ iuri sit contraria: quod exceptionis loco notandum. Quæ exceptio approbatur l. 5. §. si. cum lege sequente. ff. de solutionibus. vbi Vlpianus:*

Apud Marcellum (*inquit*) quæritur, Si quis ita cauerit debitori, In sortē & in vsuras eius se accipere: vtrum pro rata & sortis & vsurarū decedat: an verò prius in vsuras, & si quid superest, in sortem. Sed ego non dubito, quin hæc cautio in sortem & in vsuras admittatur. sed prius in vsuras: tum demum si quid superfuerit, in sortem cedat. Nec enim ordo scripturæ spectatur, sed potius ex iure sumitur id quod agi videtur.

Ex tempore facti.

*Ex hoc loco præsumptio sumitur l. septimo. 12. ff. de statu hominum. vbi Paulus: Septimo (inquit) mense nasci perfectum partum, iam receptū est propter authoritatē doctissimi viri Hippocratis. Et ideo credendum est, eum qui ex iustis nuptijs septimo mēse natus est, iustum filium esse. Aliud exemplum proponitur Nouell. c. 39. §. siquidē mulier. Vbi ea quæ vndecimo mense post mortem mariti peperit, præsumitur ex alio prægnans fuisse. Aliud exemplum proponitur l. vlt. in princ. ff. de manumissis testamento. vbi Iulianus ait, Libertatem quæ in vltimum vitæ tempus conferatur, nullius momenti esse: cum testator impedienda magis, quàm danda libertatis gratia ita scripserit intelligatur.*

Ex modo facti.

*Huius loci præsumptio proponitur l. vlt. ff. de ritu nuptiarum. Vbi ex eo quod palàm deliquit, præsumitur*

mitur ignorantia : quòd clàm , præsumitur dolus. Verba posuimus suprà , vbi de exceptionibus inueniendis tractatum est , A modo facti. Simile exemplum habetur l. non existimo. 53. in fine. ff. de administrat. tutor. vbi Tripboninus : Multum ( inquit ) refert , palàm aperteque debitorem se , vt extraneum quemlibet , faceret pupillo : an sub administratione tutelæ , pupilli que utilitate latenter sua commoda pecunia pupilli iuuaret. Hic palàm factum , præsumitur factū bona fide : clàm verò factum , signum doli est. Cui concordat l. 5. §. sed si per. ff. de author. tutor. de quo dictū etiam supra in loco Ex persona facti , in fine. Sed & concordat l. 3. §. si quis palàm. ff. de iure fisci. vbi Imp. Hadrianus rescripsit , in eo quod cuiusq; fidei palàm commissum esset , non esse existimandum fidem suam in fraudem legis accommodasse. Sic etiam qui fraude , non aperto Marte causam suam agit , præsumitur malam fouere causam , l. penult. in fine. C. de postulando. Vbi Imper. Gratianus : Si quis ( inquit ) ex litigatoribus detectus fuerit separatim tractasse cum plurimis , & aduersario tali fraude subtraxisse paris defensionis copiā : ostendet proculdubio , iniquam à se litem foueri. Huius etiam loci est c. qui contra. 82. de reg. iur. in 6. Huc item potest referri argumentum ex conditione cōtractus sumptum. cuius exemplum proponitur l. non solum. 30. in fin. ff. de action. & obligat. vbi ex conditione impossibili cōtractui

*adiecta praesumitur, contractum non obligandi animo factum esse.*

*Ex instrumento facti.*

*Ex instrumento facti animus occidendi colligitur l. 1. §. diuus Hadrianus. ff. ad l. Cornel. de sicarijs. vbi Imp. Hadrianus rescripsit, Qui gladium strinxerit, & eo percusserit, indubitate occidendi animo id eum admisisse. Sed si clauis percussit, aut cucuma in rixa, quamuis ferro percusserit, tamen non occidendi animo: leniendam poenam eius, qui in rixa casu magis, quam voluntate homicidium admisit.*

*Ex antecedentibus factum.*

*Ab hoc loco sumitur praesumptio l. cum de indebito. 25. in prin. ff. de probationib. vbi Paulus: Cum de indebito (inquit) quaeritur, quis probare debeat non fuisse debitum; res ita temperanda est, ut siquidem is qui accepisse dicitur rem vel pecuniam indebitam, hoc negauerit: & ipse qui dedit, legitimis probationibus solutionem adprobauerit: sine vlla distinctione ipsum qui negauit pecuniam sese accepisse (si vult audiri) compelli oportet ad probationes praestandas, quod pecuniam debitam acceperit. Per enim absurdum est, eum qui ab initio negauit pecuniam suscepisse, postquam fuerit conuictus accepisse, probationem non debiti ab aduersario exigere. Hic semel in mendacio deprehensus praesumitur rursus mentiri, nisi probauerit. Cui concordat regula iuris*

*canonici: Qui semel malus, semper præsумitur malus. Sed propositum exemplum videri potest magis ex consequentibus sumptum: solutionem enim factam secutum est. Simile exemplum proponitur Inst. de fideicommiss. hered. §. quod si is. Vbi Imper. Iustinianus: Si is (inquit) à quo relictum dicitur, postquam negauerat, confiteatur quidem aliquid à se relictum esse, sed ad legis subtilitatem decurrat: omnino soluere cogendus est. Sed & qui antea bonus existimatus est, etiam adhuc bonus præsумitur, nisi malus probetur, exemplo l. 5. §. à barbaris. ff. de re militari, cuius verba vide supra in loco Ex persona facti. Huc igitur referri etiam potest argumentum ab antea acta vita. Aliud exemplum proponitur l. Manius. 68. in princ. ff. de leg. 2. vbi cum heres alicui fundi partem dimidiam ex causa legati deberet, & eidem fundum eundem legasset, præsумitur de altera parte, quam non debebat, sensisse. Sed hac videntur pertinere ad ea quæ supra in loco A verbis legis, reg. 3. sunt dicta. Aliud exemplum habetur apud Baptist. à Villalob. in com. opin. in litera P. num. 344. in addit. Fichard. vbi ex præfatione colligitur finalis causa constitutionis. Est denique propositi loci regula hac: Ea quæ in præfationibus conuenerint, etiam in sequenti contractu repetita præsumi. Quæ regula approbatur l. Titia. 134. §. 1. ff. de verb. obligat. vbi Paulus: Plerumque (inquit) ea quæ in præfationibus conuenisse concipiuntur, etiam in stipulationi-*

tionibus repetita creduntur: sic tamē, vt non ex ea repetitione inutilis efficiatur stipulatio. *Huius exemplum proponitur l. 4. in fin. ff. de pactis. vbi idem Paulus: Iuliano (inquit) placet cum conuenisset, vt donec vsuræ soluerentur, fors non peteretur, & stipulatio purè concepta fuisset: conditionē inesse stipulationi, atq; si hoc expressum fuisset. Plura de hac regula vide Digestor. meor. lib. 38. cap. 9. reg. 5. Huius etiam loci est argumentum à rubro ad nigrum, & contrà. de quo apud Baptist. à Villalob. in litera R. nu. 68. cum sequente. Sed & plura proposita regula exempla vide de suprà in loco Agnere, reg. 1. except. 3. & 4.*

Ex adiunctis facti.

*Huius loci exemplum proponitur l. transactionē. 35. C. de transactionib. Vbi quia interuenerint amici, præsimitur non metus causa transactionem factam esse. Aliud exemplum proponitur l. de minore. 10. §. plurimum. ff. de questionibus. vbi ex eo, quæ quæ constantia, quæ trepidatione quid diceret, verum vel falsum dictum præsimitur. Huius item exemplum est, quod qui dilationibus subterfugit iudiciū, præsumat malam fouere causam. c. 4. extra. de præsumptionibus. Huius loci regula hæc videri potest, Quod in ipso actu nominatim expressum non sit, pro omisso habendum esse, nec ad id voluntatem disponentis extendi posse, exemplo l. si verò. 64. §. de viro. ff. soluto matrimonio. vbi Vlpianus: De viro (inquit) hæredeq; eius lex tantum loquitur:*

tur: de focero successoribusq; foceri nihil in lege scriptum est. Et hoc Labeo quasi omis- sum adnotat. Concordat l. de precio. 10. ff. de Pu- blic. in rem actione. cuius verba vide supra De thesi disputanda. Item concordat l. ex his. 34. in fin. ff. de excusat. tutor. vbi Paulus: Quem (inquit) testa- tor non dedit tutorem, eum voluisse tutelam administrare filij, dicere non possumus. Sed hac etiam referri possunt ad locum Ab authoritate, vbi diximus etiam negativè ab authoritate licere argumentari.

Ex consequentibus factum.

Ab hoc loco sumitur præsumptio l. si hi qui. 34. C. de adulterijs, scilicet eos qui cum de adulterio ac- cusati atq; absoluti essent, postea matrimonium in- uicem contrahunt, reuera adulterium commisisse, atque iniquè absolutos esse. Sic l. 2. in fin. C. de adq. possess. possessio emptori tradita præsumitur ex eo, quòd sciente venditore & non contradicente em- ptor possederit. Sic l. 2. C. de his quæ vi metûsve cau- sa, præsumitur volentem, non vi compulsam promi- sisse, qui postea non coactus soluit. Est deniq; huius loci regula, quòd consequentia declarèt anteceden- 11  
tia, per l. si seruus. 50. §. fin. ff. de leg. 1. cuius verba vi- de supra cap. De facti questione disputanda, in fine. Ratione huius regula clausula in fine adposita ad o- mnia præcedentia refertur. Quod approbatur & dis- tinguitur apud Gabriel. lib. 6. de clausulis, concl. 9. Sed & de hac re vide supra locum Ab exceptione, reg. 3.



reg. 3. item locum A genere, except. 5. Plura exempla horum locorum ex antecedentibus, adiunctis & consequentibus, vide suprà in loco A contingentibus. Hac de loci facti quaestioni disputanda seu probanda specialibus sint dicta. Sed & probatur locis generalibus, quos suprà enumeravimus. Sic quaestio hac, An his qui heredem instituit sub hac conditione, Si sibi filius natus fuerit, isq; intra pubertatem decesserit, voluerit etiam non nato filio eundem heredem esse: probari potest à simili. l. 6. ff. de condit. causa dati. ubi is qui dotem pro muliere dans pactus est eam reddi soluto matrimonio, videtur etiam non secutis nuptiis dotem reddi pactus esse. Sed plura de hac re dicentur infrà libro prox.

vbi de presumptionibus  
agetur.

DIALE-



DIALECTICES  
IVRIS CIVILIS

Liber tertius :

DE IUDICIO.

DE ARGUMENTA-  
tionum formis.

**P**OST QUAM de inuentione argu-  
mentorum haecenus dictum est : de  
iudicandi ratione nunc dicetur. Ap-  
pellatur autem hac pars Dialectices  
nextimè siue iudicatiua, quòd inuenta ex locis argu-  
menta diiudicet. Hoc loco subtilitatibus Dialecti-  
corum omisissis, quemadmodum in inuentione factum  
est, ita in iudicio quoque primùm quidem generalia  
quedam de iudicandi ratione praecepta proponemus:  
hinc specialia, quae iudicem tum in facti, tum in iu-  
ris questionibus tam finitis quàm infinitis cogno-  
scendis atq; diiudicandis obseruare conuenit. Gene-  
raliter ergo sciendum est, in argumentis propositis  
diiudicandis rem probandam, & argumentum quo  
probatur, simul vna oratione comprehendendi oportere:  
quam nunc argumentationem, nunc argumen-  
tationis formam appellant. Nam argumentatio est  
oratio, qua inuentum argumentum rei propositae  
accommodamus. Sic l. senatus. 43. ff. de legat. 1. res  
probanda est : Ea quae haeres post mortem testatoris  
adibus

adibus iunxisset, non pertinere ad Senatusconsultum, quo ea quæ adib. iuncta sunt, legari prohibentur. Argumentum quo id probatur, hoc est, quòd Senatusconsultum de his caueat, quæ legari & mortis tempore adibus iuncta essent. Quæ duo completitur Paulus Iuriconsultus tali forma: Senatus ea quæ sunt adium, legari non permisit. Hac autem mortis tempore adium non fuerunt. Heres ergo aestimationem præstabit. Quemadmodum ergo propositio constat subiecto & predicato, hoc est, ex eo de quo prædicatur, & ex eo quod prædicatur: ita argumentatio constat ex eo quod confirmatur, & ex eo quod confirmat: quorum illud propositio, hoc argumentum appellatur. Sanè argumentatio procedit vel ab vniuersali ad particulare, vel contrà à particulari ad vniuersale, vel ab vno particulari aut vniuersali ad aliud. Ab vniuersali ad particulare proceditur in loco à definitione ad definitum, à genere ad speciem, à differentia & proprio, à toto ad partem, à coniugatis, ab adiacentibus, ab actibus, à subiecto, à connexis, à causis ad effectus, & contrà ab effectis ad causas, à contingentibus, à nomine, necnon in loco ab authoritate & à qualitate sententiae. À particulari ad vniuersale proceditur in loco à specie ad genus, à parte ad totum. Ab vno vniuersali aut particulari ad aliud proceditur in loco à comparatis, à simili, à dissimili, & à repugnantibus. quorum omnium exempla ex superioribus petere licet. Porro quanquam Dialectici plures  
& va.

& varias argumentationū species constituunt: nobis tamen eorum placet diuisio, qui duas tantum faciunt: Syllogismum nimirum & Inductionem, quibus & alie subijci possunt, quemadmodum ex sequentibus parebit. In syllogismo quidem omnibus tribus iam dictis modis proceditur: in inductione autem non nisi secundo & tertio. Sic ab vniuersali ad particulare syllogismo proceditur l. contra. 29. & §. ex diuerso. ff. de pactis. vbi Caius sic argumentatur: Meliorem suam conditionem etiam sine tutoris auctoritate facere pupillo concessum est: At paciscendo ne à se petatur, meliorem suam conditionem facit: Ergo pacisci ne à se petatur, etiam sine tutoris auctoritate pupillo concessum est. Hic vniuersale est, Meliorem suam conditionem facere. Particulare est, Pacisci ne à se petatur. quorum illud in propositione, hoc in conclusione ponitur.

A particulari ad vniuersale syllogismo proceditur l. 1. §. nunquid ergo. ff. de postulando. vbi Vlpianus sic argumentatur: Appius Claudius magistratum gessit: Appius Claudius cacus fuit: Ergo cacus magistratum gerere potest. Hic particulare est Appius Claudius: vniuersale Cacus. quorum illud in propositione, hoc in conclusione ponitur.

Ab vno vniuersali ad aliud syllogismo proceditur l. 3. C. de quadriennij prescriptione. vbi Imp. Iustinianus à re fiscali ad rem Imperatoris priuatam argumentatur. Sic à particulari siue singulari vno ad aliud syllogismo argumentamur: veluti, Appius Claudius,

A. Nicola  
ad 1. 1.

Ab vno ad

Claudius,

*Claudius, quamuis cecus fuerit, magistratum gessit: Ergo & Sempronius, quamuis cecus sit, gerere potest. licet hoc etiam ad inductionem referri possit, de qua nunc dicetur.*

## DE INDUCTIONE.

**I**nductio est argumentationis forma, qua à multis particularibus vel ad vniuersale, vel ad aliud particulare proceditur. A multis particularibus ad vniuersale argumentatur hac forma Vlpianus l. iurispergentium. 7. §. si paciscar. ff. de pactis, hisce verbis: Si paciscar ne iudicati, vel incensarum ædium agatur: hoc pactum valet. Si paciscar ne operis noui nunciatione exequar, siquidem ex re familiari operis noui nunciatio facta est, licet pacisci. Et de furto pacisci lex permittit. Si quis paciscatur, ne depositi agat, secundum Pomponium valet pactum. item si quis pactus sit, vt ex causa depositi omne periculum præstet: Pomponius ait, pactionem valere, nec quasi contraiuris formam factam non esse seruandam. Et in cæteris igitur omnibus ad edictum Prætoris pertinentibus, quæ non ad publicam læsionem, sed ad rem familiarem respiciunt, pacisci licet. Aliud exemplum inductionis proponitur l. homo liber. 54. §. item promittendo. ff. de adqu. rer. dominio. vbi Modestinus multis obligationum speciebus propositis, infert vniuersale, scilicet inter hominem libe-

liberum bona fide ab alio possessum, & eum à quo possidetur, obligationem consistere. Huius item exemplum est probatio consuetudinis, qua inducitur rebus aliquoties similiter iudicatis, ut quia ita inter Titium & Seium iudicatum sit, item postea in eodem casu similiter inter Mauium & Sempronium, inter Arctusam & Septiciam: infertur idem iure consuetudinis in omnibus alijs similibus casibus obtinere. Sic enim l. nam Imp. 37. ff. de legib. rescriptum est, Rerum perpetuo similiter iudicatarum auctoritatem vim legis obtinere debere. Hac ratione videtur quoque inductum ius fideicommissorum, ut quia semel atque iterum fideicommissa in certis casibus rescriptis principalibus erant confirmata, tandem omnia fideicommissa pro iure haberi cœperunt. Instit. de fideicommiss. heredit. §. postea diuus.

Porro non solum affirmatiue, sed etiam negatiue inductio procedit: quam speciem inductionis enumerationem appellant. Vt puta ex l. neq. pignus. 45. ff. de reg. iuris sic argumentari licet: Neque pignus, neque depositum, neque precarium, neque emptio, neque locatio rei sua consistere potest: Ergo nullus contractus rei sua consistere potest.

A particulari ad aliud particulare inductio procedit l. ex maleficijs 4. §. hæres. ff. de action. & obligat. ubi Caius: Hæres (inquit) qui legatum debet, neque ex contractu, neque ex maleficio obligatus esse intelligitur. Igitur ex quasi contractu erit obligatus. Aliud exemplum proponi-

Consuetudinis  
p. pluribus

De enumeratione.

tur l. 3. C. de apochis publicis. vbi tribus annis continuis solutione facta, inducitur presumptio etiam precedentibus annis solutum esse. Huius etiam loci est, cum multis interrogationibus & responsionibus hinc inde factis, tandem aliquid simile inferitur, de quo controuersia erat. Sic Aspasia loquitur cum uxore Xenophontis in hac verba: Dic mihi quaeso Xenophontis vxor, si vicina tua melius habet aurum, quàm tu habes, vtrum illius aurum, an tuum malis? Illius, inquit. Quid si vestem & ceterum ornamentum muliebri precij maioris habeat, quàm tu habes, vtrumue tuum, an illius malis? Illius verò, respondit. Age (inquit) si virum illa meliorem habeat, quàm tu habes, vtrumne tuum, an illius malis? Hic mulier erubuit. Est ergo huius inductionis forma talis: Vxor Xenophontis mauult aurum vicina, si melius sit, quàm suum: mauult vestes & ornamenta muliebria vicina meliora, quàm sua. Ergo etiam virum vicina meliorem mauult, quàm suum.

De dilem-  
mate.

Præterea inductionis species videri potest id quod Dilemma vocant, quo duabus contrarijs speciebus vel qualitatibus propositis, atque ambabus approbatis vel refutatis vniuersum affirmatur vel negatur. cuius exemplum proponitur l. 1. §. quod igitur. ff. de vi armata. vbi Vlpianus probaturus dominum præstando factum seruorum suorum non grauari, hoc modo argumentatur: Aut peruenit aliquid ad dominum ex facto serui, & hoc restituendo liberatur, nec in eo grauatur: aut non peruenit, & ipsum seruum



seruum noxa dedendo maleficij causa indemnis erit; nec in eo grauabitur. Quod enim noxa dedere compellitur, in damno non debet computare; cum seruus in hoc possit domini conditionem deteriores facere. Ergo dominus serui sui factum prestabit, etsi non iussu eius deliquit, nec grauabitur hoc nomine. Aliud exemplum proponitur apud Gellium libro 5. Noctium Atticarum, cap. 10, ubi Protagoras aduersus discipulum argumentatur hoc modo: Siue in causa obtinueris, siue non obtinueris, merces mihi à te debetur: nam si obtinueris, ex sententia iudicis mihi debetur: si non obtinueris, tunc quia conditio pacti extitit, ex pacto mihi debetur. Planè inductio infirmatur, si pars vel species aliqua fuerit omissa, seu in aliqua parte vel specie diuersam ostendatur. Vnde cum quidam parentibus non esse obtemperandum assererent, hoc dilemmate vsi: quia aut honesta aut turpia parentes imperarent. Si honestum imperarent, non quia parentes imperarent, sed quia id fieri ius esset, faciendum esse. Sin turpe imperarent, id faciendum non esse: quia iustum non esset. Ergo non esse necessum parentibus obsequi & parere. Huic argumentationi respondendi potest, quòd non sit sufficiens partium siue specierum, quae imperari solent, enumeratio: cum quaedam sint ἀδύνατα, per se neque honesta, neque turpia: ut in militiam ire, rus colere, honores capeffere, causas defendere, vxorem ducere, iussum proficisci, accersitum venire; in quibus,

Parentibus  
obsequi & parere

ad id aptum

alijsq; similibus, parentibus est parendum. de qua  
 re vide Gellium lib. 2. cap. 7. Similiter cum Bias  
 ita argumentatus esset: Neque formosam uxorem  
 ducendam, ne quis haberet cum alijs communem:  
 neque deformem, ne quis penam seu crucem ha-  
 beret. Ergo nullam uxorem ducendam. responsum  
 est, non esse sufficientem specierum seu qualitatum  
 enumerationem: quoniam inter formosam & de-  
 formem sit quadam <sup>media</sup> forma, quam Statim  
 vocant. de qua re vide eundem Gellium libro 3.  
 cap. 11. Aliud exemplum non sufficientis specierum  
 enumerationis proponitur l. filius. 28. §. filiusfami-  
 lias. ff. de liberis & posthumis. ubi cum filiusfami-  
 lias habens filium in eiusdem patris potestate, te-  
 stamētum de castrensi peculio fecisset filio suo prae-  
 terito, posteaq; mortuo patre, in cuius potestate am-  
 bo tam testator quam filius eius fuerant, filius in po-  
 testatem testatoris recidisset: non videbatur per hūc  
 casum rumpi testamētum, hac inductione. Post te-  
 stamentum factum neque testator adoptavit sibi fi-  
 lium, neque filius ei natus est, neque filio subducto  
 nepos ex eo in potestatem testatoris recidit. Ergo  
 testamentum quasi adgnatione posthumis ruptum  
 non est. Hāc enumerationem quasi minus sufficien-  
 tem Triphoninus d. §. filiusfamilias, respuit his ver-  
 bis: Sed tamen in potestate sua habere coepit,  
 quem non habebat. Planè sepe difficile est om-  
 nes species vel exempla inducere: ideoq; consilio A-  
 ristotelis singularium non est ignoranda similitudo

ei, qui probè inducere velit. Sunt tamen phrasæ seu *linguæ*  
 clausule generales, quibus in alijs idem esse vel fieri *liberè & igno-*  
 dicimus: quales sunt: Et sic in alijs: sic de simili  
 bus: neque dissimilia reperiuntur: nec quisquam  
 est qui non hoc pacto fecerit: & alia, quæ pro re &  
 loco accommodantur. Licet autem & ab ipso ad-  
 uersario diuersum exigere: quod si non possit præ-  
 stare, præsumptio pro nobis sit futura. Ideoq; quã-  
 uis non sit sufficiens enumeratio, ut non necessariò  
 probet inductio: sæpe tamen probabilis est etiam  
 imperfecta. Vnde exemplum quoq; inductionis *De exēplo.*  
 species videri potest. Nihil enim aliud exemplum est;  
 quàm imperfecta inductio: quemadmodū Enthymema  
 est syllogismus imperfectus. Exemplum autē  
 hoc loco est argumentandi forma, quæ ab indiui-  
 duo seu singulari vno aut altero proceditur vel ad  
 vniuersale, vel ad aliud singulare. Sic l. 4, in prin. ff.  
 de re militari, Arrius Menander argumentatur his  
 verbis: Sylla & Cotta memorantur vno testiculo *ab uno ph-*  
 nati: Sylla & Cotta milites fuerunt: Ergo vno te- *luni ad test-*  
 ticulo nati iure militabunt. Hæc de inductione,  
 eiusq; speciebus sint dicta.

## DE SYLLOGISMO.

**D**E syllogismo altera argumentationis forma  
 nunc nobis agendum est, & quidem copiosius.  
 Est enim argumentatio omnium perfectissima, ad  
 quã reliquæ omnes reduci atq; examinari possunt.  
 Syllogismus igitur est argumentatio trium termi-  
 norum,

norum, quorum duo extremi accommodantur termino medio ita, ut siquidem utrisque, conveniat cum illo, ipsis etiam inter sese conveniat. Sin verò alteri eorum non conveniat, tunc ne ipsi quidem inter se convenire possint. Sit exempli gratia syllogismus ex l. quæsitum. 60. ff. de re iudicata, talis:

Morbus fonticus diem iudicij differt.

At febris est morbus fonticus. Ergo:

Febris diem iudicij differt.

Hic tres sunt termini, quorum duo in conclusione ponuntur, & extremi appellantur: primus quidem Febris, alter Diē iudicij differre. Tertius terminus, quem & medium appellant, est Morbus fonticus, qui conclusionem non ingreditur: in quo duo extremi termini conveniunt. Nam & morbus fonticus diem iudicij differre dicitur: & febris morbus fonticus est. Terminus autē iste medius nihil aliud est, quàm argumentum, siue propositionis vel conclusionis ratio. Aliud exemplum syllogismi, in quo terminus medius alteri extremorum non convenit, proponitur l. 3. ff. de sepulchro violato. Est autem talis:

Cuius dolo malo sepulchrum violatum esse dicitur, in eum Sepulchri violati actio datur.

At impuberes, & omnes qui non violandi animo sepulchrum violant, dolo malo carent. Ergo:

In impuberes, & omnes qui non violandi animo sepulchrū violant, sepulchri violati actio non datur.

Hic maius extremum, quod est Sepulchri violati actionem dari: & minus extremū, quod est, Impuberes

beres & omnes qui non violandi animo sepulchrum violant: non conueniunt in medio termino, qui est Dolo malo sepulchrum violare. Ergo nec ipsa inter sese conuenire possunt. Ex his quid syllogismus sit patet, necnon quæ sint eius partes. videlicet maius & minus extremum, item medium: item tres propositiones, quarum prima propositio maior dicitur, altera minor, tertia conclusio.

Sæpe tamen maior vel minor propositio solet omitteri: quo casu enthymema dicitur. Nam enthymema nihil aliud est, quàm syllogismus imperfectus, in quo alterutra propositionum, vel maior, vel minor deest. Maior ommissa est l. eum qui. 8. in prin. ff. de Publicana in rem actione. vbi Marcellus ait, Eum qui = à furioso ignoras eum furere emit, posse vsucapere: = Ergo & Publicanum habere. Maior deest hæc: Qui nuncq; potest vsucapere, Publicanam habet. Minor propositio omittitur l. continuus. 137. §. 1. ff. de verb. obligat. vbi Venuleius ita argumentatur: Stipulatione, quæ vtriusq; consensu non fit, nihil agitur. Ergo si hominem stipulatus sim, & ego de alio sensero, tu de alio: nihil agitur. Deest minor propositio hæc: Ac hominis stipulatio, in qua ego de alio sensero, tu de alio, vtriusq; consensu non fit. Quæ si addatur, perfectus erit syllogismus. Non solum autem maior vel minor propositio, sed conclusio etiam non rarè solet omitti. veluti l. adoptiuus. 14. §. 1. ff. de ritu nuptiarum. vbi Paulus: In contrahendis (inquit) matrimonij naturale ius, & pudor inspicien-

dus est. Contra pudorem autem est, filiam  
 suam vxorem ducere. *Conclusio est omissa hac:*  
*Igitur filiam suam vxorem ducere non licet. Item*  
*omittitur conclusio l. eleganter Pomponius 23. §. si*  
*quis post ff. de condict. indebiti. vbi Vlpianus: Re-*  
*peti (ait) non solet, quod ob causam datum*  
*est, causa secuta. Sed hic non videtur causa*  
*secuta, cum transactioni non stetur. Sed huius*  
*generis exempla sunt infinita, in quibus vel maior,*  
*vel minor propositio, vel conclusio deest. Interdum*  
*vnica tantum propositio pro tota ponitur argumē-*  
*tatione. veluti cum agenti ex stipulatu obicitur*  
*exceptio hac: Sed metus causa promissum est. Nam*  
*sylogismus perfectus est: Quod metus causa gestum*  
*est, ratum non est: At hoc casu metus causa promissum*  
*est: Ergo hoc casu promissum ratum non est.*  
*At ceteris propositionibus omissis, sola minor propo-*  
*sitio ponitur. Interdum etiam loco propositionis o-*  
*missæ ratio eius poni solet. veluti si in sylogismo,*  
*iam proposito, loco maioris ratio eius subiciatur ta-*  
*lis: Nihil consensui tam contrarium est, quam vis*  
*atq; metus: At metus causa promissum est: Ergo*  
*promissum ratum non est. Quinimò ipse quoq; ordo*  
*propositionum non raro solet inuerti, vt vel minor*  
*propositio ante maiorem ponatur, vel conclusio*  
*præponatur. Sic l. vlt. ff. de instrum. legato, perfectus*  
*quidem sylogismus ponitur, sed inuersus præposita*  
*conclusionem, deinde subiecta minore, postremo loco*  
*maiore. Est enim sylogismus talis:*

*Instrumentum cuiusq; rei necesse est alterius generis esse, atq; ea cuius instrumentum est.*

*At scapha nō est alterius generis atq; navis. Ergo:*

*Scapha instrumentum navis non est.*

*Quam formam Paulus inuertit, dicens: Scapha navis non est instrumentum navis. Etenim mediocritate, non genere ab ea differt. Instrumentum autem cuiusq; rei necesse est alterius generis esse, atque ea cuius sit. Simile exemplum proponitur l. sacra. 9. §. propriè. ff. de rer. diuis. vbi Vlpianus: Leges (inquit) sanctæ sunt. Sanctione enim quadam subnixæ sunt, Quod autem sanctione quadam subnixum est, id sanctum est, et si Deo non sit consecratum. Aliud exemplum, in quo preposita conclusione, subijcitur maior propositio, postremo loco minor, habetur l. si filius familiās. 14. ff. si certum petatur. vbi idem Vlpianus: Si (inquit) filius familiās contra senatusconsultum mutatus pecuniam soluerit, & numi à creditore fuerint consumpti; Marcellus ait, cessare repetitionem. Quoniam toties condictio datur, quoties ex ea causa numerati sunt, ex qua actio esse potuisset, si dominium ad accipientem transiisset. In proposito autem nō esse. Ex his patet, ordinem syllogismorum sæpenumero inuerti. Est enim infantia simul & falsidh, velle in dicendo & scribendo ordinem argumentationum vsquequaque obseruare. In iudicando tamen, quo certius de argumentis obscuris dñdicare*



possit, ordo syllogismi rectus negligi non debet. Illud insuper hoc loco notandum, quod quidam plures quam tres syllogismorum partes seu propositiones constituent. Nam quando alterutri propositionum ratio subiecta est, quatuor: quod si verig<sup>3</sup>, ratio subiecta fuerit, quinque partes syllogismi constituent. Sit exemplum l. lecta est. 40. ff. si certum petatur. Vbi cum quis ex certo die usuras menstruas esset stipulatus, & in continenti pactus esset ex sorte menstruos denarios trecentos reddi: Paulus probaturus non ex die, in quem usurarum stipulatio facta esset, usuras currere, sed ex singulis mensibus prateritis, quibus trecenta sortis ex pacto non essent soluta: vititur tali syllogismo.

Quamdiu sortem petenti obstat exceptio, usurae non currunt. Haec est maior propositio: cui secundo loco subiicitur ratio talis:

Quia quamdiu sortem petenti obstat exceptio, mora non committitur. Tertio loco subiicitur minor propositio haec:

Sed ante menses, quibus sortem solui convenit, exactos sortem petenti obstat exceptio. Huic quarto loco subiici potest ratio talis:

Quia ante diem solui quidem, non autem peti sortis potest. Quinto loco addi potest conclusio talis:

Ergo ante menses, quibus sortem solui convenit, exactos usurae non currunt.

Huiusmodi rationibus computatis nonnulli nunc quatuor, nunc quing<sup>3</sup> syllogismorum partes constituent.

tuunt. Sed si vera est eorum sententia, interdum septem, interdum nouem, interdum etiam plures syllogismi partes erunt. Quid enim si singulae rationes adiectae in argumentationis formam redigantur. reputa ratio maioris iam proposita hoc modo:

*Mora non commissa, usura non currunt.*

*At quamdiu sortem petenti obstat exceptio, mora non committitur. Ergo:*

*Quamdiu sortem petenti obstat exceptio, usura non currunt.*

Certè hanc rationem tribus propositionibus siue partibus constare nemo negauerit: quibus computatis, principalis syllogismi septē erunt partes. Quid si ad maiorem vel minorem confirmandam nō vna, sed plures adducantur rationes? nimirū tot erunt syllogismi partes dicēda, quot sunt singularū rationū in argumentationis formā redactarū partes. Vniuersa ferè oratio pro Milone consistit in hoc syllogismo:

*Vim vi repellere licet.*

*Milo vim vim vi repulit. Ergo:*

*Milo, quod licuit, fecit. Et per consequens, homicidij poena non tenetur.*

Omnia argumenta, quibus ad hunc syllogismum confirmandū Cicero vititur, cum suis probationib. partes syllogismi principalis dicere, valde est absurdum. Mihi ergo huiusmodi rationes, quae syllogismis confirmandis adiunguntur, non magis partes syllogismorum, quibus adiunguntur, videntur, quàm vestes, catenae, munimenta, quibus aduersus frigus & aliā vim  
exter-

externam corpus defenditur, corporis partes dicuntur. Censeo itaq<sup>ue</sup>, perfecti syllogismi nō plures quā tres partes siue propositiones. constituendas esse: quamvis copiosius interdum alijs argumentū adhibitis tractari possit. Planē species ac forma syllogismorum plures sunt, & diuisiones variae, ex quibus duas tantum diuisiones tanquam cognitu magis necessarias seligemus, quas cum suis speciebus ac membris ordine explicabimus. Qui ceteras curiosius desiderauerit, Dialecticos consulere potest.

## DE SYLLOGISMO

### Categorico.

**S**it ergo prima syllogismorum diuisio hac, quod aliud est Categoricus, aliud Hypotheticus. Categoricus syllogismus est, qui ex propositionibus categoricis constat: hypotheticus, qui constat ex propositionibus hypotheticis. Quae autem propositio categorica dicatur, quae hypothetica, dictum suprà lib. 1. cap. De composito themate seu propositione, in fine. Ex quibus patet, categoricam dici eam quae pura est, nulla conditione adiecta, quam aliās simplicem uocant: hypotheticam uerò dici eam, cui conditio adiecta sit, quae ex duabus categoricis propositionibus constat: ideoq<sup>ue</sup> coniuncta aliās solet appellari. Sic simplex, pura vel categorica propositio est: Titio fundus Sēpronianus legatus est. item hac: Titius heredi decem dabit. Quae duae propositiones si coniungantur, hypothetica erit propositio talis: Si Titius

titius heredi decem dederit, fundus Sempronianus ei erit legatus. Categoricalus igitur syllogismus est:

Legatum ab herede est præstandum.

Titio fundus Sempronianus legatus est. Ergo:

Fundus Sempronianus Titio ab herede est præstandus.

Hypotheticus syllogismus hic est:

Si Titius heredi decem dederit, fundus Sempronianus ei est legatus.

Sed Titius heredi decem non dedit. Ergo:

Fundus Sempronianus ei non est legatus, vel ex causa legati non præstandus.

Porro categoricalus syllogismus iuxta quadruplicem medij termini collocationem quadruplex est. Nam medium aut in maiore propositione subiectum est, & in minore predicatum: quo casu syllogismus dicitur prima figura, cuius generis syllogismi omnium perfectissimi sunt, ad quos alij tanquam minus perfecti solent reduci: aut contra medium in maiore propositione predicatum est, & in minore subiectum: & syllogismus dicitur quarta figura: aut medium in utraq; propositione predicatum est: & dicitur syllogismus secunda figura. aut denique in utraque propositione subiectum est: & dicitur syllogismus tertia figura. Syllogismus itaque prima figura hoc proprium habet, quod medium in maiore propositione subiecti, & in minore predicati loco ponatur: ut in exemplo iam proposito, in quo Legatum medium est, de quo in maiore propositione predicatur

Ab herede præstandum esse: in minore propositione illud prædicatur de fundo Semproniano. Sed & eius generis sunt plerique syllogismi superius propositi. Illud quoque syllogismi prima figura proprium est, quod in eo maior quidem propositio semper sit vniuersalis, minor verò semper affirmatiua.

Secunda figura syllogismi hoc proprium est, quod in eo medium in utraque propositione prædicati loco ponatur. cuius exemplum proponitur l. i. in prin ff. de rer. permutat. Vbi Paulus ita argumentatur:

In emptione & venditione discerni potest, vter emptor sit, vter venditor: item, vtrum merx, vtrum premium.

At in permutatione discerni non potest, vter emptor, vel vter venditor sit: item, vtrum merx, an premium. Ergo: -

Permutatio non est emptio.

Hic medium est, discerni posse vter emptor vel venditor sit: item, vtrum merx, an premium: quod in utraque propositione prædicati loco ponitur. Est insuper syllogismi secunda figura proprium, quod conclusio eius serè semper sit negatiua. Neque enim tutum est in huius generis syllogismis affirmatiue concludere: puta, Homo est animal: Asinus est animal: Ergo asinus est homo. Interdum tamen affirmatiue quoque procedit argumentum in secunda figura, videlicet cum subiectum maioris propositionis cum suo prædicato potest conuerti. Veluti:

Furtum est contructio rei aliena inuito domino facta.

At ra-

At rapina est contrectatio rei aliena invito domino facta. Ergo:

Rapina est furtum. Institutus, vi bonor. raptor. in princip.

Sic etiam à proprio argumentari licet hoc modo:

<sup>In iuribus</sup> In iustus bonam fidem non praestat. <sup>ma. 19</sup>

Qui de apicibus iuris disputat, bonam fidem non praestat. Ergo:

Qui de apicibus iuris disputat, est iniustus.

Tertia figura syllogismi proprium est, quòd in eo medium in vtraq, propositione subiecti loco ponitur. Veluti:

Æminæ non possunt esse testes in testamento.

Æminæ habent testamenti factionem. Ergo:

Testamenti factionem habent etiam ij, qui testes in testamento esse non possunt. Aliud exemplum est:

Actio qua per exceptionem infirmatur, est iniqua.

Omnis actio ius est. Ergo:

Ius quoddam est iniquum.

Ad hoc tertium genus pertinent syllogismi, quos expositorios appellant, in quibus medium est singulare siue indiuiduum. Veluti:

Appius Claudius fuit cæcus.

At Appius Claudius magistratam gessit. Ergo:

Cæcus magistratum gerere potest. quod exemplum suprà quoq, posuimus.

Præterea tertia figura syllogismorum & illud proprium

3. Concl.  
de vltis

not scilicet

prium est, quòd conclusio in ijs nunquam sit vniuersalis. Quàquam in omni penè iure vniuersales propositiones sunt periculose. Ideoq; propositiones indefinitæ sunt vsitatiores, quæ quidem vniuersaliter accipiuntur, donec exceptio aliqua contra eas probetur: vt suprà quoq; lib. 1. cap. De composito themate, dictum est, & dicetur infrà in loco præsumptionum copiosius. Postremò & illud proprium est tertie figuræ, quòd minor propositio semper sit affirmatiua, quod tamen & primæ figuræ conuenit, vt suprà diximus.

Quarta figuræ syllogismi proprium est, medium in maiore propositione prædicati, & in minore subiecti loco habere positum. Veluti:

Titio fundus Sempronianus legatus est.

At legatum ab hærede præstandum est. Ergo:

Titio fundus Sempronianus ab hærede præstandus. Hic syllogismus facillè reducitur ad primam figuram perfectam, si minor in maioris propositionis locum transponatur. Huius generis species videri

Sorites. potest argumentandi forma, quam Soritem appellant, cum scilicet pluribus medijs propositis, ab vno ad aliud proceditur, donec ad conclusionem perueniatur. Veluti:

Seruitus est res incorporalis.

Res incorporalis tangi non potest.

Quod tangi non potest, possideri non potest.

Quod possideri non potest, vsucapi nequit. Ergo:

Seruitus vsucapi nequit.

Aliud

gradatio

seruitus est res  
incorporalis



Aliud exemplum sumi potest ex l. qui in servitute.  
160. ff. de reg. iuris, hoc modo :

Qui in servitute est, ab alio possidetur.

Qui ab alio possidetur, ipse possidere non potest.

Qui autē non possidet, vsucapere nequit. Ergo :

Qui in servitute est, vsucapere nequit. *Qui possidet p. i. n. f. u.*

In hac argumentandi specie non est certus propositionum numerus, & nisi omnes necessario inter se cohareant, viciosus erit Sorites.

## DE REGVLIS SYLLOGIS- mi categorici.

**H**aec de speciebus syllogismi categorici, necnon de proprijs cuiusque speciei regulis sint dicta. Sunt tamen prater istas regulas singularum specierum proprias & alia regulae omnium specierum communes, de quibus nunc dicetur. Prima regula hac est: Ex solis negatiuis nihil sequitur. veluti si ita argumenteris :

Nemo qui de apicibus iuris disputat, bonam fidem habet,

Titius de apicibus iuris non disputat. Ergo :

Titius bonam fidem habet. Qui syllogismus viciosus est: quia utraq, propositio est negatiua.

Secunda regula: Ex solis particularibus nihil sequitur. veluti:

Quaedam actiones temporales rescripto Principis perpetuantur.

Quaedam actiones famose temporales sunt: vt de dolo actio. Ergo; E Actio-

*Aktionēs famosa rescripto Principis perpetuantur. Planē huius regulā in syllogismo expositorio locus non est: in hoc enim à solis singularibus ad vniuersale probabiliter proceditur: vt paulo superius exemplo Appij Claudij caci est ostensum.*

*Tertia regula: Conclusio semper sequitur deteriorem partem. Deterior autē est particularis propositio vniuersali: item negatiua deterior est affirmatiua. Proinde non valet syllogismus hic:*

*Quoddam licitum, honestum non est: l. non omne. 186. ff. de reg. iuris.*

*Transactiones licita sunt. Ergo:*

*Transactiones non sunt honestae.*

*Quarta regula: Medium nunquam ingreditur conclusionem. Proinde viciosus est syllogismus hic:*

*Appius Claudius gessit magistratum.*

*Appius Claudius fuit Cacus. Ergo:*

*Appius Claudius non rectē gessit magistratum.*

*Eodem vicio laborat & hic syllogismus:*

*Quae in nullius bonis sunt, occupanti conceduntur.*

*Res sacra in nullius bonis sunt. Ergo:*

*Quaedam quae in nullius bonis sunt, sacra sunt.*

*Planē cum syllogismi copiosius proponuntur, solet vel maior, vel minor, interdum vtraque propositio in conclusione repeti sine vicio, veluti in syllogismo de die vsurarum supra proposito, hoc modo: Cum ergo, quamdiu sortem petenti obstat exceptio, vsura non cucurrit: & ante menses, quibus sortem solui*

*con-*

conuenit, exactos sortem petenti obstat exceptio: sequitur, ante menses, quibus sortem solui cōuenit, exactos vsuras non currere. Hic totus syllogismus in conclusione repetitur, quod vsitatum est, & vicio verti non debet.

Quinta regula: In syllogismo non possunt esse plures quàm tres termini, maior, minor, & medius. Ideoq̃, cum vnus ex ijs est ambiguus, qui duo significet, quatuor sunt termini: propterea syllogismus viciatur. Veluti:

Iter est res incorporalis.

At iter tangi & videri potest. Ergo:

Res incorporalis tangi & videri potest.

Hic vocabulum itineris in maiore propositione significat ius eundi per alterius fundum: in minore autem locum, per quem itur, quocirca quatuor sunt termini: nempe ius eundi, res incorporalis, locus per quem itur, & tangi videriq̃, posse. Ideoq̃, syllogismus est viciosus. Planè Sorites, de quo supra diximus, quamuis pluribus propositionibus constet, ac pluribus medijs, tamen ob id viciosus non est.

Sexta regula: Conclusio non alia, nec plura continebit, quàm maius & minus extremum precedēs. Ideoq̃, non valet syllogismus hic:

Ius naturale est immutabile. Inst. de iure naturali. §. sed naturalia quidem.

At pacta seruari, ius est naturale: l. i. in prin. ff. de pactis. (potest.

Ergo pacta seruari ius nullo iure ciuili distingui

Hec de regulis syllogismorum breuiter sint dicta. Illud postremò de syllogismis categoricis notandum est, quod & antea diximus, cum prima figura syllogismi omnium sint perfectissimi, ceteros syllogismos ad istos reduci posse atque debere, quo certius de ijs iudicari possit, vtrum necessarij sint, an probabiles, an falsi. Reducuntur autem hi ad istos, si eadem manente conclusione, modum in maiore propositione subiiciatur, & in minore pradicetur: quod (vt diximus) primæ figuræ proprium est. Sed de huiusmodi reductionibus plura Dialectici tradunt, quæ quia non admodum necessaria iudicaui, prudens omisi. Hactenus ergo de categoricis syllogismis sit dictum.

## DE SYLLOGISMO

### Hypothetico.

**N**unc de hypothetico syllogismo dicendum. Is est (vt diximus) qui constat ex propositionibus hypotheticis siue coniunctis. Hypothetica verò siue coniunctæ propositiones triplices sunt: scilicet conditionales, copulatiuæ & disiunctiuæ. Conditionalis propositio est, quæ effertur per particulam Si, Nisi, vel aliam similem, quæ conditionem habet. Sic conditionalis propositio est l. si quis. 115. ff. de reg. iuris. Vbi Paulus: Si quis (inquit) obligatione liberatus sit, potest videri accepisse. Sed & condizionalis est l. quamdiu. 89. ff. eod. tt. Vbi idem Paulus: Quamdiu (inquit) possit valere testamentum, tamdiu legitimus non admittitur. Copulatiua

pulatiua propositio est, quando per coniunctionem copulatiuam dua vel plures categorica propositiones iunguntur. Veluti: Nemo potest pro parte restatus, & pro parte intestatus decedere: l. ius nostrum. 7. ff. d. tr. Item: Non potest eadem & vt vidua, & vt nupta legatum petere: l. Titia. 98. ff. de condit. & demonstr. Disiunctiua propositio est, qua ex duabus categoricis disiunctiua vace coniunctis constat. veluti: Aut dies, aut nox est: l. hac verba. 124. in prin. ff. de verb. signif. item: Quidquid omnino per vim fit, id aut in vi publica, aut priuata crimen incidit: l. hoc iure. 194. ff. de reg. iuris. Pro hac propositionum hypotheticarum diuersitate syllogismi hypothetici diuiduntur in conditionales, copulatiuos & disiunctiuos. Conditionalis igitur syllogismus est, cuius propositio est condicionalis. Veluti:

Si pater adulterum cum filia deprehensum occidere potest, poterit & contumelia eum adficere: l. nec in eo. 22. §. sed qui occidere. ff. ad l. Iul. de adulterijs.

Atqui pater adulterum cum filia deprehensum occidere potest, d. l. 22. §. ius occidendi. Ergo:

Et contumelia eum adficere poterit.

Hoc loco sciendum est, omnem hypotheticum syllogismum tribus constare partibus: propositione, assumptione & conclusionem. Propositionem item constare antecedenti & consequenti. Propositio est prima eius pars, quam in syllogismo categorico maiorem appellamus: antecedens est prior propositionis pars. Ut in exemplo proposito: Si pater adulterum cum

filia deprehensum occidere potest. Consequens est posterior eius pars. vtpota: poterit & contumelia eum adficere. Assumptio est, quam in categorico syllogismo minorem propositionem appellamus, quæ secundo loco ponitur. vt in exemplo proposito: At qui pater adulterū cum filia deprehensum occidere potest. Conclusio est hæc: Ergo & contumelia eum adficere poterit. Conditionales autem syllogismi triplices sunt. Nam aut antecedens in assumptione affirmatur, & consequens affirmatur in conclusione: quod genus appellant à positione antecedentis ad positionem cōsequentis. aut antecedens in assumptione negatur, & consequens negatur in conclusione: quod genus appellant à destructione antecedētis ad destructionem consequentis. aut deniq; consequens in assumptione negatur, & antecedens negatur in conclusione: quod genus vocant à destructione consequentis ad destructionem antecedentis. Primi generis est exemplū propositum. Siquidem antecedēs, quod est. Si pater adulterū occidere potest: affirmatur in assumptione, & consequens, quod est, Poterit & contumelia eū adficere: affirmatur in cōclusionē.

Secundi generis exemplū proponitur l. elegāter. 23. §. si quis post. ff. de condiēt. indebiti. Vbi Vlpianus de eo, qui cum ex causa transactionis soluisset, nihilominus erat condemnatus, ita argumentatur:

Si causa dati secuta est, datum repeti nō potest.

Sed hoc casu causa dati secuta nō est: cum transactioni non stetur.

Ergo

Ergo datum repeti potest.

Tertij generis exemplum proponitur l. 7. C. de codicillis, hoc modo:

Si testamentum & codicilli idem essent, diuersa nomina non haberent.

Atqui diuersa nomina habent. Ergo:

Idem non sunt. Hac de syllogismis conditionalibus.

Copulatiuus syllogismus est, cuius propositio est copulatiua. Huius exemplum proponitur l. Titia. 98. ff. de condit. & demonstrat. Vbi Papinianus ita argumentatur:

Non potest eadem & ut vidua & ut nupta legatum petere.

At si Titia ducenta legata sint, si nupserit: centum, si non nupserit: ea q; nupserit: ducenta ut nupta petere potest. Ergo:

Centum ut vidua petere non potest.

Disiunctiuus syllogismus est, cuius propositio est disiunctiua. Veluti l. non est. 148. cum lege sequente. ff. de verb. signif. Caius ita argumentatur:

Aut liberos quis habet, aut est sine liberis.

At qui vnum filium habet, sine liberis esse dici non potest. Ergo:

Qui vnum filium habet, liberos habere dicendus est.

Planè copulatiui simul & disiunctiui syllogismi sub nomine conditionalium censerì possunt: nam subinde inter se commutantur. nihil tamen obest ipsa varietas, quacum ubiq; tum in dicendo gratissima



est. In iudicando autem omnes huiusmodi syllogismi hypothetici ob certius iudicium ad categoricum syllogismum primæ figuræ, qui omnium (ut diximus) perfectissimus est, reduci possunt.

## DE SYLLOGISMO NECES-

sario, probabili &  
falso.

**H**Actenus de prima syllogismorum diuisione, cuiusq. speciebus dictum est. Altera syllogismorum diuisio est, quod alius sit necessarius, alius probabilis, alius falsus. Quemadmodum enim secundum substantiam propositionum syllogismus alius dicitur categoricus, alius hypotheticus: ita secundum earundem qualitatem alius apodicticus dicitur seu demonstratiuus vel necessarius, alius dialecticus seu probabilis, alius sophisticus seu falsus. Nam propositionum alia necessaria est, alia probabilis, alia denique falsa. Necessaria ea vocatur, quæ nulla indiget probatione, sed per se nota est vel natura, vel lege, vel experientia: quam supra notoriam appellauimus. Natura nota est: veluti, Pietatem parentibus à liberis deberi, l. 1. ff. de obseq. à liberis & libertis. Lege nota est: veluti, Ei qui filio familiam mutuam pecuniam dederit, actionem denegari, l. 1. in prin. ff. ad S. C. Macedonianum. Experientia nota est: veluti, Tres vno utero nasci posse, l. 3. ff. si pars hereditatis petatur. Ex huiusmodi propositionibus necessarijs necessarij quoq. efficiuntur syllogismi: cuiusmodi sunt omnes

Nam si  
Natura  
Legem  
Experientia

omnes actiones & exceptiones, quæ specialibus approbantur legibus: licet per distinctionem elidi queant. Probabilis propositio est, de qua dubitari potest, quæq; indiget probatione: veluti, Actio ex pacto de retrouendendo nulla temporis prescriptione excluditur. quæ propositio in utraque partem probabilis est, & multum à Doctoribus controuertitur. Ex huiusmodi propositionibus probabiles, non necessarij conficiuntur syllogismi: qui vel arbitrio iudicantis relinquuntur, vel eius qui cum imperio est, & legis condendæ potestatem habet, decretum requirunt, ut aliàs ostendi. Planè alia videntur probabilia omnibus, quæ notoria dicere possumus: alia maiori parti, quæ communis opinio dicitur: alia denique parti præstantiori. Sed de probabilibus & necessarijs etiã actum supra lib. proxim. in loco Ab autoritate. Falsa propositio est, quæ neque necessaria, neq; probabilis est, vel etiam iure reprobatur: veluti, Eum qui precium non soluit, Publicianam in rem actionem non habere. Hæc enim propositio reprobatur l. de precio. 10 ff. de Public. in rem actione. Similiter eum cuius pecuniæ res empta est, rei vindicationem habere. Nam & hæc reprobatur l. ad probationem. 21. in fine. C. de probationibus. Ex huiusmodi propositionibus falsis falsi quoque conficiuntur syllogismi, qui & Sophistici appellari solent. Planè falsi siue sophistici syllogismi duplices sunt: nam quorundam vel in materia, vel in forma peccatum est, sophisticus dicitur syllogismus. Ideoq; licet utraque

propositio vera sit, si tamen ex meris negatiuis vel particularibus constet syllogismus, vel aliàs contra regulas syllogisimorum superius propositas sit confectus, falsus erit. In summa, propositio syllogismi maior & minor vel manifestè vera est, & syllogismus dicitur necessarius, nisi in forma sit peccatum: vel manifestè falsa est, & falsus dicitur syllogismus: vel deniq; utraque vel alterutra tantum dubia est, non manifesta, & dicitur syllogismus probabilis, aliàs dialecticus, quod in utramq; partem verisimiliter disputari possit. Illud etiam hoc loco notandū, ex quibusdam locis necessaria sumi argumenta, ex quibusdam probabilia tantum. Necessaria sumuntur argumenta à definitione essentiali, causali, partiali, raro ex accidentali, nisi quàm plenissimè absoluta fuerit. item sumitur argumentum necessarium à genere, à specie, à differentia, sed non nisi vera & propria. item à toto, à partibus, à causa efficiente, sed efficaci: à causa materiali, qua effectus necessario incumbit: à causa finali, & ab eius effectibus: ab adiacentibus & actibus natiuis cumularis, à repugnantibus, ab auctoritate legis, rei iudicatae, iussus magistratus, testatoris, patris, domini vel alterius, cui parère necesse est. item ab auctoritate conuentionis siue pacti, iurisiurandi, & confessionis iudicialis: secundum ea tamen quae in singulis huiusmodi locis tradita sunt. Probabilia tantum sumuntur argumenta potissimum ab his locis: à descriptione per accidentium congeriem, ab etymologia,

logia, ab adiacentibus & actibus accessorijs, à coniugatis, à contingentibus seu signis & circumstantijs, à comparatis, à simili, à sententia denique seu opinione doctorum.

## DE HYPOTHESIBVS SEV questionibus iuris finitis vel cau- sis dijudicandis.

**H**Actenus generalia iudicandi praecepta tradidimus: nunc specialia, quae tum in iuris, tum in facti questionibus dijudicandis obseruanda sunt, trademus. Et quidem iuris questionem duplicem fecimus, finitam & infinitam. Illam hypothesein & causam appellamus, cuius omnis disputatio vel in facti, vel in iuris questione infinita (ut supra quoque diximus) desinit: cui succedit probatio. Iudicis ergo in dijudicandis causis & controuersijs hominum munus, quod quidem arte fit, duplex est. vnum circa litis cōtestationem versatur, quod consistit in statu causa indagando, & inquirendo, utrū de iure, an de facto controuersia sit: alterum circa probationes, quod posterius rursus triplex est: consistit enim in probationibus tum insungendis, tum examinandis ac ponderandis, tum deniq, ab ipso iudice ex officio inquirendis, si is cui probandi onus incumbit, probatione destituatur. In priore munere iudex imitatur officium boni medici, qui antequam remedia morbo curando adhibeat, genus & causam morbi diligenter inquirat. Est enim in omni actione  
seu

seu controuersia vnum aliquod precipuum, quod litem facit: quo sublato vel deciso, lis esse desinit. Hoc Statum cause Rhetores vocant, quod ibi sit primus cause congressus, vel quod in hoc causa consistat: alij τὸ κριθόντων appellant, quod de eo sententia sit ferenda: alij Constitutionem. Iurisconsulti veteres Litem contestatam nominarunt. Nam cum omisis exceptionibus dilatorijs, ipsa causa iudici ab vtraque parte exponitur, euenit vt in aliquo partes confligant, ex qua consiictione questio vel facti vel iuris infinita resultat: quo facto, apud veteres alterutra pars contestabatur, seu testes aduocabat, illud esse in quo lis consisteret: quod si probasset, vel aduersarius probare non posset, penes se victoriam causa futuram. Vnde litis contestationem appellatam esse, credibile est: ex qua quid litem faciat, & quis cause status sit, iudici apparet. Hac res si in iudicia reuocaretur, plura iudiciorum vitia, de quibus emendandis in omnibus ferè comitijs hodie consultari solet, vltè euanescerent. At nunc, cum iudex litis contestationis, adeoq; iudicandi rationis sit ignarus, sedet inter aduocatos & procuratores, tanquam asinus inter simias: nescit quando disputationes in causa permittende sint, quando contrà sint inhibenda. hinc ne necessarias inhibeat, non necessarias permittit, & aduocatis in infinitum disputandi licentiam concedit: non semel, sed sepius dilationes dat, eosq; vel ex leuissima causa. Precipua itaq; litium diuturnitatis causa in iudice sita est:  
quod

quod Imperatorem quoque Iustinianum non latuit, qui l. properandum. ii. §. i. C. de iudijs, ait: Si iudices voluerint, nullus tam audax inuenitur, qui possit inuito iudice litem protelare. Omnes ergo iudiciorum reformationes ad litem diuturnitatem tollendam inutiles erunt, nisi prius reformabitur iudex: nam languente capite, cetera membra suo officio recte fungi non possunt: totum corpus languere necesse est. Ante omnia itaque iudicandi ratio in iudijs est cognoscenda. Cuius primum atque precipuum munus est (ut dixi) animaduvertere quid litem faciat, seu quis totius causa status sit: quod innotescit per litis contestationem. de qua cum alias copiosius differuerim, non est opus ut hic plura verba faciamus. Vnum tamen aut alterum eius exemplum adijciam, quo res omnium maxime necessaria, & hodie in iudijs incognita, magis innotescat. Sit casus talis propositus, quem Gellius Noctium Atticar. lib. 5. cap. 10. exponit, his verbis: Euathlus adolescens dives, eloquentia discenda, causarumque orandi cupiens fuit. Is in disciplinam Protagora sese dedit, daturumque promisit mercedem grandem pecuniam, quantam Protagoras petiuerat. Dimidiumque eius dedit iam tunc statim, priusquam disceret: pepigitque, ut reliquum dimidium daret, quo primum die causam apud iudices orasset & vicisset. Postea cum diuile auditor affectatorque Protagora fuisset, & in studio quidem facundia abunde promouisset, causas tamen

non reciperet, tempusq<sup>3</sup> iam longum transcurreret,  
 & facere id videretur, ne reliquum mercedis da-  
 ret: capit consilium Protagoras, vt tum existima-  
 bat, astutum. Petere institit ex pacto mercedem.  
 Litem cum Euathlo contestatur. Et cum adiudices  
 conijcienda consistendæq<sup>3</sup> causa gratia venisset,  
 tum Protagoras sic exorsus est: Disce (inquit) stul-  
 tissime adolescens, vtroque id modo fore, vti reddas  
 quod peto, siue contra te pronunciatum erit, siue  
 pro te. Nam si contra te lis data erit, merces mihi  
 ex sententia debebitur: quia ego vicero. Sin verò  
 secundum te iudicatum erit, merces mihi ex pacto  
 debebitur: quia tu viceris. Ad ea respondit Eua-  
 thlus: Potui (inquit) huic tua tam ancipiti ca-  
 ptioni isse obuiam, si verba non ipse facerem, sed  
 alio patrono vterer. Sed maius mihi in ista victoria  
 pro ludium est: cum te non in causa tantum, sed in  
 argumento quoq<sup>3</sup> isto vinco. Disce igitur tu quoque  
 magister sapientissime, vtroque modo fieri, vti non  
 reddam quod petis, siue contra me pronunciatum  
 fuerit, siue pro me. Nam si iudices pro causa mea  
 senserint, nihil tibi ex sententia debebitur: quia  
 ego vicero. Sin contra me pronunciauerint, nihil  
 tibi ex pacto debebo: quia ego non vicero. Addit  
 Gellius: Tum iudices dubiosum hoc inexplicabileq<sup>3</sup>  
 esse, quod vtrinq<sup>3</sup> dicebatur, rati, ne sententia sua,  
 vtramcunq<sup>3</sup> in partem dicta esset, ipsa sese rescinde-  
 ret, rem in iudicatam reliquerunt, causamq<sup>3</sup> in diem  
 longissimam distulerunt. Sic ab adolescente disci-  
 pulo



pulo magister disciplina eloquentie inclytus suo sibi argumento confutatus est, & captionis versute excogitata frustratus fuit. Haftenus verba Gellij, quibus nobis exemplum proponitur stulticia indicum hisce temporibus non inusitata, qua ad Dialecticorum argutias, vel Rhetorum captiones, vel denique ad inextricabiles disputationum, quibus Doctores se exercent, labyrinthos potius, quam ad actionem, exceptionem & statum causa respicientes, ex ijs qua proposita sunt se extricare non possunt: ideoq; ad negocia dilationibus & interlocutionibus suspendenda magis, quam decidenda, sunt proclives. Si iudices in controuersia proposita ad actionem & exceptionem respexissent, & vt lis contestaretur vsissent, plana illis causa apparuisset. Nam quod Gellius ait, Protagoram litem cum Euatblo contestatum: improprie loquitur pro lite inchoata, seu causa in iudicium deducta, quemadmodum in iure quandoque accipitur. Status enim causa ex ijs qua Gellius proposuit, apparere non potest. Sic ergo procedendum fuit in iudicando. In primis ad actionem fuit respiciendum, hoc est, quid petatum fuerit, ex qua causa, & quo iure: nam hisce tribus omnis continetur actio. Res igitur qua in casu proposito petita fuit, est merces, puta decem. causa petendi est: Quia (inquit Protagorus) ita inter nos conuenit, vt viginti mercedis nomine acceptis, reum in eloquentia studio instituerem: institui: decem soluit: restant adhuc decem soluenda, qua

quapeto. Ius quo hac nititur intentio, haud est ob-  
 scurum. Ex conducto actio est, l. 2. C. de locato.  
 Quamquam etiam extra ordinem hoc casu ius dici-  
 tur, l. 1. in princ. ff. de extraordin. cognition. Argu-  
 mentum itaq; actoris primum, quod actionem (ut  
 diximus) leges appellant ipso iure subsistit: seu ma-  
 ior eius syllogismi propositio vera est. Ideoq; quid  
 contra reus respondeat, iudici est attendendum. Hic  
 autem aut negando, aut distinguendo, aut denique  
 litrem à causa proposita ad alias actionis circumstā-  
 tias transferendo, seu dilatoriam exceptionem ob-  
 iiciendo respondebit, ut supra ostendimus. Fingamus  
 eum respondere hoc modo: Domine iudex, quod  
 Protagoras actor de pacta mercede viginti solido-  
 rum dicit, ita se habet: Conuenit quidem de dicta  
 mercede pro institutione praestanda: sed ita, ut di-  
 midium eius statim soluerem, reliquum dimidium  
 tunc demum, cum institutione absoluta causam apud  
 iudices orassem & vicissem. Sed causam nullam an-  
 te hac apud iudices orauit, tantum abest ut vicerim.  
 Manifesti verò iuris est, contractu sub conditione  
 inito, ante existentem conditionem ex eo contra-  
 ctu agi non posse. Quae cum ita sint, peto me ab a-  
 ctione instituta cum refusione expensarum absolui.  
 Hac exceptione reus non negat, quod in actione  
 propositum est: sed distinguit, hoc modo: Si condi-  
 tio pactae mercedis vel contractus extitisset. Ideoq;  
 in quo lis, seu status causae consistat, iudici nondum  
 apparet. Exceptio autem integro syllogismo pro-  
 posita

posita est, minore tamē propositione preposita, subiecta maiore, hinc conclusione. Quod si singula suo loco colloces, syllogismi forma hac erit.

Conditione contractus pendente vel deficiente, actio ex contractu isto deneganda est.

At in casu proposito conditio contractus pendet vel defecit.

Ergo actio in casu proposito est deneganda.

Cuius syllogismi maior propositio est indubitati iuris. Ideoq; iudex, ut statum causa inquirat, se ad replicationem actoris conuertit, qui replicando dicet fortè hoc modo: Domine iudex, quod reus conuentus excipiendo dicit, causam se nullam antehac apud iudicem orasse, multo minus vicisse, ideoq; conditionem pacta mercedis non exiisse: id quidem ipsius vel dolo vel culpa factum est, qui nunquam causarum agendarum occasionem captauit. Ideoq; exceptione proposita non debet defendi. Peto itaq; quod & antea petij, ut ad residuum pacta mercedis cum refusione expensarum mihi condenneretur. Hac replicatione actor id quod exceptione propositum est, non negat, sed rursus distinguit, hoc modo: Si non per reum stetisset, quo minus conditio existeret. Quae replicatio per enthymemata proposita est: deest enim maior propositio; qua apposita syllogismus perfectus hic erit:

Quoties per eum, cuius interest conditionem non impleri, steterit quo minus impleatur, conditio pro impleta habetur.

*amplio*

*Expli. ca  
de. An. Min.*

At in casu proposito per reum, cuius interest conditionem non impleri, steterit quo minus conditio impleatur.

Ergo in casu proposito conditio pro impleta habetur.

Adhuc nondum apparet, in quo lis consistat, seu quis cause status sit: quoniam conflictio causarum nulla facta est, nec id quod aduersarius proposuerat, ab altero negatum. Maiorem autem propositionem replicationis proposita iudex intelligit ipso iure veram esse. Ideoq; se ad duplicationem rei conuertit, & utrum negando, an distinguendo ad replicationem respondeatur, animaduertit. Si itaq; maiorem propositionem reus negauerit, orietur iuris questio hæc: An si per eum, cuius interest conditionem non impleri, steterit quo minus impleatur, conditio habeatur pro impleta? de quo tamen ius apertum est, ut hac rei conuienti responsio officio iudicis reijci possit. Sin minorem propositionem reus duplicando negauerit, orietur facti questio talis: An per reum steterit, quo minus conditio pacta mercedis extiterit? In qua totius controuersie caput, & causa status consistet, lisq; erit contestata. Quod si ne hoc quidem reus negauerit, nec vlla alia distinctione replicationem propositam (quod certè videtur) elidere poterit: nulla lis erit, nec vlla difficultas proposita causa per sententiam dirimende, quam tamen iudices, quia magis ad argutias inanes, quam ad actionem, exceptionem, & alià huiusmodi

inmodi argumenta respexerūt, ob difficultatem (vt Gellius testatur) iniudicatā reliquerunt, & in diem longissimam distulerunt. Iudicem ergo ante omnia statum causa inquirere oportet, & vt lis contestetur, quo status illi appareat, urgere. Siquidem illud est (vt ait Quintilianus) quod & orator precipuē si-  
 bi obtinendum, & iudex spectandum maximē intelligit. In hoc enim causa consistet. Vt autem status iudici apparere possit, non tam ad casum (vt hodie fieri solet) quā ad argumenta viriusq; partis ex causa desumpta ei est respiciendum: hoc est, ad actionem, exceptionem, replicationem, vt iam ostendimus. Est illi ab actione incipiendū, ad exceptionem procedendum, ab exceptione ad replicationem, à replicatione ad duplicationem, & sic deinceps descendendum: donec tandem ad aliquid perueniat, quod ab vno litigatorum propositū aduersarius negauerit, & ita conflictio causarū fiat: Ex hac enim litis contestatio, & status seu questio principalis totius negocij resultabit. Actionem, quæ est fundamentum iudicij, haud difficulter cognoscet, si obseruaauerit quid petatum sit, ex qua causa, & quo iure. In his enim (vt dixi) omnis actio consistit. Et quoniam tam actio, quā exceptio, replicatio, duplicatio, & sic deinceps, nihil aliud sunt, quā causarum argumenta: quò de ijs certius iudicari possit, singula ista in syllogismi vel enthymematis formam coniiciet: & vtrum negando, an distinguendo, an transferendo aduersarius ad ea respondeat, animaduertet.

Lib. 3. Inst.  
orator. c. 6.

Secundum  
gata q. 1. f.  
de iur. p. 1. n.  
de iur. p. 1. n.

Ani Sp. 1. k  
sui cā. n.  
arguta



Mauius eius maritus, sine liberis masculis decesserint, tunc dictum quoque pradium ad reliquum feudum sit reuersurum. Stipulatio interponitur. Moritur hinc Arethusa nullis liberis relictis. Iterat nuptias Mauius, & ex secunda vxore duos filios sustulit, quibus superstitibus & ipse decessit. Nobilis ab ijs dictum pradium Sempronianum repetit. Quæritur quid iuris sit? In primis non tam ad casum, quam ad actionem propositam iudici est respiciendum. Petit nobilis actor pradium Sempronianum sibi restitui. hæc res est. Causa petendi est: Quia (inquit) Mauius pater reorum, eiusque vxor Arethusa mihi stipulanti promiserunt, quod si ambo mortui fuerint, pradium istud ad me reuersurum. & ambo mortui sunt. Ius quo agitur, manifestum est: actio proponitur ex stipulata. Quid ad eam rei conuenti excipiendo respondeant, iudex nunc attendere debet. Fingamus autem eos tali uti oratione: Domine iudex, ius manifestum est, Deficiente contractus conditione, ipsum deficere contractum, neque ex eo actionem dandam esse. Conuenit quidem de pradio litigioso, Mauius patre nostro, eiusque quondam vxore Arethusa mortuis, actori restituendo: sed ita, si sine liberis masculis decessissent. Qua conditio dedit formam contractui, nec nisi liberis masculis nullis existentibus ex eo contractu pradium peti potest. At Mauius duos nos filios masculos post se reliquit: tantum abest, ut sine liberis masculis decessisse videatur. Quare cum conditio contractus, in quo actor

(Minor

F 3

suam

Prig ad alt  
 & ad refen  
 & respicic  
 ))

Loi  
 Supstitui

Adho  
 & in pte

Forma Eo  
 picendi



suam fundat intentionem, defecerit: petimus nos  
 ab actione proposita absolui, & aduersarium in ex-  
 pensas litis condemnari. Hac exceptione rei conuen-  
 ti non quidem negant id quod actione propositum  
 est, sed distinguunt, hoc modo: Si Mauius promissor  
 sine liberis masculis decessisset. Constat autem ex-  
 ceptio proposita integro syllogismo: primum enim  
 ponitur maior propositio, hinc minor, postremo  
 conclusio. Et quoniam ex hoc responso lii nondum  
 oritur, procedendum erit iudici ad replicationem  
 actoris: quam fingamus talem esse: Quod rei con-  
 uenti excipiendo dicunt, sub hac demum conditio-  
 ne, Si Mauius eiusq; vxor Arethusa sine liberis ma-  
 sculis decessissent, de pradio Semproniano actori re-  
 stituendo conuenisse: id ipsorum causa non patro-  
 cinatur. Hac enim conditione de liberis Mauij & A-  
 rethusa communibus, non ex alio matrimonio con-  
 ceptis actum videtur. Neq; enim verisimile est, Are-  
 thusam, ad quam solam feudum pertinebat, liberis  
 mariti sui ex alia vxore post mortem suam ducen-  
 da conceptis consulere voluisse. At constat, ex Mauij  
 & Arethusa liberos communes nullos relictos: sed  
 reos, quos filios Mauius reliquit, ex alia vxore post  
 mortem Arethuse ducta natos esse. Propter hos igitur  
 liberos conditionem stipulationis defecisse vide-  
 ri non debet, nec actio est deneganda. Peti itaque  
 actor, quod & antea petijt, reos ratione stipula-  
 tionis à patre illorum approbata ad restitutionem  
 pradij Semproniani cum fructibus & expensis con-  
 demna-

demnari. Hac replicatione rursus distinguit actor, quod exceptione propositum fuit, hoc modo: Si communes liberi Mauij & Aretbuse, non ex alio matrimonio nati, relictæ essent. Ex qua responsione nondum statim causa iudici liquet. Itaq; replicationem propositam in syllogismi formam conycit, hoc modo:

In conditione hac, Si Mauius eiusq; vxor Aretbuse sine liberis masculis decessissent, stipulationi prædictæ Semproniani adiecta, de communibus liberis, non ex alio matrimonio conceptis, actum est.

At hi liberi, qui obijciuntur, non sunt communes Mauij & Aretbuse, sed ex alio matrimonio concepti. Ergo:

De his liberis actum non est: & per consequens, non faciunt conditionem stipulationis deficere.

Ad hunc modum formata replicatione, ad duplicationem reorum iudex procedet. Duplicando autem rei conuenti negant propositionem maiorem: quæ quia æquè ac minor factum continet, ex hac insinuatione reorum facti oritur questio talis: At in conditione stipulationi adiecta de communibus tantum, non etiam ex alio matrimonio conceptis liberis sit actum? In qua questione lis ac status totius negotij consistit. Per duplicationem ergo reorum lis demum erit contestata.

Litis contestata  
fit per negationem  
distinctionem  
vel transpositionem.

Si hoc modo in disputandis & dijudicandis hypothesebus seu causis & controuersiis hominum procedatur, peruenitur tandem ad questionem vel facti

vel iuris infinitam, in qua status & controuersia ca-  
 put consistit, quam (vt dixi) Rhetores constitutio-  
 nem, Iurisperiti veteres litis contestationem, seu  
 litem contestatam appellarunt: quoties scilicet ad  
id quod ab aduersario propositum est, non distin-  
guendo, neq; litem transferendo, sed negando re-  
spondetur. Et siquidem minor propositio negetur,  
 facti oritur questio: sin verò maior negetur, oritur  
 questio iuris infinita: nisi fortè syllogismus sit ex-  
 positorius, vel similis, in quo vtraq; propositio factū  
 contineat: tunc enim ex inficiatione maioris aequè  
 ac si minor negetur, de facto, non de iure contentio  
 erit: vt exemplo iam proposito patet. Quod autem  
 dictum est, à questione iuris finita ad questionem  
 iuris infinitam disputando procedi, ei astipulatur  
 Cicero libro de Oratore secundo, vbi copiosius do-  
 cet, omnes controuersias non in personis, nec tem-  
 poribus positas, sed ad vniuersi generis vim & natu-  
 ram referendas esse: multum dissentiens à nostra æ-  
 tatis Iurisperitis, qui decepti Alpheni Iurisperi-  
 ti responso male intellecto, In causis ius esse posi-  
 tum, l. si ex plagis. 54. §. in cliuo. ff. ad l. Aquiliam,  
 in causis dyudicandis ad circumstantias, seu ad per-  
 sonas & tempora (vt Cicero ait) respiciunt magis,  
 quàm ad genus vniuersum. At in dicto loco Alpheni  
 longè alia mens est. Dum enim dicit, In causa ius  
esse positum: sentit de facto magis, quàm de iure in  
eo casu dubitari: quemadmodum patet ex verbis  
 ibidem subiectis, quibus definit, si mulionum culpa  
 inter-

intercesserit, vel nō intercesserit, quid iuris sit? quasi diceret, si de facto constaret, hoc est, utrum mulionum culpa interueniente damnum datum esset, an sine illorum culpa: de iure facilius responderi posset. Quod igitur dicit, In causa ius esse positum: nihil aliud est, quā quod alibi sapius in responsis iuriconsultorum legitur, Facti, non iuris questionem esse: cuiusmodi exempla supra lib. prox. cap. de quāstionibus forensibus, proposita sunt. Planē non potest negari ius causarum in circumstantiis consistere, & pro varietate circumstantiarum variari: ideoq; in causis agendis ac defendendis circumstantias factorum diligenter excutiendas ac perlustrandas esse. Sed hoc ad inueniendū spectat, non ad iudicandum. In circumstantiis enim causarum latet actio competens, latent aduersus actionem exceptiones, latent replicationes, duplicationes, &c. quæ sunt causarū agendarum & defendendarum argumenta. At huiusmodi argumenta aduocati, non iudices inquirere debent. Isti enim argumenta ad causam defendendam proponunt: iudicis est de inuentis & propositis argumentis iudicare: vnde & nomen sortitus est. Itaq; exceptis causis extraordinariis seu arbitariis, de quibus postea dicetur, iudicis non est ad causam seu causæ circumstantias in iudicando respicere, sed ad argumenta ab vtraq; parte proposita, & ad causam statum, Et si de iure contentio erit, non ad personas, nec ad tempora, sed ad genus vniuersum respiciet: quemadmodum Cicero Oratorem quoque

suum, quem instituit, d. lib. 2. monet. Sic enim ait: In ea ipsa causa, de qua antè dixi, nihil pertinet ad oratoris locos Optimij persona, nihil Decij. De ipso enim vniuerso genere infinita questio est: Num pœna videatur esse afficiendus, qui ciuem ex Senatusconsulto patria conseruanda causa interficit; cum id per leges non liceret. Et paulo pòst: Si Mancini causam (inquit) in vno Mancino ponimus, quotiescunque is quem Paterpatratus dediderit, receptus non erit, toties causa noua nascetur. Sin illa controuersia causam facit, Videatúrne ei quem Paterpatratus dediderit, si is non sit receptus, postliminium esse: nihil ad artem dicendi, nec ad argumenta defensionis Mancini nomen pertinet. At si quid adfert præterea hominis aut dignitas, aut indignitas, extra questionem est: & ea tamen ipsa oratio ad vniuersi generis disputationem referatur, necesse est. Ex his patet, quemadmodum iura nō in singulas personas, sed generaliter constituuntur: ita questiones quoque iuris finitas generaliter considerandas, & à circumstantijs ad genus vniuersum referendas, seu hypotheses ad theses reuocandas esse. quod fit (vt dixi) per litis contestationem: sine qua omnium consensu iudicia sunt nulla. Quanquam quid ea sit, & quomodo fiat, pauci hodie intelligunt. Quod (vt à me inuidiam hanc auertam) testatur Tiraquellus in municipalis retractus commentario, §. 15. gloss. 2. nu. 1. sic scribens: Apud multos controuersia est, quando & quomodo fiat litis contestatio, alijs dicentibus

feri

fieri per petitionem & responsionem negatiuam: a-  
 lys & per affirmatiuam, scilicet cum reus fatetur:  
 alys deniq; etiam per dubitatiuam. Hac Tiraquel-  
 lus, qui ipse suum in hac re iudicium interponere nō  
 audet. Tantum absumus à iurisprudencia veterum  
 Iurisconsultorum, vt substantialia iudiciorum ad-  
 huc ignoremus. Sed quid mihi de hac re videatur,  
 peculiari libello demonstraui. Nunc ad propositum.

## DE PROBATIONIBVS iniungendis, & de præsum- ptionibus.

**H**Actenus de priore iudicis munere, quod circa  
 litis contestationem versatur, & in statu  
 causa indagando consistit, actum est. Poste-  
 rius ipsius munus diximus versari circa probationes.  
 Nam statu causa per litis contestationem apparen-  
 te, subsequitur probatio: circa quam tres (vt dixi)  
 iudici partes sunt: vt scilicet ei, cui probatio iure in-  
 cumbit, eam iniungat: vt eam examinet ac ponde-  
 ret: vt deniq; si probatio deficiat, ipse iudex sua in-  
 dustria destituto subueniat, veritatis tuenda causa.  
 de quibus singulis ordine dicetur. Quod igitur ad  
 primum attinet, respiciendum est iudici, pro qua  
 parte sit præsumptio: hac enim cognita, simul etiā  
 apparet, vtri probandi onus incumbat. Nam hac  
 est vis & potestas præsumptionis, vt onus probandi  
 in aduersarium, contra quem presumitur, trans-  
 ferat. Sic l. generaliter. 24. §. sed et si ita, in fin. ff.  
 de fi.

*de fideicom. libert. Vlpianus* : Cum ex præsumptione (*inquit*) libertas præstita esse videatur, hæredis est contrariam voluntatem testatoris probare. Et l. ult. in princ. ff. quod metus causa, idem *Vlpianus* : Non est verisimile (*inquit*) compulsus in vrbe iniquè indebitū soluisse eum qui claram dignitatem se habere prærendat. Ideo huiusmodi præsumptioni debet apertissimas probationes violentiæ opponere. Aliud exemplum proponitur l. si extraneus. 6. ibi ; nisi fortè evidentissimis. ff. de condict. causa dati. cuius verba proposita sunt supra in loco à repugnantibus. reg. 2. Porro quid sit præsumptio, ex ipso nomine satù apparet. Constatum est enim vocabulum à præpositione Pra, & verbo Sumo : ideo quia in re dubia, cum ignoratur quid sit vel credendum, vel sequendum, vnā sententiam amplectimur ac præsumimus veram esse, donec contrarium probetur. Hoc leges vocant præsumptionem. quæ duplex est. Legitima & arbitraria. Legitimam præsumptionem eam dicimus, quæ lege approbata est ac confirmata. Arbitrariam dicimus eam, quæ deficiente lege permittitur arbitrio iudicantis.

## DE LEGITIMA PRÆ- sumptione.

**P**rioris generis species ac regulæ plures sunt, alia quidem generales, alia verò speciales. Generales potissimum tres numerantur.



1. Regula: *Prasumptio est pro negante. Ideoque affirmanti probatio incumbit. Quae regula approbatur l. 2. ff. de probationibus, his verbis: Ei incumbit probatio qui dicit, non qui negat. Concordat l. 10. C. de non numerata pecunia, his verbis: Negatiuæ naturali ratione probatio nulla est. Concordat item l. 23. C. de probationibus, his verbis: Per rerum naturam factum negantis probatio nulla est. Huius exemplum proponitur l. eum qui. 22. ff. de probationibus. vbi Ulpianus: Eum (inquit) qui voluntatem mutam dicit, probare hoc debere. Sed & huius regule species est regula hac, qua dicitur actorem suam actionem, reum exceptionem, actorem replicationem, & sic deinceps ab aduersario negatam probare debere; de qua infra reg. prox. dicetur. Sed & quo ad actionem probandam, approbatur hac regula l. verius. 21. ff. de probationibus. vbi Marcianus: Verius esse existimo, ipsum qui agit, id est legatarium probare oportere, scisse defunctum alienam se rem, vel obligatam legare: non hæredem probare oportere, ignorasse alienam rem, vel obligatam: quia semper necessitas probandi incumbit illi qui agit. Concordat l. 2. C. cod. tit. his verbis: Possessiones, quas ad te pertinere dicis, more iudiciorum persequere: nec enim possessori incumbit necessitas probandi eas ad se pertinere: cum te in probatione cessante, dominium*

nium apud eum remaneat. *Aliud exemplum proponitur l. 2. C. de commodato, his verbis* : Cum eum qui temporalis ministerij causa suscepit ancillam, ad restitutionem eius bona fides vrgeat: consequens est, socerum tuum huius rei causa tradidisse ancillam, adito præfide prouinciæ probare : vt fidem susceptam is, aduersus quem supplicas, compellatur agnoscere. *Aliud exemplum proponitur l. 9. C. de probationibus, his verbis* : Cum te minorem quinque & viginti annis proponas, adire præfidem prouinciæ debes, & de ætate probare. *Quoad exceptionem probandam, approbatur regula proposita l. 19. ff. de probationibus, his verbis* : In exceptionibus dicendum est, reum partibus actoris fungi oportere, ipsumq; exceptionem velut intentionem implere : vt puta si pacti conuenti exceptione vtatur, docere debet pactum conuentum factum esse. Cum quis promisit iudicio se sisti, & reipub. causa abfuisse dicatur, & ob id non stitisse, vel dolo malo aduersarij factum, quo minus sisteretur, vel valetudinem sibi impedimento fuisse, vel tempestatem : probare id eum oportet. Sed etsi procuratoria quis exceptione vtatur, eo quòd non licuisset aduersario dare, vel fieri procuratorem : probare id oportet obijcientem exceptionem. Idem erit dicendum, etsi ea pecunia petatur, quæ pen-

fata

fata dicitur. Hoc amplius, si iudicatæ rei vel iurisiurandi conditio delata dicatur de eo, quod tunc petitur, siue in alea gestum esse contendatur: eum implere probationes oportet. *Concordat l. 12. ff. eodem tt. his verbis:* Quinquaginta testamentis tibi legata sunt: idem scriptum est postea in codicillis. refert duplicare legatum voluerit, an repetere: & an oblitus se in testamento legasse, id fecerit. Ab utro ergo eius rei probatio exigenda est? Prima fronte æquius videtur, ut petitor probet quod intendit. Sed interdum probationes quædam & à reo exiguntur. Nam si creditum petam, & ille respondeat solutam esse pecuniam: ipse hoc probare cogendus est. Et hic igitur, cum petitor duas scripturas ostendit, hæres posteriorem inanem esse dicat: hæres ipse id probare iudici debet. *Concordat item l. 1. C. de probationibus his verbis:* Ut creditor, qui pecuniam petit numeratam, implere cogitur: ita rursus debitor, qui solutam adfirmat, eius rei probationem præstare debet. *Concordat. item l. ult. C. de solutionibus his verbis:* Solutionem adseueranti probationis onus incumbit. Aliud exemplum proponitur l. 18. §. qui dolo. ff. de probationibus his verbis: Qui dolo dicit factum aliquid, licet in exceptione: docere debet, dolum admissum esse. *Concordat l. 6. ff. eod. tt. his verbis:*

Patro-

Patronus manifestè docere debet, libertum in fraudem suam aliquid dedisse: vt partem eius, quod in fraudem datum est, possit auocare. Sed & aliud exemplum, quo affirmanti probatio incumbit proponitur l. 4. ff. eod. tt. vbi Paulus respondit, Emptorem probare debere, eum seruum, de quo queritur, antequam emeret, fugisse. Aliud exemplum proponitur l. 1. ff. eod. tt. his verbis: Quoties queritur genus vel gentem quis haberet, necne? eum probare oportere, Papinianus ait. Aliud proponitur l. 17. ff. eod. tt. his verbis: Cum de lege Falcidia queritur, hæredis probatio est locum habere legem Falcidiam. Quod cum probare non potest, meritò condemnabitur. Hactenus exempla proposita regula enumerasse sufficiat: nunc eius aliquot exceptiones proponemus. quarum prima hæc est: Nisi pro affirmante sit ratio probabilior, vel præsumptio maior: hoc enim casu minor præsumptio per maiorem tollitur, & neganti probationis onus imponetur. de qua exceptione dicetur infra inter exceptiones generales: eius autem species sunt exceptiones sequentes.

2 Altera exceptio est: Nisi cum de facto constet, id legitimè vel solenniter, vt inde actio vel exceptio nascatur, factum esse negetur. hoc enim casu, quia legitimè factum præsumitur, neganti probatio incumbit. quæ exceptio approbatur per ea quæ proponuntur infra reg. 3. Huius exemplum proponitur l. 5. ff. de probationibus his verbis: Ab ea parte,

quæ

quę dicit aduersarium suum aliquo iure prohibutum esse, specialiter lege vel constitutione id probari oportet. Ideoque Paulus respondit: Si quis neget emancipationem rite factam, ipsum præstare debere probationē.

Aliud exemplum proponitur l. 19. §. sed et si procuratoria. ff. eod. tt. cuius verba proposuimus paulò superius. Huius exceptionis replicatio prima hac est: Nisi cum à pupillo emptum esset, negetur tutoris auctoritas intercessisse, vel non legitimo modo emptionem factam. hoc enim casu pro negante præsumitur, nisi contrarium probetur: l. quacunq. 15. §. si. ff. de publiciana in rem actione. vbi Caius: Qui à pupillo (inquit) emit probare debet, tutore auctore, & lege non prohibente se emisse.

Alter replicatio est: Nisi pignore contracto res negetur debitoris fuisse: nam & hoc casu pro negante præsumitur, nisi contrarium probetur. quæ replicatio approbatur l. 23. ff. de probationibus, his verbis: Ante omnia probandū est, quod inter agentem & debitorem conuenit, vt pignori hypothecæ uē sit. Sed et si hoc probet actor, illud quoque probare debet, rem pertinere ad debitorem eo tempore, quo conuenit de pignore, aut ad eū, cuius voluntate hypotheca data est. Tertia replicatio est: Nisi quis ex eo agat vel excipiat, quod dicat in iure responsum esse vel confessionem factam. hoc enim casu etiam probandum ab eo est, interrogationem præcessisse, quæ re-

Respon-

plicatio approbatur l. 18. §. fin. ff. d. rt. his verbis:  
 Interrogationis factæ probationem actori  
 imponi debere, id est ei qui in iure interro-  
 gatum dixit respondisse, se solum hæredem  
 esse. Sed etsi tacuisse dicatur interrogatus,  
 æquè tantundem erit dicendum: imposita  
 probatione non ei, qui excepit se non re-  
 spondisse, sed actori. *Quarta replicatio est: Nisi*  
 † *fideiussoribus rem pupilli saluam fore acceptis, ne-*  
*gentur ij eo tempore idonei fuisse. hoc enim casu*  
*affirmanti onus probandi incumbit. l. 1. §. si magi-*  
*stratus. ff. de magistratibus conueniendis. vbi Vl-*  
*pianus: Probatio (inquit) non pupillo incum-*  
*bit, vt doceat fideiussores soluendo non fuis-*  
*se, cum acciperentur: sed magistratibus, vt*  
*doceant eos soluendo fuisse. Concordat l. 11. ff.*  
*de probationibus. vbi Celsus: Non est (inquit)*  
*neceſſe pupillo probare, fideiussores pro tu-*  
*tore datos, cum accipiebantur, idoneos non*  
 11 *fuisse. nam probatio exigenda est ab his, quo-*  
 12 *rum officij fuit prouidere, vt pupillo cauere-*  
 13 *tur. Hæc de secunda exceptione, eiusq; replicatio-*  
*nibus sint dicta. Tertia proposita regula exceptio*  
*est: Nisi id quod solutum est, debitum fuisse neg-*  
*tur: ideoq; condictione indebiti repetatur. hoc enim*  
*casu indebitum condicenti, & debitum neganti*  
*probatio incumbit. Quæ exceptio approbatur simul*  
*& distinguitur l. cum de indebito. 25. ff. de proba-*  
*tionibus. vbi Paulus ait: Cum de indebito quæ-*  
 ritur,

ritur, quis probare debeat non fuisse debitum, res ita temperanda est, ut siquidem is qui accepisse dicitur rem vel pecuniam indebitam, hoc negavit, & ipse qui dedit, legitimis probationibus solutionem adprobavit: si ne vlla distinctione ipsum qui negavit sese pecuniam accepisse (si vult audiri) compellendum esse ad probationes præstandas, quod pecuniam debitam acceperit. Etenim absurdum est, eum qui ab initio negavit pecuniam accepisse, postquam fuerit convictus eam accepisse, probationem non debiti ab adversario exigere. Sin verò ab initio confiteatur quidem suscepisse pecunias, dicat autem non indebitas ei fuisse solutas: præsumptionem videlicet pro eo esse, qui accepit, nemo dubitat. Qui enim solvit, nunquam ita resupinus est, ut facile suas pecunias iactet, & indebitas effundat: & maxime si ipse qui indebitas dedisse dicit, homo diligens est, & studiosus paterfamilias, cuius personam incredibile est in aliquo facile errasse. Et ideo eum qui dicit indebitas soluisse, compelli ad probationes, quod per doctum accipientis, vel aliquam iustam ignorantiae causam indebitum ab eo solutum sit: & nisi ostenderit, nullam eum repetitionem habere. *Ait Paulus*: Sin verò ab initio confiteatur quidem, &c. *Hiscæ verbis exceptio*



*proposita approbatur. cuius prima replicatio hæc  
 1 est. Nisi is cui indebitum solutum esse dicitur, solu-  
 tionem negauerit, & fuerit conuictus: tunc enim  
 postea debitum esse affirmanti probatio incumbit.  
 quæ replicatio approbatur verbis iam propositis hi-  
 sce: Ut siquidem is qui accepisse dicitur rem  
 vel pecuniam indebitam, hoc negauit, &c.  
 2 Altera replicatio est: Nisi persona quæ soluit, talis  
 sit, quæ facile errare posse præsumatur. Quæ repli-  
 catio approbatur d. l. 25. §. sin autem is, hisce verbis:  
 Sin autem is qui indebitum quæritur, vel pu-  
 pillus, vel minor sit, vel mulier, vel fortè vir  
 quidem perfectæ ætatis, sed iniles, vel agri-  
 cultor, & forensium rerum expers, vel aliàs  
 simplicitate gaudens, & desidiæ deditus: tunc  
 eum qui accepit pecunias, ostendere bene  
 eas accepisse, & debitas ei fuisse solutas: & si  
 non ostenderit, eas redhibere. Huius replica-  
 tionis duplicatio prima hæc est: Nisi non totum, sed  
 3 pars dicatur indebita. tunc enim debitum neganti,  
 non affirmanti probatio iniungenda. Quæ duplica-  
 tio approbatur ibidem, his verbis: Sed hoc ita, si  
 totam summam indebitam fuisse solutam is  
 qui dedit, contēdit. Si autem pro parte que-  
 ritur, quòd pars pecuniæ solutæ debita non  
 est, vel quòd ab initio quidem debitum fuit,  
 sed vel dissoluto debito postea ignarus ite-  
 rum soluit, vel exceptione tutus errore eas  
 pecunias dependit: ipsum omnino hoc o-  
 stende-*

stendere, quòd vel plus debito persoluit, vel iam solutam pecuniam per errorem repetita solutione dependit: vel tutus exceptione, nesciens suam proiecit pecuniam: secundum generalem regulam, quæ eos qui opponendas esse exceptiones affirmât, vel soluisse indebita contendunt, hæc ostendere exigat.

*Altera duplicatio est: Nisi ab initio quidem debitum fuisse actor fateatur, sed postea debitum esse desuisse, vel exceptionem se nactum esse dicat. Quæ duplicatio approbatur verbis iam propositis hisce: Vel quod ab initio quidem debitum fuit, &c.*

*Hæc de secundæ replicatione, eiusq; duplicationibus sint dicta. Tertia proposita exceptionis replicatio est: Nisi non solutum, sed cautum tantum vel promissum dicatur indebitum. hoc enim casu debitum affirmanti, non neganti probatio incumbit. Quæ replicatio approbatur simul & distinguitur d. l. 25. §. fin. his verbis: Si cautio indebiti exposita esse dicatur, & indistinctè loquatur: tunc eum, in quem cautio exposita est, compelli debitum ostendere, quod in cautionem deduxit: nisi ipse specialiter, qui cautionem exposuit, causas explanavit, pro quibus eandem conscripsit: tunc enim stare eum suæ confessioni, nisi evidentissimis probationibus in scriptis habitis ostendere paratus sit, sese hæc indebitè promississe. Huius replicationis duplicatio hæc est: Nisi in cautione specialiter causa sint ex-*

*pressa, propter quas debeatur: tunc enim neganti, non affirmanti probatio iniungenda. quæ duplicatio approbatur verbis iam propositis hisce: Nisi ipse specialiter, qui cautionem exposuit, &c. Concordat l. 13. Cod. de non numerata pecunia, his verbis: Generaliter sancimus, ut si quid scripturis cautum fuerit pro quibuscunque pecunijs ex antecedente causa descendentibus, eamque causam specialiter promissor edixerit: non iam ei licentia sit causæ probatione stipulatorem exigere: cum suis adquiescere debeat: nisi certè ipse econtrariò per apertissima rerum argumenta scriptis inserta religionem iudicis possit instruere, quòd in alium quendam modum, & non in eum, quem cautio perhibeat, negotium subsecutum sit. Nimis enim indignum esse iudicamus, ut quod sua quisque voce dilucidè protestatus est, id in eundem casum infirmare, testimonioque proprio resistere. Hac de tertia proposita regula exceptione sint dicta. Quarta exceptio est: Nisi instrumentum falsum esse affirmetur. hoc enim casu tam neganti, quàm affirmanti probatio iniungenda. Quæ exceptio approbatur per ea quæ habentur Digestor. meor. libro 4. cap. 8. quæst. 7. reg. 1. Quinta exceptio est: Nisi de genere vel toto eius, de quo quaritur, constet. hoc enim casu præsumitur idem in specie, vel parte: nisi contrarium à negante probetur. Quæ exceptio approbatur si-*

*mul*

mul & distinguitur per ea quæ proposita sunt supra in loco A' genere & A' toto. quæ de alijs quoque locis, quos supra proposuimus, intelligi possunt. Sexta exceptio est: Nisi negativa possit reduci ad affirmatiuam. tunc enim contra negatiuam, in qua quis intentionem suam fundat, præsumitur, nisi probetur. quæ exceptio approbatur simul & exemplis declaratur infra reg. proxim. Septima exceptio est: Nisi affirmatiua natura, legi vel consuetudini regulariter conueniens sit. tunc enim pro ea contra negatiuam præsumitur, per ea quæ proponuntur infra reg. 3. Hæc de prima regula sint dicta.

II. Regula: Quoties duo queruntur alternatiuè, quorum vnum ab hoc, alterum ab aduersario affirmatur vel negatur: præsumptio contra eum est, qui intentionem suam in ista questione fundat, seu actione vel exceptione sua causam isti questioni prior dedit. Quæ regula approbatur per ea quæ dicta sunt supra reg. prox. in princ. ibi: sed & huius regule species est, &c. Concordat l. generaliter. 12. ff. de exceptionibus. vbi Vlpianus: Generaliter (ait) in præiudicijs actoris pars est sustinet, qui habet intentionem secundum id quod intendit. Item concordat Inst. de interdictis. §. commodum, his verbis: Commodum possidendi in eo est, quod etiam si eius res non sit, qui possidet: si modò actor nō potuerit suam esse probare, remaneat in suo loco possessio. Propter

G 4 quam

quam causam cum obscura sunt vtriusque iura : contra petito rem iudicari solet. *Huius proponitur exemplum l. circa. 14. ff. de probationibus. vbi Vlpianus* : Circa eum ( *inquit* ) qui se ex libertinitate ingenuum dicit, referendum est, quis actoris partibus fungatur. Et si quidem in possessione libertinitatis fuit : sine dubio ipsum oportebit ingenuitatis causam agere, docereque se ingenuum esse. Sin verò in possessione ingenuitatis sit, & libertinus esse dicatur, scilicet eius qui ei controuersiam mouet : hoc probare debet, qui eum dicit libertum suum. Quid enim interest, seruum quis suum, an libertum contendat ? Si quis autem fiducia ingenuitatis suæ vltro in se suscipiat probationes, ad hoc, vt sententiam ferat pro ingenuitate facientem, hoc est, vt se ingenuum esse pronuncietur : non abs re esse opinor, morem geri probanti se ingenuum, & sententiam secundum se dandam ; cum nulla captio iuris intercedat. *Simile exemplum proponitur l. 7. §. si. ff. de liberali causa. vbi idem Vlpianus* : Si quis ( *inquit* ) ex seruitute in libertatem proclamet : petitoris partes sustinet. Si verò ex libertate in seruitutem petatur : is partes actoris sustinet, qui seruum suum dicit. Igitur cum de hoc incertum est, vbi possit iudicium ordinem accipere : hoc antè apud eum, qui de libertate cogniturus est,

est, disceptatur, vtrum ex libertate in seruitutem, an contrà agatur. Et si fortè apparuerit, eum qui de libertate sua litigat, in libertate sine dolo malo fuisse: is qui dominum se dicit, actoris partes sustinebit, & necesse habebit seruum suum probare. quòd si pronuntiatum fuerit, eo tempore, quo lis præparabatur, in libertate eum non fuisse, aut dolo malo fuisse: ipse qui de libertate sua litigat, debet se liberum probare. *Huic concordat l. 15. C. de probationibus, his verbis: Vis eius qui le dominum contēdit, ad imponendum onus probationis seruo minimè prodest. Cum igitur aufugissete de domo Seueri profitearis, verum nec ab illo iustè te initio, sed per violentiam detentū adseueras: inquisito prius, an in possessione libertatis sine dolo malo constitutus sis: tunc etiam onus probationis qui debeat subire, per huiusmodi euentum declarabitur. Aliud exemplum proponitur l. 8. ff. de probationibus. vbi Paulus: Si (inquit) filius in potestate patris se esse neget, Prætor cognoscit, vt prior doceat filius: & quia pro pietate, quam patri debet, hoc statuendū est: & quia se liberum esse quodammodo contendit. Ideo enim & qui proclamat ad libertatem, prior edocere iubetur. Plura exempla vide supra reg. prox. in princ. Planè habet regula proposita suas etiam exceptiones, quarum vna est:*

Nisi de requisito intentionis aduersarij lis sit: puta, si hypothecaria conuentus excipiat, Si res pignori obligata tempore obligationis debitoris fuisset: ut sit questio, Verum debitor suam, an alienam rem pignori obligauerit. hoc enim casu non excipienti reo, sed auctori probatio incumbit, per ea quæ habentur suprà reg. prox. except. 2. repl. 1. cum tribus sequentibus. Hac de secunda regula: de qua vide plura M. I. R. lib. 2. cap. 9. reg. 5. except. 5.

III. Regula: Tale quidq; præsumitur, quale natura, lege vel more regulariter esse debet, vel plerumq; fieri solet. Quæ regula approbatur l. nec enim. 6. ff. de solutionibus. vbi Paulus: Nec enim ordo scripturæ spectatur (inquit) sed potius ex iure sumitur id quod agi videtur. Approbatur item apud Baptist. à Villalob. in com. opin. in litera T. num. 72. cum sequente: & Turz. reg. 5. Sed & approbatur exemplo l. sciendum. 30. ff. de verb. oblig. vbi Vlpianus: Sciendum est (inquit) generaliter, quòd si quis scripserit se fideiussisse: videri omnia solenniter acta. Concordat l. Titia. 134. §. penult. ff. eod. tt. vbi Paulus respondit: Cum Septitius literis suis præstaturum se cauerit pecuniã, & vsuras eius semisses, quæ apud Sempronium depositæ sunt: si inter præsentis actum est, intelligendum est etiam à parte Lucij Titij præcessisse verba stipulationis. Concordat item Inst. de fideiuss. §. fin. his verbis: In stipulationibus fideiussorum sciendum

in l. ad p. h. m. i.  
Q. p. c. o. p. n. i. s.



dum est hoc generaliter accipi, ut quodcumque scriptum sit quasi actum, videatur etiam actum. Ideoque constat, si quis scripserit se fideiussisse, videri omnia solenniter acta. *Item concordat Inst. de inutilib. stipul. §. si scriptum, his verbis:* Si scriptum in instrumento fuerit, promississe aliquem: perinde habetur, atq; si interrogacione precedente responsum sit. *Concordat item l. 1. C. de contrah. stipul. his verbis:* Licet epistolæ, quam libello inseruisti, additum non sit, esse stipulatum eum cui cauebatur: tamen si res inter præsentis gesta est, credendum est, præcedentem stipulationem vocem spondentis secutam. *Aliud exemplum proponitur l. meritò. 51. ff. pro socio. vbi Vlpianus:* Plerumq; (ait) credendum est, qui partis dominus est, eum iure potius suo uti, quam furum consiliu inire. *Huc pertinet etiam regula iuris canonici, Quemlibet præsumi bonu, nisi probetur malus. c. ult. extr. de presumptionib. de qua re vide M. I. R. lib. 2. cap. 11. vers. bonus quilibet. Sed & quod dictum est, tale quidq; præsumi, quale plerumq; fieri solet: ei concordat l. semper. 34. ff. de reg. iuris. vbi Vlpianus:* Si non apparet (inquit) quid actum sit, erit consequens, ut id sequamur, quod in regione, in qua actum est, frequentatur. *Cui concordat l. in obscuris. 114 ff. eod. tit. vbi Paulus:* In obscuris (inquit) inspicitur solet, quod verisimilius est, aut quod plerumque fieri solet. *Huius*  
*exem-*

*exemplum proponitur l. si pactum. 9. ff. de probationibus. vbi Celsus: Si pactum (inquit) factum sit, in quo hæredis mentio non fiat: quæritur, an id actum sit, vt ipsius duntaxat debitoris persona artaretur? Sed quamuis verum est, quòd qui excipit, probare debeat quod excipitur: attamen de ipso duntaxat, ac non de hæredibus eius quoq; conuenisse, petitor, nō qui excipit, probare debet: quia plerunque tam hæredibus nostris, quàm nobismetipsis cauemus. Aliud exemplū proponitur l. librorum. 50. §. quod tamen Cassius. ff. de leg. 3. vbi Vlpianus: Si quis forè (inquit) hereliquerit, Chartas meas vniuersas: qui nihil aliud quàm libros habebat, studiosus studioso: nemo dubitabit, libros deberi: nam & in vsu plerique libros chartas appellant. Aliud exemplum proponitur l. 3. ff. si pars hereditatis petatur. vbi Paulus: Prudentissimi (inquit) iuris authores medietatem quandam secuti sunt, vt quod fieri nō rarò admodum posset, intuerentur: id est, quia fieri poterat, vt tergemini nascerentur, quartam partem superstiti filio assignauerunt. Hactenus exempla proposita regulæ enumerauimus. Exceptiones eius vide suprà reg.*

*1. except. 2. repl. 1. cum sequentibus: item*

*M. I. R. lib. 2. cap. 11. in verbo*

*Ius.*

DE

## DE PRÆSUMPTIONIBVS

quæstionum iuris.

**H**Actenus de generalibus legitima præsumptionis regulis dictum est. nunc speciales enumeranda sunt: quæ sunt triplices. alia enim certarum sunt quæstionum: alia certarum causarum: alia deniq; certorum locorum. Quæstionum alia iuris sunt, alia facti, ut supra ostendimus. Iuris igitur quæstionum præsumptiones hæc sunt.

1. Regula: Ius non præsumitur, nisi probetur: hac ratione, quia affirmanti (ut diximus) probatio incumbit. Quod tamen non invenitur prohibitum, de iure concessum videtur, ut supra in loco Ab authoritate in fine ostendimus. Sed & factum iustum neganti probatio incumbit, ut paulò superius reg. 1. except. 2. ostensum est. Quod tamen de eo facto intelligendum est, quod regulariter iustum esse solet: ut contractus, transactiones, testamenta, solutio, acceptilatio, &c. Secus de eo facto quod regulariter est iniustum: ut furtum, rapina, homicidium, adulterium, &c. hæc enim facta præsumuntur iniusta, & dolo malo facta, nisi aliqua exceptione defendantur.

II. Regula: Si inter duo iusta quaratur, verum sit iustius: præsumitur pro lege contra regulam sine rationem: pro lege speciali contra legem generalem: pro equitate contra ius strictum: pro mente legislatoris contra verba legis: pro lege deniq; noua contra antiquam. quia ita de iure fieri debet, ut regula sine  
ratio

ratio cedat legi : species deroget generi : equitas  
 preferenda sit rigori iuris : mens & voluntas scripto :  
 lex deniq; antiqua abrogetur per nouam : quemad-  
 modum de primo quidem dictum est suprâ lib. prox.  
 cap. de exceptionibus aduersus regulas generalibus  
 except. 1. item cap. de thesi disputanda. De secundo  
 dictum est suprâ lib. prox. in loco A genere, except.  
 1. & 2. De tertio dictum in loco A qualitate senten-  
 tiæ, reg. 3. cum sequentibus. De quarto dictum d.  
 cap. de exceptionibus generalibus, except. 4. item  
 in loco A ratione legis, reg. 2. De quinto dictum Di-  
 gest. in cor. lib. 1. cap. 7. except. 17. Planè proposita  
 regula exceptio hæc est : Nisi id, pro quo præsumen-  
 dum esse diximus, sit dubium atque incertum, alte-  
 rum autem certum atq; indubitatum. tunc enim  
 stabitur indubitato potius quàm incerto. Quæ ex-  
 ceptio approbatur per ea quæ proposita sunt d. loco  
 A ratione legis, reg. 2. except. 4. Itaq; regula firmit-  
 ter standum est, donec probetur exceptio : item à  
 stricto iure non est recedendum, donec de æquitate  
 constet. quod & Cic. lib. 1. Offic. de iusticia monet,  
 dicens : Rectè præcipiunt, qui vetant quidquam a-  
 gere, quod dubites æquum sit, an iniquum. equitas  
 enim lucet ipsa per sese : dubitatio autem cogitatio-  
 nem significat iniuriæ. ideoq; in causis dyndicandis  
 firmiter standum est actioni, de cuius iure & facto  
 constat, donec opposita exceptio probetur. Quod si  
 de exceptione quoque constat, ab ea recedens dum  
 non est, donec probetur replicatio. Quod si de hac  
 quoque

quoq; constat, in ea pedem figet iudex, donec duplicatio aliqua opponatur, quæ tam de iure quàm de facto euidenter subsistat: & sic deinceps. In dyndicandis igitur causis iudex imitabitur eos, qui per gradus descendunt: hi enim à gradu superiori non recedunt, priusquam in sequente pedem fixerint. quo facto, tunc demum relicto priore, sequenti inniuntur: idq; eousq; faciunt, donec ad planiciem peruenerint. Sed de hac indicandi ratione suprâ quoq; cap. de hypothefibus dyndicandis diximus.

III. Regula: Si duo proferantur sibi inuicem repugnantia, puta testamenta, scriptura, sententia, vel quid simile: & dubitetur, virum ex ijs iure subsistat: in dubio prasumendum est priori per posterius derogari: quia hoc de iure seu regulariter fieri solet, nisi posterius probetur iniustum. Cuius tamen regulæ exceptio prima hæc est: Nisi in eodem instrumento repugnantia scripta sint. Hoc enim casu neutrum valet, per ea quæ proposita sunt suprâ lib. prox. in loco Arepugnantibus reg. 8. Altera exceptio est: Nisi ab eodem repugnantia proferantur vel dicantur: nam & hoc casu is qui contraria allegat vel testatur, non est audiendus, per d. reg. 8. Tertia exceptio est: Nisi plures testes repugnantia inuicem testimonia protulerint: nam & hoc casu prasumptio sumitur non ex tempore, quo dicta sunt testimonia, sed à numero & qualitate testium: vt d. reg. 8. ex Nouell. cap. 90. est ostensum. Quarta exceptio est: Nisi duo contractus inter eosdem  
sint

sint initi, diuersi quidem, sed non omnino contrarij: hoc enim casu vterq<sup>3</sup> præsумitur valere: nisi probetur posteriorem prioris nouādi animo factum esse. Quae exceptio approbatur per ea quae habentur Digestor. meor. lib. 48. cap. 14. quest. 4. except. 13. Quinta exceptio est: Nisi eadem res duobus vel pluribus diuerso tempore pignori sit obligata: hoc enim casu per posterius pignus non præsумitur prius sublatum esse, per ea quae habentur Digestor. meor. lib. 40. cap. 9. in princ. Sexta exceptio est: Nisi aliud actum: aliud scriptum sit: hoc enim casu præsумitur id potius quod actum, quàm quod scriptum est, quamuis posterius, valere, per ea quae habentur Digestor. meor. lib. 7. cap. 3. quest. 5. except. 13.

## DE PRÆSUMPTIONIBVS quæstionum facti.

**P**rima regula: Factum non præsумitur, nisi probetur: hac ratione, quia præsumptio est pro negante, vt suprà ostendimus.

II. Regula: Si de duobus factis alternatiuè queratur, puta, vtrum quis liber, an seruus sit: libertus, an ingenuus: ea obrinent, quae suprà in regula præsumptionum generali secunda diximus: nisi obstent regulae sequentes.

III. Regula: Si de habita & priuatione alternatiuè queratur: habitus præsумitur, nisi priuatio probetur: exemplo l. 3. ff. de probationibus, vbi Papin.

Proba-

Probatio(*inquit*) mutatae voluntatis ei debet incumbere, qui conuenitur. Cui concordat l. 22. ff. eod. tt. vbi Vlpianus: Eum (*inquit*) qui voluntatem mutatam dicit, probare hoc oportet. Aliud exemplum proponitur l. 5. in fine. C. de codicillis, hisce verbis: Adseuerationi tuae mentis compotem patrem fuisse negantis, fidem adesse probari conuenit. Aliud exemplum proponitur Nonell. c. 117. §. ceterum & id. Vbi viuere praesumitur, qui non probatur mortuus. Accedit Gabriel. lib. 1. de praesumption. conclus. 10. vbi etiam distinguitur.

III. Regula: Si quaratur, vter prior decesserit, pater, an filius: mater, an filius: maritus, an vxor: quid praesumendum sit? definitur Digestor. meor. libro 7. cap. 9. quaest. 2. reg. 13.

V. Regula: Si dubitetur, vnde quid ad mulierem peruenerit: ex bonis mariti ad eam peruennisse praesumitur. Quae regula approbatur l. Quintus Mutius. 51. ff. de donat. inter virum & vxorem. vbi Quintus Mutius ait: Cum in controuersiam venit, vnde ad mulierem quid peruenerit: & verius & honestius est, quod non demonstrat vnde habeat, aestimari à viro, aut qui in potestate eius esset, ad eam peruennisse. Pomponius notat: Euitandi turpis quaestus gratia circa vxorem hoc videtur Quintus Mutius probasse. Concordat l. 6. in fine. C. eod. tt. his verbis: Non est ignotum, quod cum probari non

H

possit,



possit, vnde vxor matrimonij tempore honestè quæsierit: de mariti bonis eam habuisse, veteres iuris autores meritò crediderint.

*VI. Regula: Si de scientia & ignorantia alternatiuè queratur: ignorantia præsumitur, nisi scientia probetur. Quæ regula approbatur l. 6. C. qui militare possunt, his verbis: Licebit dominis adire competentem iudicem, & suam ignorantiæ eo, quòd contrarium minimè probatur, ostendere. Concordat l. verius. 21. ff. de probationibus, cuius verba vide suprà reg. 1. generali, in prim.* Huius regule exceptio prima hac est: Nisi quis indubitum per errorem & ignorantiam se soluisse dicat. hoc enim casu ignorantia non præsumitur, nisi probetur. Quæ exceptio approbatur simul & distinguitur per ea quæ proposita sunt d. reg. 1. except. 3. Altera exceptio est: Nisi quis id quod palàm fuit propositum, & à multis lectum, dicat se ignorasse: hoc enim casu scientia præsumitur, nisi probetur ignorantia. Quæ exceptio approbatur l. sed etsi. 11. §. certè si quis dicat ff. de institor. actione. vbi Ulpianus: Si quis (inquit) dicat ignorasse se literas, vel non obseruasse quòd propositum erat, cum multilegerent, cumq; palàm esset propositum: non audietur.

*VII. Regula: Si de causa incendiij queritur, culpa inhabitantium præsumitur factum. Quæ regula approbatur l. 3. §. 1. ff. de officio præfecti vigilum vbi Paulus: Plerunq; (inquit) incendia sunt culpa inhabitantium.*

*VIII. Re-*

VIII. Regula: Si queratur, vtrum libera, an coacta fuerit voluntas: libera præssumitur, nisi coacta probetur. l. 2. in fine. C. de his quæ vi metûsue causa.

IX. Regula: Si de dolo malo queratur: bona fides præssumitur, nisi dolus probetur. Quæ regula approbatur l. quoties. 18. §. qui dolo. ff. de probationib. vbi Vlp. Qui dolo (inquit) dicit factum aliquid (licet in exceptione) docere debet. dolum admissum esse. Huius regula exceptio est in delictis & criminibus in quibus dolus præssumitur, nisi contrarium probetur, exemplo l. 5. in prin. C. de iniurijs. vbi Imper. Diocletianus: Si (inquit) non conuicij consilio te aliquid iniuriosum dixisse probare potes, &c. Huius exceptionis replicatio hæc est: Nisi alia ratio in contrarium suadeat. Quæ replicatio approbatur exemplo l. meritò. 51. ff. pro socio. vbi Vlpianus: Meritò (inquit) adiectum est, ita demum furti actionem esse, si per fallaciam & dolo malo amouit. Cum enim sine dolo malo fecit: furti non tenetur. Et sanè plerunq; credendum est, qui partis dominus est, eum iure potius suo vti, quàm furti consilium inire.

X. Regula: Si de voluntate alicuius queratur, quid voluerit: quid sequendum sit? definitur l. 12. ff. de reg. iuris. vbi Paulus: In testamentis (inquit) plenius voluntates testantium interpretamur. Similis regula proponitur l. 3. ff. de constitut. principum, his verbis: Beneficium Imperato-

ris, quod à diuina scilicet eius indulgentia proficiscitur, debemus quàm plenissimè interpretari. *Huius exemplum proponitur l. 2. C. de bonis vacantibus his verbis*: Si quando adnotationes nostræ contineant, possessionem siue domum, quam donauerimus, integro statu donatam: hoc verbo ea vis continebitur, quam antè conscribebamus, cum adiacentibus, & mancipijs, & pecoribus, & fructibus, & omni iure suo: vt ea quæ ad instructum possessionis vel domus pertinent, tradenda sint. *Alia huius loci regula proponitur l. rapienda. 128. in fine. ff. de reg. iuris, his verbis*: Quod factum est, cum in obscuro sit: ex adfectione cuiusque capit interpretationem.

XI. Regula: Si vox ambigua sit: ea significatio prasumenda, quæ rei gerendæ aptior est. *Quæ regula approbatur l. quoties. 67. ff. de regulis iuris. vbi Iulianus*: Quoties (inquit) idem sermo duas sententias exprimit, ea potissimùm accipietur, quæ rei gerendæ aptior est. *De hoc quoque dictum est supra lib. prox. in loco A' qualitate sententiæ.*

XII. Regula: Si de duabus summis quaratur, vtra debeatur: in dubio minor summa est prasumenda. *Quæ regula approbatur l. semper. 9. ff. de reg. iuris. vbi Vlp. Semper (inquit) in obscuris, quod minimum est, sequimur. Concordat l. semper. 34. in fine. ff. eod. tit. vbi idem Vlp. Ad id (inquit) quod minimum est, redigenda summa est.*

*Huius*

Huius exemplum proponitur l. stipulatio ista. 38. §. eum qui ita. ff. de verb. obligat. vbi idem Vlpianus: Eum (inquit) qui ita dicat, Mihi decem, & Titio decem: eadem, non alia decem dicere, credendum est. Concordat l. eum qui. 56. in prin. ff. eod. tit. vbi idem Vlpianus: Eum (inquit) qui ita stipulatur, Mihi & Titio decem dare spondes: verisimilius est semper vnà decem communiter sibi & Titio stipulari. Sicuti qui legat Titio & Sempronio, non aliud intelligitur, quàm vnà decem cōmuniter duobus legare. Aliud exemplum proponitur l. inter pares. 38. in fine. ff. de re iudicata. vbi Paulus: Si (inquit) diuersis summis condemnent iudices: minimam sententiam spectandam esse, Iulianus scribit. Aliud exemplum proponitur l. si ita. 109. in prin. ff. de verb. obligat. cuius verba vide infra reg. proxim.

XIII. Regula: Si de tempore queratur, de quo actum sit: maius tempus in dubio prasumendum est. Qua regula approbatur l. cum tempus. 17. ff. de reg. iuris. vbi Paulus: Cum tempus (inquit) in testamento adijcitur, credendum est pro hærede adiectum: nisi alia mens fuerit testatoris: sicut in stipulationibus promissoris gratia tempus additur. Concordat l. si ita. 109. ff. de verb. obligat. vbi Pomponius: Si ita (inquit) stipulatus fuero: Decem aut quindecim dabis? decem debentur. Item si ita: Post annum aut post

biennium dabis? post biennium debetur: quia in stipulationibus id seruatur, vt quod minus est, quodq; longius est, videatur in obligationem deductum. *Simile exemplū proponitur l. 12. ff. eod. tt. vbi Pomponius: Si (inquit) ita stipulatus fuero: Decē aut quinq; dare spondes? quinq; debentur. itē si ita: Calendis Ianuarijs vel Februarijs dare spondes? perinde est, quasi Calēdis Februar. dari stipulatus sim.*

XIII. Regula: Si de fide instrumenti, vel testis, vel alterius probationis dubitetur: pro instrumento vel teste praesumitur, quamuis minus solenni. Sic l. quidam. 15. ff. de probationibus, Modestinus respondit, Cautione exoluti fideicommissi statum eius, qui probari posset à fratribus defuncti filius nō esse, minimè confirmatum esse: sed hoc ipsum tamen à fratribus probari deberē. Concordat l. optimam 14. C. de cōtrah. stipulat. Instit. de inutilib. stipulation. §. item verborum obligatio: l. cum precibus. 18. C. de probationib. Et est ratio: quia instrumenta, testes & alia huiusmodi regulariter vim probandi habent.

XV. Regula: Si de qualitate personæ, rei vel actionis queratur: talis praesumitur, qualis regulariter de iure esse solet. de quo vide supr. reg. general. 3.

## DE PRÆSUMPTIONIBVS certarum causarum.

**P**rima regula: In causa liberali si dubitetur, pro libertate praesumendum est: l. quoties. 20. ff. de reg.

*reg. iuris. vbi Vlpianus: Quoties (inquit) dubia interpretatio libertatis est: secundum libertatem respondendum erit. Concordat l. in obscura. 139. ff. eod. tr. Vbi Iulianus: In obscura (inquit) voluntate manumittentis fauendum est libertati. Item concordat l. inter pares. 38. ff. de re indicata. vbi Paulus: Inter pares (inquit) numero iudices si dissonæ sententiæ proferantur: in liberalibus quidem causis, secundum quod à diuo Pio statutum est, pro libertate constitutum obtinet: in alijs autem causis pro reo. Huiusmodi exemplum habetur l. Stichus. 41. § Titius. ff. de statuliberis. vbi Scauola: Melius (inquit) est, præsumptionē pro statuliberis esse.*

*II. Regula: In causa dotis in dubio pro dote præsumendum est. quæ regula approbatur l. in ambiguis. 85. in prin. ff. de reg. iuris. Vbi Paulus: In ambiguis (inquit) pro dotibus respondere melius est. Concordat hysdem. verbis l. in ambiguis. 70. ff. de iure dotium.*

*III. Regula: In causa venditi in dubio contra venditorem præsumendum est. Quæ regula approbatur l. in contrahenda. 132. ff. de reg. iuris. vbi Iulianus: In contrahenda (inquit) venditione ambiguum pactum contra venditorem interpretandum est. Plura de hac regula vide Digestor. meor. lib. 42. cap. 1. quæst. 5. reg. 1.*

*IIII. Regula: In causa stipulationis pactum dubium contra stipulatorem præsumendum est. Quæ re-*

*regula approbatur simul & distinguitur Digestor. meor. lib. 38. cap. 9. reg. 3. Plures huiusmodi regulas licet videre passim in singulis actionum speciebus, in loco adiunctorum.*

## DE PRÆSUMPTIONIBVS certorum locorum.

**S**uperest ultimum genus præsumptionum legitimarum specialium, earum videlicet quæ sumuntur ex singulis locis. Nam ut probatio seu confirmatio, ita præsumptio quoque ex locis tum generalibus, tum specialibus, quos supra exposuimus, sumitur. Neque enim quidquam præsumendum est, cuius non possit probabilis aliqua ratio reddi. Ideoque regula singulorum locorum, tam confirmationis quam confutationis, quas supra proposuimus, hic loco specialium præsumptionum repeti possunt. Nulla enim ferè probatio est, contra quam alia probatio in contrarium admitti non possit: quo casu prior probatio præsumptionis vim obtinet. Et ex alijs locis firmiores, ex alijs leuiiores præsumptiones sumuntur, pro loci nimirum natura. Hactenus ergo regulas præsumptionum legitimarum enumerasse sufficiat.

## DE EXCEPTIONIBVS PRÆ- cedentium regularum gene- ralibus.

**P**lanè præsumptionum enumeratarum exceptiones aliquot sunt generales siue communes, quibus



quibus ea possunt elidi, ne onus probandi in aduersarium transferant, neq; ad cōdemnandum vel absolvendum sufficiant: quæ hoc loco sunt subyciendæ. Harum prima hæc est: Nisi contrarium fuerit probatum, vel ratione probabiliore aut maiore præsumptione nitatur: hoc enim casu prior præsumptio per aliam siue probationem, siue præsumptionem maiorem tollitur, exemplo l. licet. 73. ff. de leg. 1. Vbi Vlpianus: Licet (inquit) Imperator noster cum patre rescriptis, Videri voluntate testatoris repetita à substituto, quæ ab instituto fuerat relicta: tamen hoc ita erit accipiendum, si nō fuit evidens diuersa voluntas, quæ ex multis colligetur (an quis ab hærede legatum vel fideicommissum relictum voluerit à substituto deberi) quid enim, si aliam rem à substituto reliquerit ei fideicommissario vel legatario, quam ab instituto non reliquerat? vel quid, si certa causa fuit, cur ab instituto relinqueret, quæ in substituto cessaret? vel quid, si substituit ex parte fideicommissarium, cui ab instituto reliquerat fideicommissum? In obscura igitur voluntate locum habere rescriptum, dicendum est. Aliud exemplum proponitur l. 24. ff. de probationibus. Vbi Modestinus: Si (inquit) chirographum cancellatum fuerit: licet præsumptione debitor liberatus esse videtur: in eam tamen quātitatem, quam manifestis probationibus creditor sibi adhuc

deberi ostendit, rectè debitor conuenitur. Aliud exemplum proponitur l. filium. 6. ff. de his qui sui vel alieni iuris sunt. vbi Vlpianus: Non (inquit) ferendum Iulianus ait eum, qui cum vxore sua assiduè moratus, nolit filium agnoscere, quasi non suum, Sed mihi videtur (quod & Scæuola probat) si constet maritum aliquandiu cum vxore non concubuisse, infirmitate interueniente, vel alia causa: veluti si ea valitudine paterfamiliâs fuit, vt generare non posset: hunc qui in domo natus est, licet vicinis scientibus, filium non esse. Aliud exemplum proponitur l. namis. 73. ff. de leg. 3. vbi idem Vlpianus: Numis (inquit) indistinctè legatis, hoc receptum est, vt exiguiore legati videantur, si neque ex patrisfamiliâs, neque ex regionis consuetudine, vnde fuit, neque ex contextu testamenti possit apparere. Aliud exemplum proponitur l. 2. §. fin. C. de quadriennij præscriptione. Vbi quamuis pro negante solutionem regulariter sit præsumptio, vt affirmanti necessitas probandi sit imponenda: tamen ex apocha etiam non solenni præsumptio in contrarium est, vt affirmans probandi onere releuetur. Plura huiusmodi exempla licet colligere ex regulis præcedentibus. Quæ autem sit ratio probabilior vel præsumptio maior, non tam legibus definiri, quàm arbitrio iudicantis æstimari potest. Proinde hac res pertinet ad præsumptiones arbitrarias, de quibus postea dicitur.

cetur. Planè proposita exceptionis replicatio est in re iudicata, iureiurando delato & præstito vel remisso vel recusato, in confessione iudiciali, & quibusdam alijs, quæ non tam probationis vim habent, quàm ius faciunt, & actionem vel exceptionem pariunt. In his enim non admittitur probatio in contrarium. Ideoq; à Doctõribus appellantur præsumptiones iuris, & de iure: sed non rectè. In istis enim non amplius queritur, an factum sit, vel an debeatur: sed an sit iudicatum, iuratum, &c. l. 5. §. dato: & l. 28. §. fin. ff. de iureiurando. Habent tamen huiusmodi iura suas etiam exceptiones, propter quas rescisso eo quod gestum est, negotium ex integro agi potest, & probatio in contrarium admitti. de qua re vide mea Digesta.

II. Exceptio: Nisi contrarium certum sit atq; notorium: hoc enim casu cõtra id non est præsumptio-  
ni vel coniecturæ locus: exemplo l. continuus. 137. §. cum ita stipulatus, in fine. ff. de verb. obligat. vbi Venuleius: In eo (inquit) tẽpore atq; facto, quod finitum est, nullus est coniecturæ locus. Plura de hac exceptione vide suprà lib. prox. in loco à qualitate sententia, reg. 1.

III. Exceptio: Nisi criminali iudicio quis sit condemnandus. nam hĩc præsumptionibus locus non est, ut vel condemnetur quis, vel probandi onere grauetur. Quæ exceptio approbatur l. absentem. 5. in prin. ff. de pœnis. vbi Vlpianus: De suspicionibus (inquit) non debere aliquem damnari, diuus

Traianus

Traianus rescripsit: satius enim esse impunitum relinqui factus nocentis, quàm innocentem damnari. *Concordat l.vlt. C. de probationib. his verbis*: Sciant cuncti accusatores, eam se rem deferre debere in publicam notionem, quæ munita sit idoneis testibus, vel instructa apertissimis documentis, vel indi-  
 cijs ad probationem indubitatis & luce clarioribus expedita. *Concordat item l. qui sententiam, 16. C. de pœnis, his verbis*: Qui sententiam laturus est, temperamentum hoc teneat, ut non prius capitalem in quempiam promat severamque sententiam, quàm in adulterij, vel homicidij, vel maleficij crimen aut sua confessione, aut certè omnium qui tormentis vel interrogationibus fuerint dediti, in vnum conspirantes concordantesq; rei finem conuictus sit: & sic in obiecto flagitio deprehensus, ut vix etiam ipse ea quæ commiserit, negare sufficiat. Planè *proposita exceptionis prima replicatio est*: Nisi speciali lege præsumptio ad condemnandum adprobetur. *Quæ replicatio approbatur exemplo l. qui adulterij, 34. C. de adulterijs. Vbi de adulterio accusati & absoluti, si postea contraxerint nuptias, pro conuictis atq; confessis ex eo solo, etiam alijs probationibus deficientibus, habentur. Altera replicatio est*: Nisi quoad torturam. hoc enim casu, ut torqueatur reus, præsumptio sufficit. *Quæ replicatio approbatur l. 1. in princ. ff. de questionib.*

*stionib. Vbi verba rescripti Imp. Hadriani proponuntur hæc: Ad tormenta seruorum ita demum veniri oportet, cum suspectus est reus, & alijs argumentis ita probationi admouetur, vt sola confessio seruorum deesse videatur. Concordat l. ult. ff. eod. tt. his verbis: Qui sine accusatoribus in custodiam recepti sunt, quaestio de eis habenda non est, nisi aliquibus suspicionibus vrgeantur. Plura de replicatione proposita vide Digest. meor. lib. 3. cap. 8. quest. 1. except. 1. Tertia replicatio est: Nisi crimina occulta sint, quæ de sui natura plenè probari non possunt: veluti adulterium, conspiratio, veneficium, falsa moneta, & similia. In his enim coniectura & præsumptiones loco plenæ probationis sufficiunt ad condemnandum: testibus ijs quos enumerat Gribaldus in regulis criminalibus, §. in criminalibus occultis. Huc referri potest exemplum, quod supra repl. 1. expositum est. Hac de tertia exceptione generali, eiusque replicationibus sint dicta.*

IIII. Exceptio generalis est: Nisi levis sit præsumptio: hanc enim leges non attendunt: exemplo l. 3. §. si quis cum. ibi: idem tamen confitetur. ff. de minor. viginti quinq; annis. Vbi Vlpianus: Celsus (inquit) confitetur, si leuior sit suspicio aduersarij quasi dolosè versari, non debere minorem in integrum restitui. Aliud exemplum proponitur l. si cum dos. 8. ff. rerum amotarum. Vbi ex eo quod quis debitori suo soluit, non præsumitur suam actionem

*actionem remississe. Aliud habetur l. Caius Seius. 39. ff. de pignorat. actione. Vbi is qui testamento ut testis subscripsit, non videtur approbasse ea quae in testamento continentur.*

*V. Exceptio: Nisi contrarium probari non possit: hoc enim casu is qui habet praesumptionem pro se, videtur probatione onerandus. Sed hac exceptio reprobatur l. 23. C. de probationibus his verbis: Actor quod adseuerat, probare se non posse profitendo, reum necessitate monstrandi contrarium non adstringit: cum per rerum naturam factum negantis probatio nulla sit. Concordat l. 2. C. eod. tit. cuius verba vide supra regula praesumpt. generali prima, in prin. Concordat item l. 11. C. de petit. hered. his verbis: Cogi possessorem ab eo qui experitur, titulum suae possessionis dicere, in ciuile est: praeter eum scilicet, qui dicere cogitur, vtrum pro possessore, an pro haerede possideat. Ait Imp. Praeter eum scilicet, &c. De hoc casu alijsq. similibus quibus proposita exceptio aliàs reprobata admittitur, vide Digest. meor. lib. 7. cap. 5. De interrogationibus in iure faciendis.*

*VI. Exceptio: Nisi is, contra quem est praesumptio, aduersario deferat iusiurandum. hoc enim casu ipse probandi onere releuatur, & aduersarium onerat ut vel iuret, vel iusiurandum deferenti referat. De qua re vide d. lib. 7. cap. 6.*

DE PRÆSUMPTIONE  
arbitraria.

**H**actenus legitima præsumptionis species siue regulas cum suis exceptionibus enumerauimus, quarum tamen plures colligi possunt. Quia verò præter istas multa incidere possunt probabilia legibus non definita: sed nec legibus definiri satis possit, quæ ratio probabilior sit, quæq; præsumptio maior: cum (vt dictum est) maior præsumptio minorem elidat: tota hæc res arbitrio iudicis à legibus est permissa: vt etiam legitimas præsumptiones causa cognita distinguere possit. Quid enim, si due legitima præsumptiones sibi inuicem contraria proferantur? Sunt enim (vt supra ostendimus) multa probabilia inter se contraria. Certè permissum est iudici, quod sibi probabilius videtur, sequi, etiam legū autoritate posthabita. Sic enim l. 3. §. ideoq; ff. de testib. Imp. Hadrianus Iunio Varo legato Provincia Cilicia rescripsit, Eum qui iudicat, magis scire posse, quanta fides habenda sit testibus. Verba epistola hæc sunt: Tu magis scire potest, quanta fides habenda sit testibus: quin & cuius dignitatis, & cuius existimationis sint, & qui simpliciter visi sunt dicere, vtrum vnum eundemq; & præmeditatum sermonem attulerint: an ad ea quæ interrogaueras, ex tempore verisimilia responderint. Eiusdem quoque Principis (vt ibi sequitur) extat rescriptū ad Valerianum



*rianum Verum in hac verba: Quæ argumenta ad quem modum probandæ cuiq; rei sufficiant, nullo certo modo satis definiri potest. Hoc ergo solum tibi scribere possum summam, non utiq; ad vnam probationis speciem cognitionem statim alligari debere, sed ex sententia animi tui te existimare oportere, quid aut credas, aut parum probatum tibi opineris. Hisce accedit, quod l. quæsitum. 13. ff. de testibus, Papinianus ait: Quæsitum scio (inquiens) an in publicis iudicijs calumnię damnati testimonium iudicio publico perhibere possint? sed neq; lege Rhemia prohibentur, & lex Iulia de vi & repetundarum & peculatus eos homines testimonium dicere non vetuerunt. Veruntamen quod legibus omisum est, non omitteretur religione iudicantiũ: ad quorum officium pertinet, eius quoque testimonij fidem, quod integræ frontis homo dixerit, perpendere. Ex his patet, presumptiones non solum ex legum authoritate, sed ex arbitrio quoq; iudicis pendere: cum vel leges deficiunt, vel probabilis aliqua ratio iudicem ad legitimam presumptionem distinguendam mouerit. In iuris tamen questione, exceptis causis extraordinarijs seu arbitrarijs, de quibus infra specialiter agetur, cessabit hic motus, hocq; arbitrium iudicis: nam in hac non nisi ex speciali legum authoritate pronuntiandum esse ostendimus. Sed & in alijs à lege vel regula*

*regula iuris iudex non temerè debet recedere, nec nisi probabili aliqua ratione motus. de qua re in sequentibus dicetur plura. Haëtenus ergo de praesumptionibus, ex quibus, utri parti probatio quaestionis iniungenda sit, constat, sit dictum: de quibus vide item M.I.R.lib.2.cap.10.*

## DE EXAMINE PROBATIONUM.

**Q**Uod si alterutri parti probatio à iudice iniuncta est, eaq; ab ea praestita, & confutationes aduersarij aduersus probationem opposita: sequitur, ut iudex argumenta probationum & confutationum examinet ac ponderet. Quo casu non sufficit argumēta proposita in syllogismi vel enthymematis formam coniungere, & an utraq; propositio vera sit, perpendere: quod ut in lite contestanda necessarium est, ita in examine probationum saepe est superuacuum: sed siquidem de iure contentio sit, non nisi leges speciales (ut dictum est) iudex attendet: alias rationes, quamuis in speciem probabiles, non admittet. non enim ex rationibus seu regulis generalibus, sed ex legibus specialibus ius sumendū est, ut supra copiosius ostendimus. Sin autem de facto lis sit: probationibus & confutationibus ponderatis ac inuicem collatis, sequetur motum animi sui, & quod sibi credibilius videbitur, pronūciabit. Siquidem (ut l.1. § si autem pronūciauit. ff. ad S. C. Turpill. Papinianus ait) facti quaestio in arbitrio

1 iudican-

*iudicantis est: pœna verò persecutio non eius voluntati mandatur, sed legis auctoritati reservatur. Et l. ordine. 15. in prin. ff. ad municipalem, Paulus: Facti quidem quæstio (inquit) in potestate iudicantium est: iuris autem auctoritas non est. Sic etiam l. 7. C. de fideicommissis, Imp. Alexander: Voluntatis defuncti quæstio (inquit) in æstimatione iudicis est. Hisce concordat quod l. ob carmen. 21. §. si testes. ff. de testibus, Arcadius ait: Si testes omnes (inquiens) eiusdem honestatis & existimationis sint, & negocij qualitas ac iudicis motus cum his concurrat: sequenda sunt omnino testimonia. Si verò ex his quidam aliud dixerint (licet impari numero) credendum quidem est, sed quod naturę negocij conuenit, & quod inimicitie aut gratię suspicionem caret, confirmabitq; iudex motū animi sui ex argumentis & testimonijs, quæ rei aptiora, & vero proximiora esse comperit, non enim ad multitudinem respici oportet, sed ad synceram testimoniorū fidem, & testimonia, quibus potius lux veritatis adlucet. Hisce accedunt ea quæ suprà cap. prox. ex l. 3. ff. eod. tt. sunt proposita. Ex quibus omnibus patet, iudici in facti quæstionibus nō tam superstitiosè ad leges vel regulas iuris respiciendum esse, neq; cum vel instrumēta, vel testes, vel quid simile ad probandum factū producitur, quia huiusmodi probationes ipso iure siue regulariter legibus approbata sunt,*  
*huius-*

huiusmodi probationibus productis statim adquiescendum: verum pro sua prudentia de illarum fide exactius indagabit, atq; aduersarij exceptiones contra eas audiet ac ponderabit: testes ipse, si fieri potest, examinabit: de vita & moribus cuiusq; diligenter inquireret: qua constantia, quâue trepidatione quid ab-eis dicatur, animaduertet. Siquidē (vt l. 10. §. penult. ff. de quaestionib. Arcadius ait) plurimū in excutiēda veritate etiam vox ipsa, & cognitionis subtilis diligētia adfert. Nam & ex sermone, & ex eo, qua quis constantia, qua trepidatione quid diceret, vel cuius existimationis quisque in ciuitate sua est, quadam ad illuminandam veritatē in lucem emergunt. Et l. 3. in prin. ff. de testib. Callistratus: Testiū (inquit) fides diligēter examinanda est. Ideoque in persona eorum exploranda erunt in primis cōditio cuiusq;, vtrum quis decurio, an plebeius sit: & an honestæ & inculpatae vitæ, an verò quis notatus & reprehensibilis: an locuples velegens sit, vt lucri causa quid facile admittat: vel an ei inimicus sit, aduersus quem testimonium fert, vel amicus ei pro quo testimonium dat. Sed & ipsius facti, de quo queritur, circumstantias & qualitatem iudex probè perpendet, deq; ijs testes interrogabit. Quod si omnibus pro sua prudentia perquisitis, & aduersarij argumentis ponderatis, nihil repererit, quo fides productis vel testibus, vel instrumentis, vel alijs huiusmodi probationibus derogari

possit: pro ijs (vt antea dictum est) præsumeret, proq;  
 eo qui eas protulit, sententiam feret. Nam (vt d.l. 3.  
 in prin. Callistratus ait) si careat suspitione testimo-  
 nium vel propter personam, à qua fertur, quòd bo-  
 nestas sit: vel propter causam, quòd neq; lucri, neq;  
 gratiæ, neq; inimiciæ causa fiat: admittendū est.  
 Sin verò fides probationum ex quibusdam argumē-  
 tis vel ab aduersario propositis ac probatis, vel ab  
 ipso iudice animaduersis, suspecta sit; licebit iudici,  
 quod sibi credibilius videtur sequi, & vel contra  
 probationes productas pronunciare. Quæ omnia &  
 in iuris questionibus arbitrarijs, de quibus infrà di-  
 cetur, obtinent. Quod autem diximus, ab ipso iudi-  
 ce testes audiendos & examinandos esse: ei astipu-  
 latur d. l. 3. §. idem diuus. ff. de testibus, his verbis:  
 Diuus Hadrianus Iunio Rufino proconsuli  
 Macedoniæ rescripsit, Testibus se, non testi-  
 monijs crediturum. Verba epistolæ ad hanc par-  
 tem pertinentia hæc sunt: Quòd crimina obij-  
 ciebat apud me Alexander Aprò, & non pro-  
 babat, nec testes producebat, sed testimonijs  
 vti volebat, quibus apud me locus non est  
 (nam ipse eos interrogare soleo) ipsum re-  
 misi ad prouinciæ præsidem, vt is de fide te-  
 stium quæreretur: & si non impleisset quod in-  
 tendebat, relegaretur. Caninio quoque Maximo  
 in hæc verba idem princeps rescripsit: Alia est au-  
 thoritas præsentium testium, alia testimo-  
 niorum quæ recitari solent. tecum ergo de-  
 libera,

libera, vt si detinere eos velis, des eis impendia. Postremò hoc loco notandum, quadam qua per se ad probandum non prosunt singula, alijs tamen accedentibus iuuare. Sic l. instrumenta. s. C. de probationibus, Imp. Philippus: Instrumenta (inquit) domestica, seu priuata testatio, seu adnotatio, si non alijs quoq; adminiculis adiuuetur, ad probationem sola non sufficit. Quasi diceret: Si alijs adminiculis instrumenta domestica iuuentur, probandi vim habent. Vnde dici solet: Quae non prosunt singula, multa iuant. Proinde quamuis testis sit vnicus, vel pauper, vel minor annis, &c. si tamen alia argumenta concurrant, fides illi deroganda non est. Quod de alijs quoq; probationibus imperfectis accipi debet.

Semiple  
bani  
cum de  
dum

## DE SUPPLENDO EO quod partibus deest.

**P**orro non solum in exceptionib. aduersus propositas probationes indagandis & inueniendis eam partem, contra quam probatio producta est, iudex (vt iam dictum est) adiuuare debet: sed etiam ei parti, cui probatio incumbit, quam prestare non potest, in inueniendis argumentis ad probandum sua prudentia veritatis tuenda causa subueniet, atque quod partibus deest supplebit. quod inter officia iudicis, quae circa probationes versantur, tertio loco numerauimus. Neque enim simpliciter verum est, actore nō probante reum absoluendum: vel contra,

reum suam exceptionem non probantem condemnandum esse: nisi improbauerimus iudicium Salomonis nunquam satis laudatum, quod cum huic loco plurimum deferuiat, ex lib. 3. Regum, cap. 3. hic subſc̄ere libet. Dicit dicto capite sacra ſcriptura: Venerunt dua mulieres meretrices ad regem, ſteteruntq; coram eo, quatum vna ait: Obſecro mi domine. Ego & mulier hac habitabamus in domo vna, & peperī apud eam in cubiculo. Tercio autem die poſtquam ego peperī, peperit & hac: & eramus ſimul, nullusq; alius nobiſcum in domo, exceptis nobis duabus. Mortuus autem eſt filius mulieris huius nocte. Dormiens quippe oppreſſit eum. Et conſurgens intempeſta noctis ſilentio, tulit filium meum de latere meo ancilla tua dormientis, & collocavit in ſinu ſuo: ſuum autem filium, qui erat mortuus, poſuit in ſinu meo. Cumq; ſurrexiſſem manē, vt darem lac filio meo, apparuit mortuus. Quem diligenter intuens clara luce, deprehendi non eſſe meum, quem genueram. Reſponditq; altera mulier: Non eſt ita vt dicis: ſed filius tuus mortuus eſt, meus autem vivit. Econtrario illa dicebat: Mentiris, filius quippe meus vivit, & filius tuus mortuus eſt. Atque in hunc modum contendebant coram rege. Tunc rex ait: Hec dicit: Filius meus vivit, & filius tuus mortuus eſt. Et iſta reſpondit: Non: ſed filius tuus mortuus eſt, meus autem vivit. Dixit ergo rex: Afſerte mihi gladium. Cumq; attuliſſent gladium coram rege: Diuidite (inquit) infantē vivum in duas partes,



partes, & date dimidiā partem vni, & dimidiā partem alteri. Dixit autem mulier, cuius filius erat viuus, ad regem (commota quippe sunt viscera eius super filio suo): Obsecro domine, date illi infantem viuum, & nolite interficere eum. Econtrariò illa dicebat: Nec mihi, nec tibi fit, sed diuidatur. Respondit rex, & ait: Date huic infantem viuum, & non occidatur. Hac est enim mater eius. Haecenus sacra scriptura. Cum autem lis hoc casu de eo esset contestata, vtrum infans viuus ad aëtricem, an ad ream mulierem pertineret? haud dubiè aëtrici tanquam sua aëtionis probatio incubuit. Sed licet nihil probasset, nihilominus tamen rex infantem ei adiudicauit, sua industria, seu potius instinctu diuino extogitato consilio, quo veritatem deprehenderet, & quod deerat aëtrici suppleret. Quod eius consilium atq; iudicium admiratione dignius est, quàm reprehensione. Similis industria exemplum à P. Aerodio Andega Iurisconsulto de Turcarum Imper. narratur, his verbis: Quidam (ait) nemine conscio penes amicum suum pecuniam deposuerat. Is cum reposeret, negauit alter quicquam se accepisse: & quod amico Imperatore vteretur, non ausurum illum controuersiam mouere existimabat. Sed re nihilominus ad eum delata, interrogat vtrumq;: deprehendit eum, penes quem pecunia esse dicebatur non vt ingenuum decet atq; innocentem turbulentè inficiari: alterum contra non fidei lachrymis constanter affirmare. Statuit igitur Imperator nihil om-

Lib. i. De  
cretor. et  
depositi.

nino pratermittere, quod pertineret ad inquirendā  
veritatem. In primis rem in alium diem protrahit,  
postea submittit, qui amicè & quā familiariter  
insipientem admoneat, ut sponte pecuniam reddat:  
rem sine iudicio transgat: fama atq; opinioni sua  
consultat: sanè vel Principem malè quid de eo conij-  
cere: itaq; rem componi posse, ut sine suo damno pe-  
cunia restituatur. Cum ille verò tum audacius de-  
negasset, præ se tulit Imperator controuersia hanc,  
quæ non iure, sed probationibus egeat, indecisam  
haberi velle: & mox rursus inopinantem ad se ad-  
duci iussit. Postulat num proxima nocte cum vxore  
dormierit, & an cum ea rem habuisset, quæue hora  
noctis. Vtrunq; vti postulabat, cum ab eo didicisset:  
iussit alium adire vxorem, veluti si à marito mittere-  
retur, qui diceret, virum suum mandare, ut quam ei  
custodiendam pecuniam credidisset, hæc per se nun-  
cium mitteret. Si loquenti fidem non habeat, nar-  
rare se, quæ à marito acceperit. Vxor his victa ser-  
monibus, pecuniam promittit. Sic itaq; detecta perfidi-  
a, Turcarum Imperator non duplo, sed capite ani-  
maduertit. Nec hoc iudicium, quamuis Turcicum,  
puto reprehendendum: licet actore non probante,  
reus nihilominus sit damnatus, & quidem ultimo  
supplicio. Quamuis enim ex causa depositi actum  
sit, tamen factum rei conuenti depositum negantis  
non multum à furto abest: imò apud bonos viros  
furto deterius est, fidem amico datam fallere, & de-  
positum dolo malo abnegare. Quanquam magna  
pars

pars artis est eorum qui hodie causas in foro defendunt, nihil quod ab aduersario propositum est fateri, sed omnia etiam reclamante conscientia constanter negare: nec vlla poena est in mēdacio deprehensi atq; conuicti. At cum fides fundamentum sit iusticia, ut Cicero ait, & iusticia fundamentum sit rerum publicarum: iam dictum exemplum, quamuis Turcicum, Christianis principibus (si modò disciplinam civilem & militarem saluam, & rempub. constantem firmamq; habere volunt) non est contemnendum, sed imitandum magis. Loquor autem de fide civili, non Ecclesiastica, quam satis pertinaciter defendunt, non sine multorum bonorum virorū interitu, ac summa totius Europæ dissipatione. Sed ad propositum redeo. Exemplis iam propositis constat, regulam hanc, Actore non probante reum absoluumendum esse, recipere exceptionem talem: Nisi prudentia & industria iudicis consilium excogitetur, quo veritas innotescat. Nec obstat, quod iudices, de quibus diximus, reges fuerint vel principes, qui legibus in iure dicuntur esse soluti: quasi hoc quod illi fecerunt, in iudicibus pedaneis, qui iurisdictionem non suo iure, sed alieno beneficio habent, non sit ferendum. Si enim facti quæstiones sunt in arbitrio non solum Principum, sed etiam aliorum quorumlibet iudicum, ut ostendimus: nemo negauerit, arbitrium illud nō solum in dyudicandis iis quæ proposita sunt, consistere, sed etiam in rei veritate, quocunque tandem modo fieri possit, indaganda.

Quemadmodum ergo probationibus productis non  
 simpliciter à iudice credendum est, sed fides earum  
 prius diligenter examinanda, ut diximus: ita etiam  
 nulla probatione adducta si subsit vel leuius præsum-  
 ptio, quæ iudici causam suspectam reddat, quamvis  
 non sufficiat vel ad condemnandum, vel onus pro-  
 bandi aduersario imponendum: tamen iudicem  
 mouere debet ad consilium aliquod ex re capiendū,  
 quo veritati subueniatur. Quod si deliberatione  
 habita nihil tale reperiatur: tunc demum regula  
 illa, Actore non probante reum absolendum esse,  
 obtinebit. Hoc idem de exceptione rei conuerti, quæ  
 probatione destituitur, intelligi debet. Potest item  
 iudex probatione deficiente in eius supplementum,  
 siquidem causa ciuilis est, alterutri partium causa  
 cognita iusiurandum deferre: l. 1. & l. admonendi.  
 31. §. solent enim. ff. de iureiurando. Sin verò causa  
 est criminalis, ad torturam procedere, & vel hoc  
 modo id quod ei, cui probandi onus incumbit, deest,  
 supplere. Non solum autem in facti questione, sed  
 etiam quoties de iure actionis, exceptionis, replica-  
 tionis, & sic deinceps queritur, iudex ei qui proba-  
 tione iuris destituitur subueniet, legesq<sub>3</sub>, quamuis à  
 parte non allegatas, sequetur. Quæ omnia approbā-  
 tur l. vnica. C. ut quæ defunt aduocatis partiū, &c.  
 vbi Impp. Diocletianus & Maximimianus: Dubi-  
 tandum non est (aiunt) iudici, si quid à litiga-  
 toribus, vel ab ijs qui negocijs adstant, mi-  
 nus fuerit dictum: id supplere & proferre,  
 quod

quod sciat legibus & iuri publico conveni-  
re. Planè in iuris quæstione finita secundum aliam  
actionem vel exceptionem, quàm quæ à litigatori-  
bus proposita fuerit, iudex non pronuntiabit, nec  
in hoc casu quod illis deest supplebit: quoniam ad  
litem contestatam seu ad statum causæ, in quo lis  
consistit, in iudicando (ut supra ostensum est) respi-  
cere debet. at de actione vel exceptione, quæ à liti-  
gatoribus proposita non fuerit, lis esse non potest.  
Quemadmodum ergo de alia re, quàm quæ petita  
est, iudex pronunciare non debet: l. ult. C. de fidei-  
commis. libertat. & l. de quare. 74. ff. de iudicijs:  
ita quoque, ex alia causa, quàm quæ proposita est, non  
debet sententiam ferre: quamvis animadvertat  
causam meliore actione agi, vel exceptione meliore  
defendi potuisse: non enim ad casum, sed ad statum  
causæ illi (ut diximus) est respiciendum.

## DE IIS QUÆ IPSO iure nulla sunt.

**S**I tamen actio aliqua vel exceptio, replicatio vel  
duplicatio proposita ipso iure deficiat: eam e-  
tiam non admonente adversario, nec exceptione  
nullitatis nomine opposita, iudex officio suo reijcere  
potest, & sic præter acta pronunciare. Ipso iure au-  
tem actio, exceptio, replicatio vel duplicatio deficit  
duplici modo: vel cum maior eius propositio falsa  
est: vel cum propter aliquam facti circumstantiam ipso  
iure non valet, quod gestum est. Nam ea quæ inter ho-  
mines

mines viciose & contra iuris formam siue in iudicijs, siue extra geruntur, aut per se nulla sunt, & ipso iure non valere dicuntur: aut sunt annullanda vel per modum actionis, vel exceptionis ope. Per modum quidem actionis annullanda sunt ea quæ à minore viginti quinque annis gesta sunt: nisi enim in ijs minor in integrum restitutionem petierit, & obtinuerit, quamuis laesus sit, valet quod actum est. Nam si per se sine restitutionis auxilio nulla essent, auxiliũ istud à Pratore minoribus concessum superuacuum esset: l. in causa. 6. in prin. ff. de minor. viginti quinque annis. Similiter cum iudex quid quasi factum, quod factum non est, pronunciauit: sententia ipso iure valet: exemplo l. ingenuum. 25. ff. de statu hominũ: estq; annullanda per appellationem: qua nisi fuerit iusto tempore interposita, & ad finẽ perducta, sententia transit in rem indicatam, & pro veritate accipitur: l. cum prolati. 32. ff. de re iudicata: & l. 1. C. de his qui per merum iudicis non appella. Quoties autem contra leges vel constitutiones pronũciatum est: sententia ipso iure sine appellationis remedio nulla est, l. si expressum. 19. ff. de appellationibus. Sic si minor quatuordecim annis sine tutoris auctoritate quid gessit, ipso iure non valet quod gestum est, etiam sine restitutionis auxilio: d. l. in causa. 16. in prin. Exceptionis ope annullanda sunt, quæ meius causa, dolo malo aut errore interueniente gesta sunt: Instit. de exceptionibus, in prin. & l. penult. C. de inutilib. stipulat. Item si debitor pactus sit cum creditore,

ditore, ne à se pecunia peteretur: nihilominus obligatus manet: sed per exceptionem illi succurritur. *Inst. d. tt. §. prater ea debitor. Sic l. eum qui ita. 56. §. qui ita stipulatur. ff. de verb. obligat. Vlpianus: Is (inquit) qui vsq; ad calendas Ianuarias dari stipulatur, potest quidem etiam post calendas petere: sed exceptione pacti submouebitur. Replicationis quoque ope annullatur exceptio. vt l. si vnus 27. §. pactus. ff. de pactis. vbi Paulus: Pactus (inquit) ne peteret, postea conuenit vt peteret. prius pactum per posterius elidetur, non quidem ipso iure, sicut tollitur stipulatio per stipulationem, si hoc actum est: quia in stipulationibus ius continetur, in pactis factum versatur. Et ideo replicatione elidetur exceptio. Item l. iusiurandum. 17. §. 1. ff. de iureiurando, idem Paulus: Si (inquit) pupillus sine tutoris autoritate iusiurandum detulerit: exceptio quidem obstabit, sed replicabitur: quia rerum administrandarum ius ei non competit. In hisce atq; similibus, quæ quidem non per se nulla sunt, sed vel per modum actionis, vel per exceptionem aut replicationem annullanda, iudex officium suum, nisi imploratum, interponere nequit, nec id quod defuit aduocatis partium, potest supplere: vt antea dictum est. In ijs autem quæ per se sine actionis vel exceptionis adminiculo nulla sunt, iudex supplere potest quod defuit aduocatis, & id quod per se nullum animaduertit, etiam nullitatis*



litatis exceptione non opposita potest ex officio rej-  
cere. Ea verò quæ per se nulla sunt, dixi esse dupli-  
cia. Prioris generis sunt actiones & exceptiones,  
quarum maior propositio falsa est vel iure reproba-  
tur. veluti si quis rem aliquam vindicet ex hac cau-  
sa, quòd solennibus pensionibus rei pro alio satisfac-  
cerit: nam ex hac causa dominium non acquiritur,  
eaq; in iure reprobatur: nempe l. solennibus, 25. C.  
de rei vindicatione, his verbis: Solennibus pen-  
sionibus rei pro alio satisfaciensem, non in-  
terueniente venditione, solutionis causa mi-  
nimè dominum facit: Sic exceptio, qua quis se  
vnam tantum, eamq; minimam rem rapuisse dicit,  
aduersus vi bonorum raptorum actionem opposita  
ipso iure nulla est: quoniam maior eius propositio  
reprobatur Inst. vi bonor. raptor. §. 1. Sic si quis con-  
tra fratrem hereditatem patris ab intestato peten-  
tem, excipiat eum in potestate morientis patris non  
fuisse: officio iudicis hac exceptio rejci potest. licet  
enim iure civili olim introducta fuerit, tamen iure  
pratorio postmodum est sublata, Inst. de hereditat.  
qua ab intestato. §. emancipati. Altero modo ipso  
iure nulla dicuntur, quæ quamuis maiorem propo-  
sitionem habeant iure approbatam, tamen ob aliquã  
facti circumstantiam ita viciata sunt, vt non egeant  
rescissione: vt est sententia contra leges vel consti-  
tutiones lata: item contractus pupilli sine tutoris  
authoritate factus. his enim duobus casibus ipso iure  
non valet quod actum est, vt supra ostendimus. Si-  
militer

militer si mulier pro alio, publico instrumento à tribus testibus subscripto non interueniente, interces-  
 serit : etiam exceptione senatusconsulti Velleiani  
 non opposita aduersus hanc suam intercessionē offi-  
 cio iudicis defenditur : l. antiqua. 23. §. fin. C. ad  
 S. C. Velleianum. vbi Imp. Iustinianus : Ne (inquit)  
 mulieres perperam sese pro alijs interponāt :  
 sancimus, non aliter eas in tali cōtractu posse  
 se obligare pro alijs, nisi instrumento publicè  
 confecto, & à tribus testibus subsignato, ac-  
 cipiant homines à muliere pro alijs confes-  
 sionem : tunc etenim tantummodo eas ob-  
 ligari, & sic omnia tractari, quæ de interces-  
 sionibus fœminarū vel veterib. legib. cauta,  
 vel ab Imperiali auctoritate introducta sunt.  
 Sin autem extra eandem obseruationē susce-  
 perint mulieres intercedētes : pro nihilo ha-  
 beat huiusmodi scriptura, vel sine scriptis  
 obligatio, tanquā nec cōfecta, nec scripta, vt  
 nec senatuscōsulti auxilium imploretur, sed  
 sit libera & absoluta, quasi penitus nullo in  
 eadem causa subsecuto. Porro interdum persona  
 quoq; eius qui in iudicio postulat, talis est, vt vel re-  
 missa aduersus eius personā exceptione, à iudicij li-  
 mine repelli debeat. Nā quos Prætor apud se postu-  
 lare, phibet (inquit Caius) omnimodo phibet, etiā si  
 aduersarius eos postulare patiatur : l. quos prohibet.  
 7. ff. de postulando. & Vlpianus : Milites (inquit)  
 nec si velit aduersarius, procuratores dari  
 possunt.

possunt: l. filiusfamiliâs. 8. §. milites. ff. de procuratoribus. Ex re quoque petita interdum exceptio sumitur, quâ quantum non opponatur, iudex tamen ex officio eam in condemnatione sequi potest. Sic l. ult. ff. de petit. hereditat. cum quaereretur, an possessor hereditatis sumptus, quos in actorem fecisset, per exceptionem deducere ac retinere posset? Scauola respondit: Et si non exciperetur, satis per officium iudicis consuli. Propter tempus quoque actio & appellatio aliquando ipso iure nulla est, & officio iudicis reijcienda: veluti si appellans intra legitimum tempus non appellauerit, vel appellationem non fuerit prosecutus: hoc enim casu etiam desertionis exceptione ab aduersario non opposita, appellatio non est admittenda. c. si appellationem. extr. de appellationibus. quo iure in iudicio Camera vtuntur. Ordinatio. Camera parte 2. tit. 30. §. Unde so also. vers. Doch so er nach der. Ha atque huiusmodi alia causa sunt, propter quas actio, appellatio, exceptio, &c. ipso iure nulla censetur, & officio iudicis reijci potest. Quo casu actio vel exceptio ipso iure nulla dicitur, vel nihil agi. alioquin cum ad id quod perperam gestum est, rescindendum actione vel exceptione opus est: male agi dicitur, teste Alciat. parerg. lib. 4. c. 14. & Duareno in l. 4. ff. de pactis. Quando autem iudex non petente aduersario officium suum impertire potest, non semper ad id impertiendum tenetur. Nam ita l. non quidquid. 40. ff. de iudicijs, Papinianus: Non quidquid iudicis potestati permittitur (inquit)

(ait) id subiicitur iuris necessitati. Sic quamvis iudex absentem contumacem condemnare possit, non tamen omnimodo eum condemnare habet necesse: l. 1. Cod. quomodo & quando iudex sententiam.

## DE CAUSIS EXTRAORDINARIIS & ARBITRARIIS.

**H**Actenus de duplici munere iudicum, quorum vnum circa litis contestationem, alterum circa probationes versatur, sit dictum: quibus ritè observatis, cetera quæ ad iudices pertinent, facilia sunt. Nam cognito statu causæ, & argumentis utriusque partis rectè perspectis ac ponderatis, facile quid de tota causa pronunciandum sit, constare potest. Si quid tamen adhuc insit difficultatis, relationis remedium seu potestas principem vel alium superiorem consulendi iudici conceditur. de qua re dictum Digest. meor. lib. 7. cap. 10. Porro quod supra diximus de lite contestanda, & quod iudici non ad casum, sed ad causæ statum & ad genus vniuersum in iudicando respiciendum sit: in ordinariis causis obtinet, quarum ius ex speciali legum authoritate pendet. Sunt & aliæ causæ, in quibus, quia nihil in perpetuum neque generaliter legibus definitum est, vel definiri potest, ius iudicantis arbitrio permittitur: quas nunc extraordinarias, nunc arbitrarias causas, nunc causæ cognitionem leges appellant. Accedit Francisc. Viu. lib. 2. com. opin. in vers. arbitrio iudicis,

conulod  
relatio  
dim.

dicis. nu. 5. in quo versiculo species arbitrariorum  
 causarum enumerantur. In quibus non tam ad sta-  
 tum, quàm ad circumstantias ipsius causa iudici re-  
 spectandum est, quarum decisio decretum propriè  
 appellatur: cum in ordinarijs causis sententia vel res  
 iudicata vocetur. Quamquam in ordinarijs quoq;  
 iudicijs huiusmodi causa cognitiones solent incide-  
 re: veluti cum dilatio alterutrius partium danda est:  
 nam non nisi causa cognita ea est indulgenda. l. ult.  
 in fine. ff. de ferijs & dilation. Item cum de factio  
 queritur, quamvis in ordinario iudicio, iudicis ta-  
 men arbitriū esse, suprà ostendimus. At decisio hu-  
 ius questionis sententia vocatur l. ingenuum. 25. ff.  
 de statu hominum. Sed & nonnulla exceptiones in  
 ordinarijs iudicijs incidere solent, quæ magis ex ar-  
 bitrio iudicis, quàm ex iuris necessitate pendent:  
 quales sunt exceptio minorennitatis & ebrietatis,  
 quæ in iudicijs publicis solent opponi. Nam leges vo-  
 lunt, quòd propter has exceptiones iudex pœnam or-  
 dinariam mitigare possit: quòd ita est accipiendum,  
 non quòd omnino pœnā mitigare debeat, sed quòd  
 causa cognita eā mitigare possit vel non possit. Nec  
 enim, quòd iudicis potestati permittitur, iuris subij-  
 citur necessitati. l. non quidquid. 40. in prin. ff. de  
 iudicijs. l. 1. C. quomodo & quando iudex sententiā.  
 Quoties autem de eo quòd queritur, nulla specialis  
 lex vel consuetudo extat, regulariter quidem dicen-  
 dum est negotium ad arbitrium iudicis pertinere. c.  
 vnaquaque. §. fin. 13. q. 2. vbi Augustinus: Quæ  
 (inquit)

Sententia

Sententia

Extraordinaria

(*inquit*) legibus definita sunt, mutare non licet. Quæ autem legibus expressa non sunt, arbitrium sequuntur humanæ voluntatis. *Concordat c. de causis. de officio delegati. glossa in c. 5. in fine. de dolo & contumacia. ubi de hac regula vide plura. Huius exemplum est l. 1. §. expilatores. ff. de effraCTORIBUS. ubi Vlpianus : Expilatoribus* (*inquit*) quia nulla specialis pœna rescriptis principalibus imposita est, idcirco causa cognita liberum erit arbitrium statuendi ei qui cognoscit. *Sic etiam l. 1. in fine. ff. de iure deliberandi, idem Vlpianus : Cùm Prætor* (*inquit*) se tempus daturum pollicetur, nec adiecit diem : sine dubio ostendit esse in ius dicentis potestate, quem diem præstituatur. *Item l. hodie. 13. ff. de pœnis, idem Vlpianus : Hodie* (*inquit*) licet ei qui extra ordinem de crimine cognoscit, quam vult sententiam ferre, vel grauiorem, vel leuiorem : ita tamen, ut in utroque modo rationem non excedat. *Item l. 3. ff. de eo quod certo loco, Caius : Ideo* (*inquit*) in arbitrium iudicis refertur hæc actio, quia scimus quàm varia sint precia rerum per singulas ciuitates regionesque, maximè vini, olei, frumenti. pecuniarum quoque licet videatur vna & eadem potestas vbi que esse : tamen alijs locis facilius & leuius vsuris inueniuntur, alijs difficilius & grauibz vsuris. *Aliud exemplum propo-*

*nitur l. mora. 32. in prin. ff. de vsuris, vbi Papinianus: Mora (inquit) fieri intelligitur non ex re, sed ex persona, id est, si interpellatus opportuno loco non soluerit: quod apud iudicem examinabitur. Nam (vt & Pomponius scripsit) difficilis est huius rei definitio. Diuus quoq; Pius rescripsit: an mora facta intelligatur, neque constitutione vlla, neq; iuris authorum quæstione decidi posse, cum sit magis facti, quam iuris. Aliud exemplum proponitur l. penult. §. fin. ff. de impensis in rebus dotal. factis, vbi Neratius: Quæ (inquit) impendiâ secundum dictam distinctionem ex dote deduci debeant: non tam facile in vniuersum definiri, quàm per singula ex genere & magnitudine impèdiorum æstimari possunt. Similiter l. 14. in prin. ff. de diuersis tempor. præscript. Scauola: De accelsionibus (inquit) possessionum nihil in perpetuum, neque generaliter definire possumus: consistunt enim in sola æquitate. Aliud exemplum proponitur l. Mania. 13. §. fin. ff. de annuis legatis, vbi idem Scauola: Vxore (inquit) hærede scripta ita cauit: Libertis meis omnibus alimentorū nomine singulis annuos denarios duodecim ab hærede dari volo, si ab vxore mea non recesserint. Quæro, cum paterfamiliâs sua voluntate de ciuitate difficile profectus sit, ea autem assiduè proficiscatur: an liberti cum ea proficisci debeant?*

Respondi,



Respondi, nō posse absolutè responderi: cum multa oriri possint, quæ pro bono sint æstimanda. Ideoque huiusmodi varietatem viri boni arbitrio dirimendam esse. Item quæritur, cum proficiscens eis nihil amplius obtulerit, ac propter hoc eam secuti non sint: an legatum debeat? Respondi, hoc ex longinquis breuibulque excursionibus & modo legati æstimandum esse. *Similiter l. ult. §. fin. ff. de actionibus & obligat. idem Scauola: Seia (inquit) cum salarium constituere vellet, ita epistolam emisit: Lucio Titio salutem. Si in eodem animo, & in eadem affectione circa me es, quo semper fuisti: ex continenti acceptis literis meis distracta re tua veni. hic tibi, quamdiu viuum, præstabo annuos decem: scio enim quòd valde me bene ames. Quæro, cum & rem suam distraxerit Lucius Titius, & ad eandem profectus sit, & ex eo cum ea sit: an ei ex his epistolis salarium annuum debeat? Respondi, ex personis causisque eum cuius notio sit, existimaturum an actio danda sit. Hic, quia magis de facto quam de iure dubitatur (videtur enim Seia ex turpi causa promississe) Iurisconsultus in arbitrium iudicis causam confert. Nam facti questiones, quia certis legibus definiri non possunt, ex arbitrio iudicis pendere, antea docuimus. Vnde Aristoteles quoque lib. 1. Rhetor. cap. 1. ait: Minimam ceterarū rerum*

potestatem iudici tribuendam dicimus: factum vero esse, aut non factum, & fore, aut non fore, esse quodque vel non esse, hac omnia, cum non possit legislator providere, iudicibus relinquenda necessario sunt. Ex his patet, non omnia specialibus legibus definiri posse: & ideo qua legibus definita non sunt, ex arbitrio iudicis pendere. Quod tamen distinctione non caret. Nam quoties certa legē proposita, de eius exceptione dubitatur: exceptio ista, quamvis lege non reperiatur specialiter definita, non tamen ad arbitrium iudicis pertinet, quemadmodum nec ius actionis: ut supra copiosius ostendimus. Quod tamen ita intelligendum est, si non lex eius quod definit, exceptiones nominatim arbitrio iudicantis permittat. Sunt enim leges non absimiles mandatis: quorum alia certa sunt, alia incerta. Certa vocamus ea, quibus certum aliquid alicui mandatur peragendum, vel exequendum, certisq; limitibus circumscriptum, quorum fines is cui mandatum est, salva fide excedere non potest: cuiusmodi mandata patria lingua vocamus *Gemeffene beuelch*. Incerta dicimus ea quib. arbitrio mandatarij negocium mandatur agendum, ut is ex re consilium capiat, & quod putaverit factu opus esse faciat: qua mandata plena appellantur. In quibus exequendis mandatario fraudi non solet esse, licet parum feliciter successerit. si modo bona fide egit: nam dolus malus tacite censetur exclusus. Sic l. creditor. 60. §. Lucius. ff. mandati, cum alicui libera bonorum administratio permissa esset

ita, ac si penes ipsum dominium rerum esset: & quasitum esset, si quid non administrandi animo, sed fraudulentè alienasset, vel vendidisset: an valeret? Scauola respondit, Eum de quo quaritur, plenè quidem, sed quatenus res ex fide agenda esset, mandasse. Non dissimilis est ratio legum, quæ vel certum quid constituunt atq; definiunt, cuius fines iudex salua fide excedere in iudicando nō potest, neq; distinguere, vbi non distinguit lex: vt suprà quoq; ostensum est: vel incertum quid constituunt, iure arbitrio iudicis determinando commissio. vt l. 1. §. prator. ff. de minor. 25. annis, Prator ait: Quod cum minore viginti quinque annis natu gestum esse dicetur: vtique quæ ea res erit, animaduertam. Non dicit, Rescindā, vel in integrum restituam: sed arbitrium rescindendi causa cognita sibi reseruat. Vnde & l. quod si minor. 25. §. fin. ff. eod. tit. Paulus: Ex hoc edicto (inquit) nulla propria actio vel cautio proficiscitur: totum enim dependet ex Prætoris cognitione. Huius generis sunt omnes in integrum restitutiones. Sic enim l. 3. ff. de in integr. restitut. Modestinus: Omnes (inquit) in integrum restitutiones causa cognita à Præatore permittuntur: scilicet vt iusticiam earum causarum examinet, an veræ sint, quarum nomine singulis subuenit. De dolo quoque actionem non aliās se daturum Prator pollicetur, nisi causa cognita. Ita enim l. 1. §. 1. ff. de dolo. malo, ait: Quæ dolo malo facta esse

dicentur, si de his rebus alia actio non erit, & iusta causa esse videbitur, iudicium dabo. *Et l. si oleum. 9. §. fin. ff. eod. tit. Labeo*: Merito (*inquit*) causæ cognitionem Prætor inseruit: nequē enim hæc actio passim indulgenda est. *Aliud exemplum proponitur l. ubicunq. 7. §. interdum. ff. de ventre in possessionem mittendo. vbi Vlpianus*: Interdum (*inquit*) non passim, sed cum causæ cognitione mitti venter in possessionem debet, si quis sit qui controuersiam referat. Sed hoc tantum ad eum ventrem erit referendum, qui cum liberis admittitur. Cæterum si mittatur Vnde legitimi, vel ex qua alia parte: dicendum est, non esse causæ cognitionem necessariam: nec enim æquum est, in tempus pubertatis ventrem vesci de alieno, in tempus pubertatis dilata controuersia. *Aliud exemplum proponitur l. item apud. 15. §. prætor ait. ff. de iniurijs. vbi Prætor ait*: Si quid aliud factum esse dicitur, causa cognita iudicium dabo. *Subiicit Vlpianus interpretis huius edicti*: Proinde siquidem verberatus sit seruus, vel tormentis de eo quæstio habita: sine causæ cognitione iudicium in eum competit. Si verò aliam iniuriam passus sit: non aliter competit, quàm causa cognita. *In hisce & alijs huiusmodi legibus non simpliciter, neq. purè quid mandatur, sed causa cognita, hoc est, si negotij qualitate perspecta*  
iudici

iudici videbitur. Ideoq; probè discernēda sunt causa ordinaria ab arbitrarijs: in hu enim plenam iudex cognoscendi ac statuendi potestatem habet: in illis habet mandatum certis finibus descriptū, quos illi excedere non licet. Proinde Modestinus: Si expressim (inquit) sententia contra iuris rigore data fuerit: valere non debet. l. si expressim. 19. ff. de appellationibus. Planè arbitraria quoq; cause suas leges suosq; limites habent, quos iudex egredi non debet, suaq; propria, quæ iudex observare necesse habet. Primum enim ab hoc iudicis arbitrio dolus malus (vñ suprà de plenis mandatis dictum est) debet abesse. Quoties enim alicuius arbitrio quid permittitur, de boni viri arbitrio accipiendum est affectibus non corrupto. Sic enim l. in personam. 22. ff. de reg. iuris, Vlpianus: Generaliter (inquit) probandum est, ubicunque in bonæ fidei iudicijs confertur in arbitriū domini vel procuratoris eius conditio, pro boni viri arbitrio hoc habendum esse. Et l. si libertus. 30. in princ. ff. de operis libertorum, Celsus: Si libertus (inquit) ita iurauerit, dare se tot operas, quot patronus arbitratus sit: non aliter ratum est arbitrium patroni, quàm si æquum arbitratus sit: & ferè ea mens est personam arbitrii substituentium, ut quia sperent eam rectè arbitratam, id faciant, non quia vel immodicè obligari velint. Sic l. illa verba. 68. ff. de verb. signif, Vlpianus: Illa (inquit) verba arbitratu

Lucij Titij fieri : ius significant , & in seruum non cadunt. *Similiter l. si societatem. 6. ff. pro socio, Pomponius* : Si ( *inquit* ) societatem coieris ea conditione , vt partes societatis constitueres : ad boni viri arbitrium ea res redigenda est. *Et l. si in lege 24. in princ. ff. locati, Paulus* : Si ( *inquit* ) in lege locationis comprehensum sit, vt arbitrato domini opus adprobetur: perinde habetur, ac si viri boni arbitrium comprehensum fuisset. Idemq; seruatur, si alterius cuiuslibet arbitrium comprehensum sit. nam fides bona exigit, vt arbitrium tale præstetur, quale viro bono conuenit. quibus consequens est, vt irrita sit adprobatio dolo conductoris facta. *Alterũ, quod in arbitrarijs causis obseruari debet, est, ne iudex modum arbitrio à lege datum excedat. Sic l. 1. in fin. ff. de iure deliberandi, tempus quidem deliberandi in arbitrium iudicis confertur, sed subijcitur lege sequente modus, his verbis* : Pauciores quàm centum dies non sunt dandi. *Sic l. sacrilegij. 6. in prin. ff. ad l. Iul. peculatus, Vlpianus* : Sacrilegij ( *inquit* ) pœnam debet proconsul pro qualitate personæ, proque rei conditione, & temporis, & ætatis, & sexus vel seuerius, vel clementius statuere. Et scio multos etiam ad bestias damnasse sacrilegos, nonnullos & viuos exussisse, alios verò in furcas suspendisse. Sed moderanda pœna est vsque ad bestia-

rum

rum damnationem eorum, qui manu facta templum effregerunt, & dona Dei noctu tulerunt. Sic modus multa dicenda praescribitur l. 4. & l. 6. C. de modo multarum. Sic quamvis dilationes in iudicijs causa cognita pro arbitrio iudicis danda sint: modus tamen danda dilationis, quem excedere iudex prohibetur, praescribitur l. 1. & l. 7. C. de dilationibus. Sic in familia exciscunda iudicio, quod magna ex parte ad arbitrium iudicis pertinet, iubetur iudex diuisionem à testatore factam sequi: l. 10. l. 16. l. 21. & l. ult. C. familiae exciscunda. Sic denique l. 8. §. si praetor. ff. de transactionibus Ulpianus: Si non de omnibus (inquit) Praetor inquisierit, quae oratio mandatur, hoc est, de causa, de modo, de personis transigentium: dicendum est, quamvis de quibusdam quaesierit, transactionem esse irritam. Hac de modo à speciali lege dato intelligenda sunt: nam regulas generaliores, quae passim in huiusmodi arbitrarijs iudicijs allegari possunt, eam vim non habere, quin si iudici causa cognita aliud videatur, ab ijs recedere non possit, aliquoties antea dictum est. Sunt enim huiusmodi regulae causarum quasi coniectiones (ut l. 1. ff. de reg. iuris, Sabinus ait) ex quibus bonum & equum in causis arbitrarijs conijcitur, non aliter ac ex signis & iudicijs factum, alijs probationibus deficientibus, conijci solet. Proinde si aliunde bonum & equum in causa iudici constet, istam regulam neglectam, quod sibi videbitur, decerneret. Si tamen dubitet, quid

deger-

Substant.  
sententia  
p. ad  
irritam



decernendum sit : regulas istas non aspernabitur. Sed & Doctorum opiniones sequi potest : quinimò philosophorum quoque, oratorum, poetarum etiam auctoritatem, ut aliquid probabiliter in causa pro bono & aequo decernat. Istiusmodi enim auctoritates licet ius non faciant, ut supra dictum est, probabilia tamen argumenta, quorum in arbitrarijs causis usus frequens est, suppeditant. Et hoc quidem tertij proprij loco notandum, quod iudex in causis arbitrarijs regulas iuris & Doctorum opiniones sequi possit, cum in ordinarijs non nisi leges speciales attendere debeat : ut supra est ostensum. Quartum arbitrariorum causarum proprium est, quod in ijs litis contestatione opus non sit : cum in his casum eiusque circumstantias iudex perpendere potius, quam ad statum causae respicere debeat. Non enim iudicandi solum, sed & inveniendi munere in his causis quodammodo iudex fungitur : siquidem non tam de proposito iudicat, quam de omnigenis negotij circumstantijs & qualitate inquirat, ut quid bonum & aequum in causa sit, inuestiget atque decernat. Quod quinti proprij loco notandum, cuius exemplum proponitur l. 3. §. duæ autem. ff. de Carboniano edicto. ubi Ulpianus : Duæ (inquit) sunt causæ cognitiones : una dandæ Carbonianæ possessionis, quæ habet commodum illud, ut pere inde atque si nullam controuersiam pateretur impubes, possessionem accipiat : alia est causæ cognitio illa, utrum debeat differri in  
tempus

Arbitrariarum  
causarum

tempus pubertatis cognitio, an repræsentari: hoc enim diligentissimè Prætori examinandū est, an expediat pupillo repræsentari cognitionē, an potius differri in tempus pubertatis: & maximè inquirere hoc à cognatis, matre tutoribusque pupilli debet. finge, esse testes quosdam, qui dilata controuersia aut mutabunt consilium, aut decedent, aut propter temporis interuallum non eandem fidem habebunt. vel finge, esse anum obstetricem, vel ancillas, quæ veritatem pro partu possunt insinuare, vel instrumenta satis idonea ad victoriam, vel quædam alia argumenta, vt maius damnum patiatur pupillus, quod differtur cognitio, quàm compendiū, quod non repræsentatur. finge, pupillum satisfacere nō posse, & admissos in possessionem, qui de hæreditate controuersiam faciunt, multa posse subtrahere, nouare, moliri. aut stulti, aut iniqui prætoris erit, rem in tempus pubertatis differre cum summo eius incommodo, cui consultum velit. *Aliud exemplum proponitur l. i. §. in honorarijs. ff. de extraordin. cognitionibus. vbi idem Vlpianus: In honorarijs (inquit) aduocatorum ita versari iudex debet, vt pro modo litis, proque aduocati facundia, & fori consuetudine, & iudicij, in quo erat acturus, æstimationem adhibeat: dummodo licitum honorarium quantitas*  
non

Circumferant

non egrediatur. Aliud exemplum proponitur l. aut facta. 16. §. 1. ff. de pœnis. Vbi enumeratis quatuor criminum generibus, quæ puniantur, subiicit Iuriconsultus: Sed hæc quatuor genera (inquiens) consideranda sunt septem modis: causa, persona, loco, tempore, qualitate, quantitate, euentu. Aliud exemplum proponitur l. 8. §. vult igitur. ff. de transactionibus, vbi Vlpianus: Vult (inquit) oratio diui Marci apud Prætorem de istis quæri: In primis de causa transactionis, deinde de modo, tertio de personis transigentium. In causa erit inquirendum, quæ causa sit transigendi: sine causa enim neminem transigentem audiet Prætor, &c. Locus notus est. Postremò, quoniam facti etiam questio in arbitrio iudicis est, in fide probationum examinanda similis inquisitio ab eo facièda est, vt suprà ostendimus. Ex quibus patet, in huiusmodi causis arbitrarijs negocij circumstantias diligenter à iudice excutiendas ac perpendendas esse: quod nisi fecerit, nihil eius decretum valebit, exemplo d. l. 8. §. si Prætor. vbi Vlpianus: Si Prætor (inquit) aditus citra causæ cognitione transigi permiserit, transactio nullius erit momenti: Prætori enim ea res quærenda commissa est, nō negligenda, nec donanda. Sextum arbitrariarum causarum proprium est, quoniam in ijs iudex ipse de varijs circumstantijs (vt iam dictum est) inquirere debet: quod per libellum siue per scripturam huiusmodi causæ  
expe-

expediri nequeant : cùm necesse sit vt iudex præ-  
 sens præsentem audiat , & pro sua prudentia ea  
 qua inquirenda sunt , inquireat. Quod approba-  
 tur etiam l. nec quicquam. §. 1. ff. de officio pro-  
 consulis. vbi Vlpianus : Vbicunque decretum  
 necessarium est , per libellum id Proconsul  
 expedire non potest : omnia enim quæcun-  
 que causæ cognitionem desiderant , per li-  
 bellum non possunt expediri. Concordat ijs-  
 dem verbis l. omnia. 72 ff. de reg. iuris. Sed & con-  
 cordat id quod supradictum est , testibus , non testi-  
 monijs credendum esse. Septimum proprium est , 7  
 quòd arbitraria causa imperij magis sint , quàm iu-  
 risdictionis : ideoq; ijs qui cum imperio sunt , non  
 magistratui municipali competant. Quod appro-  
 batur l. ea qua. 26. ff. ad municipalem. vbi Paulus :  
 Ea (inquit) quæ magis imperij sunt , quàm iu-  
 risdictionis , magistratus municipalis facere  
 non potest. Ideoque magistratibus munici-  
 palibus non permittitur in integrum restitue-  
 re , aut bona rei seruandæ causa iubere possi-  
 dere , aut dotis seruandæ causa , vel legatorum  
 seruandorum. Similiter l. 1. §. si fortè. ff. de dam-  
 no infecto , Vlpianus : Si fortè (inquit) dureretur  
 non caueri , vt possidere liceat ( quod cogni-  
 ta causa fieri solet ) non duum viros , sed præ-  
 tores , vel præsides permissuros : itè vt ex hac  
 causa decedatur de possessione. Huc pertinet  
 quod l. ubicunque. 105. ff. de reg. iuris , Paulus ait :  
 Vbi-

Vbicunque (inquiens) causæ cognitio est, ibi Prætor desideratur. Planè si arbitraria causa ordinaria incidat, puto magistratum municipale, qui de ordinaria cognoscit, arbitrarie quoq, iudicem competentem esse: neq, enim dubium est, facti quæstionem incidentem à principalis cause iudice definiri posse. Postremum arbitrariarum causarum proprium est, quòd in ijs quæ in factò magis quàm in iure consistunt, iudici consulendi superiores magistratus potestas denegetur: l. cum quem. 79. ff. de iudicijs. vbi Vlpianus: Iudicibus (inquit) de iure dubitantibus præsides respondere solent: sed de factò consulentibus non debent præsides consilium impertire: verùm iubere eos, prout religio suggesserit, sententiam præferre: hæc enim res nonnunquam infamat, & materiam gratiæ vel ambitionis tribuit. Huic concordat quod l. 6. in princ. ff. de plagiarijs, Imp. Hadrianus rescripsit in hac verba: Seruos alienos qui sollicitauerit, aut interceperit: crimine plagij, quod illi intenditur, teneatur, necne? facti quæstio est. Et ideo non me consuli de ea re oportet: sed quod verissimū in re præsentis cognoscitur, sequi iudicem oportet. Hac de causis arbitarijs, adeoq, de tota iudicandi ratione tam generali, quàm speciali, sint dicta. Quanquam plura ad iudicis officium pertinentia congeri possunt. Nam inter cætera decet iudicem facilitas in audiendo cum grauitate coniuncta, & animi

animi tranquillitas in respondendo. Sic enim l. 19. ff. de officio praesidis, Callistratus: Obseruandum (inquit) est ius reddenti, vt in adeundo quidem facilem se præbeat, sed contemni se non patriatur. Vnde mandatis adijcitur, ne Præsides prouinciarum in vltiorem familiaritatem prouinciales admittât: nam ex conuersatione æquali contemptio dignitatis nascitur. Sed & in cognoscendo neq; excandescere aduersus eos quos malos putat, neq; precibus calamitosorū illachrymari oportet: id enim non est constantis & recti iudicis, cuius animi motum vultus detegit: & summatim ita ius reddere debet, vt auctoritatem dignitati ingenio suo augeat. Ad eundem modū l. nec quicquam. 9. §. circa. ff. de officio proconsulis, Vlpianus: Circa aduocatos (inquit) patientem esse proconsulem oportet, sed cum ingenio, ne contemptibilis videatur: nec adeo dissimulare, si quos causarū concinnatores vel redemptores deprehendat. Illud deniq; addendum, indignum iudicis officio censendum, qui eloquentia facile moueatur. Conuenit enim iudicem virum esse sapientem. At eloquentia stultos mouet, nō sapientes. Vnde & Cicero: Hac (inquit) in Senatu minore apparatu agenda sunt. Sapiens enim est consilium. & Athenis affectus mouere etiam per praconem prohibebatur orator: quod testatur Quintilianus, addeis, nec bonos mores videri sic à vero iudicē auerti,

11. Off. Pr.

ll. Contra su  
nos mouet n  
sapientas

Lib. 2. de  
Oratore.

Lib. 6. Inst.  
orat. cap. 1.

L nec

nec conuenire bano viro vitij vti. Aristoteles quoq;  
 lib. 1. Rhetor. in princ. interprete Trapezuntio, sic  
 scribit: Quicumq; eloquentia artes ad presens vsq;  
 composuerunt, paruam ipsius particulam adinue-  
 nerunt. Nam cum fidem facere artificiosum tan-  
 tummodo sit, cetera verò accedant: y de enthyme-  
 matibus, quæ persuasionis sunt nerui, nihil dicunt:  
 de ijs autem, quæ præter rem sunt, plurima pertra-  
 ctat. Indignatio enim, misericordia, ira, ceteriq; ani-  
 mi affectus non de ipsa re sunt, sed commouendi iu-  
 dicis causa. Quare si quemadmodū in nonnullis ci-  
 uitatibus fieri solet, maximeq; in ijs quæ bonis legi-  
 bus gubernantur, sic in omnibus quoq; iudicijs esset:  
 nihil profectò haberent, quod dicerent. Nam omnes  
 oportere legibus esse ita constitutū arbitrantur, par-  
 tim etiam vtuntur, ac prohibent præter rem quic-  
 quam dicere, vt Arcopagita, rectè id ita putantes.  
 Non enim oportet in iram, aut inuidiam, aut mise-  
 ricordiam impellendo à recto iudicem flectere: ne si-  
 miles ei simus, qui eam quæ vsurus sit, regulam prius  
 inflectit. Hæc Aristoteles. Hactenus de expositione  
 & argumentatione, quæ in argumentationum in-  
 uentione & iudicio consistit, adeoq; de vniuersa dif-  
 ferendi ratione & arte, quam Dialecticā appellant,  
 tribus libris est actum: quibus si vsus accesserit,  
 pro leguleis habebimus Iuriscon-  
 sultos.



DE LITIS CON-  
TESTATIONE LIBEL-  
LVS TAM NECESSARIVS,  
quàm hæctenus fuit inco-  
gnitus:

EODEM AVTHORE.

Lucretius lib. II.

*Quid dubitas, quin omne sit hoc rationis egestas?  
Nam veluti pueri trepidant, atq; omnia caci  
In tenebris metuant: sic nos in luce timemus  
Interdum nihilo quæ sunt metienda;*



Conscripsi aliquando de litis contestatione libellum, necnon Paradoxa: quæ, quoniam nondû me istorum pœnitet, atque eiusdem sunt materiæ cum Dialectica iuris, recognoui, & Dialecticæ subiunxi. Quod si ea ijs qui in foro versantur, persuadere possem, vt istis in causis disputandis & dijudicandis vteretur, cum Triboniano triumphû eo nomine postulare: quanquam talia sunt, vt declaratione magis quàm probatione indigeant: constant enim sensu communi. Ideoq; vel rusticis, qui Practica Bartoli & praua fori consuetudine nō sunt corrupti, nota sunt. Rusticus enim quidam ex eorum numero, quos Scabinos vocant, aliquando me de iure consulens, in hanc sententiam casum proposuit: Petrus (inquiens) à Iacobo decem sibi solui petit, tanquam à se ei mutuò data. Iacobus obijcit, se decem illa Ioanni, cui totidem Petrus debuerit, soluisse. Petrus ait, solutionem alij quàm creditori factam non prædesse. Iacobus contrà, quoniam Petrus per solutionem Ioanni factam obligatione sit liberatus, frustra ab eo aduersus solutionem excipi ait, quasi alij factam. Negat hoc Petrus. Lis de eo est (inquit)

(inquit) an solutio alij quàm creditori facta, qua tamē creditor obligatione liberatus est, proficiat debitori ad liberationem? In hanc sententiam rusticus mihi casum retulit, & in quo lis contestata esset, demonstravit: vt nō desideres planius dici. Constat enim ex eo genus actionis, scilicet condictio ex mutuo: item exceptio, videlicet solutionis: replicatio item, qua dicitur solutio alij facta: duplicatio quoq;, qua dicitur creditor obligatione liberatus esse: de cuius iure dubitatur, in eoq; status causae consistit. Dignum certē triumpho esset, si quis ijs qui in foro versantur, persuadere posset, vt ad eum modum litem contestarentur, & causae statum indagarent. Plurimum enim ad lites expediendas haec vna res valeret. Sed tuctur eos consuetudo, quo minus ad rationē, imò ad sensum communem redeant. Ita enim moribus receptum est, vt actor pluribus articulis suum argumentum seu actionem proponat, reus singulariter singulis respondeat; vnum negando, alterum multiplicem dicēdo, tertium iuris, quartum facti alieni asserendo, postea suam exceptionem similiter pluribus articulis exponat, cui ad eundem modū quem dixi, actor respondeat: hinc actor suos, reus item suos articulos probet alijs adiectis, vel nouis productis: tanta cōfusione vt tandem

nec aduocatus, nec iudex intelligat, quis totius negocij status sit, quæ principalis, quæ accessoria sit quæstio. Hisce rationibus perit inutiliter tempus, pereunt sumptus, exacerbantur inuicem litigatores, pertesus tandem litigandi iustus cedit iniusto, perit fides & iusticia ciuilis inter eas gentes, quæ de fide cœlesti & religione cum summo Rerumpubl. detrimento inter se disceptant. Istam de causis & controuersijs hominum disputandi diiudicandiq; rationem consuetudo grauis tyrannus introduxit, eosque qui in praxi iuris versantur, à primis practices principijs seduxit, vt ea ijs nunc sint paradoxa. Verùm præterquam quòd lex naturæ nullo iure ciuili vel consuetudine immutari potest, utilitas quoq; publica nobis diuersum debebat persuadere: præsertim cum grammaticos etiam, musicos & alios similes artifices arte potius, quàm erronea consuetudine probemus: & & medicum aspernemur, qui arte posthabita manifestum errorem in curando, sola consuetudine hoc suum factum defendens, sequatur.

QVID

# QVID SIT LITIS CON- testatio?

## CAP. I.



**A**N *esse litis contestationem, quàm quod hodie pro litis contestatione usurpant, ex l. vnica. C. de litis contestatione, conijci potest. Ait enim Imperator: Lis tunc contestata videtur, cum iudex per narrationem negocij causam audire cœperit. Hæc definitio si vera est, quemadmodum certè est: fatendum, hodie litis contestationem in iudicijs non esse, nisi tunc cum acta iudici referuntur iam iam dicturo sententiam. Siquidem antè causam audire non incipit, adeò vt post multas contentiones, probationes & testium examina, si interrogas iudicem quæ sit causa, seu id in quo causa consistit, quod fuerit probandum, & de quo illi sit pronunciandum, plerumque responsurus sit se ignorare: nondum enim causam audiuit, nec acta illi sunt relata. Attamen interim multas dilationes partibus ad probandum concessit, ignarus adhuc quid fuerit in causa probandũ. Sanè recepta est vulgò definitio hæc, quòd litis contestatio sit principalis negocij apud competentem iudicem facta narratio, & ad eam secuta responsio. Quæ definitio cum ex iam dicta l. vnica constat, tui approbatur etiam l. rem non nouam. 12. §. patroni. C. de iudicijs. vbi Imp. Cum lis fuerit contestata*

(inquit) per narrationem propositam, & contradictionem obiectam, &c. Hisce accedit c. vnicum, extr de litis contestatione, his verbis: Non per positiones & responsiones ad eas, sed per petitionem in iure propositam, & responsionem secutam litis contestatio fit. Vera itaque est definitio proposita, sed à paucis hætenus intellecta. Quadam igitur ad eam declarandam adducemus, à vocabulo responsionis initium sumentes. Triplici autem ratione ad id quod propositum est, ab aduersario responderi solet: scilicet vel negando id quod propositum est, vel distinguendo, vel deniq; litem transferendo, vt Rhetores loquuntur, seu (vt Iurisperiti aiunt) actionem differendo. Sit exempli gratia hæc causa in iudicium deducta: Pater cum pro filia dotē daret, pactus est, vt si intra biennium filia sine liberis decesserit, dos sibi à genero restitueretur. Sex mensibus præteritis celebrantur nuptiæ; moritur nullis relictis liberis filia intra biennium quidem à nuptiis celebratis, post biennium verò ab interposito pacto. Pater de dote reddenda generum conuenit. Narrat inter se & generum conuenisse, vt mortua in matrimonio sine liberis filia, dos sibi restitueretur. Filiam autem sine liberis in matrimonio decessisse. Petere itaque sese, vt iudex generum ad dotem restituendam condemnare velit. Hæc de longiore narratione exponi possunt. Triplici autem modo gener reus ad hanc actionem respondere potest. Primò negando pactum de reddenda dote inter-

exp: sit hi  
plis hi

Agudo

interceſſe, ſi putat actorem probatione deſtitui. Deinde diſtinguendo in hunc modum. Si intra biennium à pacto interpoſito filia deceſſet. Sed poſt biennium filia deceſſit. Ergo actionem tanquam conditione pacti deſiciente actori denegandā, reumq; abſoluendum eſſe. Poſtremo litem transferendo, ſeu actionem differendo reus reſpondere poteſt, ut omiſſa cauſa, ex qua agitur, dicat iudicem incompetentem, vel alia ſimili exceptione dilatoria riatur. Quo caſu ipſa cauſa principalis nō aſſutabitur: nec igitur per huiusmodi reſponſionem lis conteſtabitur: cum (ut dictum eſt) litis conteſtatio principalis negotij, hoc eſt, cauſa ex qua agitur, ſit narratio & ad eam ſecuta reſponſio. Nec enim ad ipſam cauſam reſpondet, qui dicit iudicem incompetentē, vel aliam ſimilem exceptionem dilatoriam opponit. Sed nec ſi diſtinguendo reſpondeat reus, lis fit conteſtatio, quamuis ad ipſam cauſam principalem reſpondeatur. Nulla enim lis adhuc apparet iudici, actore dicente pactum de reddenda dote interceſſiſſe: & reo reſpondente: Interceſſit quidem, ſed ſub conditione hac: Si intra biennium filia decederet. at intra biennium nō deceſſit. Videtur enim reus, qui diſtinguendo reſpondet, factum tacite conſiteri, niſi expreſſim poſtea negauerit. Quemadmodum & in hac cauſa, cum dicit accuſator, Hominem occidiſti: & reus excipiendo reſpondeat, Sed vim vi repellendo occidi: videtur fateri ſe hominem occidiſſe. Quanquam a l. 9. ff. de Marcellus Iuriſconſultus: a Non utiq; (inquit) excepti.



existimatur confiteri de intentione aduersarij, cum quo agitur, qui exceptione utitur. *Sed hac verba, De intentione aduersarij: interpretari licet non tam de ipso facto, quam se debere id quod in actionem deductum est. Possunt & de ipso facto intelligi, vt quamuis reus exceptione siue distinctione usus sit, non tamen prohibeatur etiam negare factum: cum nemo pluribus exceptionibus vti prohibeatur: quamuis diuersa sint. b nec pro confesso habebitur, qui expresse non est confessus: quamuis non negauerit. Qui enim tacet (Paulus ait) non vtiq; fatetur, sed tamen verum est eum non negare. c Reus itaque qui factum defendit, & distinguendo respondet, factum non negat. Quo casu lis nondum oritur. Quae enim potest lis vel questio oriri, cum auctori dicenti, Fundum mihi vendidisti, reus respondeat, Sed dolo deceptus, vel errore lapsus. Perinde enim est, ac si respondeat: Vendidi, nisi quod in hoc casu pro confesso habetur, in illo non vtiq;.* Cum itaque nulla lis seu questio ex hac responsione oriatur: litis contestationem per eam fieri, nemo recte dixerit. Quanquam non ignore quosdam scribere, affirmatiue quoque fieri posse litis contestationem. Sed horum opinio falsa est: nisi litis contestationem ceptam pro impleta sumamus, vt inferius dicetur. Nam imperator Iustinianus verbis supra propositis hisce, Cum lis fuerit contestata per narrationem propositam, & contradictionem obiectam: manifeste

ostendit

ostendit, non affirmatione, sed sola negatione fieri litis contestationem. Si enim quis affirmat id quod aduersarius affirmauerat, non contradicit, nec contradictio obiecta dici potest: ergo nec litis contestatio. Sequitur ergo, neque litem transfereundo, neque distinguendo, sed negando tantum fieri litis contestationem. ut puta cum affirmante actore pactum de reddenda dote intercessisse, reus negat. Hac sola responsione fit litis contestatio: cum ex ea sola inter actorem & reum lis seu questio nascatur: ut in casu proposito, utrum pactum de reddenda dote intercesserit, necne? Quod igitur in definitione proposita dicitur, Litis contestationem esse principalis negotij narrationem seu petitionem in iure propositam, & aduersus eam secutam responsionem seu contradictionem obiectam: nihil aliud est, quam quod Rhetores dicere solent Intentionem & depulsionem seu causarum conflictionem, ex qua status cause oritur. Ergo (dixerit forte aliquis) cum reus non negando, sed distinguendo respondebit, iudicium sine litis contestatione procedet? Nequaquam. Sed expectabitur aduersus eam distinctionem seu exceptionem actoris responsio, seu replicatio, qua similiter aut negabit id quod reus distinguendo proposuit, aut rursus distinguet, aut denique litem transferet, seu dilatoriam replicationem obijciat. Tot enim sunt ad exceptionem rei conuenienti respondendi modi, quot ad actionem esse dictum est.

affirmat  
u. m. m.

Litis cont.

est. Sit exempli causa pacti conuenti de non petendo exceptio à reo opposita. Ad hanc actor respondens seu replicans, aut negabit pactum illud intercessisse, aut distinguet fortè hoc modo, Si non postea in contrarium conuenerit vt petatur: vel alio simili modo. aut denique litem à causa exceptionis ad alias eius circumstantias transferet: veluti hoc modo: Sed tibi ex eo pacto non competit exceptio: pactum enim personale est, quod nulli alij quàm paciscenti prodest. Igitur siquidem actor id quod in exceptione propositum est, replicando neget: quoniam ex ea reffensione oritur questio: ibi lis constituenda, & litis contestationem factam esse dicendū est. Sin autem distinguat, vel litem transferat, erit ad duplicationem rei conuenti procedendum, & ad propositam replicationem respondeat, animaduertendum. Vbi eadem quæ diximus, erunt obseruanda. Totidem enim replicatio, quod & actio & exceptio, rationibus elidi potest. Sit exempli causa aduersus repetitionem dotis suprà propositam rei conuenti exceptio hac:

Pactum de reddenda dote intercessit sub hac conditione: Si filia intra biennium sine liberis decederet.

Sed post, non intra biennium filia decessit. Ergo: Actori tanquam deficiente pacti conditione actio deneganda.

Sit item aduersus exceptionem hanc actoris replicatio talis:

Si biennium illud à die pacti interpositi, & non à die celebratarum nuptiarum esset numerandum: exceptioni locus esset.

Sed à die potius celebratarum nuptiarum, quàm à die pacti interpositi biennium est numerandum. Quo casu intra biennium, non post, filia decessit. Ergo:

Exceptioni proposita locus non est.

Hac replicatione actor neq, negat id quod excipiendo propositum est, neq, transfert, sed distinguit. Proinde à replicatione hac ad duplicationem rei conuenienti procedendum. Qua fortè reus negabit assumptionem seu propositionem minorem. Quo casu lis seu questio talis orietur: Pacto de reddenda dote sub hac conditione facto, Si mulier intra biennium moriatur: vtrum biennium illud à die interpositi pacti, an verò à die celebratarum nuptiarum sit numerandum? In qua questione lis constituta seu contestata erit. In hac enim tota causa consistit, *stahy cal*  
qua decisa nulla lis, nulla controuersia supererit. *Donis h*  
*ter.*

Quamuis autem (vt id obiter admoneamus) regulariter quidem à die pacti seu stipulationis interposita tempus, de quo conuenit, sit numerandum: tamen cum de dote intra certum tempus danda vel reddenda conuenit: non antè tempus currere incipit, quàm nuptiae fuerint celebratae. atq, ita de casu proposito consultus respōdi ex l. tali stipulatione. 48 in prin. ff. de iure dotium. Sed hic rursus (credo) mihi obijcietur: Quoniam litis contestationem vis fieri

fieri non vna reſponſione, ſed ab ea procedi ad repli-  
 cationem aſtoris, à replicatione ad publicationem,  
 & vltcrius: non vno die litis conteſtatio fieri poteſt,  
 ſed multo tempore ad litem conteſtandā erit opus.  
 Quoniam non ſolū reo ad excipiendum, ſed aſtori  
 quoq; ad replicandum, reo rursus ad duplicandum,  
 & ſic deinceps dilatio dari ſolet. Quæ dilationes ſe-  
 pe quinquennio vel ſexennio litis conteſtationem  
 perfici non paterentur. Quod abſurdiſſimum erit.  
 Huic obiectioni reſponderi haud difficulter poteſt.  
 Quanquam enim dilationes hodie dari ſolent non  
 non ſolū ad excipiendum, ſed etiam ad replican-  
 dum, duplicandum, triplicandum, & vltcrius: ta-  
 men hoc ſit contra formam iuris antiqui. Nam hu-  
 iuſmodi dilationes veteribus Iuriſconſultis, qui li-  
 tem eo, quem dixi, modo conteſtabantur, prorsus  
 fuerunt incognita, nec vllō loco legibus Romanis  
 conceduntur. Et ſanè quòd l. qui in alterius. 42. in  
 fin. ff. de reg. iuris, dicitur, Eum qui agit, antequam  
 experiatur, certum eſſe debere, cum ſit in poteſtate  
 eius, quando velit experiri, & antè debere rem di-  
 ligenter explorare, & tunc ad agendum procedere:  
 non hanc ſolū habet ſignificationem, vt aſtor ſe-  
 cum certò conſtituat, quo genere actionis experia-  
 tur: ſed etiam animaduertat, quæ exceptione reus  
 ſe ſit deſenſurus, de q; replicatione obijcienda deli-  
 beret: item quo argumento iſta ſua replicatio ab  
 aduerſario poſſit elidi, quāq; triplicatione iſtam  
 aduerſarij duplicationem poſſit refutare, diligen-  
 ter

ter exploret. Istisq; omnibus probè exploratis, tunc demum ad agendum procedat. Quo facto, alijs dilationibus præterquam probationum causa opus non habebit. Idem de reo conuenito dicendum, cui cum citatione libellus transmittitur, & terminus ad respondendum præfinitur. Interim enim cognita actione, qua conuenitur, deliberare debet, vtrum cedere, an contendere vltra debeat: & si contendendum putet, sese instruat, & diligenter omnia exploret, non solum qua vsurus sit exceptione, sed etiam qua replicatio isti exceptioni ab actore possit opponi, quaq; duplicatione istam actoris replicationem elidere queat. Hoc est quod l. i. in prin. ff. de edendo, dicitur: Vt veniat instructus ad agendum, cognita actione qua conueniatur. Vterque enim, tam actor quam reus, de iure suo certus esse debet, antequam ad agendum procedat, nec in ipso conflictu ad tela querenda dilationem petere. Ipsa enim iura non ideo in medio constituta sunt, vt litigatores ad fouendas lites instruamus, litesq; in rebus publ. multiplicemus, sed potius vt ortas lites secundum ea decidamus. Expedit enim reipubl. lites minui, magisq; eas, quamuis iustas (modò ius earum in iudicio non sit propositum) sopiri, quam materiam suppeditando eas foueri ac multiplicari: quemadmodum etiam transactionum non minor quam rerum iudicarum authoritas habetur, licet ijs ius alterius magnopere sit laesum. Hac fuit dubio procul veterum iuriconsultorum & iudicum

ratio, propter quam ad replicationes, duplicationes, & triplicationes querendas dilationem non darent, sed vno eodemq; tempore hisce, si quas litigatores habebant, auditis & cognitis litem contestabantur, seu quid litem faceret inquirebant. Hoc etiam est quod Imper. Iustinianus in definitione litis contestationis supra proposita dicit, Litem contestatam tunc videri cum iudex per narrationem negotij causam audire coeperit: id est, cum argumentis vtriusque partis ex negotio desumptis expositis, id in quo causa consistit, seu causam litis iudex audiuerit atque cognouerit: nec enim causam audire aliud spectare potest, quam ut iudex id, in quo causa consistit, seu statum cause inquireat & indaget: ut eo tanquam causa & genere morbi cognito, facilius negotio medeatur, liteunq; dirimat. Sanè post litem etiam contestatam quandocunque ante sententiam licebat reo exceptionem, & actori replicationem ab initio amissam proponere. a Porro ex iam dictis constat, veteribus Iurisconsultis Litis contestationem nihil aliud fuisse, quam inquisitionem & constitutionem status cause. Statum autem causa Rhetores definiunt, b quod sit quaestio, quae ex prima causarum conflictione oriatur. Cause autem in hac definitione dicuntur argumenta vtriusque partis ex circumstantijs causa siue negotij desumpta. Siquidem cause vocabulum duplici modo sumitur: primum quidem vniuersaliter pro casu seu negotio vel facti specie: deinde parti-

a l. 4. & l. 8.  
C. de exceptionibus  
l. 2. C. sententiam rescindi non posse.  
b Quiatil. Instit. orat. lib. 3. cap. 6.

ae xi q. d.  
facti syb

et q.  
et. d. yact



particulariter pro argumento ex casu desumpto. Sic causa dicitur agendi argumentum, quo actor intendit rem sibi dari oportere: causa excipiendi argumentum, quo reus actionem elidit: causa repli-  
candi argumentum, quo actor elidit exceptionem rei conuerti, & sic deinceps. Ex huiusmodi causarum siue argumentorum conslictione oritur status. Con-  
slictio autem causarum constat ex intentione & depul-  
sione, cum idem altera pars affirmat, altera ne-  
gat, vt supra dictum est. Ex hac conslictione questio,  
non aliter ac ex duorum corporum collisione sonus  
oritur. vt puta cum dicenti actori, Centum mihi sti-  
pulanti promissisti: reus respondeat negando se pro-  
misisse: oritur questio hac, An promiserit? qua que-  
stio status dicitur. Quoties autem alter id quod ab  
aduersario propositum est, non quidem negat, sed  
distinguit, & sic quadam conditione confitetur, con-  
slictio cessat: ideoq; nec status vel questio inde po-  
t est oriri. Vnde nec litis contestatio per illam respon-  
sionem (vt supra ostensum est) fieri potest. Testatur  
hoc etiam Quintilianus a his verbis: Sit accusato-  
ris intentio, Hominem occidisti: si negat reus, faciet  
statum qui negat. Quod si confitetur, sed iure a se  
adulterum dicit occisum: nisi accusator aliquid ei  
respondeat, nulla lis est. Non fuit (inquit) adulter.  
Ergo depulsio incipit esse actoris, ille statum fa-  
ciet. Ita erit quidem status ex prima depulsione,  
sed ea fiet ab accusatore, non a reo. Hec Quintilia-  
nus. In eandem sententiam Rhodolphus Agricola:

arguere p. c.  
de q. m. p. a

arguere

constatio  
affr. f. neg  
stat.

status

de statum  
statu no. q. a  
ont. p. a  
stat. cor.

a Inst. ora-  
tor. lib. 3.  
cap. 7.

# No q. negatib non p. stat sed affir. n. t. b  
p. t. p. hic q. nam p. lare. debeat. n. r. actor

Quam

a lib. 2. de  
Inuentione,  
cap. 12.

B.  
on ex quibus  
causis  
lit. cont.

plures staty  
ex pte.

plures aut  
expt. cum

*Quamdiu* (inquit) *consentanea dicunt*, certum  
est *questionem esse non posse*. Vbi coeperint *consiste-*  
*re*, ita ut alter non progredi longius alterum paria-  
tur, *questio erit*. Porro non quacuis *questio*, quae in  
controuersiam venit, *causa status recte dicetur*; sed  
ea demum, quae ex prima *causarum conflictione ori-*  
*tur*, cuius occasione nascuntur aliae. Vt puta si ex sti-  
pulatu *actione conuentus*, respondendo neget *stipu-*  
*lationem esse factam*: erit haec prima inter actorem  
& reum *conflictio*, ex qua nascetur *questio haec*: An  
stipulatio facta sit? Hic status erit, & caput totius  
reliquae *disputationis*. Iam si actor probaturus quod  
stipulatio facta sit, *instrumentum produxerit*, quod  
= reus falsum asserat, actor falsum esse neget: orietur  
alia *questio minus principalis haec*: An productum  
*instrumentum falsum sit*? quae quidem status *causa*  
non recte dicetur: quia non ex prima *causarum*  
*conflictione nata est*. Similiter si reus non quidem  
stipulationem intercessisse neget, sed distinguendo  
= respondeat, forte se pupillum sine tutoris *authori-*  
*tate promississe*, vel *causam stipulationis nullam vel*  
*iniustam fuisse*, vel non secutam, aliudue quid simi-  
le: & actor ad *exceptionem propositam negando*  
respondeat: ex hac *responsione actoris orietur que-*  
*stio principalis seu status causa*: puta, An reus pu-  
pillus sit, vel sine tutoris *authoritate promiserit*: vel  
causa stipulationis nulla aut iniusta fuerit, aut non  
secuta? Plane possunt eiusdem *causa plures esse sta-*  
*tus*, quoties scilicet plures *actiones vel exceptiones*  
cumu-

cumulantur, pluræque proponuntur argumenta principalia, quorum alterum alteri probando non adhibetur. Unde Quintilianus: a Ex coniuncta (inquit) propositione plures quæstiones & status esse possunt, si aliud negat reus, aliud defendit, aliud à iure actionis excludit. Idem Quintilianus alibi: b Hoc inter omnes (inquit) convenit, in causis simplicibus singulos status esse causarum: quæstionum autem, quæ velut subiacentes, & ad illud quo iudicium cōtinetur referuntur, sæpe in vnum cadere plures posse. In coniunctis verò posse duos vel tres inueniri, vel diversos, ut si quis aliud se non fecisse, aliud rectè fecisse defendat: vel generis eiusdem, ut si quis duo crimina vel omnia neget. Rhodolphus quoque Agricola: c Status (inquit) est id, quo dato, necesse est de causa in hanc vel illam partem decerni. Quasi si plura erunt, quorum vnum probando alteri non adhibetur, possitque quodlibet firmamentum esse quæstionis, plures erunt & status. Alioquin (ut Quintilianus ait) d simplex causa etiam si variè defenditur, non potest habere plus vno, de quo pronuncietur, atque inde erit status causæ: quod & orator præcipuè sibi obtinendum, & iudex spectandum maximè intelligit. In hoc enim causa consistet. Porro ne quis putet, definitionis verba superius proposita hac, Ex prima consuetudine: ita strictè intelligenda, ut sine discrimine in quacunque re partes primum consilient, in ea etiam status causæ sit constituendus. Nam generalis petitio & responsio

a Inst. orator. libro 7 cap. 1.

b Inst. orator. libro 3. cap. 8.

c lib. 2. de Inuen. cap. 12. in fine.

d lib. 3. Inst. orator. capite 6.

Simplex causa

non potest

Ex prima 9: neg<sub>2</sub> statum facit, neg<sub>3</sub> litis cōtestatio rectè dicitur.  
 Veluti cum dicit actor, Debes mihi decem: & reus  
 negat se debere: vt sit quaestio, An debeat? Status  
 enim causa ex prima consflictione, non qua sit circa  
 causam generalissimam, & nimium à sequentibus  
 disputationibus remotam, sed qua sit circa causam  
 propinquam & specialem, sumendus est. Vt ex eo:  
 Vendidisti, Non vendidi: Bona mea rapuisti, Non  
 rapui. non ex eo: Debes, non debeo. nam & actor  
 specialem suae intentionis causam edere tenetur: a-  
 lioquin libellus tanquam ineptus reiiciendus. Hinc  
 Quintilianus: a Inde (inquit) ingens malè inter-  
 pretantibus innatus est error, qui quia primam cō-  
 flictionem legerāt, credidere statum semper ex pri-  
 ma consflictione ducendum. Quod est viciosissimum.  
 Idem alibi: b Status (inquit) non est tale: Habeo  
 ius actionis, Non habes. vt sit quaestio, An habeat? &  
 inde status. Accipiat enim actionem, necne, ad euen-  
 tum pertinet, non ad causam: & ad id quod pronun-  
 ciat iudex, non id propter quod pronunciat. Hoc illi  
 simile est: Puniendus es, Non sum, videbit iudex, an  
 puniendus sit? Sed non hic erit quaestio, nec hic sta-  
 tus. Vbi ergo? Puniendus es, hominem occidisti:  
 Non occidi. An occiderit? Honorandus sum, Non es:  
 num statum habet? nō puto. Honorandus sum, quia  
 tyrannum occidi: Non occidisti. Quaestio & status.  
 Similiter, Non rectè agis, Rectè ago: non habet sta-  
 tum. Vbi est ergo? Non rectè agis ignominiosus: que-  
 ritur an ignominiosus sit, aut an agere ignominioso  
 liceat?

1 lib. 1. cap. 1.  
 a lib. 3. Inst.  
 orator. ca-  
 pite 6.

b d. libro 3.  
 cap. 8.

liceat? Et questio est, & status. Hac Quintilianus. Ex his patet, quod Litis contestatio sit principalis negotij apud competentem iudicem facta narratio, & ad eam secuta responsio, non generalis, sed specialis, neq; in distinguendo, sed in negando consistens, ex qua status causa iudici constare possit. Quoties autem eiusdem causa plures sunt status, quod fieri posse diximus: tunc quoad litis contestationis effectus, hoc est, quoad perpetuandam actionem, item exceptiones dilatorias non amplius opponendas, & quod procurator dominus fiat litis, dicendum est, primam quamq; causarum consuetudinem proprie litis contestationem dici. Quinimò quoad dictos litis contestationis effectus attinet: etiamsi non negando, sed distinguendo respondeatur: litis contestationem factam esse dicendum est. hoc enim casu cœpta litis contestatio pro impleta habetur: ut l. sed et si. 25. §. si ante litem contestatam. ff. de petit. hered. præsertim nostro tempore, quo ad replicandum, duplicandum & triplicandum contra formam iuris dilationes dari solent. Et sic potest admitti quod quidam dicunt, etiam affirmatiuè litis contestationem fieri posse. Sed hac proprie litis contestatio non est, sed pro ea habetur. Quemadmodum etiã pro litis contestatione habetur, si preces Imperatoris sint oblatae, & ad eas rescriptum impetratum, licet aduersarius nihil ad-

huc responde-  
rit.

litis contestatio

Epilogus

l. i. cū l. sequente. C. quando libellus principii datus.

## IUDICIA SINE LITIS CONTE-

statione non rectè procede-

re. CAP. II.

**E**X ijs quæ hæcenus dicta sunt, liquet, quàm longè à litis contestatione absit formula ista, qua hodie passim in iudijs pro litis contestatione vtuntur, hæc scilicet: Animo litem contestandi nego narrata prout narrantur, & dico petita fieri nõ debere. Seu (vt nostri loquuntur) Ich bin der flagen in massen die fürbracht/ nicht gestendig. Witemich darnon zu absolvirn. Nam post huiusmodi litis contestationem iudex aquè incertus est, in quo lis consistat, ac fuit antè. Vera igitur litis contestatio hodie in iudijs non est. Nam per articulos libellos, & ad singulos articulos responsiones, quibus hodie vtuntur, non fieri litis contestationem, ex c. vnico, extr. de litis contestatione, cuius verba suprà posuimus, manifestè probatur. Dicitur enim in eo, Non per positiones & responsiones ad eas fieri litis contestationem. Sed & ipsa ratio hoc dicit. Si enim causa triginta (vt fit) exponatur articulis, & ad singulos articulos singulariter respondeatur, plerosque negando, alios multiplices, alios captiosos, alios iuris, alios facti alieni dicendo, posteaq; haud pauciores opponantur articuli defensionales, quibus eodem modo actor respondet: haud facile constare iudici potest, quis totius negocij status sit, quæ questio principatis, quæ accessoria. Intricatur  
negocium

negocium verius, quàm extricatur. Mihi sanè semel accidit, vt causa quadam in iudicio, eo quo nunc fieri solet, modo disputata, cum iam disputationi finis esset imponendus, & meo more breuiter argumenta vtriusq; partis enumerarem, statumq; causa iudici ob oculos ponerẽ: aduocatus aduersa partis negaret in eo statum esse, alio restio quo statu ficto. Ita post multam disputationem, & probationes, nondum inter nos constabat de statu seu quaestione, quæ in disputationem venisset. Aded omnia disputant & impugnant, ignari ad quod sibi potissimum sit respiciendum. Cum ergo in iudicijs hodie litis contestatio vera non fiat, & litis contestatio sit de substantia iudicij (quod etiam ij, qui quid sit litis contestatio ignorant, fatentur) nemini mirum videri debet, quod hodie tanta de iudicijs omnium hominum querela existat, propter litium tum diuturnitatem, tum incertitudinem. Illud quoque mihi causas agenti semel accidit, vt si iudex litem voluisset contestari, hoc est, inquirere & constituere id in quo lis cõstitisset, nullam litem inuenisset. Ego enim pro reo conuento exceptionem rei iudicatae obijcebam, quam aëtoris aduocatus replicando non negabat: extrabat enim de eare publicum instrumentũ. Sed distinguebat hoc modo: Rem inter alios esse iudicatam. Quod itidem verum erat, sed duplicando rursus distinguebam: Eos inter quos nunc ageretur, heredes eorum esse; inter quos antea actum & iudicatum esset. Exceptionẽ autem rei iudicatae, quæ



defuncto & in defunctum cōpeteret, etiam defuncti  
 heredibus & in heredes dari. Nec hanc duplicatio-  
 nem aduocatus actoris negabat, sed triplicando re-  
 petebat suam replicationem. Ego quadruplicando  
 repetebam meam duplicationem. Ita cum neuter  
 id quod ab altero esset propositum, negaret, nec vlla  
 lis esset: litigatum tamen & disputatum eo quo di-  
 xi modo inter nos est per totum annum. Tandem  
 conclusa disputatione, per totum biennium per ius-  
 dicem stetit, quo minus sentētia ferretur. Ita totum  
 triennium consumptum est in ea causa, quam iu-  
 dex, si litē voluisset contestari, primo die sua sen-  
 tentia finire potuisset: nullam enim litē inuenis-  
 set. Nec dubito, mille huiusmodi causas hodie in iu-  
 dicijs verti, in quibus si iudex litē contestaretur,  
 nullam litē inuenturas esset, sed omnia plana atq;  
 concessa: nisi quod de remotis controuerteretur: vt  
 puta, Debes, Non debeo. In quibus (vt ostendi) lis  
 constituenda non est. Proinde huiusmodi iudicijs  
 conueniunt versus Lucretij:

*Quid dubitas, quin omne sit hoc rationis egestas?*

*Nam veluti pueri trepidant, atq; omnia cecis*

*In tenebris metuunt: sic nos in luce timemus*

*Interdum nihilo quæ sunt metuenda.*

Incertitudinem autem inde nasci, quod litis conte-  
 statio nulla fiat, nemo sana mentis negauerit. In ar-  
 te altercandi (Quintilianus ait) a præcipuum est,  
 semper id in oculis habere, de quo queritur, & quod  
 volumus efficere: quia propositū tenentes in rixam

non

non ibimus, nec causa debita tempora conuiciando  
 cōteremus. gaudebimusq; si hoc aduersarius faciat.  
 In eandem sentētiā Rhodolphus Agricola: a Mar-  
 cus (inquit) Antonius putauit nihil aquē inuare di-  
 cturum, quā respicere quā creberrimē ad id, de  
 quo sit dicturus. Quod nedum in id prodest, ut qua  
 latent in eo facilius acriori mētis intentione eruas:  
 sed ut obserues (quod plerisq; difficilimum est) ut  
 nec plura quā opus est, nec pauciora, nec qua nihil  
 ad rem attinent, dicas. Hoc autem facere nemo po-  
 test, qui non antē fixam exploratamq; quāstionem  
 habuerit, de qua sibi sit dicendum. Sed & Quinti-  
 lianus: b Oratio (inquit) carens recta dispositione  
 tumultuetur necesse est, & sine rectore fluitet, nec  
 cohereat sibi, multa repetat, multa transeat velut  
 nocte in ignotis locis errans, nec initio, nec fine pro-  
 posito, casum potius quā consilium sequatur. Li-  
 quet ergo, tam aduocatis in disputando, quā iudi-  
 cibus in iudicando necessariam esse litis contestatio-  
 nem. Et sanē quemadmodum medico in curandis  
 morbis ante omnia incumbit probē inquirere cau-  
 sam & genus morbi: ita quoq; iudici decidendis li-  
 tibus in primis lis constituenda est, seu quid litem  
faciat inquirendum. Planē in extraordinarijs co-  
 gnitionibus, & causis qua magis officio iudicis, quā  
 iure actionis expediuntur, litis contestatio necessa-  
 ria non est. In his enim iudex pro sua prudentia cir-  
 cumstantijs exploratis ac cognitis decernit: quem-  
 admodum alibi copiosius ostensum. In appellationū

a lib. 2. de  
 Inuent. ca-  
 pite 12.

b lib. 7. Inst.  
 orator. ca-  
 pite 1.

Can. & gen.  
 morbi in p.

negando id quod in actione propositum est, vel distinguendo, vel exceptione aliqua dilatoria utendo. Nam aliud excipiendi vel respondendi genus non esse, alio loco dictum est. Si igitur negat reus id quod in actione propositum est, hoc est, vel ius vel factum actionis proposita: ibi conflictio erit, & questio seu status orietur, in qua contestata erit. Sin autem reus excipiendo distinxerit, transeundum erit ad replicationem actoris, & quid ille ad oppositam rei conuenienti distinctionem seu exceptionem respondeat, videndum. Fingamus, Titium ab aliquo heredem institutum sub hac conditione, Si testatori filius natus esset, usque intra pubertatem decessisset; neque testatoris filium natum. Titium tamen nihilominus ex ea institutione hereditatem petere. Reum autem conuentum excipiendo respondere hoc modo: Titium actorem sub hac conditione heredem institutum, Si testatori filius natus esset, & intra pubertatem decessisset. At horum neutrum factum esse: neque filium natum, neque intra pubertatem decessisse. Ergo ex institutione Titio hereditatem competere non posse. Hac exceptione reus, non negat id quod in actione propositum est, sed distinguit. Iam ergo, quid ad hanc exceptionem actor replicando respondeat, animaduertendum. Fingamus autem eum replicando rursus distinguere hoc modo: Si non aliud voluisset testator. At testator voluit, ut etiam non nato filio Titius heres esset. Nondum litis contestatio perfecta est, cum iudici nondum constet status totius negotii.

Ab hac

Ab hac itaq; replicatione aëtoris ad duplicationem rei conuerti rursus illi procedendum est, & animaduertendum, vtrum negando, an distinguendo reus respondeat: & si neget, vtrum ius, an factum proposita replicationis neget. Ius autem negare nō potest. Siquidem apertissimi iuris est, Voluntatem testatoris scripto præferendam. Si factum negauerit reus, hoc est, testatorem voluisse etiam non nato filio Titium heredem esse: quia ex hac responsione partes inter se conflagrare incipiunt, ista demum duplicatione rei conuerti litem contestatam esse dicendum est, & quæstionem ortam hanc: An testator non nato filio Titium heredem esse voluerit? Quæ quæstio totius reliquæ disputationis caput erit, ac status totius negocij. Hanc litis contestanda & status inquirendi rationem Quintilianus monstrat lib. 7. Instit. orator. cap. 1. Erat mihi cura (inquiens) in controuersijs forensibus omnia nosse, quæ in causis versarentur. Et primum (quod non difficile dictum est, sed tamen ante omnia intuendum) constituerebam quid vtraq; pars vellet efficere: tum quidem hoc modo cogitabam: Quid primum petitor diceret, id aut confessum erat, aut controuersum. Si confessum, nō poterat ibi esse quæstio. Transibam ergo ad responsum partis alterius, idem intuebar. nonnunquam etiam quod inde obtinebatur, confessum erat. Vbi primum cœperat non conuenire, quæstio oriebatur. Id tale est: Occidisti hominem: Occidi. conuenit, transgo. Rationem reddere debet reus quare occiderit.

vit. Adulterum (inquit) cum adultera occidere licet, legem esse certum est. Tertium iam aliquid videndum est, in quo pugna consistat. Non fuerunt adulteri: Fecerunt. Quæstio, de facto ambigitur, cōiectura est. Interim ergo & tertium confessum est, Adulteros fuisse. Sed tibi (inquit accusator) illos nō licuit occidere: exul enim eras, & ignominiosus. De iure queritur. At si protinus dicenti, Occidisti: respondeatur, Non occidi: statim pugna est. Sic explorandum est, ubi pugna, ubi controuersia incipiat: & considerari debet, quæ primam quæstionem faciat. Hactenus Quintilianus, qui quamuis alijs verbis utatur, non tamen aliam litis contestanda vel status inquirendi rationem monstrat. A qua non abhorrent ea quæ Imp. Iustinianus Inst. de replicationibus, & Vlpianus l. 2. §. illud tenendum. ff. de exceptionibus, differunt.

## DE QUÆSTIONVM FOR- rensiū diuisionibus.

### CAP. IIII.

**P**ORRO ex his quæ hactenus proposita sunt, constat, litis contestationem perfici quæstione vel iuris infinita, vel facti orta. Nam cum omnis actio, omnis item exceptio, replicatio, duplicatio, & sic deinceps, ex iure simul & facto constet: nec quæstio oriri, neq; litis contestatio perfici potest, nisi vel ius, vel factum, vel utrumque negetur. Et necesse est, ut vel de iure, vel de facto, vel de utroque disceptetur.

Quem-

Stat, ff. de  
que vel i  
m. fin. l. f  
orte

Quemadmodum ergo ignorantia aut facti aut iuris  
 esse dicitur, l. i. in prin. ff. de iuris & facti ignorātia:  
 ita quæstio de qua in foro contenditur, aut facti est,  
 aut iuris. Siue autem iuris quæstio sit, siue facti: si-  
 quidem ex prima causarum conslictione oriatur in  
 principali negotio facta: status appellatur, & lis  
 contestata. Sin autem ex ea conslictione nascatur,  
 quæ sit non in principali negotio, sed in exceptione  
 aliqua dilatoria: status quidem dici potest, litis au-  
 tem contestatio nequaquam: nisi fortè reus totum  
 sua causæ firmamentum in exceptione ista ponat,  
 ut non tam differendi, quàm perimendi negotij ani-  
 mo eam opponat: puta si vel aëtori, vel aduersus se,  
 actionem competere neget. Sin deniq; in argumen-  
 to aliquo, quod alteri argumento probando adhibe-  
 tur, conslictio fiat: quæstio inde orta nec status rectè  
 dici potest: quoniam non ex prima causarum con-  
 slictione nata est: multo minus litis contestatio in  
 ea facta dicetur. Porro tam iuris quàm facti quæstio  
 non vnius generis est. Nam iuris quæstio infinita,  
 quæ ex disputatione finita quæstionis resultat, aut  
 generalis est, aut specialis: item in facti quæstione  
 aut de ipso facto disceptatur, aut de facti circum-  
 stantijs. de quare alio quoq; loco à me est dictum.  
 Sed & quæ sit tam de iuris quàm de facti quæstione  
 disputandi & iudicandi ratio, in Dialectica  
 mea copiosius ostendi. De litis ergo  
 contestatione satis sit  
 dictum.

# PARADOXA NI-

## COLAI VIGELII IV-

### RISCONSULTI,

AB IP SO AVTHORE RE-  
cognita & aucta.

#### I.

Omnis causa ex qua vel agitur vel ex-  
cipitur, nihil aliud est, quàm  
argumentum.



AVSAB appellatio in iure duo si-  
gnificat: primò casum, ex quo actio,  
exceptio, replicatio, & similia argu-  
menta sumuntur. Veluti: Testamen-  
tum contra regulas iuris fecit Seius  
miles, Titio hærede instituto: testator post bien-  
nium quàm dimissus erat, decessit, non mutato te-  
stamento. Queritur, an scripto hæredi ex eo testa-  
mento competat hereditas? Hic casus priore signi-  
ficatione causa appellatione continetur, ex quo Ti-  
tius agit, reus excipit, actor rursus replicat, & du-  
plicat rursus reus. Nam Titius agit ex testamento,  
quòd in eo hæres scriptus sit. Excipit reus ex modo,  
quo factum est testamentum: scilicet, Quia contra  
regulas iuris factum est, actori ex eo actione dandã  
non esse. Replicat actor: Si non esset testamentum  
militare. Duplicat reus: Sed intra annum post mis-  
sionem testator non decessit. Harationes singula,

Causa signi-  
ficatio

Causa



ex quibus agitur, excipitur, replicatur, duplicatur, posteriore significatione causa appellatione continentur, seq. ad casum habent, quemadmodum partes ad totum: quoniam ex ipso casu sumuntur, ca-

*non est casus*  
*non est casus*  
*non est casus*  
 susq. ex illis constat. Causa ergo posteriore significatione sumpta nihil aliud est, quam argumentum, seu probabile inuentum ad faciendam fidem, quo vel actor sibi aliquid dari fieriue, vel reus se absolui debere conatur probare. Sic in casu proposito Titius petit hereditatem militis defuncti ex hac causa seu hoc argumento, quod ab eo heres scriptus sit. reus negat Titio actionem dandam, seq. absoluendum affirmat ex hac causa vel hoc argumento, quod contra regulas iuris Titius actor à defuncto heres scriptus sit. Quam exceptionem actor elidit hoc argumento, quod testamentum, in quo heres scriptus sit, militare sit, in quo solennitas iuris non requiratur.

*non est casus*  
*non est casus*  
 Quod argumentum leges replicationem vocant. Sed & aduersus hanc replicationem reus aliud producit argumentum seu causam hanc: Quia testator post annum quam dimissus est, supervixerit, testamentum eius iure militari factum euannisse: ideoq. actorem replicatione proposita non inuari. Quod argumentum duplicationem leges vocant: quemadmodum triplicationem vocant causam seu argumentum, quo eliditur duplicatio: Inst.

de replicationibus. l. 2. §. 1. ff.

de exceptionibus.



## II.

Omnis causa, ex qua vel agitur, vel excipitur, in tria verba contrahi & potest & debet in iudicando.

Quoniam autem omnem causam, ex qua vel agitur, vel excipitur, replicatur vel duplicatur, argumentum esse ex iam dictis manifestum est: sequitur eam tribus verbis constare, hoc est (ut Dialectici dicunt) subiecto, predicato & copula. Siquidem omne argumentum nuda constat propositione: nec refert, quod copiosius exponi & amplificari possit, quod utique, praesertim in causis forensibus, est faciendum. Nam debent ij qui rem aliquam disputandam & dyjudicandam proponunt, in principio rem ipsam definire & declarare, ut sciatur qua qualisq; res disputanda sit. Quod & Cicero testatur dicens, Omnem quae à ratione suscipitur de aliqua re institutionem debere à definitione proficisci, ut intelligatur quid sit id, de quo disputeretur. Proinde qui aliquam causam in iudicio proponit disputandam, etsi tribus (ut ostendi) verbis, quemadmodum aliud quodvis argumentum, proponi possit: tamen copiosius ea exponenda est, nec solum quid factum sit, sed, & quis qualisve fecerit, cui cum quo, per quem, ex qua causa, in qua re, quo loco, quo tempore, & quo modo factum sit &c. est indicandum, resq; quae peritur, designanda: non quidem quod vel singula singulariter disputanda sint, vel iudici ad singulas huiusmodi circumstantias in iudicando respiciendum

(nam eam iudicandi rationem extraordinarijs tan-  
 tùm causis, non etiam ordinarijs competere, alio lo-  
 co ostendi) sed ut causa & aduersario & iudici fiat  
 nota: illi quidem, ut ad quam causam sibi respon-  
 dendum sit: huic verò, ut de qua causa sibi sit iudi-  
 candum, sciat. Nam hic est proprius narrationis fi-  
 nis, in causis præsertim ordinarijs, ut causa nota at-  
 que perspicua fiat. Quanquam licet etiam narran-  
 do causam probabilem facere atq; amplificare, ea  
 etiam quæ ad mouendum iudicem spectant adhibe-  
 re, præsertim apud iudicem indoctum, qui magis in-  
 cepto quodam animi motu ad pronunciandum ra-  
 pitur, quàm ducitur ratione. Nam docti & sapien-  
 tes verborum ampullas & lenocinia non curant, nec  
 ijs flectuntur. Etsi enim eloquentia res est præclaris-  
 sima, quæ animos hominum, quò velit, rapere possit,  
 & stultis quidvis persuadere: ea tamen viri sapien-  
 tes non mouentur. Hi enim res, non verba curant:  
nec vano animi motu, sed ratione ducuntur. Cuius  
 elegans exemplum extat apud Ciceronem in Han-  
 nibale Carthaginensi, viro in re militari sapientis-  
 simo, coram quo Phormio philosophus peripateticus  
 homo copiosus locutus esse dicitur aliquot horas de  
 Imperatoris officio, & de omni re militari: tum cum  
 ceteri, qui illum audierant, vehementer essent dele-  
 ctati, quærebant ab Hannibale, quidnam ille de illo  
 philosopho indicaret? hic Pænus respondisse fertur,  
 multos se deliros senes sæpe vidiſſe, sed qui magis  
 quàm Phormio deliraret, vidiſſe neminem: scilicet  
 quòd

quòd pluribus verbis apud se diceret de rebus, quorum longo usu factus esset peritissimus. Ita cum ceteri oratione philosophi copiosa & disertâ vehementer essent delectati: solus Annibal tanquam vir sapiens non fuit commotus.

## III.

De actione & exceptione certius iudicari non potest, quàm si in formam syllogismi vel enthymematis redigatur.

Duplicem differendi rationem Dialectici præseriunt: alteram inueniendi, alteram iudicandi. Prior viam ad inueniendâ argumentâ monstrat: posterior de argumentis inuentis docet iudicare, per modum scilicet argumentationis. syllogismi puta, vel enthymematis, &c. Quoniam autem omnis causa, ex qua vel agitur vel excipitur, replicatur vel duplicatur, argumentum est: iudex qui de huiusmodi causis certius iudicare volet, debet eas in syllogismum vel enthymema saltem conijcere, & tunc singulas propositiones contemplari, num vera sint, & inter se cohæreant. Et siquidem maiorem propositionem nullo iure subsistere animaduertit: poterit istam actionem vel exceptionem, etiam antequam aduersarius ad eam responderit, ex officio reijcere. Quòd si alterutram propositionem ab aduersario negatam videt, affirmanti probandi onus iniungit. Quòd si nihil eorum quæ proposita sunt, ab aduersario negatum sit, sed omnia sub conditione quadam concessa atq; di-

*stinēta: distinctionem istam similiter in argumentationis formam rediget, deq; ea eodem, quo iam dixi, modo iudicabit.*

### IIII.

Ad omnem actionem & exceptionem propositam apertius ab aduersario responderi nequit, quàm aut negando vel factum vel ius propositum, aut distinguendo.

*respondendi ratio: quatum una in negādo, altera in distinguēdo consistit. Nam cum litem transferimus, non ad id quod propositum est, respondemus. Duplex autem ista respondendi ratio auctoritate Dialecticorum approbatur, apud quos vulgaris regula est, Omnem argumentationem solui aut negando eo quod propositum est, aut distinguēdo. Nec ergo reus ad actionem propositam excipiendo, neq; actor ad exceptionem propositam replicando, neq; rursus reus ad replicationem actoris duplicando, & sic deinceps apertius respondere potest, quàm actione, exceptione vel replicatione in syllogismi formam redacta, alterutram propositionem negando aut distinguendo. Exempli gratia: Seius agit ad recuperandum feudum antiquum à patre suo alienatum. Cuius actionis forma talis est:*

*Feudo antiquo alienato, filio alienantis eius reuocandi potestatis iure feudali datur.*

*At pater actoris feudum antiquum N reo alienauit. Ergo:*

*Actori*

*Actori filio eius reuocandi à reo potestas datur.*

*Ad hanc actionem reus respondens aut negabit vel maiorem propositionem, quæ ius continet: vel minorem, quæ factum continet: aut distinguet. Distinguet forte sic: Nisi filius tempore alienationis nondum fuerit natus. Quæ exceptio siue distinctio similiter in syllogismi formam redigenda est, hoc modo:*

*Major gtr  
min. Minor  
factum*

*Feudo antiquo alienato, si filius alienantis tempore alienationis nondum fuit natus, reuocandi eius potestas ei denegatur.*

*Sed hoc casu feudo antiquo alienato, actor filius alienantis tempore alienationis nondum fuit natus. Ergo:*

*Hoc casu actori reuocandi eius potestas est denegata.*

*Ad hanc exceptionem actor replicando rectius & apertius respondere nequit, quam aut negando maiorem vel minorem syllogismi propositionem, aut rursus distinguendo. Quæ omnia cum præcedentibus Dialecticorum constant auctoritate: quæ quidem in disputandi & iudicandi ratione potior haberi debet, quemadmodum Iurisconsultorum auctoritas in iure: quoniam cuiq; in sua arte credendum. Quàm ridiculum ergo sit, pluribus articulis propositis singulariter singulis (ut hodie in iudicijs fieri solet) respondere, alijs astiman-*

*Ridicula 2  
articulis 5  
diuina resp*

*dum nunc relinqu-*  
*quo.*

## V.

Omnis disputatio causæ ordinariæ ad quæ-  
stionem vel facti vel iuris infinitam progre-  
ditur. Ideoq; causa non in personis, nec tem-  
poribus, sed in genere vniuerso à iu-  
dicibus est confide-  
randa.

*Si autem prædicto modo in disputanda causa pro-  
cedatur, peruenitur tandē ad aliquid, in quo partes  
inter se confligunt, quādo scilicet aduersarius ad id  
quod propositum est, non distinguendo, sed negando  
respondet. Nam tunc confligunt partes inter sese,  
quam conflictionem veteres Iurisconsulti Litis con-  
testationem appellant: ex qua oritur quæstio, quem  
Statum vocāt, in quo tota consistit cōtrouersia, est q;  
vel de facto, vel de iure: ut puta cū agitur hac cau-  
sa vel quæstio finita: An ex permutatione cum Titio  
facta danda sit actio? Quoniā constat de genere, hoc  
est, ex permutatione dari actionē: præsumendū quo-  
que, ex permutatione cū Titio facta cōpetere actio-  
nem: donec contrarium probetur, non competere.*

*Quod si reus contrarium probaturus excipiat hoc  
modo: Si nō Titius pupillus fuisset, cum permutatio-  
nem faceret. At pupillus fuit. Ergo ex ista permuta-  
tione actio danda non est. iam si huius exceptionis  
maior propositio negabitur: quæstio iuris orietur  
infinita hac: An ex permutatione cum pupillo facta  
actio deneganda sit? Sin minor negabitur: de facto  
erit cōtrouersia: An Titius pupillus fuerit. Sin verò  
actor*



actor replicando rursus distinxerit fortè hoc modo,  
 Si non locupletior ex permutatione Titius pupillus  
 factus esset: reus duplicando rursus aut negabit vel  
 maiorem propositionem replicationis proposita, &  
 iuris quæstio infinita orietur: vel minorem. & orie-  
 tur quæstio facti, aut distinguet: quo casu ad tripli-  
 cationem actoris procedendum, vbi idem eueniet,  
 quod iam dictum est. Ita omnis circa finitas qua-  
 stiones disputatio ad quæstionem vel facti vel iuris  
 infinitam decurrit, in eaq, desinit. Hoc est quod Ci-  
 cero lib. 2. de Oratore ait, Causas nō in personis, nec  
 temporibus considerandas, sed ad vniuersi generis  
 vim & naturam referendas esse. de qua re licet i-  
 psūm Ciceronem in d. loco differentem videre.

## V I.

Iudex nisi statum controuersiaē in iudicando  
 obseruauerit, certò pronuciare  
 non potest.

Quoniam in disputanda causa tandem perueni-  
 tur ad aliquod vnum, in quo tota causa cōsistit, quē  
 dixi Statum vocari, & à veteribus Iuriconsultis. Li-  
 tem contestatam: nisi iudex statum istum obserua-  
 uerit, certò & constanter de iure cause pronuciare  
 non potest: quemadmodum nec aduocatorum dispu-  
 tationes certa esse possunt, nisi statu isto, ad quem  
 dirigantur, proposito. Quod enim meta currentibus  
 est, & scopus iaculatoribus: id aduocatis in dispu-  
 tando, & iudicibus in iudicando est status cause. I-  
 deoq, ante omnia is est inquirendus, & cōstituendus.

Constituitur autem per litis cōtestationem: de qua antea satis à me est dictum.

## VII.

Iuris quæstio, quæ ex causarum conflictione oritur, non ex arbitrio iudicis, sed ex legum authoritate pendet.

Cum autem statum duplicem dixerimus esse: alium facti, alium iuris: status facti in arbitrio iudicis est, iuris autem status vel quæstio non est in arbitrio iudicis, sed ex legum authoritate pendet. De quo posteriore copiosius libro secundo Dialectices iuris, cap. de thesi disputanda, à me est actum.

## VIII.

Facti quæstio in arbitrio iudicantis.

De priore aut, quod scilicet facti quæstio seu status in arbitrio iudicis sit, copiosius à me dictum est d. lib. 2. cap. De facti quæstione disputanda, in prin.

## IX.

Dilatio amplius quàm semel dari non debet.

Merito inter Paradoxa hoc numeratur: quoniã ut nunc se status iudiciorum nostrorum habet, viginti, interdum triginta dilationes dari solent, eaq; ex causis plerunq; leuissimis: nec ad probandum solum sed & ad excipiendum, replicandum, duplicandum, triplicandũ, &c. Sed & conclusa disputatione, iudex etiam trium vel quatuor, interdum plurium annorum dilationem sibi sumit ad pronunciandum. At legibus cautum est, amplius quàm semel dilatio-

nem dandam non esse, aut ad summum bis, idq; ex magna causa, a nec nisi probationum causa: ut puta si instrumenta ex aliqua prouincia sunt adferenda, vel testes producendi. <sup>b</sup> Hæc atq; huiusmodi alia, quamuis partim apertissimis legibus, partim etiam sensu communi constent, & reuera prima prædictes iuris ciuilibus sint principia: tamen ab iis qui hodie in praxi iuris versantur, & re & verbis negantur, illisq; sunt paradoxa: neq; ij qui reformat, cõis iudicijs præficiuntur, tam crassos errores perspicunt: sed etsi perspiciant, defendere tamen, quàm emendare, malunt. Aded obæcat animos fortuna, vbi vim suam ingruentem refringi non vult: ut Liuius ait. Veror itaq; ne Iurisconsultorum, quem

& clericorum authoritas exitam sit

habitura. Dixi. *Joan. 20. b. f. m. 28.*

# RERVM AC VERBORVM PRÆCIPVE memorabilium

## INDEX.

### A

**A**bsentis loco quis ha-  
beat 287  
aboluere quis possit 239  
absolutionis iniquæ præ-  
sumptio 411  
absurdorum causæ 197  
Acceptisse quis nō videat-  
ur 223 videri quis pos-  
sit 436  
acceptilatio quid sit 20  
acceptoris ius vt resoluat-  
ur 207  
acceptum fieri quid non  
possit 208.  
accessorium quando tol-  
latur 91 quid 217. vt mu-  
tetur 312  
accessorij natura 216  
accidens cuius rei 195  
accidentis appellatione  
quæ contineatur 11 di-  
gnitas vt augeatur mi-  
nuaturque 192  
de Accidente 190. inde  
ad Accusandum inhabi-  
les qui 377  
accusare qui possint 263  
actio ad exhibendum cur  
& quando detur 212

actio an ius 282 de filio-  
familas corrupto vt re-  
cepta 296. 297 de in  
rem verso quando in-  
tentari possit 225 excep-  
tio, &c. quomodo de-  
ficient 507 exercitoria  
& institoria quādo de-  
tur 299 ex stipulatu  
cui & cur denegetur  
195 item quomodo na-  
scatur 210 in causa la-  
tens vt indaganda 346  
iniqua quæ sit 431 man-  
dati quando competat  
209 omnis quibus con-  
tineatur 447. 451 pro-  
pter tempus nulla 512  
quæ admittenda 345  
quando deficiat 111  
quid 297. 345 redhibi-  
toria vnde sumatur 184  
288 temporis præscri-  
ptione quæ non exclu-  
ditur 441 tota quando  
intelligatur mandata  
174 vel exceptio utilis  
quando danda 300 vt  
deficiat 393 utilis quan-  
do non detur 392 vt  
suspens-

# I N D E X.

suspendatur	73	tur 300 in hæredem
actionis cuiuslibet natura		rei non competentes
vnde pendeat	383	152 priuata 16
vnde perspicatur	346	actionum ad finia reme-
actionis describendæ lo-		dia 76 adiuncta 75 an-
ci 79. diuisio 16. & rei		tecedentia 74 conse-
differentia 220. ex pa-		quætia 76 diuisio 72.
cto de retrouendendo		277 forensium quæ-
natura 441. indicialis		siones speciales 97
generalis ad finem reme-		loci speciales 65 pe-
dium 77. modus quis		culiaria nomina 345
fit 381. ope annullanda		præparatoria 76
quæ sint 508 pars 173		actor & reus an eadē esse
persona quot modis		possit persona 259
consideretur 65 prædi-		actor quis 65
catum 70. 71 præiudi-		actoris persona quando
cialis fines 46 Publi-		excipiendi materiam
cianæ natura 234 qua-		suppeditet 377
litas vt præsumatur 486		actore nō probante reus
vocabulum 16 vox 12		damnatus 504
actionem denegare quis		actus quarum sit reum.
possit 274. quamlibet		36 quid ibid.
quæ præcedere debe-		actus legitimi vt vicien-
ant 542		tur 364 natiui & ac-
in Actione damni iniuriæ		cessorij 36
quid obseruandum 297		actuum differentia 37 di-
de Actione & exceptio-		uisio 36 subiectum 37
ne vt iudicetur 563		ab Actibus ducta argumē-
in Actione iudiciali quid		tatio 186
spectetur 66		actum ab omnibus quid
actiones ciuiles quæ 16		videatur 185 per erro-
dolum & culpā rei con-		rem 260 quando non
uenti recipientes 388		valeat 169 quid sit, si
Ecclesiasticæ 16 & ex-		non apparet, quid se-
ceptiones vt confirmen-		quendum 475
tur 345 famosæ perpe-		acta quæ videantur 159
tux 454 in factum cur		solenniter quæ videan-
plerunque desideren-		tur 474

# I N D E X.

Adeundo vnam hæreditatis portionem quomodo reliquæ adquirebantur	174	rarijs versati iudex ut debeat	525
adgnati quorum nulli	201	aduocatos audiendi modus	72
adgnatorum & cognatorum in tutela prærogatiua	324	Aedes vnde constent	170
adgnario vnde	201	ædium materia	30
adiacens ut inferatur	188	æquitas ut spectanda	396
adiacentia accessoria	35	æquitatis estimatio	351
inseparabilia. ibid. natina. ibid. quæ dicantur	33	sectus 394. 395 & stricti iuris pugna	283
qualitatis & quantitatis 33. 34. quarum sint rerum 35. 36. quotuplicia 33. 35. separabilia	35	ætati quando succurratur	352
adiacentium diuissio	184	ad Agendū inhabiles qui	377
ab Adiacentibus ducta argumentatio	183	agentis officium	75
non Adiecta quæ habeantur	357	agi quæ vetita	396
de Administratione rerū	65	agni qui	106. 107
in Adquisitione quæ spectentur	64	de Agris conterminis	37
adessoris officio fungi qui non possint	394	Alienare partē in re communij quis possit	175
adulterij commissi præsumptio	411	alienari res quibus possint	239
in Aduocationis dignitate qui præferantur	289	sola quæ non possint	166
aduocatorum consortio quomodo quis societur	292	alienationis verbum	23.
disputationes sine quibus certæ esse non possint	567	151	
in Aduocatorum hono-		alienationi cōsentire quis possit	239
		alienatum propriè quid.	23
		Alfenus Varus.	61
		allusiones vocabulorum	20.
		per Alluuiōem quod accedit, quale	217
		in Ambiguus quid sequendum	117
		in Ambiguitatibus quæ obseruanda	309
		in	

# I N D E X.

in Amiffione quæ spectetur	64	ceffaria 93 quid 493.413
amittendi res modus 294		quibus conflet 414 vt procedat. ibid. vt foluatur 339
amittere rem quis non videatur	56	argumentationis loci artificiales 126 species 93
amotarum rerum quando poffit agi	228	vfus 3
amplificandi materia unde fumatur	65	argumētationum species 415
amplificationes unde fumantur	374	argumentū ex conditione cōtractus sumptum 407
de Amplificationibus.	373	argumentum quibus conflet 561 quid fit 94. 559
Annullanda quæ	508	argumenti & argumentationis differentia 27
antinomix iuris quò pertineant	57	quo vtitur actor ad confirmandum nomē 345
<i>ἀντινομία</i> vsus	343	argumenta probande cui que reiufficiētia 496
Appius Claudius	62	quæ ad quem modum probandæ cuique reiufficiant 336
Aquæ diuifio	72	argumentorum neceffariorum loci 442 probabilium loci ibid.
Aquilam legē plebifciturum effe	335	Aristoteles 2.40
Arbitrio impunè quādo non pareatur	365	ars quid fit 3
arbitrium inquirendi penes quos 505 iudicis ubi celfet	496	artium materia 43 tractandarum instrumentum 74
ex Arbitrio iudicātis quæ pendeant	396	Artificum differentia 286
in Arbitrio iudicātis quæ fint, vel non	497	in Affen pro hærede gefiffe quis videatur 174
argumentādi à mutatione legis ratio 335 ratio ab vltiore descriptione iuris lege introducēt	334	affumptio quid 438
argumentatio in quibus cōfiflat 339 perfectiffima quæ 421 quādo ne-		Aulus Ofilius 61
		aurum



# I N D E X.

aurum factum quod 20  
 authoritas hominis 107  
     prudentum quale sup-  
     peditet argumentum.  
     108  
 ab Authoritate locus 105  
 ab Authoritate quomo-  
     do argumentemur 112  
 Axioma commune om-  
     nium accidentium 185  
     B  
 Beneficiū cur detur 293  
     Imperatoris vt inter-  
     pretandum 484 Principi-  
     pis quādo incipiat fieri  
     iniquum 319 vt defi-  
     ciat 307  
 beneficia principalia in-  
     terpretari qui soleant.  
     318  
 Boetius 5  
 bonus quis præsumatur.  
     409. 475  
 boni vt efficiendi 286  
 bona propriè quæ nō di-  
     cantur 232  
 bonorum possessio secū-  
     dum tabulas cui detur  
     206  
 bonorum possessionē pe-  
     tere quis nō possit 202  
 bona fides quando præ-  
     sumatur 483  
 bonæ fidei præsumptio.  
     402  
 bonæ fidei quid sit 286  
 bona fide factū quid præ-  
     sumatur 407

## C

Cæcus an magistratū ac-  
     ceptum retinere possit  
     152. 155  
 capite quis non minua-  
     tur 191. 273  
 carceris finis 214  
 C. Cassij Longini descri-  
     ptio 61  
 casus quid 70  
*καταγορεύμενον* quid 10  
 cauillationis propriū 27.  
     29  
 causa à iudicibus vt con-  
     sideranda 566 efficiens  
     quæ 40 impulsiva vt à  
     legibus nominetur 320  
     materialis quæ 42 nul-  
     la vt reddatur 223 pro-  
     hibita ibid.  
 causa quid 39. 443  
 causæ appellatio 559 co-  
     gnitionum quot modi  
     524 consideratio 362  
     eiusdem plures status  
     546 ex qua vel agitur  
     vel excipitur, contra-  
     ctio 561 impulsivæ &  
     finalis differentia 320  
     vocabulum quot mo-  
     dis sumatur 544  
 à Causa finali argumen-  
     tatio 212  
 de Causa pecuniaria iudi-  
     care quis non possit.  
     240  
 in Causa quid inquiren-  
     dum 526  
     causæ

# I N D E X.

causæ arbitrariæ, & extra-	deantur	310
ordinariæ quæ sint	cōmoda cuiusque rei quæ	
corruptentes	sequantur	186
successiuè agentes	in Commodatis quæ re-	
vnus rei plures	quirantur	69
causarum arbitrariarum	comparata imparia 'quot	
propria	generum	233
inde	generum	52
causarum conflictio qui-	quæ & sint	49
bus constet	quotuplicia	50.233
Rhe-	comparatorum & similiū	
torum	differentia	232
causarum diuisio	comparatio maiorum	51
efficientium genera	compromissi pœna an &c	
genera	quando competat	251
plurium idem effectus	concessum in genere	136.
441	331	
in Causis arbitrijs quæ	conclusio quam sequatur	
alleganda	partem	434
cautum debitori in for-	conclusionis materia	435
tem & vsuras, quomo-	condemnatus quis intel-	
do decedat	ligendus	328
Certum quid sit	condictio cui competat.	
Chartæ appellatione	250 quoties detur	425
quid veniat	condictioni an locus pro	
Cicero	necessarijs impēsis do-	
ciuitatis nomine experi	te soluta	283
cui permittatur	conditio fœminarum &	
Clericis & monachis cur	masculorum	288
indulgeatur	pro	
Coercitionem mandare	impleta quando habe-	
quis possit & quando	atur	450
265	conditionales syllogisimi	
cognaris quæ legata	quotuplices	438
182	cōductio quoties sit	157
cognatorum successio.	conductor an & quando	
277	expelli possit	143
commendare quid	pro Confesso quis nō ha-	
79	beatur	538
committenda quæ non	confirmatio quid sit	92
sint	confir-	
292		
committi quæ quibus vi-		

# I N D E X.

confirmationis & confutationis discrimen	339	consentire quis præsumatur	227 qui non videantur	260.359	
confiteri de intētiōe aduersarij quis nō existimetur	538	consequens in syllogismo hypothetico quid	4.8		
confutandi ratio per instantiam	341	ad Consequentias quid non producendum	305		
confutatio formæ	342	consequentium & antecedentium inter se ratio	411		
confutatio in quibus versetur	390 quid sit	93	consilij epitheton	529	
quotuplex	339	realis quæ sit	341		
confutationis loci generaliores & speciales	342	consilium dare quando noceant	364		
personalis vsus	340	de cōstituta pecunia quis teneatur	297		
coniecturā à persona facti sumta	399	constitutio quid	444		
coniecturæ quando non sit locus	114.491	constitutionis personalis vsus	307		
coniecturarum vsus	399	consuetudo quibus de causis custodienda.	296		
coniugata quid sint	32	consuetudinem inueteratā pro lege custodiendam	297		
coniugatorū natura	182	à Consuetudine argumentum	105		
à Coniugatis argumentatio	ibid.	consuetudines contrarius commune introductæ	305		
coniunctionis disiuncti- uæ natura	136	contingētia quæ	48	quotuplicia	229
connexa quæ	38	contingentiū diuisio	48	varietas	227
connexorum cum adiacentibus communio & differentia. ibid. diuisio	39	contractus rei suæ an possit consistere	417		
consensisse in quinq; qui videantur	164	contractus vt infirmetur	367		
consensisse qui uideantur.	186				
consensus effectus	36				
consensui contrarium	54. 260.359				

contra-

contractu sub conditione	<i>λεγωμενον</i> quid	444
inito, quando ex eo agi	Culpa lata quæ	114. 150
possit	levis quid	68 leuissima
contractuum diuisio	69 quid	67
forma vnde 211 instru-	culpæ latæ species	68
menta	finis	114
in Cōtractibus quæ per	culpæ species	67. 69
sona consideretur	culpa quis careat	360
contradictoria quæ	curatoris terminus	213
contradictorium natura	curatoris dationem ante-	
276	cedentia	75
contrahere negocia qui	curatores rationem curæ	
non possint	quādo postulentur	145
contrahi quando videat-	custodiæ quando audiri	
tur	possint	71 vt audian-
contraria quæ	tur	70
contrariorū allegatio		
272	D	
disciplina 2 diuisio	Damnum quod partici-	
35	pandum	186
natura	damni & lucri compara-	
259	tio	119 infecti promissio an præstanda
contumelia vt crescat	195	
375	damnum fecisse quis vi-	
contumelia iure adfici	deatur	197
quis possit	datū repeti quando pos-	
303	sit	438
conualescere tractu tem-	data quæ non videantur.	
poris quæ non possint	224	
205	Decessisse apud suos quis	
conuenticula illicita vbi	fingatur	189
prohibita	decretum propriè quid	
267	appelletur	514
conuentio quæ non va-	decurionū appellatio	20
leat	deductionis in legatis ra-	
144	tio	263
conueniuntis natura	defendere quid sit	128
388	defensio quæ	348 quan-
species 22	do necessaria vel non	
verbum		
ibid. 86	O	fit
corpori accidentia		
60		
corrupti appellatio		
133		
Crimen qualitate vt con-		
sideretur		
363		
crimen nullum quis pa-		
tiatur		
360		

# I N D E X.

fit 347	quando per-	deſiſſe quid non videat-	
miſſa	115	tur	250
deſenſor mariti quatenus		Dialeſtica cur organum 2	
condemnandus	128	quid 1.2. 95	quotu-
deferri in publicam no-		plex 3.4 vnde dicta 1	
tionem quæ res debeat		Dialeſtica Agricolaæ ad-	
492		umbrata methodus 7	
definiendi difficultas	80	Dialeſtices diuiſio	94
definitio acciðentalis quid		effectus 2 materia	95
19 cauſalis quæ	18	pars <i>ſupremæ</i> 413 pro-	
eſſentialis quæ ibid.		prium 5 vſus 2	
ex conſuetudine ſum-		dicti veri vel falſi præſum-	
pta 106 nominis	19	ptio	410
quid 17 vicioſa	127	differentia abſoluta quæ.	
definitionis proprium	18	26	
definitiones exemplares		differentia quæ 57 quid	
20		25 reſpectiua quæ 26	
definitionum genera	18	differentiæ diuiſio ibid.	
deſuncti iudicium agno-		differentiarum loci	27
uiſſe qui dicantur	226	dignitatis cõtemptus vn-	
deiecti & eſſuſi quis non		de	47.529
teneatur	365	à Dignitate hominis ſum-	
delictorum ſpecies	357	ptum argumētum	290
deminutionis natura	74	dilatio quoties dari de-	
deminutiones vnde ſumā		beat	568
tur	ibid.	dilationes hodie vt dari	
deportationis ius cui non		ſolent	542
competat	240	dilemma quid	418
depoſitum vbi reſtituen-		diligentiæ exemplum	286
dum	70	diſcendi cupiditas. ibid.	
depoſiti quis teneatur	68	modus 2 munus ibid.	
pro Derelicto quæ habe-		diſſuaſtiuum quid	260
antur	169	diſparata quæ	57
deſcriptio quæ 19 quid 5		diſparatorū genera. ibid.	
in Deſcriptione quæ ob-		diſpoſitio generalis in	
ſeruanda	11	ſpecie propoſita inuti-	
deſiſſe habere quis non		lis 141 in toto ceſſans	
videatur	249	174 partium ad totum	
		extenſa	

extensa	175	Doctorem opinionem cuius	108
dispositionis generalis ratio cessans	142	quem habeat usum	524
dispositionis verbis quando standum	326	dolus malus quid	127
disputandi de iure ratio.	286	dolus quando presumatur	483
disputatio causae ordinariae quod progrediatur.	566	quis intelligatur	150
disserendi ratio Dialecticis quatuorplex	563	vbi non praesumitur	404
dissimilitudinis exemplum	53	doli clausula	132
dissoluerendi vnumquodque naturalis ratio	311	doli mali actio	519
distinctio quatuorplex sit.	341	definitio	67
distinctiois causa favorabilis	304	natura	148
exemplum	350	doli praesumptio	407
distinctiones rei	342	de Dolo actione venditi	
distinguendi ratio	327	quis teneatur	252
distributio quid	5	dolo malo facere quis non videatur	360
distributionum in autoribus observatio	7	qui careant	422
diuisio nominis quid	5	dolo quid fiat	358
diuisio quid. ibid. quatuorplex. ibid. rei	6	non careat	107
diuisionis a partitione differentia. ibid.		dominium ex qua causa non adquiratur	510
diuisionis loci. ibid. specialis praecipua. ibid.		dominii intentio quando non absumatur	275
a Diuitijs & paupertate sumpta argumenta	290	dominus serui sui factum praestare an debeat	419
Docendi munus	2	domus tutissimum refugium	214
docendi ratio. ibid. quatuorplex	3	donatio an possit retrahi	404
		ex post facto confirmata	255
		inter virum & uxorem quatenus prohibita.	280
		donationis inofficiosa querela introducta.	296
		donationis verbum	23
		& muneris collatio	58

# I N D E X.

dos an &c quando repeti possit 204 stipulanti sub cōditione promif- sa an debeatur 299 vt retineatur ibid.	producatur 209 effectus dignitas 196 prædicata ibid. effectuum cōtrarietas 265 diuifio 47 genera 200 numerus 47 origo ibid.
dotis actione quis obli- getur 253 non fecutis nuptijs pactæ præsum- ptio 412 repetitio cui danda 220 retinendæ ratio 326	Eloquentia quos moue- at 529 Emancipatus nomen filij vt amittat 201 emancipati quæ iure ad hæreditatem vocentur 270 emancipatorum liberorū fucceffio 276 emanforis à fugitiuo dif- ferentia 366 emere bona fide quis præsumatur 402 emptio nulla 359 nullius momenti 402 emptio quando intelliga- tur esse 157 quarum fit rerum 10 valida 363 emptionis verba quæ funt complexa 151 ab Emptione abiri quan- do possit 162 ex Empto quādo agi poffe fit 106 Enthymema quid 421, 423 enumeratio quò pertine- at 417 Erroris effectus 48 Euathlus 445 cuictionis nomine quis non
ex Dote quæ impēdia de- duci debeant 516 in Dubijs quid agendum. 116 quid fequendum 146. quid fpectandum 121 duplæ ftipulatio pro par- te quinta præftanda 166 duplicatio quid 56. 384. 560 duplicationum inuenien- darum ratio 383 E Ecclefiz actiones quo tē- pore tollantur 311 Edictum D. Hadriani 91 quando quiefcat 324 edicti D. Hadriani fubla- tio 312 aduerfus Edictum feciffe quis dicatur 107 Effectus contingens 48 neceffarius. ibid. quādo deficiat 200. 211 quando poffit exiftere ibid. quid 47. vnde denominetur 210 vt	



non obligetur 167 obligatio vt non deminatur 166  
 de Examine probationū 497  
 exemplum quid sit 421  
 exempli mali res 126  
 in Exemplum quæ non trahenda 158  
 exempla quid sint 152  
 exceptio a loco facti 364  
 a persona facti 351  
 exceptio aduersus actionem de dolo 368 item empti & venditi 367  
 ex stipulatu 368 ex stipulatu de cuietione 370 hypothecariam 355  
 exceptio aduersus contractus 367 fideicommissi petitionem. ibid.  
 incesti crimen 362  
 iniuriarum actionē 371  
 interdictum Quod vi aut elām 355 interdictum Vnde vi 363.368  
 legati petitionem 369  
 legis Aquiliæ actionem 352 mandati actionem 366  
 pœnam compromissi 365 iudicatam 369  
 sacrilegij accusa- tionem 365 testamen- tum 370 vlcupationem 356  
 exceptio casus fortuiti 360 compensationis quæ sit 341

exceptio cui competat 77.239 dilatoria 382  
 doli cui competat 358  
 exceptio doli mali cui competat 78 cui ob- flet 361 quando non desideretur 337  
 exceptio erroris cui com- petat 358 exclusoria 385 ex quibus detur causis 274 ex re petita 512 ex specie facti sum- pta 363 fideiussori quæ detur 253 fideiussori- bus quæ denegetur 153  
 in causâ latens vti inda- ganda 346 ineptæ actionis 381 inepti li- belli. ibid. in quibus consistat 347 ipso iure nulla 510 iracundiæ cui & quando compe- tat 360 metus cui & quando competat 359  
 necessitatis quâdo cō- petat ibid. omnis in quibus versetur 390  
 pacti conuenti 370  
 pacti conuenti de non petendo cui competat 388 & aduersus quem. ibid. pacti quando de- tur 350 peremptoria 382 prohibita cumu- lationis actionum 381  
 quid 56.88.264.345.350  
 rei iudicatæ annocet necne 284 item cui

# I N D E X.

- noceat 59 senatuscon-  
 sulti Velleiani vnde su-  
 matur 288 vt firmet vel  
 restringat regulam 329.  
 330 utilis quando dan-  
 da 306  
 exceptionis doli mali ad-  
 iunctum 76  
 exceptionis effectus 329.  
 330 inuentio 390 nau-  
 fragij tempus ibid.  
 non numeratę pecunię  
 tempus 389 ope annul-  
 landa quę sint 308 præ-  
 dicatum 77 tempus  
 quid valeat 389  
 ad Exceptionem rei con-  
 uenti quot responden-  
 di modi 339  
 exceptione pacti quis  
 submouetur 309  
 exceptiones à causa facti  
 357 à modo facti sum-  
 ptę 362 ab instrumen-  
 to facti 367 actionem  
 differentes 376 actio-  
 nem in totum perimē-  
 tes 375  
 exceptiones aduersus in-  
 strumenta vel contra-  
 ctus 362 pacta & trans-  
 actiones 352 testamen-  
 ta 367  
 exceptiones dilatorię 340  
 quę dicantur 389  
 quando obijciantur ibi.  
 vnde sumantur 377  
 exceptiones ex accidenti-  
 bus sumtę 356 ex loco  
 actionis 380 ex modo  
 actionis 381  
 exceptiones ex persona  
 iudicis 379 procura-  
 toris ibid. rei con-  
 uenti 378  
 exceptiones ex re petita  
 sumtę 375 ex re 354  
 extēpore actionis 382  
 ex tempore facti 366  
 exceptiones iniustę 87  
 loci à consequentibus  
 372 omnium vel plu-  
 rium actionum cōmu-  
 nes 347 peremptorię  
 quando obijciantur 389  
 perpetuę & perempto-  
 rię 375  
 exceptiones vnde suman-  
 tur 350 vt inueniantur  
 346  
 exceptionum genera 87  
 in causis latentium in-  
 ueniendarum ratio 382  
 loci 87 peculiaria no-  
 mina 345 personalium  
 loci 353  
 in exceptionibus quid  
 considerandum 385  
 excusatio quarum rerum  
 non sit 287 eius causa  
 360  
 exitus mali causa 197  
 expilatorum pœna 315  
 expositio quid 4  
 expressorum & non ex-  
 pressorum ratio 323

Facere

## F

Facere, & pati in eodem  
262  
factum iudicis irritum 215  
factum per se improbabile  
quomodo defendatur 357  
per se malum ut reddatur bonum 216  
factum quibus non tollatur  
188.357 ut præsumatur vel non 193  
facti præsumptio unde sumatur 107  
quæstio unde pendeat 396.568  
ad Facti quæstionem probandam quæ necessaria 397  
in Facti quæstionib<sup>9</sup> quid sequendum iudici 498  
facti status in quo sit 568  
stipulatio 195  
varia significatio 477  
Falcidiæ quando sit locus 343  
fama quatenus probet. 398  
descriptio ibid.  
in probando usus. ibid.  
favorabiliores qui 119  
favoris interpretatio 125  
favore constituti ratio. 317  
Febris an. morbus fonticus 127  
diem iudicii an differat. 422  
quid ibid.  
Fictionis exemplum 190  
fides testibus quanta sit habenda 397

fidei bonæ effectus 50  
fidem bonam quis non habeat 158  
fideicommissum à quibus possit relinqui 351  
inutile quod 293  
fideicommissorum ius ut introductum 417  
fideiussori exceptio denegata 316  
fideiussores ut non obligentur 218  
fideiussorum finis 45  
fideiussoribus quæ exceptiones non accommodentur 152  
fideiussores pro tutore datos quis probare debeat 466  
filiusne aliquis sit, an non 490.  
iustus quis 406  
filij appellatione qui contineantur 155  
filij ut exhibendi 252  
filiorum finis 45  
filijs naturalibus quātuna relinqui possit 316  
finis conferens 46  
quod-  
tuplex. ibid.  
summus seu principalis. ibid.  
& officij differentia ib.  
quid. 45  
finium dignitas. diuersa 220  
Fluminis & rui differentia 107  
Formina clarissima quanta diu censeatur 201  
O 4 fori

# I N D E X:

fori præscriptio 379 vn-  
 de sumatur 290  
 forma media seu Stata  
 420  
 forma quid 43  
 Fructus ex quo fundo nō  
 debeantur 163 legatus  
 194 quo iure percipia-  
 tur 196 rei quis 23  
 in Fructu esse quæ neque-  
 ant 220 hominis quæ  
 esse non possint 183  
 fructuum finis 95  
 in Fructuum perceptione  
 quæ inspicienda 196  
 frumentum instrumento  
 an cedit 109  
 Fundus cum micipijs le-  
 gatus 138 legatus qua-  
 lis dandus 35 instructus  
 legatus 138 totus no-  
 ster quis 171 vniuersus  
 vt præstandus 168  
 fundi communis portio  
 quando debeat 171  
 fur ab abigeo quomodo  
 discernatur 356 quis  
 127  
 furtum negatum quando  
 non censeatur 150 quid  
 430 vt fiat 364  
 furti quando competat ac-  
 tio 483 actio negata  
 quid significet 149 non  
 facti præsumtio 402  
 pœna ratione loci 365  
 in Furto quæ exigantur  
 357

## G

Generationis & corru-  
 ptionis natura 274  
 genus de quibus prædi-  
 cetur 150 generalissi-  
 mum 21 quid ibid.  
 quoduplex ibid. sub-  
 alternum ibid.  
 generis & speciei natura  
 149  
 generi certa qualitas ad-  
 iecta 139  
 de Genere quæ prædicen-  
 tur 152  
 generum, quibus certæ  
 sint species, natura 137  
 Gladiatores prohibiti 324  
 Grammatices partes 89  
 graminaticorum metho-  
 dus ibid.

## H

Habere desijisse quis vide-  
 atur 65  
 habere, verbum, vt acci-  
 piendum 328  
 habitatio legata quando  
 videatur 139  
 habitus quādo præsuma-  
 tur 480. quomodo &  
 vnde æstimetur 275  
 hæres esse quis nō videat-  
 ur velle 187 necessa-  
 rius quis fieri nō possit  
 205 qui legatum de-  
 bet, quomodo sit obli-  
 gatus 417  
 hæredis potestas qualis,  
 50.255

ad

ad Hæredem per vniuersitatem quæ tranſcant	166	imperitiæ genus	69
hæreditatis appellatio	150	imperium vt videatur mandari	222
diuiſio 30 legitimæ non repudiatæ ſignum	359	impoſſibile natura	357
partes	32	imprudentiæ quâdo ſuccurratur	352.359
Hermaphroditus cuius ſexus	60	Incile quid	44
Hermodorus	61	inconuenientium cauſa.	197
Historicorum ordo	8	indebitum non fuiſſe debitum, quis probare debeat	467
Homo quid	30	non ſolutum, vnde præſumatur	400
hominum natura	286	probare quis debeat.	408
homicidij excuſatio	216	indictorum uſus	226
inſtrumenta 74. materia	209	indiuiſibilia lege	169
honestiora quâdo ſequenda	122	inductio vt procedat	417
in Honoribus diſtribuen- dis quid ſequendū	286	quid ſit 416 vt inſir- metur	419
Hypotheſis quid ſit	100.	infectum fieri quid ne- queat	188
443		inſiciatio quæ 348 quo- tplex	ibid.
hypotheticus ſyllogiſmus	428	inſirmari iure ciuili quæ non poſſint	275
quis		ingenuitatis argumenta.	290
I		ingenuus quis accipien- dus	398
Ignorantia quando præ- ſumatur	482	iniuria atrox vnde æſti- metur	674
quotu- plex	558	iniuriæ æſtimatio	375
ignorantiæ excuſatio	266	quibus augeatur mi- nuaturq;	192
præſumptio	406	iniuriam remiſiſſe quis di- catur	372
Immunitatis argumētum	290	iniuriarum actio quæ	129
impenſæ quæ non dedu- cendæ	337		
Imperatoris authoritas.	394		
imperitia vt detegatur.	260		

# I N D E X.

quādo extinguitur	372	521 in quibus causis	
iniuriarum iudicium ex		supplere possit vel nō	
quibus causis non de-		309 quis 65 sine quib.	
tur	362	pronunciare non pos-	
institutionum iuris me-		sit	567
thodus	6	iudicis descriptio	528. 529.
instrumentum Iuriscon-		o circa probationem par-	
sultis quid	128	tes 459 in arbitrarijs	
instrumento quæ cedant		causis officium 522 in	
138		dijudicandis causis mu-	
instrumenta quid sint	73	nus 443 in supplendo	
instrumentorum appella-		eo quod partib. deest	
tione quæ accipienda		officium 501 officia 73	
74. 367 subiectum 74. 75		392. 528 officium in bo-	
intentio ambigua vt ac-		næ fidei iudicijs	53
cipienda	121	apud iudicem indoctum	
interdictum demigrando		quid agendum	563
inuitatum esse	334	iudicum incitua 444 offi-	
interdictum Vti posside-		cium	75
ris 83 cui detur	284	iudicādi exemplum 447.	
interlocutionum impera-		452 præcepta specialia	
toriarū authoritas	308	443 ratio vbi cognos-	
interpretatio vitiosa	124.	scenda	445
125		iudicandū quibus sit	308
interrogationis factæ pro-		iudicata inter certas per-	
batio cui imponi de-		sonas	307
beat	466	iudicium-quandiu exten-	
inventionis loci	94	dendum 382 sine causæ	
Itineris natura	435	cognitione in quem	
Iudex ad officium suum		competat	520
impertiendum an te-		iudicij diem quæ differāt	
neatur 512 audire quan-		422 fundamentum 451	
do incipiat 535 in diju-		possessorij finis	45
dicandis causis quos		iudicia hodierna	505
imitari debeat 479 in		iudiciorum adiuncta	75
quibus causis plenam		consequentia 76 incer-	
cognoscēdi ac statuen-		titudo vnde nascatur	
di potestatem habeat		552 reformatio vnde	
		peten-	

petenda	445	89	
iudicia sine litis contesta- tione non rectè proce- dere	350	iuris vox	282
iustitiæ fundamentū	305	ius commune quæ non tollant	325
ius ad aliū transferri quod possit	255	ius redditus officium	34
ius ciuile quod	28	in Iure ciuili vt doceamur	393
ius constitui quomodo possit	276	iure concessum quid vi- deatur	477
ius gentium quod	29	iura cur constituta	543
ius idē & diuersum quan- do sequendum	296	quibus opitulētur	287
ius legitimum quod	40.	iura diuersa conciliandi	ratio
112			281
ius naturale quale	435.	iura eadem qui sibi vindi- cent	299
quod	28	iurisconsulti qui	108
ius originis vnde statua- tur	289	iurisconsultorum autho- ritatis exitus	569
ius publicum quādo non remittatur	145	iurisdicctio quotuplex	3
ius quid 3. 11 quot modis accipiat	342	iurisdicctionis requisitum	222
rei spe- cies 150 singulare	297	datæ consequens	ibid.
vnde dictum 19 vnde sumatur 302. 391 vt præ sumatur	477	iurisdicctione mādāta quæ non transferantur	265
iuris accidentia 12. 13 cau- sæ efficientes 40 diui- sio	37. 45. 213	iusiurandum à fideiussor- e exactum cui profi- ciat	254
iuris mutatio 90 nomen vnde descendat 93 sub- iecta 11 quæstio quo- tuplex 443 scripti defi- nitio	18	iustus quis	157
iuris status vel quæstio vnde pendeat	568	iustitiæ prædicata	183
iuris vltior descriptio		proprium	29
		ex Iussu adijsse quis non videatur	173
		L	
		Lanz appellatio	129
		Legari quæ non possint	414
		lega-	



# I N D E X.

legatum an & quomodo debeat 317 conferri vt possit 326 & fidei- cōmissum vt extingua- tur 212 inutile 329 per quæ non vitietur 207 peti vt non possit 439 quibus nō vitietur 170	rat 314
legatum plenius & exi- guius quæ efficiant 135 quæ amplificent 136	lege Pompeia de parrici- dijs quis teneatur 209
legato numero numorū, nec appatente qualita- te, quæ exquirenda 399	leges cur abrogentur 323 cur nos teneant 40 vt constitui possint 335 vt introducantur 311
legato quæ non contine- antur 218	legum antimonía 86 cau- sæ efficientes 18 decla- ratio 86 finis 18 inter- pretatio quibus per- missa 304 materia 18 priorum per postero- res explicatio 310
legato signo, quale ponē- dum 405	leges extendēdi ratio cui permittenda 300 ex- tendere cui concessum 394 nouas constituen- di ratio 301 sanctas esse 182
legata data vt crescāt 263 plura quando intelli- gantur 102	per Libellū expediri quæ non possint 326
legatorū deminutio 264 stipulatio qualis 33	liberationis causæ 274 276 causæ efficientes 42 species 151
in Legatis quæ scriptura valeat 369	liberatus in solidum quis non dicatur 174
lex militaris 85 naturæ 130	liberi qui non sint 211 quorum conditionem sequantur 289
lex quid 18.19 vt cesset 313	liberorum illegitimorum causa 193
legis & rationis compa- ratio 302	liberos habere quis dica- tur 55.261.439
legis exceptio 87 genus 18 Iulix Miscellæ sub- latio 312 mutandæ ra- tio ibid. officium 84 propter necessitatem latæ vsus 306 ratio 85 virtus 36.84	libertæ connubium qua- tenus adimatur 314 libertas nullius momenti 406
in Legem quis commit-	

liber-

## I N D E X:

libertatis encomium 36  
ligni appellatio 43  
lis contestata quæ 444  
    quando videatur 535  
    vade dicta 444  
lis quomodo contestan-  
da 554  
litigandi verecundia 286  
litis cōtestandæ mos vul-  
gatus 550 impropria  
significatio 447  
litis cōtestatio an per af-  
firmationem fiat 538  
cœpta pro cōpleta 549  
in quibus necessaria  
non sit 553 quid sit 535.  
549 veteribus Iuriscō-  
sultis quid fuerit 544.  
566 vt fiat 458.536  
litis contestationis defi-  
nitio vulgata 535  
litem contestatam quæ se-  
quantur 544  
litium diuturnitatis causa  
444  
litus cuius iuris 79  
Locationum materia 66  
locus à qualitate 363  
loci à cōsequentibus re-  
gula 371  
loci à fundo separatio 167  
loci actionum speciales  
294 argumētationum  
quid sint 103 artificia-  
les qui sint 104 com-  
positi thematis specia-  
les 295 externi 17. 38  
inartificiales qui 104  
interni qui 17 inuen-  
tionis quotuplices 104  
medij qui 17 persona-  
rum 59 rerum specia-  
les 293  
locorum differentia 71  
diuisio 17 genera sum-  
ma 285 plurium utili-  
tas 188 vsus 335  
locuples quis nunquam  
habeatur 355  
locupletes qui non dican-  
tur 188  
Lucrum ad quem perti-  
neat 261  
lucris & damni ratio 271  
lucris species 23  
M  
Magistratus municipalis  
quæ facere non possit  
527  
magistratus descriptio 63  
ad Magistratum aspirare  
qui prohibeantur 152  
magistratū gerere an cœ-  
cus possit 415  
magistratuum creatio ad  
quos pertineat 323  
malæ fidei præsumptio.  
402 signum 433  
maleficia quæ distinguāt  
357  
mancipiorum differentia  
288  
mandatum nullum 366  
mandatum quādo valeat  
144  
mandati qui non tenean-  
tur

# I N D E X.

tur	265	minorum auxilium	318 de
mādata certa quæ sint	518	scriptio	59 privilegium
incerta quæ sint	ibid.		53
manumissio quando ni-		minus cui liceat	164 in
hil operetur	273	quo infit	158
manumissionis origo ibi.		Modi & conditionis dif-	
instrumenta	74	ferentia	73
maritus in quantum face-		modi subiectum	72
re potest, quatenus cō-		mora quando fieri intel-	
demnandus	251	ligatur	516
materiæ significata	42	moram facere quis non	
matrē quis sequatur	130	videatur	361 passus
in Matrimonij contra-		quis intelligatur	165
hendis quæ inspicien-		morbus fonticus	35
da	423	moribus improbata quæ	
Medici finis	46 officium		126
ibid.		Mulctæ dicendæ modus	
medico in curandis mor-			523
bis quid incumbat	553	mulier adulterij accusari	
medij in argumento na-		vt non possit	71 an &
tura	434	quatenus testis esse	
mentiri quis præsumatur		possit	265 pro alio in-
	408	tercedens vt defendat-	
merces quæ	66	tur	511
meum esse quid videatur		mulieres in quæstionibus	
	171	læstæ maiestatis an au-	
Miles in quid credatur pe-		diendæ	153
cunias accipere & ex-		mulieribus vt subuenia-	
pendere	402	tur	295
milites à barbaris remissi		mutatio iuris	90
vt restituendi	400	mutionum causa	395
milites vbi prædia com-		mutuum vnde dictum	231
parare prohibeantur		mutui datio in quib. con-	
	314	sistat	37 natura
militari iure qui possint			147
vti	421	N	
minor in integrū restitui		Narrationis finis	562
quando non possit	493	natio quæ suppeditet ar-	
		gumenta	290
			in

in Natura rerum esse qui	nuptiarum causa efficiens
intelligentur 190	40 vetitarum causa 321
navis instrumentum 156	O
Necessitate recepta 305	Obligatio fideiussoria ut
pro Negante quādo præ-	extinguatur 294
sumatur 465	obligatio in quantum vi-
ex Negatiuis solis nihil	deatur contracta 164 in
sequi 433	ter quos consistat 417
Nocere & nō nocere quæ	naturalis quid sit 98
videantur 187	quarum rerum nulla
nolle cuius sit 274	sit 357 quid sit 96 vnde
nomen de quo prædice-	oriatur 40 ut collatur
tur 49 quid ibid.	252
nominis in argumentan-	obligationis effectus 47
do vsus 229 proprii v-	obligationis & actionis
sus 230	causæ 40 differentia
nomina quorsum inueni-	27
ta 198. 231	obligationis tollendæ ra-
nominum & rerum fœda	tio 151
confusio 258	obligationem quæ condi-
notorium quod 114	tio pariat 299 quæ non
notoria natura & vsu 115	vitient 180
nouatio quid 20. 229	obligatione generali quæ
nouationis nomen 230	non contineantur 142.
nouorum constituendo-	143
rum ratio 395	obligationum species 96
Nulla ipso iure quæ sint	in Obscuris quid agen-
507 per se quotuplicia	dū 116 quid inspicien-
510	dum 475 quid sequen-
nullitas 205	dum 484
numis indistinctè lega-	Occasio quò referatur 41
tis, quales legati videā-	occidisse quis dicatur
tur 490	230
nupta duobus eadem es-	occupanti quæ concedan-
se non potest 321	tur 434
nuptiæ inter quas perso-	Odiorū interpretatio 125
nas prohibet 315	Officiū nemini suum de-
quid 18	bere dānosum esse 341
	ab.

# I N D E X.

ab Officio legis argumen- tum 295	te quæ soleant inferi 210
officijs ciuilibus abstine- re qui debeant 289	paradoxa aliquot 559
pro Omissio quid habenden- dum 410	parentibus an obediendū 419
Opem ferre quando no- ceat 364	de Paribus iudicium 233
opposita priuatiua 56	à Paribus loci species 234
opus tollere quis & cur non cogendus 1295	pars à toto separata 167
Oratio inordinata 553	de quo prædicetur 158
oratio quid 74.368	pro derelicto an haberi possit 169
orationis Milonianæ prin- cipalis syllogismus 427	partis appellatione quid significetur 168
orationis perfectæ munus 2	partem in iudicium quis deduxerit 159
orationis proprium. ibid.	partes caduæ fisco peti- tæ 173 <i>ἀπορρίπτει</i> 341
ornamenta muliebria le- gata 140	partium differentia. ibid.
originis locus 41	partibus cōmutatis quæ res intelligatur 180
P	ex Particularibus solis ni- hil sequi 433
Pacifici ne à se petatur, an sine tutoris authorita- te pupillo concessum 415	particularum Maximè, Præsertim, Etiam, &c. usus 266
pactio quid sit 86	partitio equiuocationis 5
pactionis nudæ effectus. 47	partitionis exemplum 8
pactum prius per posteri- us quando elidatur 509	partus perfectus quo tē- pore nascatur 406
vnde dictum 86 vt tol- latur 213 utile 416	partus quid 172
pacta conuenta quæ ser- uanda 86.131	partus genus 211
pacta seruanda quæ non sint 126	patria dignitas vt depe- natur 201
pactorum nouissima par-	patronus accipiendus quis sit 264 quando non puniatur 142
	patroni arbitrium quate- nus sit ratum 521
	Peccandi

Peccandi materia	42	ne quæ nō possunt	142
peculium quod dicatur.		Plagij criminē quis teneatur	528
iii		Platonis autoritas	110
peculium qui habere non possint	291	plebis à populo differentia	27
perfectum quid	30.177	Plinius	8
permisceri quæ non debeant	285	pluuiæ futuræ signa	229
permutatio qualis species contractus	430	Pœna actoris plus petentis	376
quid 151 an emptionis species	157	pœnæ persecutio vnde pendeat	397
perpetua ad defendendū quæ sint	389	subiecta	350
persecutio in criminibus		pœnam quæ nō mereantur	105
stellionatus qualis	53	in Pœnalibus controuersijs quæ sequenda	118
iusta & iniusta respectu	349	portio mulieris quæ dicatur	172
persona quotupliciter spectetur	353	possessio æstiuorum hybernorumque saltuum quatenus retineri possit	268
personæ qualitas vt præsumatur	486	eius quod serui vel coloni possident, quomodo amittatur.	275
significatio	12	ignoranti vt non tollatur ibid. in suo loco quando remaneat.	471
personam non transgredientes leges	307	quarum sit rerum	174
in Persona eius, à quō alimentā relicta sunt, quæ spectanda	253	rei peculiaris	79
personarum differentia	13	vt amittatur	275
diuisio 7 loci speciales	285	vt retineatur	64
petitionis quantitas	163	uxori eū adquisita	275
Pignus quarum sit rerum		possessionis emptori traditæ præsumptio	411
231 vnde dictum. ibid.		iura cū sint obscura, quid agendum	472
pignoris datio prohibita	149	titulum dicere quis cogatur,	
ius vt euāescat	207		
pignorari priuata pactio.			

# I N D E X.

gatur, vel non	494	camentorum differen-	
possessioni renunciassē q̄s		tia	10
non videatur	284	prædicamenta vnde dicta	
possessionum accessiones		ibid.	
in quo consistant	516	prædicamentis quæ diffe-	
genera	25	rant	38
possessor, hereditatis ven-		prædicatum quid	9
ditione per argentariū		prædicari de inuicem quæ	
facta, quatenus tenea-		possint vel non	6
tur	281	prædicationum subiectū	
quis necne		ii	
sit	203	prædium nomini familiæ	
possessoris bonæ fidei ius		relictum, quandiu reti-	
	238	nere emptor possit	208
possessores bonæ fidei q̄		pignori obligatum qua	
non videantur	191	actione peti possit	257
possidendi commodum		prædij seruitus qualis.	
in quo sit	471		258
possidere quis non desi-		prædiorum iura	34-35
nit	201	prædo quis non sit	127
quis non pos-		præfationum utilitas	223
sit	433	præscriptio fori	379
quis non videat-		quid	348
tur	186	temporalis	
possideri quæ non pos-			382
sint.	235	præscriptis verbis actio	
quis dicatur		quomodo cōpetat	151
	433	præsidis nomen	22
postliminij effectus	189	præsides quibus cōsilium	
postulandi ius in iudicio		impertire non debeant	
cui non competat	377		528
postulare qui prohibeant-		præsumēdi forma & mo-	
tur	511	modus	474
potestatis patriæ amissio		in repugnan-	
	201	tibus ratio	479
modus	72	ratio,	
in potestatem patriā qui		si inter duo iusta, vtrum	
redigi nequeant	236	sit iustus, quærat	477
Præceptio restitui an de-		præsumendum quid	488
beat	332	præsumptio à persona e-	
prædicabile quid	10	ius, per quem aliquid	
prædicabilia quot sint	11	factum	
prædicabilium, & prædi-			



factum erit 402 arbitria 495 à persona facti sumpta 399 contra stipulatorem 437 contra venditorem. ibi. eius vnde quid ad mulierem peruenerit 431 ex adiunctis facti 410 ex antecedentibus factum 408 ex causa facti 404 ex consequentibus factum 411 ex instrumento facti 408 ex loco facti 404 ex modo facti. 406 ex tempore facti ibid. facti ex re in qua & circa quam 402 iuri contraria 405 legitima ac arbitraria quæ 460 leuis 493 minor per maiorem quando tollatur 464 per præsumptionem sublata 489 pro dote 487 pro instrumento vel teste 486 pro libertate ibid. pro quo fit 461. quod duplex 460 vnde dicta ibidem.

præsumptionis legitimæ regulæ generales 460 item speciales 477 præsumptionis propter naturalem affectum vis 401

præsumptionis vis ac potestas 459

præsumptiones certorum locorum 488 in criminalibus 491 iuris & de iure 491 quæstionum facti 480 quæstionum iuris 477

præsumptionū exceptiones generales 488 vsus 399

prætor vbi desideretur. 528

prætoris ex cognitione quæ dependant 147 principale quid 217 priuationis natura 274 priuatiuorum oppositorum naturā 273 priuilegij ratio 307 probabiliū diuisio 441 inter se natura 336.393 probandi onus cui incumbat 459 probatio cui incumbat. 461 & inde. tam neganti quā affirmanti quando iniungenda. 470

probationis onus neganti quando incumbat 464 probatione quæ non indigeant 113 quis operandus 494

de Probationibus iniungendis 459

proconsul expedire quæ non possit 527

proconsulis officium 72. 529

# I N D E X.

procurator ad defenden-	propositionum diuifio.
dum idoneus 389	440 ex prædicatione dif-
quis 65	ferentia 81 indefini-
procuratores dari qui nō	tarunt iura 81
possint 511	proprium quot modis di-
prohibitū in genere 156.	catur 27
331	proprij & differentia di-
prohibita quæ non vide-	scrimen 27. 156
antur 112	à Proprio & differentia
promissum in die n̄ quan-	sumpta argumentatio.
do peti possit 71	156
pronunciata quid sint 105	Protagoras 445
propositio conditionalis	proverbium vade dictum
quæ 436 copulatiua	110
quæ sit 437 deterior	proverbiorum authori-
quæ dicatur 434	tas 111
Dialecticis quid 78	prudentia pars 45
disiunctiua quæ 437	Pupillus iusiurandum de-
experientia nota 440	ferre an possit 509 vt
falsa 441 indefinita	desinat esse 249
quæ 81 lege nota 440	pupilli natura 289 præ-
natura nota. ibid. ne-	dia alienari prohibita.
cessaria quæ. ibid. par-	151
ticularis quæ 80 pro-	
babilis 441 quibus cō-	Quadrige legatæ an in-
stet 414 vniuersalis	telligantur 182
quæ 80	quæstio, an sit 95 com-
propositionis generalis	posita 101
diuifio. ibid. hypothet-	quæstio de facto quotu-
icæ partes 437	plex 100
propositiones contradi-	quæstio definita 95 vn-
ctoria 279 contraria	de oriatur 98
falsæ 278 contraria	quæstio de quibus nō ha-
quæ. ibid. hypotheti-	benda 493 facti quæ
cæ quotuplices 436	sit 99 facti vel iuris
in iure periculosa 432	infinita vnde oriatur.
subalternæ 279 sub-	444 forensis quotu-
contrariæ 278	plex 558 indefinita
	quæ

quæ 95 iudiciorum	qualitatis species. ibid.
quotuplex 40 iuris	Quintus Fabius 61.62
quæ sit 99 iuris & facti	R
quotuplex 558	
iuris, quæ ex causarum	Rapina quid 431
conflictione oritur, unde	rationis comparatio 50
pendeat 568 iuris	rationes ubi reddendæ 70
quotuplex 100 quid	ratum quod non sit 214
sit 94 quomodo constituitur	rata quæ non sint habenda 79
oriatur 545	Recusatoria iudicis exceptio 379
quæstionis diuisio 95	de Reductione syllogismorum 456
indefinitæ species 97	regerendi usus 340
infinite disputandæ ratio 391	regula, Actore non probante, reus absolvitur: quando obtineat 506
ad Quæstionem vel facti vel iuris infinitam ut perueniatur. ibid. iuris infinitam ut procedatur 456	regula per quæ declaratur 334 quatenus perdat officium suum 130. 281 ut firmetur 264
in Quæstione facti pronuntiata quæ 104 iuris pronuntiata quæ sint. 105	regulæ per regulam distinctionis 373
quæstiones locorum specialium 97	regulæ ut standum 478
quæstionum diuisio 477	regularum iuris auctoritas 110
diuisio Dialectica 101	regularum vis & auctoritas 336
quæstionum forensium diuisio 557 genera 99 præcepta 344	relata quæ 55
ad Quæstiones definitas ut respondeatur 103	relatiuorum diuersa ratio 257 iura 251
qualitas de subiecto prædicata 35	remissionis reuocatio 194
qualitas generi ex abundantia adiecta 141	renunciare quibus liceat 187
qualitas quid 34	repetita in posteriori contractu quæ præsumantur

# I N D E X.

tur	409	humani iuris.	ibid.
repeti quæ non soleant.		inanimatæ 16	incorporales.
424		ibid.	in nullius bonis 79
repetitio qua ex causa		analicuius fieri possint	
cesset 425		354	mobiles 16
quarum rerum non sit	204	privatæ 15	publicæ.
replicandi materia	389	ibid.	religiosæ.
replicatio aduersus exceptionem,		ibid.	sacræ.
qua vitur patronus interdicto Vnde vi conuentus	568	ibid.	foli 16
aduersus repetitionem dotis 540		rerum describendarum loci 64	
culpæ 387		diuinarum & humanarum comparatio 301	
quid 56.384.385.360		diuisionis 354	
replicationis, quæ distinguendo fit, exempla.		privatarum diuisionis 355	
388		respondendi ad actionem & exceptionem modus 364	
replicationes ex modo & tempore exceptionis oppositæ sumptæ 390		respondendi ad id quod ab aduersario propositum est, quot modis possit 336	
probabiles 313		responsa comparatiua 336	
replicationum inueniendarum ratio 383		restitui in integrum quis non debeat 395	
replicationum loci 386.388		quis & qua de causa possit. 395	
repudiari quæ non possint 273		restitutionum in integrum iudicium penes quem 519	
repugnantia quæ 54		in Retentione quæ spectentur 64	
quotuplicia 55		retrò in ciuitate fuisse quis credatur 189	
res aliena pecunia emptæ cuius sit 348		reus partibus actoris quando fungatur 462	
rei appellatio 12		quis 65	
describendæ loci 79		rei conuenti officia 390	
diuisiones 15		Rhetorices officium 2	
incorporalis natura 432			
qualitas vt præsumatur 486			
vocabulum 14			
res animatæ 16			
corporales 15			
diuini iuris, ibid.			

Rodolphus Agricola 7.  
43. 74. 94. 95. 104. 113.  
340. 345. 347. 353

Roma quatenus intelligatur 106

Rustici cuiusdam consulentis prudentia 332

## S

Sabinus 61

sacrilegij pœna 322 ratione loci 365

salarij constitutio quatenus firma sit 317.

Salomonis iudicium 302

sanctæ res quæ 79

sanctum quid sit 182. 425

sapientia ciuilis 36

Scientia quando præsumatur 482 vera & certa perficienda 358

Scipio Nasica 62

scriptura ambigua 129

scripturæ nouissimæ ubi valeant 371

Sempronius 62

senatoris filius quis 201

sententia ad similes casus trahi quæ possit 308

capitalis ut ferēda 492

de minori summa 119

humanior quando sequenda 118 inualida

321 iudicis quatenus valeat 107 per appellationem annullanda

308 quæ dicatur 314

sine appellationis re-

medio nulla 308

sententię contra communem doctorum opinio nem latæ autoritas. 108

sententiæ lationem quid antecedit 75

à Sententiæ qualitate argumentatio 113

separatorum natura 284

ratio 158

sepulchri violati actio in quem detur 422

sermonis eiusdem duæ sententiæ ut intelligenda 124

Seruiana quando non cōpetat 143

seruitus quatenus nō adquiratur 168 quid 432

ut extinguatur 253

seruitutis comparatio 30 impositio phibita 149

Seruius Sulpitius 62

seruus ciuitatis pro quo torqueri possit 172

seruus in caput prioris domini interrogari an possit 322

malus quis credatur esse 237

serui corrupti actio 270

& filij familiās differentia 26

serui contra dominū torti an publicandi 298

manumitti vel alienari quando prohibeantur 323 ut torquendi 493

# I N D E X.

seruorum appellatio	19	beantur	319
supplicium	322	statuit, verbum, quid si-	
seruis, qui deliquerunt, vt		gnificet	327
ignoscatur	360	status causæ à Rhetoribus	
Simul vera esse quæ pos-		vt definiatur	344
sint	278	qualis	
signa antecedentia, adiun-		367 quomodo consti-	
cta & consequentia	48	tuatur	368
signorum in probando		rhetoribus	
usus	226	quis	444
à Significatione verborum		vt inueniatur	
quatenus recedendum		445. 451. 556	
323		status quid	547
singulas res possedisse		quotuplex	
quis non videatur	170	368 vnde oritur	545
Societas coita quatenus		in Status quæstione cui	
nullus sit momēti	259	incubat probatio	472
vt finiatur	213	stipulata ad calendæ la-	
solutionis factæ præsum-		nuarias, quando peti	
ptio	418	possint	509
sophistici syllogismi quo		stipulatio conditionalis	
tuplices	441	410 inutilis	210. 354.
sortes quid	432	356. 364. legatorum	33
433		pœnalis	220.
fortis debitum vnde præ-		quando	
sumatur	226	non committatur	193
Species à quibus remo-		quatenus obliget	282
ueatur	149	vt accipienda	195
media	23.	stipulatio utilis	190. 193
24. negatiuè de aliquo		vt non vitietur	176
prædicata	150	stipulationem qui non	
quid	22	contrahant	66
specialissima	3.24	stipulationum diuisio	356
à Specie ad genus argu-		formæ	176
mentatio	155	in Stipulationibus fide-	
de Specie quæ non præ-		iussorum quæ obser-	
dicentur	147	uanda	474
specierum diuisio	23	in Stipulationibus quid	
sponsalia prohibita	223	sequendum	405
stare quæ non. prohi-		Subdiuinctiui genera	262
		subiectum quid	9. 37.
		vt	
		inferatur	185
		subiecti diuisio	38
		de	

de Subiecto quæ prædicentur 183 quot modis prædicetur 81

subrogati natura 254

substitutio ut rumpatur 319

substitutus muto, cui postmodum filius natus est, an succedat 318

subtilitas quando vitanda 123

subtilitati quid opponatur 124

successoris iura 255

succurri quib. soleat 286

Suetonius Tranquillus 61

sui iuris qui 262

summa minor quādo præsumenda 484

sumptuum restitutio 224

supellex quid 20

supellectilis appellatio 107

de Supplendo eo quod partibus deest 301

supplere defectum quando iudici liceat, vel non 306.307

suum quid non videatur 284

Syllogismus categoricus quis 428 quoduplex 429

syllogismus conditionalis 437 copulatiuus 439

disiunctiuus ibid. hypotheticus 436 quid sit 421 ut procedat 415

syllogismi ex materia di-

uisio 440 hypothetici partes 437 in prima figura proprium 430 in

secunda figura propriū ibid. partes 423 partiū

numerus 426 tertiæ figure propriū 431 quar-

tæ figure proprium 432

syllogismi conditionales

qui 439 expositoriij qui 431 hypothetici ut di-

uidantur 437 Sophistici unde fiant 441

syllogismorū diuisio 428

hypotheticorum iudicium 440 quot termini

435

## T

Tempus in stipulationib.

cuius gratia adiectum

485 item in testamentis

ibid.

temporis differentia 71

natura 151 partes 71

præsumptio 485 sub-

iectum 71

de Tempore quaestiones

72

termini quatuor ut fiant

435

terræ partes 8

testamentum an rumpatur 420 & codicilli an

idem 439 impune sup-

pressum 328. proprie quod dicatur ibid. pu-

pillare quale 219 vique

euanesceat 165



# I N D E X.

testamentum qua de cau- sa non rumpatur 318 quando iure deficiat 177 quibus non infir- metur 178. 179	themata Iurisconsultorū ibid.
testamenti appellatio 20 factionis adiuncta 73 factionem qui habeant 431 paterni pars 219	thesaurus in loco pignori accepto inuentus ad quem pertineat 293
testes vt examinandi 495 testium præsentium & absentium differentia 500	thesis quid sit 100 de Thesi disputanda 391
testibus quanta fides sit habenda 495	thesium genera 101
testes examinandi ratio 499	Tiraquellus 458
testimonium dicere qui non possint 496	Totum efficaciz 158 ge- nerale 31 imperfectum 177 quantitatis 31 quod 30 quomodo inferatur 175 substantiale 31 vir- tutis ibid. vniuersale ibid.
testimonia quæ sequenda 146 & quando 498	totius & partium natura 161
testatoris voluntas quate- nus valeat 107	totius ratio in parte ces- sans 165 species 31
Thema compositum 11 quod sit 80 simplicis naturam quando for- tiatur 82	à Toto ad partem causa- lem argumentum 171 item ad partem nega- tiuam 172
thema quid n̄ quotuplex ibid. simplex ibid.	de Toto quæ prædican- tur 173
thematis compositi & simplicis conuenientia ibid.	Traditionem quæ res non recipiant 355
thematis compositi loci 78 loci speciales 82 quæstiones speciales 97	transactio nō metus cau- sa facta 410
thematis simplicis gene- ra dialectica 12	transactio nullius momē- ti 370. 526
	transactionis irritæ ratio 523
	transactionis quantitas 73
	transactionum authoritas 543
	de

de Translationum causis

354

triplicatio quid sit 384

Tubero 61

Turcorum Imperatoris  
iudicium 303

tutela vt finiat 101 vt  
interrumpatur 213

tutelæ subeūdæ ordo 324

tutelæ subiectum 191

tutor quando dari possit  
71

tutoris datio inutilis 291

tutores qua ex causa dam-  
nandi 144 qui consti-  
tuendi 318

tutorum appellatio 20  
authoritas 318

V

Varietatis vtilitas 439

Velle quis non credatur  
359

vendere prædia sua cui  
non permittatur 240

vendicationis adfinia re-  
media 76 subiēcta quā-  
titas ibid.

venditionis in fraudem  
creditorum factæ præ-  
sumptio 403 rescissio  
219

venditionum materia 66

veneni venditio 209

venit in possessionem  
mitti vt debeat 520

verba vt intelligenda 193

verborum interpretatio  
327 obligatio vt resol-

uatur 208. 259

verisimilitudo in quibus  
cesset 175

vetitum in futurum quid  
295

vetita in futurum 331

Vix latitudo quæ intelli-  
gatur 33

vindicari à legatario quæ  
possint 181

virtutum regulæ 286

vita humanæ breuitas 111

vitiorum regulæ 286

Vniuersitas vt obligetur  
179

vniuersitatis quæ sint 172

ab Vniuersitate ad singu-  
las eius vniuersitatis

personas argumenta-  
tio 176

vniuersorum distributio  
vt perficiatur 5

ad Vniuersos quid refe-  
ratur 179

Vocare in ius ex ciuibz  
aliquem, cui permis-  
sum 172

vocis ambiguz quæ signi-  
ficatio præsumēda 484

voluntas libera vt præsu-  
matur 483

voluntatis defuncti quæ-  
stio 498 mutata proba-  
tio cui incumbat 481

quæstio quando non  
admittenda 327

Vsucapio in quib. rebus  
non procedat 213 vt

inteli-

# I N D E X:

interrumpatur	189	gam eius	233 vt non ex-
vsucapionem quæ res nō		tinguatur	293. vt tolla-
recipiant	355	tur	191
vsucapere quis nequeat		vsusfructus datio prohi-	
433 per seruū cur quis		bita	149 diuisio
non possit	237	quis	161 &
possit	423	vsus differentia	160
quis non		genus ibid. ius in quo	
possit	200	sit	191 legati admini-
vsucapi quæ & quando		cula	221
non possint	170. 432	vsusfructum vindicare	
vsucapiendi tempus	170	quis non possit	160
vsus quando intelligatur		vsuræ ex quo tempore	
legatus	221	currant	426
vsus improprie habere		non Utendo amitti quæ	
quis dicatur	161	non possint	176
vsusfructus capitis deni-		utilitatis publicæ priua-	
nitione vt amittatur		tæq; comparatio	221
274 definire vt acci-		Vuillichius	21
piatur	250	vulneris diuisio	405
domus	139	Vxor diuertisse quæ non	
legatus quatenus de-		dicatur	360 matrimo-
beat	332	nij tempore vnde que-	
partus an		sierit	482
possit legari	190	vxores qui quas ducere	
quis		prohibeantur	257
bus constituatur	37		
quid	18. 160. 171		
serui			
an amittatur per fu-			

# F I N I S.

ANT 1319044


Pauca et regna abstinentia digna, multis  
ac minimis artiformi solent.














9809









A72.



111  
B3P